

87/17
R. 43
6/7
D E
ANTIQUITATIBVS
LVSITANIÆ
LIBRI QVATTVOR

A L. Andrea Refendio inchoati, a Iacobo Mendez de Vasconcellos absoluti: & quintus liber de Municipij Eborensis antiquitate ab eodem conscriptus.

Cum alijs opusculis, versibus, & soluta oratione ab eodem Iacobo Mendez de Vasconcellos, Michaeli Cabedio, & Antonio Cabedio elaboratis.

Quæ omnia collegit, emendauit, ac Typis summa industria commisit Doctor Gondifalvus Mendez de Vasconcellos, & Cabedo Lusitanus.



R O M Æ,
Apud Bernardum Basam. M. D. xcvii.
SVPERIORVM PERMISSV.

MO MO
ILL. ET REVER.

CARD. PETRO
ALDOBRANDINO

D. Gondifalvus Mendez de Vas-
concellos, & Cabedo P. F. E.



ONUMENTA quæ-
dam ingenij, quæ Mi-
chaël Cabedius pa-
ter meus, aliq. con-
sanguinei lucubra-
runt, unaq. opus L. Andrea Resen-
dij de Antiquitatibus Lusitaniæ ac-
curatius corrigere, & in hac urbe
Romana felicioribus typis manda-
re constituens, te potissimum delegi,
Illustrissime, & Reuerendissime
ALDOBRANDINE, cui ea om-

nia dicarem, quo quidem me cum
alia plurima incitarunt, quæ, ne vfi-
tatos epistola terminos egrediar, ta-
citus prætereo, tum hoc certe, quod
vere dicam, neminem fuisse, cui po-
tiori iure id tribui a quoquam pos-
set, quàm tibi uni, qui omnium ani-
mos ita concilias, immo ita allicis,
ut nemo sit, qui omnia sua tibi de-
dicanda merito non existimet. At
mihi vel hæc ipsa, quæ ceteris com-
munis, præcipua quodammodo &
propria causa est; ut qui, dum agen-
tis Maiestatis catholicæ pro rebus
Lusitanicis in hac curia Romana
munere fungor, de his tecum pro mu-
nere meo sæpe sæpius colloquens, in
te si publica spectem, dexteritatem
in negotijs agendis, ac prudentiam,
& il-

Et illam difficillimam societatem,
grauitatis cum humanitate, si vero
priuata, peculiarem erga me bene-
uolentiam sim expertus. adeo ut
non solum sperem hanc mei institu-
tationem in his Opusculis tuo cla-
rissimo nomini offerendis, ab omni-
bus approbandam esse, quod in ea
grati animi significationem ostensu-
rus sim; sed maxime laudandam,
quod ex eadem clypeum velut ada-
mantinum mihi, Et libris ac rebus
meis murum aeneum comparaturus
essem. Accipe igitur, Illustrissime ac
Reuerendiss. ALDOBRANDINE
lucubrationes has, in quibus Colo-
nias et Musas Italas in Lusitaniam
inuectas videbis; audies nomina op-
pidorum, Montium, Et fluminum
illius

illius provincia; leges bella inter ip-
sos Regni fines olim suscepta: nam
recentia, quæ Lusitani nostri gesse-
runt, dum pro religione Christiana
contra Turcas, Mauros, & gen-
tes Idololatrias, Edomitis tumidi
Oceani fluctibus, ac ventis, Aphri-
cæ, & Orientis, plagas penetrarunt,
ex alijs cognosces. Intelliges tamen in
his omnibus plus fuisse, quod parca
Calami vis omisit, quàm quod ex-
pressit. Cuius rei nimirum causam
fuisse arbitror, quòd Lusitani semper
virtutem suam factis potius, quàm
verbis: & armis, quàm scriptis
ostendere, ac præferre maluerint.
Vale. Datum Romæ quarto idus
Novembris. M. D. XCVI.

TACITO CORDE MENS BENE
Conscia conseruat patientiam.




Absit decus per dedecus acquirere.

LIBRARIUS
Ego Franciscus Perez Collado
Doctor Theologus perlegi hunc li-
brum, iussu Reuerendissimi patris
Magistri sacri Palatij: et in eo nihil
reperi fidei vel bonis moribus aduer-
sum: atque ita iudico posse typis man-
dari. in quorum fidem hic subscripsi,
die 13. Decembris M. D. XCVI.

Franciscus Perez Collado, qui supra.

POTENTISSIMO,
ac inuictissimo Hispaniarum
Regi Philippo huius
nominis secundo.

Iacobus Mœnetius Vasconcellus perpe-
tuam felicitatem exoptat.



*C*ognosce V. M. omnes animi tui cogitatio-
nes eo tendant Rex inuictissime,
vt non solum ditionis tuæ re-
gna, quæ latissime patent, sed
vniuersam Christianam Remp.
omnibus modis iuuare, tueri, ac propagare
valeas: nihil prætermittas quod ad communem
eius salutem, incolumitatem, ornamentumq.
pertinere posse videatur. Nam Catholica fi-
dei, & orthodoxæ religionis curam præcipue
geris: leges, legumq. salutaria præcepta ab om-
nibus obseruari, diligentissime curas, res belli-
cas, & militarem disciplinam in optimum sta-
tum redigere non cessas. Ad hæc etiam litte-
rarum studia, & omnium bonarum artium pe-
ritiam foves, diligis, & in dies magis, ac ma-
gis reflorescere cupis. Id ego re ipsa nuper sum
expertus, cum mihi per litteras significasti, vt
tibi exponerem in quo statu esset opus illud an-
tiquitatum, quod ab Andrea Resendio inchoa-


tum ipse recognoscendum, absolueundumq. suscep-
eram. Feci itaque statim, quod imperasti,
& ut plenius, & ab ipsa origine rem omnem
cognoscere posses, misi ad te exemplar episto-
lae, quam ad piissimum Regem Henricum ante
aliquot annos scripseram, in qua satis diffuse
eas causas exposui, quibus existimo, quoniam
ex eadem epistola, quæ in huius libri initio ap-
posita est, omnes id facile cognoscere poterunt.
Neque enim conuenit eadem sæpius inculcare,
apud te præsertim, cuius temporis ab omnibus
parcendum iudico, nisi in publica commoda
peccare velint. Vnum hoc tantum addam, me
hac tam prouecta ætate, ac tam multis ægri-
tudinibus iam obnoxia hunc laborem haud qua-
quam suscepturum fuisse, nisi singularis quædam
mea erga maiestatem tuam obseruantia, & in-
credibile tibi obsequendi studium id facere coe-
gissent. Quod cum ita sit merito tibi hoc opus
dedicari, ac sub tui augustissimi nominis auspi-
cijs in publicum prodire debet: ut quicunque
illud legerint si quid in eo utilitatis, aut hone-
stæ voluptatis inesse putabunt, id omne tibi
acceptum referant: Accipe igitur rex inuictis-
sime Lusitaniam tuam, ex noua, & recenti
veterem, atque antiquam factam: & quemad-
modum eam, quæ hodie te regnante floret, ac
fortunis omnibus abundat, amas, & peculiari
quadam beneuolentia prosequeris, sic etiam eius
antiquitatem, & vetusta monimenta è tene-
bris,

bris, & ut dicam, ex ipsius æui faucibus eru-
ta pro tua vere regia animi magnitudine, &
beneficentia, tuere, dilige, atque amplectere.
Sic enim fiet, ut ea quæ restant, si hac tibi pla-
cuisset intellexero quàm primum in lucem exeant,
& diffusius, & accuratius elaborata. Deus Opt.
Max. te nobis Rex inuictissime, & vniuersæ
Christianæ Reip. quàm diutissime saluum, & in-
columen seruet. Eboræ Kal. Decembris. An-
no salutis. M. D. XCII.

ALFONSO S. R. E. CARD.

Emmanuelis Regis filio,

L. Andr. Resendius S. P. D.



LLI qui vetusta hæc saxa, quæ
in veteribus Romanorum Co-
lonijs, inueniuntur litteris nota-
ta, admirantur, cupideue requi-
runt, mordentur abunde: nec so-
lum iam ab ineruditis istis, cras-
sisq. hominibus, sed interdum etiam à doctis ad
primæ viris. Ab illis quidem, quoniam quæ non
norunt ipsi, summa improbant confidentia, &
ne scitu quæque dignissima, male ignorare vi-
deantur, hinc latebram, & perfugium sibi igno-
rantia petunt quasi gentiliū nugas, ut pios de-
cet, fortiter spernant. Cur autem doctis, non
video, nisi otiosis facetiari sic libet, in alienam

diligentiam. Facete illi quidem, & nimis ridicula oratione iocantur, tamen utinam quam false, tam vere hoc ab illis fieret. Quoniam vero neminem me plus vno, horum lædit dicacitas; accipe Princeps piissime, quæ pro causa mea, & eorû, qui in ea mecum sunt opinione dicenda habeam. Primum omnium, si teste Fabio, scribendi ratio, quam Græci orthographiam vocant, iuncta cum loquendo est, & nos Romane loqui, & scribere volumus, sicut eloquentiam ex doctissimis libris, ita orthographiam ex marmoribus his petendam, apud illum peruincemus, qui rem paulo æquius, animo aduerterit. Mali custodes orthographiæ sunt libri, quisque librarius suo more scribit, sua nititur opinione, mutat, inuertit, corrigit, ut lubet. Nec si Ciceronis manum, aut Vergilij præ se liber ferat, pensi quidquam habuerit. Mirro quod Gellius palam testatur scios in Sallustio, & alijs, meras fecisse nugas, illuc eo. Vnde corrupta deflemus immortalium auctorum monumenta, quid? cum codicem vetustum quempiam in manus adsumimus, nonne, longe aliam scribendi cernimus rationem, quam ea est, qua passim nunc docti pariter utuntur, & indocti? At saxa, quod semel insculptum est, aut incorruptum seruant, aut simul cum litteris pereunt. Saxa inquam, quæ eruditum illud seculum legenda reliquit. Nec enim ego aut prisca nimis, aut recentia, hoc est post Gothicam inuasionem incisa, sequenda censeo. Nec si interdum barbarissimum inuenero in saxo, aut marmoris ignauia, aut dormitantia, id defendam, sed quod perpetuum inagis, magisq. vsitatum videro, id sequar. Nec adeo morosus sum, ut quoniam

niam semel, iterumue, scriptum inuenerim.
VCSOR, VICSIT PLEPS, COIVGI.
quæ prisca sunt, statim ita deinceps fecero. Ad-
hibenda prudentia est, & quod eruditiori seculo
placuit, quodq; constanter inuenitur, id imitan-
dum. Altera deinde accedit utilitas, nec mini-
ma, Videlicet, quod sæpe ibi legimus nomina
vrbium, quarum mentio in libri est, quæ nunc
forte ignorantur. Quod cum cosmographiæ
conducatur multum, atque adeo latine scripturis
maxime, tum vero illud iucundissimum, quod
quæ ad historiam attinent, & dicendi supple-
mentum, patriæq; ornatum, nonnumquam ad-
ferunt. Errore ante hoc Badioza, pax esse Iulia
credebatur: Medobriga, Cetobriga, Salacia,
omnino ignorata. Aquarum flauiarum ne men-
tio quidem vlla erat. De Augusti turre, & fluuio
Sarte apud Componium, aliter a commentarijs
deliratum, auctorq; ipse summa iniuria laceratus
magis quam emendatus. Quæ omnia nostra dili-
gentia tra sita informi adseruit, ita aliquando ab
iniuria hallucinantium vindicabit. Sexcenta sup-
petunt exempla, quæ ne longior sim, omitto. Mi-
hi sic videtur: cui alius arridet, per me quidem
licet illi sine hac morosa cura, profundum ster-
tere. Ego iussis tuis parui, mi Princeps, & cupio
totam perlustrare Lusitaniam, veteresq; colonias
denuo rediuiuas mundo facere. Sed nihil egre-
gium moluntur, quos familiaris res æquo mali-
gnior domi premit. Quæ per occasionem obla-
ta sunt peregrinanti, damus. Datori quæ post
hac tempus adferet. Vale, Eboræ calendis Octo-
bribus. M. D. XXXIII.

S A P I E N T I S S I M O,
& pijsimo Lusitaniæ Regi,
Henrico huius nomi-
nis primo.

Jacobus Mœnetius Vasconcellus perp.fel.exoptat.



EDDITAE sunt mihi litteræ
tuæ præstantissime Rex, ac non
solum potentia, sed etiam incre-
dibili virtutis, & sapientiæ splen-
dore admirabilis: in quibus me-
cum agis de scriptis L. Andreæ
Resendij: quæ morte præuentus, inchoata reli-
quit, & mihi recognoscenda, atque in lucem edē-
da tradi iussisti. Quod onus ut scis, tamquam
impar humeris meis, cum recusarem, ingenij te-
nuitatem agnoscens, non tam imperij iure (quod
facere poteras) quàm benigno, ac blando oratio-
nis genere (quæ tua est singularis humanitas) eo
me adegisti, ut fere inuitus, & renitens munus
illud susceperim, quod non sine magnis difficul-
tatibus, me obire posse intelligebam. Tanta est
enim ad tua iussa capeßenda animi mei alacritas,
tam constans tibi obtemperandi voluntas, ut ni-
hil sit tam arduum, tamq. difficile, quod aggre-
di dubitem, dummodo tibi morem gerere vi-
dear. Antequam vero eam mihi provinciã sub-
eundam esse, mecum omnino constituissem: oc-
currit animo non defuturos, qui me tanquam
hominem facilem, & parum de existimatione
mea sollicitum reprehenderent, quod cum ma-
ximo

ximo in republica munere functus essem, & in
omni litterarum genere, ipse ex me aliquid mo-
liri, & efficere possim, alienis scriptis operam im-
pendere, & in ea facultate versari sustineam, quæ
vt vulgus hominum existimat, indigna est viro
iuris prudentiæ studijs addicto, & in g. bernacu-
lis reip. tandiu versato. Sed tantum apud me ha-
buit ponderis, incredibilis quædam mea erga te
obseruantia, vt etiam cum aliqua honoris mei
iactura, tibi parere, non dubitauerim. Equidem
eos vehementer decipi, & errare semper existi-
maui, qui putant seuerioris literaturæ studio-
fos, haud magni facere debere humaniorum lit-
terarum cogitationē, sine qua ipsi fateantur ne-
cesse est, se minus idoneos inueniri, ad percipien-
das, atque excolendas cæteras disciplinas. Nec
ferendus est nostro hoc æuo, quo iā exulare cœ-
pit Getica, ac rudis imperitia, Theologus, aut
iuris consultus, seu medicus insignis, qui non si-
mul bonarum litterarum cultum, & mediocrem
vsum sibi comparauerit, sed de hac re alio forsi-
tan loco, & opportunius, & copiosius dicendi se-
se offeret occasio. Nunc vero ea prætermissa, tibi
antiquitatum rationem reddere, & quo in statu
sint ea scripta, de quibus certior a me fieri desi-
deras, exponere, aggrediar. Antiqua Roma-
norum monumenta, quæ apud Lusitanos extāt,
primus Andreas Resendius inuestigare cœpit,
idq. cum per quinquaginta ferme annos, quoad
per alias occupationes licuit; diligenter fecisset
(quod ex ipsius litteris constat) nunquam tamen
de ea re, ex professo, & serio scribere tentauit,
nisi quadriennio fere ante obitus sui diem: pro-
ponens animo hoc antiquitatum opus, decem

libris comprehendere, quorum quatuor tantum absolutos reliquit, eosq. tot lituris plenos, tantisq. in margine scholijs, asteriscis, obeliscisq. notatos, & expunctos, vt inextricabile quodam mihi suscipiendum fuerit negotium, dum eos a maculis terfos, & in ordinem redactos, nitore suo restituere laboro. Cui difficultati, alia non impar, sed fortasse maior successit: dum antiquas inscriptiones varijs in schedis penitus dispersas, atque confusas, in vnum codicem, ordine alphabetico iuxta oppidorum, & vrbiũ nomina, in quibus repertæ sunt, transcribi, atque exarari curauimus. Quod neque breui tempore, nec sine maximo labore fieri poterat: tum propter amantissimum paucitatem, qui in hac vrbe, aut nulli fuer. aut minus idonei: tum etiam quia necesse erat, vt illis scribentibus perpetuo ipse adessem, qui alioqui varijs occupationibus distractus, nõ nisi succissimis horis huic studio vacare poterã. Neque eas ob causas Resendius reprehendi debet, imo, vt ego iudico, maior laude dignus est est censendus. Quod enim attinet ad lituras, & expunctiones, indicium est hominis circumspecti, ac diligentis, & qui non cursim, & ex tẽpore, sed adhibita matura deliberatione, scribere solitus esset. Quod valde necessarium est his, qui præclarum aliquod opus moliantur, quod in lucem prodire, & omnium iudicio submitti debeat: iuxta Horatianum illud, nonumq. prematur in annum. Et de Virgilio memoriæ proditũ est, solitum eum crebro gloriari se partus suos lambere. quibus verbis pudoris, & modestiæ plenius, significabat, se in componendis carminibus, minus ingenio, quam limæ indulgisse. Inscriptiones

nes autem adeò dispersas, & inuolutas reliquisse illum conijcio, vel quia ad eas transcribendas, & in ordinem redigendas, tempus non suppetebat homini in omni litterarum genere perpetuo versanti, vel quia propter exactam antiquitatum notitiam, incredibilemque memoriam, archetypis illis schedis solum contentus erat, quæ ad ipsum undique mittebantur, quamuis sæpius perperam scriptis & deprauatis. Erat enim illi facile, & obuium, propter assiduum usum inscriptionum, quoties opus habebat, etiam mutilatis illis, & imperfectis titulis, atque epitaphijs, commodè, & utiliter uti. Quod mihi, & cuius alij difficillimum fuisset, propter nimiam confussionis perplexitatem. Quare visum est in primis necessarium, totam illam antiquarum inscriptionum farraginem, quo dictum est ordine in methodum, & voluminis formam redigere.

Ex qua diligentia illud etiam scire, atque deprehendere contigit, quantam videlicet, quamque copiosam suppellectilem Andreas Resendus reliquisset, ad hanc historiam absoluendam, atque ad opusculum finem perducendam. Quæ etsi digna est maximo pretio, ac laude propter eius viri solidam, & insignem eruditionem, minor tamen spe, quam antiquitatum studiosi de eo conceperant.

Quotus enim quisque est, qui non putaret, in eius schedis, ea omnia inueniri posse, quæ ad hanc rem pertinent suis locis annotata, disposita, atque exacte, & suo ordine digesta: sed longe aliter se res habet. Exceptis enim veterum Romanorum inscriptionibus nullam circa singulas urbium, & oppidorum narrationes (quod erat huius ope-

ris præcipuā munus, & institutum (præter pauculas annotatiunculas reperiri cōtigit. Quòd si alia fortasse scripsit, ea in manus meas minime perueniunt. Nec abnuo potuisse supprimi, aut aliquo casu corrumpi Quo enim tempore, tuo iussu, mihi eius scripta tradita sunt, iam illorum manus pertransierant, qui bonorum inuentarium, iure magistratus confici, atque conscribi curauerant.

Verisimile autem mihi fit. Illum memoria rerum singulari, & exactissima cognitione rerum omnium, quas litteris mandabat, minime curasse, earum veluti delinamenta, & præludia prius deprompta habere, sed memoriter, ita ut quæque res in mentem venerat, hos quatuor libros absoluisse. Vnde accidit, ut tot lituris, ac salebris referri ad nos peruenerint. Quæ vero his libris continentur, in summa hæc sunt.

Primo libro etymologiam nominis Lusitanicæ, & quis fuerit eius author, quæue origo, exponit. terminos deinde, & confinia huius prouinciæ, quæ ei veteres Geographi assignarunt, declarat, obiter tangens difficiles aliquot, & suboscursas quæstiunculas, à recentioribus vario, ac diuerso sensu intellectas, dum Plinium, Strabonem, Ptolomæum, cæterosq. Geographicæ scientiæ auctores interpretatur. Agit etiam in hoc ipso libro de diuersis gentibus, populis, nationibus, quæ sub Romano Imperio Lusitaniam incolebant: ut pote de Turdetanis, de Celticis, de Turdulis, de Vettonibus, de Barbarijs, de Pæsuris, seu Pefuribus, de Turdulis veteribus, de Ciscudanis, de Transcudanis, de Tamacanis, & de, peculiariter & proprie, Lusitanis Et quales olim fuerint Lusitanorum mores. Addita deinde copiosa, & elegan-

ganti descriptione omnium montium, qui vt præcipui, & eminentiores, huic prouinciæ ab antiquis scriptoribus assignantur, librum hunc primum absoluit.

In secundo fluuiorum nomina, tam antiqua, quàm noua, ac vulgaria enarrat. Ac dum agit de flumine Ana, diuerticulum quodam non inamœnum interferit de pisce Asturione, quem vulgo Suillum, seu *Solho* dicimus, referens varias neotericorum opiniones, circa nomen quo antiqui auctores, tam Græci, quàm Latini id piscis genus appellarunt.

Liber tertius hunc habet titulum, videlicet. Quinam olim in Lusitania rerum potiti sint. Et diffusam narrationem continet, ad Græcas, & Romanas historias spectantem, circa res, gestas, quæ ad hanc prouinciam pertinere videntur, & ad duces in re militari claros, quos olim habuit. Additum est etiam nonnihil de Gothorum, seu Getarum gente. Adiecto deinde quodam de vijs militaribus compendio, huic libro finē imponit.

In quarto de vrbibus, & oppidis agere incipit: cuius prima hæc sunt verba. Vrbes nunc aggrediar non minimam intentionis meæ partem, deinde nonnullas enarrat, partim antiqua nomina, partim vero vulgaria apponens, vbi vetera deficiunt. Ac quindecim, aut ad summum sexdecim describit oppida, adhibitisq. antiquis inscriptionibus, quas in illis repertas habuit: hunc quartum librum, & vltimū eorum, quos scripserat, absoluit.

Librum quintum scribere cœpit, in foliolo quodam, vbi viginti tantum lineæ scriptæ extāt. in hunc modum. Ab Ebora patria mea librum
hunc

hunc auspicabor, sed ita ut succintus modo lo-
quar, quando quidem historiolum de eius anti-
quitate Lusitania lingua pridem edidi, & multa
in apologetico ad Franciscum Nonium Pacen-
sem, non pauca ad Kebedium Toletanum de eadē
re conscripsi. Ex quibus verbis, atque etiā ex scri-
bendi formula, quam in superiori libro usus est, in
enarrandis urbibus, licet facile conijcere, illum
in animo habuisse, solas Romanorum inscriptio-
nes cuilibet oppido, cui conuenire videbantur
adiungere, exposita paucis verbis super, qualibet
earum opinione sua, nihilq. præterea addere,
quod ad ipsarum urbium conditores, & res ge-
stas, recentiorumq. temporum historiam perti-
neret. Vnde facile adducor, ut credam, nihil eum
amplius annotatum, aut præmeditatum habuif-
se circa oppida. Si enim aliquid huiusmodi litte-
ris mandasset, vix fieri poterat, quin inter eius
scripta, & schedas appareret. Ex quibus liquido
constat, quam modicum est, quod reliquit, col-
latum cum his, quæ scribere in animo habuit.
Proposuerat enim de omnibus Lusitaniæ oppi-
dis sigillatim agere. Videns autem ipse Resendius, quam difficile,
& arduam provinciam suscepisset, quantumque
homines ab eo expectarent, tanquam reformi-
dans posteritatis iudicium, non semel in his libris
testatur, & edicit, se non omnes huius provinciæ
antiquitates sed eas tantum, quas labore suo, ac
studio reperire potuisset, scribendas suscepisse.
Admonens harum rerum studiosos, ut reliquas
ipsi, sua industria, ac diligentia inuestigare nitan-
tur. Cuius ego consilium sequutus, opus ab eo
inchoatum dum tuis iussis pareo, ad exitum perdu-
cere

cere sum aggressus, partim illius schedis, partim
nouis inscriptionibus, quas ipse reperi, adiutus.

Quatuor autem libri ab eo absoluti & à me
recogniti, confectum si ita tibi visum fuerit, in
lucem edi, atque divulgari poterunt, dummodo
expensas in eam rem necessarias è regio arario
côferri iubeas. Deus Opt. Max. te nobis præstan-
tissime rex incolumem seruet, atque tueatur.
Eboræ 15. die Ianuarij. M. D. XXX.

C A R M I N A I A C O B I

Mœnetij Vasconcelli, in

laudem Lucij Andreae

Resendij.

Lusitania Resendum alloquitur.



*Ex Macedum clari proles genero-
sa philippi,
Cum terras Asia quateret victrici-
bus armis,
Dirutaq. antiqua lustrans vestigia
Troie,*

*Poraret Simoentis aquas, Xantiq. liquorem,
Constitit ad tumulum Sigæo in litore, magni
Aeacida, tali compellans voce sepultum.
O felix nimium iuuenis, cui conigit altum
Mæonide plectrum, quo se tua gloria calo-
Atrollens, viget aternos mansura per annos.
Sic ego felicem Resende maxime nostra
Gemis honos, dicam nunc me, nimiumq. beatam,*

Quod

*Quod tua me populis decorarint scripta uetustis,
 Et decus antiqua repetens ab origine nostrum,
 Erueris monumenta meas testantia laudes.
 Macie animi non tu vanos mihi fingis honores,
 Aut mea fucatis auges praconia verbis:
 Sed veram historia seriemq. fidemq. sequutus,
 Abdita Romanis, annalibus, abdita Graijs
 Pandis, & in lucem multis incognita profers,
 Lysiadum narras insignia facta meorum,
 Magnanimosq. duces, olim quos Romula virtus
 Vt bello inuictos, sic fidos pace probauit.
 Ipsa igitur clarum ventura in secula nomen
 Consequar, atque aeo per te celebranda futuro
 Semper ero, dum nostra Tagus per rura meabit
 Aurifer, & rapido descendet in aquora cursu,
 Dumq. meo fessos merget Sol littore currus.*

BARTHOLOMÆO FRIÆ
 Albernotio iurisperito do-
 ctissimo.

L. Andreas Resendius. S. P. D.



Vantum Albernoti ex aduentu
 ad me tuo, percepi voluptatis, si
 contulero cum dolore, negati ti
 bi in urbem nostram ingressus,
 ab isto, qui pro absente prouin-
 ciæ huius Transtaganae præside,
 vicarium gerebat magistratum, absque dubio
 posterum, hoc prius illud, longo post se interual-
 lo relinquet. Nam sicut ex altero, mihi honor a
 te habitus multum me extulisset, ita alterum, eo
 usque

vsque depresso, adrexitq. pudore, vt quanquam
dissimulaui, acerbius in vita, nihil vnquam me
pertulisse, audeam affirmare. Auxit dolorē hunc,
post villaticam illam, & quasi furtiuam vnius
dier collocutionem, s' arsa per urbem repulsæ
fama, admirante populo, mihi homini nec igno-
to, neque ciuibus meis non caro, denegatam re-
cipiendi tanti hospitis facultatem: specioso isto
auertendæ pestilentia, quam ab Hispali metue-
bamus, prætextu: cum tamen de eo metu securos
nos redderet, maximum inter Hispalim & Tala-
ueriam vnde veniebas, terrarum interstitium.
Optimates autem, & ex decurionibus triumui-
ri, ac meliorum litterarum amatores, quorum
non est exigua, neque contemnenda apud nos
copia, vna cum superueniente Roderico Vernan-
dio Castaneda prouinciæ præside, quem vobis
iuris consultis permittentibus correctorem ap-
pellamus, viro pererudito, ac nobili, & ingenij
maxime comis, atque humani, indignitatem rei,
non modo ægerrime ferebant, verum dictis etiā
insectabantur, existimantes ad honorem vrbis,
intromitti virum talem, pertinuisse: Nam si ni-
hil aliud hic esset, tibi quid spectare conlibuis-
set, cum tamen sint nonnulla, certō sexto a reces-
su tuo die, puella septemdecim annorum, Publia
Hortensia à Castro, studijs Aristotelicis nō vul-
gariter instructa, publice disputans, multis do-
ctis viris, quæ proposuerat conuellentibus, cum
summa dexteritate, nec minore lepore, argumen-
tationum cauillationes eluderet, tanta animum
tuum perfudisset iucunditate, vt spectaculum
pulchrius, tu te non vidisse, si adfuisses vtique
facere, & urbem, quæ eam habeat puellam,
omitto

omitto formam intra modum venustam, dignā,
non negasses, ad quam sola ea gratia deuenires.
Sed bonus illis præsidis vicarius, vt ista potuit
inturbare, ita euadere non potuit, quin durissi-
mi oris, & ingenij perseueri, ne dicam agrestis,
pœnas daret, vsque ad conuicia barbaræ inciu-
litaris denotatus, & ego me illi, hisce commemo-
randis, vt meritus est, gratiam habuisse, nolui
præterire. Cæterum redeo ad te, cui pro singula-
ri tua humanitate, debere me intelligo: sed quid
litterato homini, & in te ampla constituto, red-
dam, præter litterarium munus, equidem non
video. Ita ergo faciam, & antiquitarum Lusita-
niæ nostræ, cum veteribus inscriptionibus, qui-
bus delectari te animaduerti, scribam commen-
tarium, rem a studiosis apud nos antiquitatis, a
me diu desideratam, expectatamque, sed hæcte-
nus dilatā, quia peragrandā vniuersa erat prius,
ei qui de vniuersa scripturarum, se polliceatur.
Quod efficere neque priuatis intra tenuitatem
opibus, ipse potui, neque mihi contigit, qui sua
quantacumque opulencia, animum perdifficile
opus molientem, erigeret, & incitaret. Nota igitur,
ac comperta mihi scribam, & patefacta cu-
riosiis via, alijs supplenda cætera, post me re-
linquam.



D E
ANTIQUITATIBVS

LVSITANIAE

Liber Primus.



PRINCIPIO vt de nomine Lusitaniae aliquid dicamus, nomen illi dedisse Lulum Liberi patris, ac Lysam cum eo bacchantem asserit Plinius: cuius verba nonnulli diuerso sensu intellexere, dum aliqui Lulum, atque Lysam Bacchi fuisse comites credunt, a quorum altero Lusitania vocata sit, ab altero vero Lysitania: utroque enim modo appellari solet. Alij Lulum, non hominem, sed ludum potius, seu lusionem interpretantur. Qui parum aduertisse videntur, non potuisse eo tempore a Latina voce, fortassis nondum audita, prouinciam denominari: denominata est autem Lusitania ex ipso Bacchi æuo, si Varroni, quem Plinius citat, fidem adhibeamus.

Nec desunt qui pro Lysa Lyssam rependant, idest bacchantium rabiem, atque furorem. Sed cum per diuersas prouincias Mænades bacchatae sint, cur hoc nomen hic

A potius,

potius, quàm alibi, tanquam rabici monu-
mentum sit impositum non video. Adde,
quòd si ab illà insolenti, & absurda vocula
prouinciam dictam esse admittamus, non
Lysitaniam, sed Lysitaniam eam nominari
oporteret. Verum cessant ista omnia, si ve-
terem lectionem non abdicemus, & Lusum,
ac Lysam homines fuisse intelligamus, & a
Luso quidem Lusitaniam, a Lysa vero Lys-
itaniam esse vocatam, ægre non admittamus.
Certe Lusum hominem fuisse supposititius
Berosi auctor intellexit, quem in Hiberia,
Ascaridis nescio cuius Babyloniorum regis
tempore, regnasse perhibet, sub quo vitis a-
pud Græcos inuenta sit: inuentam autem
aiunt a Dionysio. Concurrunt igitur Diony-
sius vitis inuentor, & Lusus, vt appareat ex
ratione temporis, Lusum ad Dionysium, idest
Liberum patrem potuisse pertinere.

Si vero qua necessitudine illi coniunctus
fuerit, forte dubitetur, ego ex loquendi
formula, filium fuisse puto. Nec vero alie-
num videri debet, Dionysium vtique homi-
nem filium genuisse perhiberi, cum ei quo-
que Aristæum olei inuentorem filium Græ-
ci tribuât, vt in quadam contra Verrem ora-
tione affirmat Cicero. Quamquam ipse, non
ac Lysam, sed aut Lysam legendum puto, vt
idem fuerit Lusus qui Lysus is qui cum Libe-
ro patre bacchari sit solitus. Nam a Græco
lyo,

lyo, vnde ipse etiam Bacchus Lyſius cognominatus eſt, & eius ſacerdotes Lyſij, homo ille Lyſus dici potuit, qui Latina conſuetudine in Luſum mutatus ſit. Et ſane magis videtur conſentaneum, vt ab vno potius prouincia nomen acceperit, quàm a diuerſis. Quia etiam ſi Lyſam legere magis libeat, modo particulam ac, in aut commutemus, idem efficietur, vt videlicet vel a Luſo Luſitania, vel a Lyſa Lyſitania fuerit nominata. Luſitaniæ nomine Latini libri pleni ſunt, & Græcorum nonnulli, inter quos Ptolemaeus, atque Stephanus. Lyſitaniæ vocabulo vtuntur Dion, Strabo, Athenæus ex Polybio. Neque id Latinis eſt in ſolitum: nam & in pandectis, ſub titulo decenſibus, verba ſunt notiſſima Pauli iuriſconſulti: In Lyſitania Pacenſes, & Emeritēſes iuris Italici ſunt. Eboræ quoque in ædibus magiſtri equitum lapis eſt cum hac inſcriptione.

L A B E R I A E. L. F. G A L L A E F L A M I - N I C A E. M V N I C E B O R E N S I S. F L A - M I N I C A E. P R O - V I N C I A E L Y S I T A - N I A E.
--

Idest.

L Aberiæ Lucij filia Gallæ flaminicæ municipij Eborensis flaminicæ prouinciæ Lyfitaniæ . de qua inscriptione in libello, quem de Eborensium antiquitate vulgari lingua iampridem scripsimus, multa a nobis dicta sunt.

Lusitaniæ vero populi etsi in multas speciatim gentes diuisi sunt, tamen vniuersi ac generatim Lusitani appellantur. Stephanus autem in libro de vrbibus, fretus Artemidori testimonio, Lusitanos etiam Belitanos vocari tradit. Sed cum causam ipse minime assignet, nec apud alios scriptores reperire liceat vllam eius nominis mentionem, ego verisimili coniectura ductus, existimo a Bellijs populis, vel ab oppido Bethicæ, cui nomen Belon, seu a Lethe flumine, quod alio nomine Beliona dici ait Strabo, Lusitanos potuisse Belitanos vocari: nisi Stephanum Belitanos, quicumque illi fuerint, a Lusitanis originem ducere intellexisse credamus: quod Græca phrasis magis significare videtur, quæ sic habet: Belitani iidem sunt cum Lusitanis, iuxta Artemidorum in tertio geographiæ libro.

Enumerat etiam Plinius Bellitanos populos non procul a Cæsaraugusta, quos a Lusitanis originem traxisse suspicari possumus,

& ita

& ita Stephani verba intelligi debere. Superest, vt obiter admoneam lectorem, fuisse & Lusorum gentem, quæ, vt Strabo ait, ad fontes Tagi olim pertineret, & in Arcadia Lusos oppidum, in cuius ruinis Mepſæ suo tempore extarent, collocasse Pausaniam libro octauo, vbi Clitoriorum fines describit. Sed hæc de nomine satis.

LVSITANIAE TERMINI.

CEterum Lusitaniæ, vt nonnullarum aliarum prouinciarum, terminos apud auctores, præsertim Græcos variasse cõperimus. Strabo enim a Tago ad Artabros, qui iuxta promontorium Celticum sunt, Lusitaniam protendit. Tagi verò regio, inquit, ad aquilonem spectans Lusitania est, inter Hispanos gens amplissima, & annis plurimis Romanorum armis oppugnata. Huius regionis latus australe Tagus cingit, ab occasu vero, & septentrione Oceanus, ab aurora Carpetani, Vettones, Vaccæi, & Callaici, satis notæ gentes. Et paulo post, Minium amnem omnes Lusitaniæ fluuios, dicit, magnitudine superare. Artabros etiam Lusitaniæ postremos ad septentrionem, & occasum vocat. Regionem vero, quæ inter Tagum & Anam est, a Lusitania excludit. Vnde & Barbarium promontorium super Lusitanos esse commemo-

rat, vbi de stanni fodinis loquitur. Carpetanos etiam, Vettones, Vaccæos, ac Callaicos cum ab aurora dicat Lusitaniam cingere, extra Lusitaniam eos proculdubio esse ostendit. Quamquam, vt ibidem ait, nonnulli & hos Lusitanos vocent. De Vettonibus postea. Satis modo sit, istos nonnullos, qui nulli iam sunt, Strabonem non probare, sed pro non Lusitanis Carpetanos, Vettones, Vaccæos, & Callaicos habere. Ad hæc de Tagi agens origine, eumq. ex Celtiberis per Vettones, Carpetanos, & Lusitanos in æquinoctialem labi occasum dicens, manifeste a Lusitanis separat non modo Vaccæos, & Callaicos, sed etiam Vettones. De Vaccæis quidem dubium nullum est. de Callaicis, & Carpetanis dubitabit aliquis. Sed meminerit, Strabonem Lusitaniã ad Artabros vsque extendisse, tametsi non dissimulat suo tempore multos Lusitanorum Callaicos iam vocari.

Ita igitur intellecta Strabonis Lusitania, Callæci, qui ipso auctore nouissimi montana habitant, Vaccæis vicini, & Asturum nonnulli, quos omnes ob vicinitatem Callaicos appellat, ab aurora Lusitanis fiunt. Sed Carpetani, quos post Oretanos ad Aquilonem declinare commemorat, quid ad Lusitaniam attineant non video; nisi dicamus Strabonem eos per defluentem Tagum ab Oriente ver-

sus Occasum vsque ad Lusitaniã protraxisse. Similiter & Vettones, & Vaccæos, quemadmodum & Turdulos inter Anam, & Tagum, in quibus Emeritam locat. quæ regio illi Lusitania non est, cum primum Australe eius latus Tago determinat.

Alibi tamen, hoc est sub finem tertij libri, cum Hispanias ab alijs in partes duas, ab alijs in quinque fuisse diuisas dicit, earumque alias plebi, Senatuique attributas ostendit, alias Romano duci: & quidem Baticam plebi attributam, ad quam prætor mitteretur, qui legatum haberet, & quæstorem, reliquam omnem Cæsaris esse, qui duos mitteret legatos, prætorium, & consularem. E quibus prætorius legatum haberet secum, qui Lusitanis ius diceret, qui Baticæ adiacētes vsque ad amnem Durium, & eius ostium extenderentur. Subdit veros Lusitaniæ terminos, Lusitaniam dicens eam regionem appellari, proprio in eum diem nomine in qua regione sita sit Augusta Emerita. Reliquam autem maximam Iberiæ partem (iuuemus enim interpretes, qui Græca minus commodè verterunt) esse eam, quæ duci consulari subderetur, non indignum exercitum habenti, tribus instructum ordinibus, ac legatis tribus. Quorum vnus duos secum ordines ducens, tractū vltra Durium ad Arctos seruaret vniuersum, quem tractum, inquit, prius Lusi-

ranos quidam appellabant, alij vero modo
 Callaicos vocant. Hi itaque iuxta Strabo-
 nem Lusitaniæ fuere termini.
 Ptolemæus Latinis geographis cōuenien-
 tius Lusitaniæ australe latus Ana distermi-
 nat, septentrionale Durio. Quæ autem a
 Durio ad Minium est regio Callaicorum,
 Bracarorum, Tarraconensi prouinciæ con-
 tribuit, quemadmodum & Plinius. Differt
 etiam a Strabone, quòd Vettones ab orien-
 tali parte adscribit Lusitaniæ: & sane ita sunt.
 sed an tam late paterent, vt intra se Salman-
 ticam includerent, postea expendemus. At
 Latinorum multo constantior, & indubitata
 magis est ratio. Pomponius scriptor non
 modo diligens ac disertus, sed etiam vt po-
 te Hispanus, domesticarum rerum peritissi-
 mus, breuiter, & eleganter tres, quæ tunc
 erant, Hispaniæ prouincias diuisit. Tribus
 autem, inquit, est distincta nominibus, parsq-
 uis Tarraconensis, pars Bætica, pars Lusita-
 nia vocatur. Tarraconensis altero capite
 Gallias, altero Beticam, Lusitaniamque con-
 tingens, mari latera obijcit; nostro, qua
 meridiem, qua septentrionem spectat, O-
 ceano. Illas fluuius Anas separat. & lib. ter-
 tio, de flexu terræ inter Tagum & Durium
 cum agit, ita scribit: In eoq. sunt Turduli
 veteres, Turdulorumque oppida. Amnes au-
 tem Munda in medium fere vltimi promon-
 torij

torij. latus effluens, & radices eiusdem abluens Durius. In tria enim promontoria dispersam Lusitaniam dixerat. Plinius similiter libro tertio, capite primo. Vltior videlicet Hispania in duas per longitudinem prouincias diuiditur. Si quidem Bætice latere septentrionali prætenditur Lusitania, amne Ana discreta. & lib. 4. cap. 21. a Durio Lusitania incipit. Sed quando in hunc Plinij locum incidimus, exigit res, vt duo eius capita expendamus, quæ ad Lusitaniæ situm rectius percipiendum maxime pertinere censemus.

Ante annos quadraginta, cum Salmanticæ studiorum causa agerem, & Vernando Pintiano Græcarum litterarum, ac Plinij publico professore, eius rei gratia plurimum vterer: ostendit mihi vetustissimum Plinianum codicem, quem ab Ecclesia Toletana conferendi gratia dato pignore deferendum curauerat: alterum quoque ex Salmanticensis academix Bibliotheca, quæ certa hora solet quotidie sub duobus custodibus aperiri, non ad modum sane veterem, scriptum tamen per diligenter. In utroque deprehendimus, quod in publica lectione testatus ille erat, decem aut duodecim versus, vt mihi primo visi sunt, loco suo luxatos, a promontorio Celtico in promontorium Olisiponense scribæ oscitan-
tia immigrasse, magna sensus confusione,

cum

cum magna etiam Plinij ipsius iniuria.

In medio igitur vigesimo capite quarti libri ad hunc modum ambo codices habent.

Promontorium Celticum, quod alij Artabrum appellauere, terras, maria, coelum determinans. Illo finitur Hispaniæ latus, & a circuitu eius incipit frons. Septentrio hinc, Oceanusq. Gallicus, occasus illinc, & Oceanus Athlanticus. Promontorij excursum LX. M. prodidere. Alij xc. ad Pyrenæum inde, non pauci xi. l. millia, & ibi gentem Artabrum, quæ nunquam fuit, manifesto errore. Arotebras enim, quos ante Celticum diximus promontorium, hoc in loco posuere, literis permutatis. Amnes Plorius, Nelo, Celtici cognomine Neriæ, superq. Tamarici, quorum in peninsula tres aræ Sestianæ Augusto dicatæ. Cepori. Oppidum Noela. Celtici cognomine Præsamarci, Cileni. Ex insulis nominandæ Corticata, & Aunios. A Cilenis conuentus Bracarum. Heleni, Grauij, Castellum Tyde. Græcorum Sobolis omnia. Insula Cicæ. Insigne oppidum Abobriga. Minus amnis iiij. M. pass. ore spatiosus. Leuni Seurbi. Bracarum oppidum Augusta. Quos supra Callæcia. Flumen Limia. Durius amnis ex maximis Hispaniæ ortus in Pendendonibus, & iuxta Numantiam, lapsus deinde per Areuacos, Vaccæos, determinatis ab Asturia Vettonibus, a Lusitania Callæcis.

Ibi

Ibi quoque Turdulos a Bracaris arcens. Errarū & in annibus inclytis. Ab Minio, quem supradiximus cc. M. pass. vt autor est Varro, abest AEminius, quem alibi quidam intelligunt, & Limiam vocant, obliuionis antiquis dictus. Omnisq. dicta regio a Pyreneo metallis referta auri, argenti, ferri, plumbi nigri, albique.

A Durio Lusitania incipit, Turduli veteres. Pesuri. Flumen Vacca, oppidum Vacca, oppidum Talabriga, oppidum & flumen Aeminium. Oppida Conimbriga, Collippo: Eburo, Britium. Excurrit deinde in aliud cornu promontorium, quod alij magnum appellauere, multi Olisiponense, ab oppido. Ab Durio Tagus cc. M. passum interueniente Munda.

Exultaui equidē tunc, propter Plinij grauitatem. Illo siquidem pacto calumnia negligentiae, quam patitur ab omnibus, qui geographica tractarunt, liberari sane videbatur, & Pintiano magnas egi gratias, qui id demonstrasset. Verum exultare desij Plinij verborum seriem pensitatus expendens, simulq. sumpto in manus Solino, Plinij ipsius, vt perhibetur, simia. cuius referam verba, atque ex manu scripto vetustissimo codice, vt syncerius exeant. In Lusitania Hispaniae promontorium est, quod Artabrum alij, alij Olisiponense dicunt. Hoc cœlum, terras,

terras, maria distinguit. Terris Hispaniæ latus finit, cælum, & maria hoc modo diuidit; quòd circuitu eius incipiunt Oceanus Gallicus, & frons septentrionalis. Oceano Athlantico, & occasu terminatis. Ibi Tagus flumen: Tagum ob arenas auríferas ceteris annibus prætulerunt. In proximis Olisiponis equæ lasciuiunt mira fœcunditate. Nam adspiratæ fauonijs, vento concipiunt, & sitientes viros aurarum spiritu maritantur.

Nô dubium est hæc Solinum ex Plinio esse mutuatum, in eandemq. sententiam, & Marcianum Capellam abijisse, & Isidorum decimo quinto ethymologiarum libro, & alioqui ipsa verborum cōnexio satis indicat Plinium ita scripsisse; attendat diligens lector: Arotebras enim, quos ante Celticū diximus promontorium, hoc in loco posuere. Sunt ne hæc verba longe a Celtico iam progressi, an adhuc in eodem describendo inhærētis? Hoc in loco posuere. Quo in loco? In Celticone? certe: ibi enim ceteri eos collocant, & ipsemet Plinius: Ponit enim Arotebras ante Celticum. Arotebræ autem iidem sunt qui Artabri. Nostre ætatis homines, ait Strabo, Artabros Arotebras vocant, litteris permutatatis, vt fatetur Plinius. Quomodo igitur in Celtico detentus, quasi sui oblitus, erroris manifesti argueret eos, qui ibi gentem Artabrum,

brum, quæ numquã eo loci fuerit, posuissent?

Ista quæ admissa Toletani, & Salmanticensis codicum lectione, obijci poterant, nequaquam obijciẽtur, si quod de Artabris hic ait, Olisiponensi promontorio Plinium dicamus tribuisse. At falsum est, Olisiponense promontorium terras, calum, mariaq. determinare, illoq. Hispaniæ latus finiri, & a circuitu eius frontem incipere, clarissime dicente, Strabone Hispaniæ latus hoc ab sacro promontorio vsq. ad Artabrorum montem, hoc est, promontorium Celticum extendi: & quartũ denique latus ex eo loco vsque ad promontorium Pyrenes, quæ pars Boream spectat. Falsum etiam quod de promontorij excursu, & longitudine inde ad Pyrenæum, si quidem de Olisiponensi intelligas.

Quid ergo dicemus? nisi Plinium male Artabrum promontorium cũ Olisiponensi confudisse. Poteratque non minima ex parte culpam eius minuere, quod non ipse affirmat Artabrum id esse promontorium, sed nonnullos ita vocasse, & ibi gentem Artabrum, quæ nunquam ibi fuerit, collocasse, atque hoc manifesto, vt inquit, errore. Et erroris causam subiicit: Arotebras enim, quos ante Celticum diximus promontorium, hoc in loco posuere, litteris permutatis. Quos iure reprehendit, quicumq. ij fuerint, qui Artabrum promontorium hoc Olisiponense vocarint:

carint : additq. optima verborum consequutione alium non minimum errorem .

Erratum, inquit, & in omnibus inclytis, sicut ; ait, erratum in hoc est, quòd promontorium magnū, siue Olisiponense Artabrum appellauere, ibiq. gentem Artabrum, quæ nunquam ibi fuit, manifesto errore posuere, ita erratum ab ijs est in omnibus inclytis, videlicet A Eminio, atque Limia. Quemadmodum itaque ex parte hac Pliniū excusare possemus, quando erroris arguat eos, qui Olisiponense promontorium Artabrum appellauere, ita protegere a culpa non audemus Olisiponensi isto terras, cælum, maria distinguere, eoq. Hispaniæ latus ad Occidentem finire asseuerantem.

Sed mirandum nequaquam est, falli, ac decipi tempestate ea Plinium, cum nostra hac quotidiano vsu, & tanta frequentia, quasi digitis contrectatis rebus, & oculis etiam ad fastidium subiectis, atq. perlustratis, Ioachimus Vadianus, qui propter erratum hoc in Plinium adeo excandescit, vt iuuari eum etiam prohibeat, deceptus ipse sit, promontorium Cuneum Sancti Vincentij esse caput, & sacrum idem, quod Barbarium opinatus : præter illa, quæ de Salaria, atque Olisipone alio eo loco obieci. Lubrica isthæc sunt, & cognitu nō nimis facilia, atque in tam vasto terrarum orbe non labi pene monstri simile.

Mihi

Mihi si meo arbitrato Plinium emendare
liceret, sic potius legerem: Promontorium
Celticum, terras, maria, cœlum distermi-
nans. Illo finitur Hispaniæ latus, & a circui-
tu eius incipit frons. Septentrio hinc, Ocea-
nusq. Gallicus, occasus illinc, & Ocea-
nus Atlanticus. Deinde in capite de Lusita-
nia, sic: Excurrit deinde in aliud vasto cor-
nu promontorium, quod alij Artabrum ap-
pellauere, alij magnum, multi Olisiponense
ab oppido. Promontorij excursus lx. M. pro-
didere, alij xc. M. pass. Ad Pyrenæum inde
nō pauci xii. l. millia. Et ibi gentem Artabrū,
quæ nunquam fuit, manifesto errore. & quæ
sequuntur. Oporteretq. tunc, & Solinum, &
Capellam in iam corruptos Plinij libros in-
cidisse caustificari.

Quod nescio an euinci posset. Quare per
me quidem autographis libris illis, & Pin-
tiano habeatur sane gratia Plinianum erra-
tum sedulo amolientibus, sed recepta lectio-
ne, cum isthac magni viri labecula contenti-
simus, neque eius sententiæ vim faciamus.

Cæterum quæ de Lusitania sequuntur, nos
nostro Marte, diligentiaq. emaculauimus,
reddemusq. suo cuiusq. rei loco rationem.

PLINII LIBRI IIII. CAP. XXI.

A Durio Lusitania incipit, Turduli vete-
res. Præsuri. Flumen Vacca. Oppi-
dum

dum Talabriga. Oppidum, & flumen Aemini-
 num. Oppida Conimbriga, Collipo. Ebu-
 robritium. Excurrit deinde in aliud vasto
 cornu promontorium, quod alij Artabrum
 appellauere, alij magnum, multi Olisiponen-
 se ab oppido, terras, maria, cœlum dister-
 minans. Illo finitur Hispaniæ latus, & a cir-
 cumitu eius incipit frons. Septentrio hinc,
 Oceanusq. Gallicus, Occasus illinc, & Ocea-
 nus Atlanticus. Promontorij excursus lx.
 M. prodidere, alij xc. M. pass. Ad Pyrenæum
 inde, non pauci xii. l. millia, & ibi gentem Ar-
 tabrum, quæ nunquam fuit, manifesto erro-
 re. Arotebras enim, quos ante Celticum di-
 ximus promontorium, hoc in loco posuere,
 litteris permutatis.

Erratum & in omnibus inclytis. Ab Mi-
 nio, quem supra diximus cc. M. pass. vt auctor
 est Varro, abest Aeminius, quem alibi qui-
 dam intelligunt, & Limæam vocant, obliuio-
 nis antiquis dictus, multumq. fabulosus. Ab
 Durio Tagus, cc. M. passuum interueniente
 Munda. Tagus auriferis arenis celebratur.
 Ab eo clx. M. pass. promontorium sacrum e
 media prope Hispaniæ fronte profilit xiiii.
 M. pass. inde ad Pyrenæum medium colligi
 Varro tradit. Ab Ana vero, quo Lusitaniam
 a Bætica discreuimus, cxxi. M. pass. A Gadi-
 bus ci. M. pass. additis, Gentes, Celtici, Tur-
 duli, & circa Tagum Vettones.

Ab Anna ad Sacrum Lusitani, oppida memorabilia a Tago: in ora Olyssippo, equarum e Fanonio vento conceptu nobile, Salacia cognominata vrbs imperatoria, Merobriga, Promontorium sacrum, & alterum Duneus. Oppida, Ossonoba, Balsa, Myrtilis. Vniuersa prouincia diuiditur in conuentus treis, Emeritensem, Pacensem, & Scallabitanum. Tota populorum XLV. in quibus Coloniae sunt quinque, municipium ciuium Romanorum vnum, Latij antiqui tria, stipendiaria xxxvi. Coloniae, Augusta Emerita, Annae fluuio adposita, Metallinensis, Pacensis, Norbensis, Caesariana cognomine. Contributa sunt in eam Castra Iulia, Castra Catcilia. Quinta est Scallabia, quae praesidium Iulium vocatur: municipium ciuium Romanorum Olyssippo, felicitas Iulia cognominatum. Oppida veteris Latij Eborae, quod item liberalitas Iulia, & Myrtilis, ac Salacia, quae diximus. Stipendiariorum, quos nominare non pigeat, praeter iam dictos in Baeticae cognominibus, Augusto brigenses, Amaienfes, Aranditani, Arabrigenses, Balsenses, Caesarobrigenses, Capeenses, Caurienses, Colarni, Cibilitani, Concordienses, qui & Boccori, Interausenses, Lancienses, Mirobrigenses, qui Celtici cognominantur, Meidubrigenses, qui plumbarij, Ocellenses, qui & Lancienses, Turduli, qui Barduli, & Taponi. Lusitaniam cum Astu-

ria, & Callæcia patere longitudine D XL. m. pass. latitudine D XXXVI. M. Agrippa prodidit. Omnes autem Hispaniæ a duobus Pyrenæi promontorijs per maria totius oræ circuitu p. XXIX. m. colligere existimantur. Ab alijs XXVII. m.

Et hic terminari caput de Lusitania, iam pridem in Vincentij mei scholijs admonui.

NON videbimur a scopo digredi, si nostri quoque æui Lusitaniæ terminos exponamus. Quamquam hi magis regni totius, quàm vnius Lusitaniæ dicendi sunt. Proten- ditur enim regnum vltra Durium a septen- trione, Callaicos continens Bracaros, non modo eos, qui intra Durium, Miniumque, montesq. Iuresum, atque Maranum clau- duntur, sed qui vltra eos monteis per Aqu- flauienfeis, Tamacanos, & reliquos, qui ad Bracaraugustanum pertinent conuentum. Et deinceps per aliquot Asturum olim popu- los ascendit vsque ad Saborem fluuium, op- pidumq. Soutellum. Vnde resistens conuer- titur limes ad orientem per Mirandam vr- bem ex aduerso Zamoræ Durio impositam, vbi introrsus ad septentrionem curuatur am- nis, excipitq. Estulam fluuium e Legionensi agro defluentem. Ex eaq. vrbe prono flumi- ne descendit flexu modico vsque ad Fraxinū.

Heinc

Heinc per Transcudanorum, Vettonumque aliquot populos recto fere margine percurrit ad oppidum Saluaterram; rursumq. reducitur maiore interius angulo ad Tagi ingressum: a quo recto iterum limite procedit, donec paulo supra Ouguellam oppidum ad Anam se inclinat, per Caiæ, & Caiolæ confluentis quattuor circiter passuum millibus a Badioza insigni Baticæ prouinciæ vrbe Anæ ipsi adposita.

Traiecto inde flumine ad austrum versus, ex Baticis Celticis, qui Lusitaniam attingunt, oppida complectitur memorabilia. Oliuentiam, Moronem, Mauram, Serpam, non longe ab amne distita, & Mortiganum, ac Noudar castella magis in Baticam penetrantia, ad fonteis vsque Ardillæ, & Xanthiæ non magni nominis fluuiorum, præter vicos ignobileis quosdam. Atque hæc, quam circumscripsimus, regio sæculi nostri more Portugalix regnum appellatur.

Ratio petenda est ex iis, quæ nuper ad Kebedium super ea re prolixè respondimus. Id totum, quod Portugaliam dicimus, Lusitaniæ propriæ ac veræ partes duas continet, & ex Tarraconensi prouincia Bracaros, ultraque monteis Maranum, atque Iuressum, Asturum nonnullos, & aliquot ex Vettonibus, accessionemq. ultra Anam, quam diximus. Quod si a maiori portione vno id nomine Lu

sitaniam appellemus, erit hodie Lusitania a meridie quidem, & septentrione longior non paulo, & auctior, ab oriente vero propter Vettones fere omneis à nostris separatos aliquanto vetere angustior.

Eam ergo, quæ proprie dicta Lusitania est, inter Durium atque Annam fluuios, incolunt gentes, Lusitani peculiariter vocati, Turdetani, Celtici, Turduli, Vettones, Barbarij, Pæsuri, Turduli veteres. Quorum limites atque confinia exacte discriminare nequaquam possumus, in tantis antiquarum rerum tenebris, & inter mutuo se collidentia scriptorum testimonia. Numeris Ptolemæi per se rei maxime corruptioni obnoxia, nemo quidquam se astringat. Qui si perseveraret integri vti ab illo notati sunt, fidem integram adhuc nō facerēt, cū is eos numeros, nō additis locis, sed relatione acceptis sub notarit. in quo labi potuit facillime. Depictæ autem tabellæ, atque illi adiectæ plura habent, quæ reiicias, & adspernere, quàm quibus credere merito vel debeas vel possis.

DE TURDETANIS.

AB Anna igitur ad sacrum Promontorium, circumque Turdetanos alios a Bæticiis Ptolemæus habitare ait, maritimasque illorum vrbeis, Balsam, Ossonobam, ante promontorium; deinde post fluuij Callipodis

podis eruptiones Salaciam, atque Cæto-
brigam. Intus autem pacem Iuliam, ac Iuliam
Myrtilim enūmerat. Strabo regionem eam
Celticis, & Lusitanorum plerisque tribuit, si-
cut diximus in epistola pro Colonia Pacen-
si ad Vasaum. Plinius omissis Turdetanis, ab
Anna ad Sacrum Lusitanos ponit, nimirum
ad genus respiciens, non ad speciem, cuius
Ptolemæus rationem habuit. Sed tamen ho-
rum Turdetanorum terminos nimis extēdit.
tribuit enim illis non modo Algarbij regnū,
& totum Orichiensem tractum, sed etiam ali-
quanto amplius ex Celticis, & Lusitanis Stra-
bonis, videlicet Pacem Iuliam, Salaciam, at-
que Cætobrigam, olim in sinu Salaciensi po-
sitam, dirutam modo, sed multa pristinae fre-
quentiæ vestigia retinentem; de qua suo di-
cetur loco.

D E C E L T I C I S.

Contigui his sunt atque intermixti Cel-
tici, Gallica natio, iuxta Annam late
vsque ad Turdulos, & Vettones multis ciui-
tatibus effusi; inter quas etiam nostro æuō
Heluæ claræ sunt, ipso nomine originem præ-
se ferentes. Parentes fuerunt hi non solum
Celticorum, qui Nerium Callæciæ promon-
torium insedere, cuique nomen dedere, ve-
rum etiam eorum Celticorum, qui ad alte-

ram Anæripam migrantes, in Bæturia Bætica parte vrbeis condidere. De prioribus illis refert Strabo hisce verbis: Extremi incolunt Artabri circa promontorium, quod Nerium vocatur, quod & occidui, & septentrionalis terminus est lateris. Circumhabitant ipsum Celtici consanguinei eorum, qui ad Anam sunt. Hos etenim, & Turdulos sociis armis exercitum cum duxissent, ibi post Lemij fluminis transitum seditionem egisse, ferunt, in eaque seditione facta ducis amissione, palanteis, ac dissipatos ibidem remansisse, & ab iis fluuium obliuionis esse dictum.

De alteris his Plinius libro tertio cap. primo. Quæ autem regio a Bæti ad fluuium Anam tendit, extra prædicta Bæturia appellatur, in duas diuisa partes, totidemque gentes, Celticos, qui Lusitaniam attingunt, Hispalensis cōuentus, Turdulos, qui Lusitaniam & Tarraconensem adcolunt, iura Cordubam petunt. Celticos a Celtis ex Lusitania aduenisse manifestum est, sacris, lingua, oppidorum vocabulis, quæ cognominibus in Bætica distinguuntur. Diximus de hoc quoque satis in epistola ad Vasaum pro Pacensi colonia.

DE TURDVLIS.

Turduli sequuntur, gens per Hispaniam vltiorem late diffusa. Nam & Baticæ partem tenuere, quorum metropolis erat Corduba, & Lusitaniæ portionem iuxta Vettones, & maritimam omnem regionem a Tago vsque ad Durium, ex iis quidam Veteres appellati sunt; de quibus postea. Quorum meminisse modo conuenit, ij sunt, qui a Turdulis Baticis amne Ana discreti erant, de quibus Plinius in capite de Lusitania: Gentes Celtici, Turduli, & circa Tagum Vettones.

Hoc prætereundum nequaquam est, fuisse, qui Turdulos, ac Turdetanos eosdem arbitrarentur. E quibus Liuium nominare fuerit satis libro quarto quartæ decadis in hæc verba: Fama deinde vulgatur, Cos. in Tudertaniam exercitum ducturum. & post: Interim P. Manlius prætor exercitu vetere a Q. Minutio, cui successerat, accepto, adiuncto & Ap. Claudij Neronis ex vltiore Hispania, vetere item exercitu in Turdetaniam proficiscitur. Omnium Hispanorum maxime imbelles hebentur Turdetani, freti tamen multitudine sua, obuiam ierunt agmini Romano.

Nec tamen ea pugna debellatum est; decem millia Celtiberum mercede Turduli cō-

ducunt, alienisq. armis parabant bellum. Deinde dum Cos. exercitusq. Turdulo bello est occupatus, vbi cernere licet terram Turdetaniam dictam, incolas, cum Turdetanos, tum etiam Turdulos appellatos, bellum quoque Turdulum. Strabo autem horum subscribens opinioni diuersam etiã non tacuit: Regionem, inquit, ipsam a flumine Bætica vocant, ab incolis autem Turdetaniam. Incolas vero ipsos Turdetanos, & Turdulos appellant. Quidam autem eosdem esse existimant; alij vero diuersos: e quibus etiam est Polybius, qui Turdetanis finitimos ad septentrionem dicit esse Turdulos. Verum tempestate hac nulla inter ipsos apparet distinctio.

Mihi non contigit eum Polybij locum expēdere, cum præter quinque eius libros Græce, & a Nicolao Perotto Episcopo Sipontino latine versos, ad hoc tempus nihil viderim: sed fidem Straboni habeo, & Polybium vere sensisse arbitror, etiam si Liuius, & alij eos propter vicinitatem confundant. Si quidē Ptolemæus distincte Turdulos alios a Turdetanis facit in ipsa Bætica: nam in Lusitania Turdetanorum tantum meminit, vt superius exposuimus, Turdulos prætermisit. E contrario Plinius de Turdetanis in Lusitania nullum verbum, Turdulos posuit geminos, videlicet hos Annæ contiguos, & alteros Veteres vocatos; de quibus postea.

DE VETTONIBVS,

& Vectonibus.

Vettones inter Lusitaniæ populos circa Tagū recēset Plinius, ita scribēs: Ab Anna vero, quo Lusitaniā a Bætica discreuimus, gētes Celtici, Turdici, & circa Tagū Vettes. Dissoluamus, si possumus, nodum hic, superius obiter tactum, cum de Lusitanię terminis agebamus, vbi ex Strabonis sententia Vettones Lusitania exclusimus: atque de scriptura vel nominis orthographia quiescamus tantisper, dum cetera examinamus. Conferat diligens lector quæ Strabo dicit. Oretani maxime vergunt ad meridiem, peruenientes vsque ad maritimam, aliqua ex parte intra columnas. Post quos Carpetani declinant ad aquilonem. Inde Vetiones, & Vaccæi, per quos Durias labitur.

Et paulo post, vbi Lusitaniā ab aurora cingi ait Vetionibus, Vaccæis, & Callæcis, conferat inquam hæc cum Plinij verbis lib. 3. cap. 3. Primi in ora sunt Bastuli, post eos, quo dicitur ordine, intus recedentes Mentesani, Oretani, & ad Tagum Carpetani, iuxta eos Vaccæi, Vectones, & Celtiberi.

Libro item quarto cap. 10. Durius amnis ex maximis Hispaniæ, ortus in Pelédonibus, & iuxta Numantiam, lapsus per Areuacos, Vaccæosq. determinatis ab Asturia Vectonibus,

nibus, a Lusitania Callæcis, ibi quoque Tur-
dulos ab Bracaris arcens. & Collatis inter se
altrinfecus vtriusque verbis, videbit vtrum-
que de Hispania citeriore loqui, Vectonesq.
extra Lusitaniam ponere, sicut & Cæsar fecit
in primo belli ciuilis commētario. Afranius,
& Petreius, inquit, & Varro, legati Pompe-
ij, quorū vnus tribus legionibus Hispaniam
citeriorem, alter a saltu Castulonensi ad An-
nam duabus legionibus, tertius ab Anna Ve-
ctonum agrum, Lusitaniamq. pari nume-
ro legionum obtinebat, officia inter se par-
tiuntur: vt Petreius ex Lusitania per Vecto-
nes cum omnibus copiis ad Afranium profi-
ciscatur.

Et post: Petreius per Vectones ad Afraniū
peruenit. Extra Lusitaniam ergo Vectones
erant. Atqui Ptolemæus ex Lusitanis hos ma-
xime orientales facit: interq. eorum ciuita-
tes ex nostra ætate notis Salmanticam, Ca-
param, atque Obilam ponit. Plinius etiam
in Lusitaniæ descriptione, & circa Tagum,
inquit, Vettones. Quærendum igitur, sint
ne iidem isti Vectones, seu Vettones, an diuer-
si, & an consent sibi auctores, an ne secus.

Durius, inquit Plinius, lapsus per Areua-
cos, Vaccæosq. determinatis ab Asturia Ve-
ctonibus, a Lusitania Callæcis. Qualis hæc
partitio est, determinatis ab Asturia Vecto-
nibus, a Lusitania Callæcis, si Vectones isto
loco

loco positi Lusitani ex Ptolemæo sunt? Qualis & illa, Et circa Tagum Vettones? si circa Tagum, non ergo ij sunt, qui Durio interfluente ab Asturibus dirimuntur, quique ab eodem ipso Plinio in Citeriori Hispania iuxta Vaccæos collocantur. Si vero ij sunt, minus apte dictum est, & circa Tagum Vettōnes, cum magis ex re & æque breuiter dici potuisset, & a Tago ad Durium Vettones. Sed tunc, quinam illi essent Vectones non Lusitani, ab Asturia amne Durio determinati?

Paulo expressius rem indagemus, eruamusque qui sint isti post Vaccæos Durio ab Asturibus determinati. Percurrat qui velit, in Hispaniæ pictura Durij cursum vsque ex Numantia Pelendonum vrbe, per Areuacos, & eorum vrbeis Vxamam, Saguntiam, Cluniam, & reliquas a Plinio commemoratas. Tum vbi se Areua eorum nominis causa, & origo Durio miscet. Deinde a Pisoraca fluuiō Vaccæos, eorumq. ciuitates Pallantiam, Caucam, & illis a Ptolemæo tributas Pintiā, & Sarabrim, & Senticam; quarum Senticam, quæ Zamora existimatur, vicina fluminis angulo est, vbi Estulam fluuium Asturum Durius excipit iuxta Mirandam, cuius in Lusitaniæ descriptione meminimus.

Vettones modo istos iis conterminos, ac Durio ab Asturibus determinatos queramus. Nulli apparent, nisi qui ab illo, quem dixi,

dixi, Durij angulo introrsus cuneato, per meridianū fluuij latus ad Carpetanos porriguntur. Siquidem ij a Mirandensibus, qui olim in Asturum validæ gentis ditione fuere, fluuiio medio secernuntur. Atqui hi sunt, quos Ptolemæus maxime Orientaleis Lusitanorū dixit, in quibus Salmanticam, Obilam, & Caperam posuit, vt tractus, per quem meat in Durium Tormis, qui Salmanticam alluit, Vettonum sit, Vaccæis vti ostendimus finitimorum.

Hi etiam, qui & a Strabone, & a Plinio in Hispania citeriori nominantur. Sed hi quid ad Vettones Plinij circa Tagum, interstitio CLX. millium passuum, quæ a Durij iuxta Vaccæos ripa ad Tagum numerantur? Eousque Vettones extendebantur, inquiet aliquis. Non omnino id præter rationem. Strabo enim Tagi narrans originem, ait: Ex Celtiberis autem originem habens, per Vettones, & Carpetanos, & Lusitanos in æquinoctialem labitur occasum aliquantisper, spatio pari ab Anna, & Bæti fluuiis distans. Sed impedimento est, qui cum Vettonum suorū vrbeis, Salmanticam, Obilam, & Caperam (vt has solas exempli gratia nominem) diligenter recensuerit, inde ad Tagum, immo etiam ad Annam, ingentem quasi lacunam intermediam, nō iam Vettonibus, sed Lusitanis proprie ita vocatis oppleuit, Caurio, Norba, Colarno,

larno, circa Tagū, aut non longe ab eo sitis, & Emerita ipsa Vettonum, vt dicam postea, metropoli nominatis.

Quid ergo? duæ ne istæ sunt gentes, altera Lusitana, altera nequaquam, sed ad citeriorem pertinens Hispaniam, ambæ nominis similitudine congruentes, an tantum vna? Duas esse asseuerare ego non audeo, sed auctorum varietate, & vnius in scriptura litteræ differentia certe apparet. Omitto Strabonem, cuius in hoc nomine codices mire ludunt, ipsiusne, an scribarum culpa nescio. Modo enim sunt Ouettones, modo Vuettones, modo Ouetiones. Latinorum codices expendamus: vtrobique enim per c t nomen gentis huius apud Plinium scribitur, cum de citeriori loquitur prouincia; sic apud Cæsarem commentario superius citato; sic apud Liuium in quinto quartæ decadis libro, vbi M. Fuluium cum iis, atque Vaccæis, & Celtiberis refert dimicasse; apud Lucanum similiter, atque Silium, quorum verba mox referam. At isti Lusitanæ circa Tagum Vettes geminato t scribuntur, vt apud ipsum Plinium ibidem liquet, & in multis faxeis inscriptionibus inueni. quarum duas in libello ad Kebedium Toletanum canonicum nuper posui. nec pigebit modo repetere, etiam si nimium videatur, quandoquidem hic locus maxime id exposcere mihi videtur. Eboræ
ingens

ingens in ædibus meis cippus ita habet.

L. VOCONIO. L. F.
QVIR. PAVLLO.
AED. Q. II. VIR. VI.
FLAM. ROM. DI-
VOR. ET. AVGG.
PRAEF. COH. I.
LVSIT. ET. COH. I.
VETTONVM.

Id est,

L. Voconio Lucij filio Quirina Paullo AEdili quæstori duumuiro Sextum flamini Romæ diuorum, & Augustorum præfecto cohortis primæ Lusitanorum, & cohortis primæ Vettonum.

Emeritæ autem in domo Petri Mexiæ, sic.

P. AELIO . VITALI
AVG . LIB . TABVL .
PROVIN C . LVSI-
TANIAE . ET . VE-
TTONIAE . STEP-
HANVS . LIB . ET
HERES . PATRO-
NO . FECIT .

Hoc est,

Publio AElío Vitali Augústi liberto tabulario prouinciæ Lusitaniæ & Vettoniæ , Stephanus libertus, & heres patróno fecit .

Sagunti in cœnobio sanctæ Trinitatis .

SERGIAE . M . F . PE-
REGRINAE . M . SER
GIVS VETTO . A-
MITAE .

Hoc est,

Sergiæ Marci filiæ peregrinæ, Marcus Sergius Vetto amitæ .

In

In pago Oliua ex ruinis Caperensibus.

L. P V B L I C I V S . L . F .
P A P . T H I A M V S . E -
M E R I T . A N . X X V I I .
H . S . E . S . T . T . L .
C A E C I L I V S V E T -
T O . S O D A L I C I P -
P V M . D . S . D .

Hoc est,

Lucius Publicius, Lucij filius Papiria Thiamus Emeritensis annorum viginti septē hic situs est. Sit tibi terra levis. Cæcilius Vetto sodali cippum de suo dedicauit.

In eodem pago alius lapis.

L. D O M I T I V S . T . F .
G A L . V E T T O . O T O
B E S A N I H . S . E . S . T .
T . L . D O M I T I V S
F O R T V N A T . P A -
T R O N O . D . S . F .

Hoc

Hoc est,

Lucius Domitius Titi filius Galeria Vetto Orobefani hic situs est; sit tibi terra leuis, Domitius Fortunatus patrono de suo fecit.

Ptolemæus etiam duplici t t hos Lusitanos Vettonas scribit Ouettonas. Est & alia differentia. nam illi Vectones citerioris provincie mediam syllabam productam habet: vt ostendunt duo summi poetæ Lucanus, & Silius ille Pharsaliæ lib. 4. ita canens:

*His præter Latias acies erat impiger Astur,
Vectonesq. leues, profugiq. a gente vetusta
Gallorum Celta miscentes nomen Iberis.*

Hic autem lib. decimo sexto de Peloro equo in hunc modum:

Campis

Vettonum eductum genitrix effuderat Harpe.

Vettones vero Lusitani iuncti Turdulis ad Tagum, ac duplici t t scripti, eandem syllabam breuem habere comperiuntur ex ipso Vettoniæ nomine apud Prudentium in Diua Eulalia, clara colonia Vettoniæ. Cum quo facit & Sammonicus Serenus de Vetonica herba, quam a Vettonibus inuentam in Hispania dicit Plinius.

Vettonica mansus siccabit lumina succus.

Dioscorides Bettonicam appellatam a Romanis ait, cum Kestron appellant Græci. Breuem itaque syllabam eam comperimus: unde colligi videtur, gentem aliam esse Vetto-

C

nes,

nes, aliam Vectones. Quæ si opinio recipitur, integra manebit cum Cæsaris, tum Strabonis, tum etiam Plinij auctoritas, Vectones a Lusitania separantum. Scriptura tamen Straboniani codicis emendanda erit, ut ubi Ouetones, vel Vuettones, vel Ouetiones scriptum est, reponatur Ouectones. Verum vacillabit tunc Ptolemæi descriptio, qui Vettones cum Vectonibus nominum similitudine videbitur confudisse, terminumq. Lusitaniæ orientalem partibus nouem cum semisse, & quadraginta & vna, ac fere besse definiens; hoc est per Sarabrin Vaccæorum urbem, quã Taurum nostræ ætatis docti existimant, ducta linea vsque ad Metallinense oppidũ, olim coloniam, paulove supra. Sin vero opinio, uti noua, explodatur, doceat me aliquis, quinam sint Vettones Durio ab Asturia desternati, apud Pliniũ, & qui ab oriente vna cum Carpetanis, Vaccæis, & Callæcis Lusitaniã cingant, apud Strabonem, & cur Ptolemæus, Vettonibus circa Tagum omissis, illorum tantum, qui Durio ab Asturia destinentur, & vsque ad Caperam sunt, mentionem fecerit.

Si ab ea perplexitate extricari possemus, diffusis partim per citeriorem Hispaniã iuxta Carpetanos, & Vaccæos Vettonibus, Durium ex aduerso Asturum adcolentibus, partim circa Tagum iuxta Turdulos, aut ita suppressis Turdulis, ut Vettonum excelleret no-

men

men vsque ad Anam , vnde Emerita Vettonum clara colonia a sanctissimo, eodemque doctissimo Prudentio vocata sit; inberem equidem omnes Cæsaris, Liuij, Strabonis, Lucani, Silij, ac Plinij emendare locos, in quibus per litteras & scripti sunt, & ad duplex et omneis reducerem, & illos, qui ab Asturibus Durio secernuntur, Lusitania cum Plinio excluderem, terminumq. Lusitaniæ orientalem non tam intus ad citeriorem Hispaniam limitarem, sed a Durij secundo flexu, quem supra ad Fraxinum notavi, hoc est a loco vbi Tormis Salmanticensium fluuius in Durium se condit, & amnis recto iam alueo hodiernam Lusitaniã ingreditur, eamq. diuidit a Callæcis Bracaris, vt auctor est Plinius, inde per Rodericopolin, Placentiam, & Castra Iulia ad Metallinense oppidum, pauloue supra lineam dirigerem.

Quod autem ad syllabæ mensuram attinet, aut Prudentio, Serenoq. minus fiderem, aut, si iniurium hoc est, ancipitem eam dicerem, vt per multas obseruarunt grammatici, apud poetas, quod instituti nostri modo non est. Hereremus tamen rursus propter Ptolemæum, qui longius, ac penitius a septentrionali capite Lusitaniam extendit, Plinio homine Romano, cui non credere durum est, aperte reclamante.

Vsque adeo verum est, quod ipse ait Plinius

nus in fine primi cap. lib. 3. alibi mutato prouinciarum modo, alibi aliis aliunde exordiū mensuræ capiētibus, factum esse, vt nulli duo concinant. Concludamus igitur, Vettones, vel alios esse a Vectonibus, vel si iidem sunt, quod magis probamus, per geminum t t debere scribi: nec omneis ad Lusitaniam pertinere, sed magnam eorū partem per citerioris Hispaniæ finitimos Carpetanos, atque Vaccæos ad Asturea vsque diffundi, quo illos a Lusitania seiungunt Strabo, atque Plinius, licet non seiungit Ptolemæus: partem alteram Lusitanis cohæsisse, protenso etiam vsque ad Anam nomine, & cum ceteris Lusitanis prouinciam vnā coluisse: nouissime tandem per se prouinciā effecisse Vettoniam, cuius caput, ac metropolis esset Augusta Emerita, alioqui in Turdulis sita: vnde eam sacer Prudentius claram Vettoniæ coloniam appellarit, cum tamen eandem alibi, diuersa respiciens tempora, Lusitanorum caput oppidorum dixit. Factam vero Vettoniam per se prouinciā, ex eoq. tempore cœpisse Vettoniam, & Vettones separatim a Lusitanis scribi, in libello ad Kebedium nuper ostendimus, & ex inscriptionibus paulo ante relatis comprobatur.

DE BARBARIIS.

Longe minus negotij nobis exhibebunt Barbarij, cum propter obscuritatem gentis, tum propter situm, & eorum sedes ambiguitate nulla confusas, a promontorio ex ipsorum nomine vocato vsque ad sinum Olyssipponensem. Sed de promontorio postea: de nomine propter nouitatem disquirā aliquantulum. Mihi nonnumquam subiit cogitare, cur mons, quem Rabidam vocamus, Barbarius dicatur, & populi circa eum Barbarij, omissa Floriani Campensis ignominiosæ appellationis fabula, ad morum asperitatem denominationem torquentis. Mei autem instituti non est historias per figmenta concinnare. Neque enim Barbari vocantur, sed Barbarij, vt docet Strabo libro tertio de Hispania loquens, quod generari dicit in Barbariis supra Lusitanos, & in Cassiteriis insulis, & e Britannis Massiliam deferri: & eodem libro promontorium Barbarium nominat: quo etiam nomine Ptolemæus vtitur.

A Barbaro autem, cum ad ingenium refertur, Barbaricus, non Barbarius deriuatur. Veni igitur in hanc cogitationem: montis huius omnes rupes iaspideæ sunt, inueniunturque inter eas iaspides albi, purpurei, virides, varij, ac multicolores, splendore mirabili. Cæduntur inde columnæ, postes, & similia, quæ

vbi accedit politio translucent in tantum, vt speculorum vicem & præbeant, & vincant. At vero terrenum laudatissimo abundat cocco, Emeritensi, quod laudat Plinius, nullo modo cedente. Ex quo tingunt infectores vestem, quam scarlatam, vel granam nostri homines appellant, videlicet a granis, quæ in fruticetis toto eo tractu nascuntur, sicut veteres a vermiculo in iisdem granis innato blattæ simili, vermiculatam vestem dixere, quam recentiores blatteam, coccineam vel purpuream volentes significare: etsi hæ distinctionem capiant.

Nam purpurea proprie ex sanguine purpurarum, conchyliorum ve fit: coccinea vero ex ipso, quod dixi, cocco. Heinc Suetonius in Neronis luxuriam inuectus, aureo reti, & funibus purpura coccoq. nexis piscatum, eum criminatur. Quod recentiori verbo, *blattis funibus*, dixit Eutropius. Multumq. vsi sunt ea voce illius ævis scriptores. Ac propter eminentis coloris in vtrisque similitudinem cœperunt ista confundi. Ostendam hoc ex Sidonio Apollinari, non contemnendo poeta, in hoc Anacreontico monstrose deprauato, nostraq. opera, sicut cetera eius auctoris scripta, restituto.

*Rutilum thoreuma bisso,
Rutilusq. ferte blattas,
Recoquente quas ahenos*

Meli-

Melibœa fucat vnda ,
Opulenter vt mëraco
Bibulum colore vellus ,
Perigrina det supellex
Ctesiphontis , & Niphatis
Inga texta, Belluasq.
Rapidas vacante pano :
Acuit quibus furorem
Bene, ficta plaga cocco ,
Iaculoq. ceu forante
Cruor incruentus exit.

In quibus carminibus aperte confundit blat-
 tam, purpuram, & coccum. Melibœa nam-
 que purpura ex conchis est, vt ostendit Lu-
 cretius lib. 2.

Iam tibi Barbaricæ vestes , Melibœaq. fulgens
Purpura , Thesalico concharum tecta colore .
 Vbi etiam aduertendum, quas vestes barba-
 ricas dixit Lucretius, peregrinam supellecti-
 lem dixisse Apollinarem. Redeamus iam ad
 institutum. Vestium purpura, cocco, vermi-
 culo, quæ a barbaris terris, id est peregrinis,
 adlata erant, infectores, Barbaricarij appel-
 lari cœperunt, vt patet C. de excusationibus
 artificum, & de palatinis sac. larg. quod etiã
 adnotauit Alciatus in treis posteriores li-
 bros Codicis. Marianus Scotus in tit. Magi-
 stri officiorum, & fabricæ, Barbarios eos
 vocat.

Etenim isthæc nomina in arius finita, ho-

minum fere officia significant, Sagarius, Caligarius, Limbolarius, & quæ multa alia apud Plautum in Aulularia bonus ille Megadorus enumerat. Sic Barbaricarius, & Barbarius ad harum rerū officinas, opificesq. pertinent. Populi itaque isti, de quibus loquimur, Barbarij appellantur. Cogitabam igitur si forte a cocco, quod in magna multitudine colligerent, venderentque negotiatoribus Romam eam mercem conuecturis, aut forte ipsi baphicæ gnari tingerent, Barbarij fuerint nuncupati. verum hæc ariolando. Quare huic meæ coniecturæ addici lectores neque postulo, neque parteis suscepi meo periculo istiusmodi appellationum causas, originesve tradendi.

DE PRÆSVRIS, AUT

Præsuribus.

I Gnobiles, & obscuri sunt Præsurī, ab vnoq. auctorum omnium Plinio memorari. Late paterent, an terminis angustis concluderentur æque ignotum. In nobilissimo illo super Tagum pontē ad Vettoniæ oppidum Alcantaram, inter cetera prouinciæ Lusitaniæ municipia, quæ stipem ad pontem conficiendum contulisse memoriæ proditum ibi est, Præsures vltimi recensentur. Quo sane intelligimus, non longe eos inde esse discretos: simulq.

simulq. emendandum eorum in codicibus Plinianis nomen a secunda in tertiam inflexionem. De inscriptione vero pontis huius, cum vrbeis enarrabimus, tunc agemus.

DE TURDVLIS VETERIBVS.

Contra autem Turduli veteres valde celebres, & parêtes omnium Turdulorū, qui vltioris Hispaniæ maximam partem suo nomine repleuerūt. Ab iis enim prodijisse quasi examina Turdulos, & in Betica, & iuxta Anam forsitan & Turdetanos: indicio est ipsum veterum cognomentum. cum enim veteres isti sint, reliquos omnes recētiore esse oportet. Eorum regionem Plinius a Durio dextrorsus Oceanum versus designat; sinistrorsus vero ex dictis superiori capite, Pæsures Turdulis subiunctos ab Plinio incolere existimamus. Pomponius, cui in Hispaniæ rebus multum est merito tribuendum, a Tagi ostio ad Durium eos extendit: Ab ijs, inquit, promontoriis ad illam partem, quæ recessit, ingens flexus aperitur, in eoque sunt Turduli veteres, Turdulorumq. oppida. Amnes autem Mundā in medium fere vltimi promontorij latus effluens, & radices eiusdem abluens Durius.

QUALIS GENS LVSITANI.

Explicauimus summam Lusitaniam triplici terminorum differentia: a quibusq; populis ante Gothorum illuionem, de quibus postea, possessa olim sit, dictum satis.

Exigit ordo, vt, qualis nam fuerit ea gens, quibusue moribus, indicemus. Et quidē gentem esse fortem, vt nostra tempora non præoccupemus, antiqui scriptores non tacuere.

Diodorus Siculus omnium Celtiberorum fortissimos esse Lusitanos asseruit. Quo loco, vt obiter dicamus, aut legendum, omnium Iberorum, aut Diodorus Iberos omnes Celtiberos appellasse, minus apte est existimandus. Sed, cum statim Lusitanos galeam, ensēq. ferre Celtiberorum more dixerit, absque dubio a Celtiberis eos separat.

Quare magis placet, vt lectio emendetur, legaturq. Omnium Iberorū. Ceterum ad fortitudinem pertinet, quod Strabo ait, Lusitaniam annis plurimis Romanorum armis oppugnata. Fortitudinem quoque arguit constans, ac grauissimū Decimo Bruto Cinnaniēsum responsum, quòd affert lib. 6. Valerius, neque sine animi quodam exulcerati, & forte ex inuidia, dolore. Melius, inquit, sine dubio homines nostri sanguinis hæc dixissent, quam audissent. Vrsit tamen veritas scriptorem ita concludere. Sed illos quidem natura
in huius

in huius grauitatis vestigia deduxit.

Nec ad fortitudinem non pertinet, quod idem Valerius titulo de vafre dictis, aut factis commemorat, non potuisse Sertorium Lusitanos oratione flectere, ne cum vniuersa Romanorum acie vellent cōfligere, donec vellendis equorum duorum caudis notissimū illud exemplum oculis mirantium obiecit. Vocet Valerius suo libito gentem barbaram, asperam, regi difficilem, his opprobriis parum disciplinæ militaris peritos Lusitanos arguerit, imbelleis, aut ignauos animos iis minime fuisse eadem illa narratione palam prædicat. Multa Liuius tertia, quarta, & quinta decadibus prælia cum Lusitanis varia fortuna commissæ refert. Quamquam suspecta scriptorum Romanorum censerî fides merito possit. Fere enim eleuant, & attenuât barbarorum, sicuti aiunt, res gestas, suas augent etiam immodice, vitio fortasse priorum.

Diserte Strabo Polybium notauit libro 3. quòd trecentas Celtiberorum vrbeis in Tiberij Gracchi gratiam subuersas ab illo memoriæ prodiderit. Nam Imperatores, inquit, & rerum gestarum scriptores, vt ornatiora efficiant negotia, ad hoc mentiendi genus feruntur. Antiatem Valerium non semel ipse Liuius perstringit, vt in numero augendo intemperantem, atque immodicum, & præcipue circa finem lib. sexti tertiæ decadis, adeo nullus

nullus inquiens, mentiendi modus est. Ex quo cum pleraque desumpserit, non mirum si fallat similiter.

Expendatur (vt vnum hoc argumentum, verbi causa referam) Publij Cornelij Cnei filij Scipionis propratoris pugna cum Lusitanis, qui deuastata vltiore Hispania onusti præda domum redibant, narrata in initio quinti libri quartæ decadis. eius ipsius verba recensebo.

Prætor hæc gesserat Scipio. Idem proprætor Lusitanos, deuastata vltiori prouincia. cum ingenti præda domum redeunteis in ipso itinere adgressus, ab hora tertia diei ad octauam incerto euentu pugnavit, numero militum impar, superior aliis. Nam & acie frequenti armatis ad longum, & impeditum turba pecorum agmen, & recenti milite aduersus fessos longo itinere concurrerat. Tertia namque vigilia exierant hostes. Huic nocturno itineri tres diurnæ horæ acceperant, nec vlla data quiete labori viæ prælium exceperat. Itaque principio pugnae vigoris, aliquid in corporibus, animisq. fuit. Et turbauerant primo Romanos, deinde æquata paulisper pugna est. In hoc discrimine ludos Ioui, si vi fudisset, cecidissetq. hosteis, proprator vouit. Tandem gradum acrius intulere Romani, cessitq. Lusitanus: deinde prorsus terga dedit. Et cum institissent fugientibus vi-
ctores

tores, ad XII. millia hostium sunt cæsa, capti quingenti quadraginta, omnes ferme equites, & signa militaria capta centum triginta quattuor. De exercitu Romano septuaginta, & tres amissi.

Cui enim Liui disertissime suspectum non sit, in prælio continentium horarum quinque incerto euentu, in quo primo turbatos fuisse ais Romanos, deinde paulisper æquatam pugnam, proprætoremq. in eo discrimine ludos vouisse Ioui, quod sane solent ij, qui de victoria desperant, duodecim Lusitanorum cecidisse millia, captos quingentos quadraginta, omnes ferme equites; de Romano vero exercitu tantum amissos treis & septuaginta? Aggressus inquis est proprætor armatorum frequenti acie longum & impeditum turba pecorum agmen, recenti milite fessos longo itinere, accipimus, vt merito credantur Romani Lusitanorum multa millia cecidisse: Sed in duodecim millium clade solos treis & septuaginta amisisse Romanos, nescio an persuadeas.

Quid enim Romanos turbauit? Quid est post quinque horarum spatium incerto euentu paulisper æquatam fuisse pugnam? Ab hora tertia diei vsque ad octauam incerto euentu pugnavit Romanus, deinde æquata paulisper pugna est.

Si tam illæsi in prælio erant Romani, si tam obtusis

obtusis gladiis, & exhausto vigore Lusitani, cur horis continētibus quinque incertus fuit euentus? an non, quia cædebant, & cædebantur? Quid sibi vult, æquatā fuisse pugnam, nisi eatenus inferiores fuisse Romanos? & persuadebis in tanto discrimine, cum Lusitanorum duodecim millia cæsa fuerint, solos treis & septuaginta de Romano exercitu fuisse amissos?

Sed bene quod itinere lōgo fessos, & de tertia vigilia egressos, prædaq. longo agmine impeditos, confessus es, parum alioqui fidei habiturus. Non enim gerebatur res cum fugacibus Armeniis, & ventosi Tigranis exercitu, sed cum Lusitanis asluetis pugnare contra Romanos, quorū forti opera vsus fuerat Hannibal, non modo in Hispania, sed in ipsa etiā Italia, quiq. Lucij Aemilij Pauli proprætoris exercitum apud Lyconem oppidū profligarunt, cæsis vno prælio sex Romanorum milibus, ceteris intra vallum compulsis, ac ægre castra defendentibus, ac tandem ad modum fugientium magnis itineribus in pacatum agrum reductis. Quod idem testatur Livius decadis quartæ lib. 7. Vbi etiam aduertant lectores, quā religiose Romanorum fugam scriptor facundissimus obumbret, ad modum fugientium magnis itineribus in agrum pacatum perductos memorans.

Orosius certe L. Aemilium cum vniverso exerci-

exercitu casum interiisse dicit libro 4. cap. 20. de quo alibi diffusius, & cap. 21. Sergium Galbam prætorem à Lusitanis magno prælio victum, vniuerso exercitu amisso, cum paucis vix elapsum euasisse narrat. Ex qua ignominia cum se postea vlcisci Galba statuisset, Lusitanos, qui citra Tagum habitabant, sponte sua se dedentes ad colloquium vocauit, simulans de eorum se commodis acturum. Sed circumpositis militibus, inermes, atque incautos per scelus maximum omneis profligauit. Quæ res, inquit Orosius, postea vniuersæ Hispaniæ propter Romanorum perfidiam, causa maximi tumultus fuit.

Trium Lusitaniæ ciuitatum conuocato populo, vt scribit Valerius Maximus libro nono titulo de perfidia, nouem millia, in quibus flos iuuentutis consistebat, partim trucidauit, partim vendidit.

Accusauit acriter M. Cato Sergium Galbam pro interfectis contra interpositam fidẽ Lusitanis, vt testatur in Bruto M. Tullius, & obiter in Diuinatione, quod explicat latiuscule Asconius Pedianus, & Liuij epitome, lib. 49. & idem Valerius Max. lib. 8. cap. 1.

Nonagesimũ autem ætatis annum agebat Cato, cum Galbam accusauit, teste Liuius, decadis 4. lib. 9.

Ab Orosio non discedamus. Is ex Claudio narrat, trecẽtos Lusitanos cũ mille Romanis pugnam

pugnam commisisse: in qua septuaginta Lusitani, Romani autem trecentū viginti ceciderint. Cumq. victores sparsi iam, atque securi abiissent, unusq. ex illis longe à ceteris segregatus maneret, à circumfusiis equitibus pedes ipse est deprehensus: ille tamen vnus eorum equo lancea perfosso, ipsius equitis vno gladij ictu caput desecuit. Quo facto, ita omneis metu percussit, vt prospectantibus cunctis ipse contemptius atque ociosus abscederet.

Suppeterent nobis similia fortitudinis exempla, si modestius sua extulissent Romani. Nos autem cum rerum nostrarum scriptores alios non habeamus, ex ijs, siue æquis, siue ini quis cogimur accipere, quantum illis prode re de nobis fuit libitum. Nonnumquam tamen veritas excidit imprudentibus.

A Gallis, & à Lusitanis Romanos per arma grauiter vexatos ait Iulius obsequens capit. decimo quinto de prodigijs, & cap. 40. à Lusitanis exercitum Romanum cæsum. Florus lib. 2. cap. 17. Tota certaminum moles cum Lusitanis fuit, & Numantinis. neque immerito, quippe solis gentium duces contigerunt. Ex quibus verbis perspicuum fit, duces magnū ad victoriam afferre momentum: quos cum semper haberent Romani, non mirum, si turbam hominum sine duce incompositam vincerent.

At quo-

At quoties duces contingebant militaris rei non ignari, non tantum se iactabant Romani. Esto indicium vel Lusitanus Viriatus, si fortuna cessisset, Hispaniæ Romulus, ut idē scribit Florus, vel Sertorius. Facetus est Iustinus lib. vlt. In tanta sæculorum serie nullus illis dux magnus præter Viriatum fuit, qui annos decem varia victoria Romanos fatigauit. Adeo feris quam hominibus propria sunt ingenia. Quæso te Iustine, cur feris quàm hominibus propria dicis nostrorum ingenia? Quia annos decem Romanos varia victoria fatigauerunt? Quid? Romanorum, cum Lusitanos variis fatigabant victoriis, ingenia dijs credo quam hominibus existimares. Est ne, an minime, quod superius dixi, Latinos scriptores semper ut potuerunt nostra detrectasse? Sed de fortitudine isthæc sufficiant.

Mores Strabo, quales suo tempore acceperat, diligenter annotauit; neque tunc quidem malos, neque modo nobis erubescendos. Quorum multi cum religione mutati sunt, multi etiam perseuerant. Ex iis exponam aliquos.

Quòd insidiatores eos dixit, nemo in peiorem partē accipiat. Militare enim vocabulum est, ut admonuit Iulius pollux capite 10. Cicero eā re, Q. Fabium Maximum laudat libro de officiis primo. Callidum Hannibalem ex gente Pœnorum, ex nostris ducibus,

D

Q. Ma-

Q. Maximum accepimus, facile cælare, tacere, dissimulare, insidiari, præripere hostium consilia. Quod ad Lusitanos attinet, Dion Herminij montis incolas Cæsari insidias parasse ait.

Pugiolateri adhæret. Pugionum vsus Hispaniæ antiquissimus, qui me puero in magno honore viris adhuc erat, paulatim defluxit ad ficas, quibus etiam impuberes ante nimis properum ensium vsum sæpe in suam perniciem, & parentum orbitatē armantur.

Vnusquisque plura fert iacula. Callaicorū, & Bracarorum etiam nunc plerique ex plebe id seruant, cum ad agros egrediuntur, bina ferentes iacula, & quidem amentata.

Quidam vtuntur & hastilibus. Transstagnorum mos hic est, etiam pedibus euntium, lanceas sane longas extra urbē gestare. Equitibus habiliores sunt.

Aquæ potores. Id ad nostrā ætatem etiam magna ex parte durat, præsertim inter nobiles. Certe pueri citra pubertatem abstemij generatim sunt. Regibus, ac Principibus nostris sollemnis est vini abstinencia.

Ceterum, Spartanoritu degere Lusitanos, & Græco more Hecatombas facere, gymnica certamina exercere, quæq. sequuntur, omnia eo pertinent, vt Græcam Lusitanorum originem ostendant. Cetera possunt, qui velint, ex ipso Strabone petere.

Leui armatura vti Lusitanos, primo belli ciuilis commentario Cæsar afferit. Grauiorem, & quæ Panoplia vocatur, à Romanis Gallis, atque Germanis accepere. Cetratos pugnare pedites, & Cæsar, Liuius, & Silius, & plerique alij attestantur.

Prosequamur & illam Callecix partem, quam annexam Lusitaniæ supra memorauimus, videlicet Bracaros ab vrbe gentis capite nominatos. Vetus to hi nomine Gronij dicebantur Pomponio, Plinioque. quamquam in Plinio emendata iam lectio est, & pro Groniis substituti Grauij, ex Silio lib. i.

*Quique super granios lucentes uoluit arenas,
Infernæ populis referens obliuia Lethes.*

Et libro tertio.

*Et quos nunc Grauios, uiolato nomine Graium
Oenæ misere domus.*

Plinius quadrifariam partitur, in Helenos, Grauios, Leunos, Seurbos. Adhuc minutius Ptolemæus, in Turdulos, Nemetatos, Cælestinos, Bibalos, Limicos, Gruios, quos alij Grauios, Luangos, Quarquernos, Lubanos, & Narbasos. Sed hæc potius ciuitatum sunt nomina, vt est Aquis Flauis in columna, de qua suo loco. vbi legitur:

CIVITATES. DECEM

AQVI. FLAVIENSES

AOBRIGENS

BIBALI

COELERINI

EQVAESTIL.

INTERAMICI

LIMICI

AEBISOC.

QVARRVERN.

TAMACANI.

Hoc est,

Ciuitates decem, Aqui Flauienteses, Aobrigenses, Bibali, Cœlerini, Equæsilici, Interamici, Limici, Aebisoci, Quarquerni, Tamacani.

Pomponius vero vno nomine Gronios, seu potius Grauios complexus est. Addit Iustinus Amphilocho, Græcæ originis. Strabo Hellenas, & Amphilocos: & Græcorum sobolis omnia, dixit Plinius. Nam, præter Teucrû, Telamonis filium, quem scribit Iustinus ad Callæciam venisse, & genti nomen dedisse, etiam Diomedes, eo delatus, Tyden urbem condidit, quam propterea Aetolam Silius cognominauit, lib. 3.

Aetolaq. Tyde.

Durio vicinos anni, Spartano ritu degere, Strabo de Lusitanis agens, memoriæ prodidit.

didit. Hecatombas, certamina gymnica, ludos, armis, equis, cestibus, & cursu solitos celebrare; itemq. coniugia Græcanico ritu: vt absque dubio Græcam hi populi præ se ferant originem.

Liberi patris, atque Olyssis vetustiora sæcula supra memorauimus. Adeo verum est, Græcæ originis multa in Hispania superesse, vestigia vt etiam linguæ complura, & vocabula, & Hellenismi, & pleræq. diphtongi, ipsiq. etiam additi nominibus articuli, eorumque vsus apud nos, & sit, & custodiatur. Aliquando, curiositatis studio, atque animi causa, otio abusus, siluam collegi vocabulorum fere quingentorum, cum sua dialecto, nobis ex Græco relictorum. quæ persequi, huius loci nequaquam est.

DE MONTIBVS.

Montes nonnullos habet Lusitania: sed, quorum mentio facienda sit, Cicum, Barbarium, Iunctum, Herminium, Lunæ montem, Tapiæum, Cordibam, Alcobam, Murum, Maranum, & Iurellum. Mons Cicus ab Castro Marino oppido, Anæq. fluminis exitu incipiens, tamquam Marianorum montium appendix, Algarbij Regnum secatur, & nonnullis emissis fluminibus, in mare propinquum se condentibus, ad oppidum Algiazur cum

fluuiio eiusdem nominis in occidentalis Oceani littore deficit . De Barbario superius dictum satis .

Lunæ montem , nos Sintriæ , ab oppido appellamus , efficitq. promōtorium illud , quod magnum , siue Olyssipponense appellant geographi . In cuius summis rupibus templum est Sanctissimæ Dei Matri sacrum , ab indigenis maxima religione cultum , simulq. cœnobium monachorum , ad S. Hieronymum vitæ institutum referentium , non tam numero , quam morum integritate suspiciendum . Ad radices montis , in ipso promontorij cacumine , quo in Oceanum præcipitatur , templum olim fuit , Soli , & Lunæ sacrum . Cuius modo inter littorales arenas ruinæ tantum extant , & cippi aliquot inscripti , superstitiones antiquæ indices .

Vnus sic habet .

SOLI. ET. LVNAE
CEST. ACIDIVS
PERENNIS
LEG. AVG.
PROPR. PROV.
LVSITANIAE

Hoc est .

Soli , & Lunæ Cestius Acidius Perennis Legatus

gatus Augustalis Proprætor prouinciæ Lusitaniæ.

Alter autem sic .

SOLI. AETERNO. LVNAE
 PRO. AETERNITATE. IMPERII
 ET. SALUTE. IMP. CAI . . . SEPTIMI. SEVERI
 ET. IMP. AVG. CAES. M. AVRELII. ANTONINI
 AVG. PII
 CAES.
 ET. IVLIAE. AVG. MATRIS. CAES.
 DRVSVS. VALERIVS. CAELIANVS
 VIATI. VSI . . . AVGVSTORVM
 CVMV . . . SVALE . . . NI . . . SVA
 ET. Q. IVLIVS. SATVR. QVAL . . .
 ET. ANTONIVS

Hoc est .

Soli æterno, Lunæ, pro æternitate imperij, & salute Imp. Cæs. Septimij Seueri, Augusti Pij, & Imp. Cæs. M. Aurelij Antonini Augusti Pij Cæsaris, & Iuliæ Augustæ, Matris Cæsaris, Drusus Valerius Cælianus
 & Q. Iulius Saturninus, & Antonius . . .

Est ibi præterea ingens alius cippus, qui habet supra triginta lineas littera minutio-

re. verū iniuria temporis, & aspergine maris in tantam scabritiem deuenit, vt in vnaquaque linea vix litteræ quattuor agnoscantur. Atque hic est locus in quo, qui sacrosanctæ vetustatis inscriptiones typis in Germania edendas curauerunt, erutas fuisse aiunt quadratas columnas tres, in quarum vna vaticinium Sibyllæ contineri asserunt.

VOLVENTVR SAXA LITTERIS
ET ORDINE RECTIS.

Quod vaticinium ego fictum existimo, & tres illas quadratas columnas tres esse cippos, quos dixi, sunt enim ingentes. Valentinum vero Morauum, fabulæ assertorem, virum bonum, negotiatorem splendidum, litterarum tamen Latinarum rudem fuisse accepi, vt facile fuerit ab impostore quodam decipi, & nouæ rei admiratione inductum suspicor voluisse Germanos suos participare.

DE MONTE TAGRO,
sive Iuncto.

T Agrum montem, in quo equæ vento concipiunt, Olyssipponi vicinum Varro asserit. In fætura, inquit, res incredibilis est in Hispania, sed est vera, quod in Lusitania ad Oceanum, in ea regione, vbi est oppidum Olyssippo,

Olyssippo, monte Tagro, quædam e vento, certo tempore, concipiunt equæ. Non disparto de conceptu ex vento, re nobis modo incomperta. Sed, quod ad institutū meum attinet, mouet mihi scrupuli nesciō quid, similitudo Tagri, & Tagi, hoc est montis, & fluij.

Subdubitauī sæpe, referendum ne esset, quod de monte ait, ad amnem, vt pro Tagro monte, amne Tago substitueremus. Quemadmodum fecit Plinius, qui Circa Olyssipponem oppidum, & Tagum amnem, dixit: & Iustinus, In Lusitania, iuxta fluiuium Tagum. Sed duæ res impedimento sunt: altera, quod non bene diceretur, equas concipere amne Tago: altera Columellæ verba montem quoque nominantis, tametsi sacrum, non Tagrū. Verum, cum id à Varrone acceperit, ad illius lectionem reuocandus vtique est. Quod si quis opinatur etiam apud Varronem legendum, Monte sacro, non repugnarem, si montem aliquem sacrum alicubi isto in loco legeremus. Sacrum montem in Callæcia esse nouimus ex Iustino. Sacrum & in Lusitania, qui eiusdem nominis efficit promontorium. Sed horum vterque longissime ab Olyssipponē distat, cum Varro vicinum dicat. Quare non audeo lectionem eius immutare: neque temere in notæ eius auctoribus id faciendum censeo.

Nam

Nam, quod Plinius, & Iustinus, iuxta amnem Tagum, dixere, non tollit, in monte, qui iuxta ipsum amnem sit, idem etiam fieri, ut vere dixerint hi, iuxta amnem, & illi, In monte. Ceterum montem hunc eum esse, quem Iunctum adcolæ vocant, contiguumq. illi Albardum, videtur liquere, ex equiferorum inibi passim multitudine per montem; cum solitarie, tum etiam gregatim errantium. Corporatura illis mediocris, sed firma. soliditas vngularum siccissima pernecitas mirabilis. Quare capti, ac domiti, ad perferendos labores, tam sarcinæ, quam itineris, ceteris duritia, videlicet rupibus assueti, longe præstant.

Sed, quamquam de conceptu ex vento disputandum a me negavi, referam tamē, quod inquirendæ rei gratia percunctanti, mihi indicatum est. Diuerti ab hinc septennium, apud colonum agri Beneuentani, iuxta Tagum: &, cum ab illo quærerem, ecquid de huiusmodi conceptu, aut sciret ipse, aut ab aliis auditum meminisset, respondit, neq; se, neque vicinos, qui equarias haberent, de ea vñquam re fuisse sollicitos.

Tantum, ut equire feminas animaduertent, admitti eas curare. Se tamen, cum pulchram equam haberet, cuperetq. benevendibilem in proximas nundinas efficere, ante hinnitum, in Insula, quæ in medio Taggo est,

go est, solam inclusisse, vt abundantia pabuli saginaretur. Inuisam post menses duos reperisse grauidam, miratumque, eo quod illuc nūquam accessisset admissarius, euentum expectasse. Septem fere iam menses, cum tulisset vterum, enixa non quidem animal, sed concreti sanguinis informem materiam, abortumq. suspicatum.

De hac equarum genitura aliud noui nihil. miror tamen, vt Virgilium, Siliumq. libro tertio taceam, Varronem doctrina tanta, esse veram asseuerantem, Columellę habitam pro notissima, Plinium constare testatum, nec vno id loco referentem. Verum id inter se agitent phisici. Nos ad susceptam materiam reuertamur.

DE MONTE HERMINIO.

HErminium montem, & olim in epistola ad Emmanuelem Sosam, Arruncensis castri præfectum, virum nobilem, & eruditum, & post ad Ioannem Vassum, ostendi eum esse, in quo Alacriportus ciuitas, Aruncis, Alacretum, Maruanum, aliaq. oppida, non contemnenda sita sunt. Ad cuius radices extant adhuc Meldubrigę vrbis ruinę, non procul à Maruano Castro, cuiusque editissimum culmen supra dirutam urbem, etiam dum veterem appellationem retinet.

Her-

Herminius enim mons vocatur.

Ipsa etiam destructa ciuitas a monte, cui subiecta est, Herminia vulgo dicitur, sine, vt Lusitanè loquar, Haraminia. Super sunt tota illa inter montes conualle, hic turres, illic super fluuium pontes, hic adium nobilium strata pauimenta, etiam Asarotica, illic ductus aquæ fontanæ, parte alia parietes semidiruti, & alia veteris frequentia manifesta indicia. Fodinæ quoque plumbi, auri que, vt indigenæ aiunt, multis locis per latera montis apertæ, vt non immerito Meidubrigenses Plumbarios Plinius cognominarit. Veni in loci huius notitiam primum ex ipso seruato ad hanc diem, montis nomine, conspectisq. inter ruinas sepultæ vrbis vestigijs. Deinde ex collatis Hirtij, aut Oppij verbis in commentario belli Alexandrini, qui est ciuiliū bellorum quartus, vbi refertur Cassius Longinus Meidubrigam oppidum, montemq. Herminium, quo Meidubrigenses confugerant, exgugnasse. Eamq. mihi opinionem confirmauit Antonini Pij itinerarium, tribus ab Olyssipone Emeritam positis itineribus. Quorum in tertio Meidubriga LXIII. M. pass. distat ab Emerita, hoc est Hispanicis leucis sedecim. Tot enim modo numerantur. Sic: Post Meidubrigam, ad septem Aras, vbi nunc Alacretum est oppidum, M. pass. xiiii. Plagiaria. M.

p.xx. Emerita M.p.xxx. In secundo autem sic: Post septem Aras. Budua. M.p.xii. Eratq. Budua fere M.p.xii. ab eo loco, vbi nunc oppidū est Campi Maioris, extatq. eo loco fanum. Virginis matris, ad Botouain appellatum, videlicet Buduæ nominis in Betouæ nomen, facili ex cognatione litterarum deprauatione: A Budua vero Plagiaria. M.p.viii. Inde Emerita. M.p.xxx. Hoc ita explicandum censui, vt ab Emeritæ, ac Meidubrigæ propinquitate, acquiescat lectoris animus, nec titubet de Herminio monte, ac Meidubriga a me modo expositis, cum paulo post non parum inde remotiorem montem Herminium quoque esse ostendero.

Aio igitur, nominatum, ac celebrem tota Lusitania Stellæ montem, multis oppidis frequentem, multorum fluuiorum patrem, & vbi niues deliquere, ob pabuli abundantiam, maxime pecorosum, Herminium quoque esse, neque ob stare inter modo expositum, & hunc Stellam sine continuis montibus longiusculum interuallum.

Quod autem Stellæ mons Herminius vocatus quoque sit, patebit ex libris testamentorum, donationum, emptionum, ac venditionum cœnobij Canoniconum sanctæ Crucis Conimbrigenfis.

In quarta igitur parte libri testamentorū, instrumēto primo, Comes Hēricus, & Regina
Therasia

Therasia, Alfonſi Henrici primi Portugaliæ regis parentes ita loquuntur: Facimus charitam donationis, de illa hereditate nomine Sancto Romano, quæ est sita iuxta Senam, sub monte Hermeno. Valde vero notum est, Senam oppidum, oppidumq. Sanctum Romanum, sub Stellæ monte esse, non longe ab insigni oppido, à Cabia Iuliani dicto, & lanificio celebri, de quo alias.

Instrumento octauo eiusdem libri, vbi agitur de hereditate Ansedi, habetur sic: Ego Ansedus de medietate totius nostræ hereditatis, quam habemus in villa Lagaris in territorio Senæ, subtus monte Hermeno.

Instrumento decimotertio, de hereditate Ioannis Garſiæ: De nostra terra, quam habemus in territorio Senæ, subtus monte Hermeno, in loco, qui dicitur Assamassa.

Instrumento quintodecimo, de Sancta Maria de Mesquida. Et est, inquit, sita sub monte Hermeno, in partibus Senæ.

Instrumento duo de vigesimo, de hereditate Pelagij Ariei, sic: De tota illa hereditate, quam habemus in villa Sancti Romani, in loco scilicet, qui dicitur Assamassa, subtus monte Concieiro. Vbi aduertendum, Sanctum Romanum oppidum, & vicum Assamassam sub monte Hermeno prius dicta, modo sub monte Concieiro collocari: Videlicet, quia Concierus Herminij pars sit, peculiari nomi-

ne Sancto Romano , & Affamassæ imminens.

Instrumento vndetrigesimo , de hereditate Sanciij Vermuizij, sic est : De tota illa mea hereditate , quam habeo in villa Pallacios , territorio Senæ , sub monte Hermeno .

In secunda vero parte libri venditionum , instrumento primo , de hereditate Menendi Pelagij , ita legitur : In villa , quam vocant Lagares , subtus montem Hermenum , in territorio de Sena .

Instrumento septimo , itemq. duodecimo : In villa Sancti Romani , & in circuitu eius , sub monte Hermeno , discurrente fluuio Aluia . Et alias sæpe .

Semperq. hic mons Hermenus vocatur , non autem Stellæ , quasi nomen hoc recens , nec ita pridem sit impositum . Audiui , à pastoribus inditum , argumento Stellæ , in summitate cuiusdam rupis ab natura effigiata .

Hermenij montis incolas à Cæsare Lusitaniam prouinciam post præturam vrbis adeptos expugnatos , ad hunc modum scribit Dion , sub libri trigesimiseptimi finem . Cuius verba , quanta potui fide , ex Græco ita verti : Hoc eodem tempore Faustus , Syllæ filius , agonem monomachia pro patre fecit , & populum publico conuiuio excepit , & lauacra , atque oleum gratis præbuit . Et hæc quidem in vrbe facta sunt . Cæsar autem post præturam , Lusitaniæ imperium accepit . Cumq. potuif-

potuisset latrocinia, quæ semper apud illos erant, tollere sine magno quopiam labore, otium habere noluit. Etenim, gloriæ cupidus, & Pompeio, aliisque, qui ante ipsum multum potuerant, inuidens, nihil paruum animo concipiebat, sed sperabat quidpiam & ipse tunc posse efficere, consulq. statim discerni, & opera ingentia edere. Cum propter alia, tum quia in Gadibus, quando quæsturam gessit, somnium viderat, quasi cum matre coiret, & ab interpretibus, ac diuinis didicerat, in magna se potentia esse futurum. Vnde & effigiem Alexandri ibi in Herculis templo suspensam videns, suspirauit, & conquestus est, quòd nullum adhuc ipse opus magnum fecisset.

Ex eo igitur tempore, cum liceret illi pacem habere, vt dixi, ad montem Herminium versus est. Iussitq. incolas eius in campestria ad habitandum transire, prætextu quidem, ne a munitis locis prodeuntes, latrocinarentur; re autem vera, quod non ignoraret, eos hoc numquam facturos, atque ex hoc belli occasionem caperet. Quod & factum est. Eos igitur ad arma venire compulit. Verum, cum finitimorum quidam, veriti ne etiam in ipsos impetum faceret, filios, & vxores, & alia, quæ chara, ac pretiosa habebant, vltra Doriū clam exportarent, interim dum hoc faciebant, ipse ciuitates illorum occupauit. Et
post

post hæc certamine congressus cum ipsis est, obiiicientibusq. armenta sua, ac greges, vt in Romanos ad prædam pecorum dissipatos incurrerent, exercitum trāsmisit, illosq. adortus deuicit. Inter hæc, cum cognouisset eos, qui Herminium montem habitabant, abscessisse, & sibi reuertenti insidiaturos, tunc quidem aliò se contulit, rursus vero exercitum in eos duxit, & cum præualuisset, ipsos ad Oceanum vsque fugientes, insecutus est. Postea vero quàm illi continentem relinquentes, in insulam quandam traiecere, cum ipse naues non haberet, circa regionem mansit, compactisq. ratibus, partem quandam exercitus aduersus eos misit, multos tamen ibi amisit. Etenim terram quandam è regione insulæ existentem cum aduertisset militum illorum præfectus, eosq. illuc adduxisset perinde ac pedibus transituros, ipse postea, æstus reciprocantis vi coactus, & subductus est, & illos deseruit. Ex illis autem alij quidem egregie se vlti occubuerunt, Publius vero Scæuius solus relictus, & scuto priuatus, adhæc multis vulneribus saucius, in aquam desiliit, ac demum enatauit. Atque hæc quidem tunc sic euenere. Postea vero Cæsar, a Gadibus accersitis nauigiis, in insulam cum toto exercitu transiit, ipsosq. rei frumentariæ penuria laborantes sine pugna ad deditionem compulit. Atque inde, cum ad Brigantium, Callæ-

ciæ ciuitatem præternauigasset, recto nauigiorum cursu, illos, qui nondum ad id tempus classem viderant, exterruit, ac in potestatem redegit.

Hoc, quod hic narrat Dion, Cæsarem finitimorum Herminij ciuitates inuasisse, cum eo congruit, quod ait Suetonius, Lusitanorum illum quædam oppida hostiliter diripuisse, quamquam neque imperata detrectarent, & portas aduenienti patefacerent. Sed quænam Herminij pars hinc intelligatur, mihi nondum satis liquet. nam ex pecorum gregibus, & armentis, quæ Romanis incolæ, separandi exercitus gratia, obiciebant, videtur significari Stellæ mons, vt ante dixi, pecorofus: quamquam pars illa vergens ad Meidubrigam oppidum non parum etiam pecoribus abundet.

Vxorum, filiorum, aliarumq. rerû in pretio habitarum exportatio vltra Durium ad Stellæ montem Durio propinquiorem videtur pertinere. Rursus fuga Herminiensium, & Cæsaris insecutio vsque ad Oceanum, exposito priori loco, monti magis conueniunt. Sed quærendum vtrobique, quænam insula ista fuerit terræ contigua, ad quam siue pedibus, siue natatu, profugi transire potuerint, ad quâ similiter & milites traicere tētarint?

Non fuisse Londobrin, cuius meminit Ptolemæus, (Berlengam modo dicimus) indicio est

est distantia a continente non modica. Et, cū alia iuxta Lusitaniæ totius littus nulla nostro æuo extet, hæc, de qua Dion loquitur, vel incumbenti violentius mari abrafa, deletaque est, vel certe pæninsula illa oppidi Pænisci iuxta Atougniam, erit intelligēda. Nam etiam nunc a lueo quingentis passibus lato a continenti seiungitur, qui pedibus æstu cedente, trāsitur, redeunte vero insula plane fit, neque adiri vado potest. Et forte illo sæculo fuerit, aliquanto maior.

Certe non importuosum esse locum, vt eo Cæsaris classis appellere, & in salo esse potuerit, Piratæ nouere. Qua vna ex causa Ludouicus Athaidius, tractus eius toparcha, vir dignus, de quo sermo longior haberetur, apud Regem Ioannem tertium expositis illius oræ periculis, institit, vt liceret illic sibi castrum firmissimum, operibus, propugnaculis, omniq. ad arcendos piratas necessaria supellectile munitissimum extruere. cuius huiuscemodi inscriptionem præfixit:

*Securitati
& Memoria*

*Emmanuelis . Lusitan . Regis . Pij . Fel . inuicti . fil .
Ioannes . III . Lusitan . Rex . pius . fel . inuictus
Castrum cū propugnaculis . ad oppidi munimentum .*

*Atque ad arcendos ab ora maritima Piratas
Petente, & curante
Domino Ludouido Athaidio
Limitis Atougiaci toparcha*

*Eamq. rem, ne in historia urbium postea
repetere mus, hic oblata occasione, visum
est non prætermittere. Epigramma quoque
in tanti viri memoriam hoc, qualecumque
est, ipsi fecimus.*

*Hæc infesta prius, Prædones sæpe marini
Qui faciebatis littora, quiq. mare;*

*Ite alio posthac, longeque faceffite portu:
Longe hic per vastum velificate salum.*

*Donec Athaidius nostram tutabitur oram,
Stabit & hæc moles pulchra, superba, minax:*

*Piratis nullas datur hinc auertere prædas.
Nil rapere hac vobis in regione licet.*

Ac de Herminio satis iam multa.

DE TAPIÆO MONTE.

TApiæi montis nomen apud scriptorum antiquorum quempiam non legi, inveni tamen in vita sancti Martini, Saurienſis presbyteri, scripta à Saluiano alumno eius familiari. Eam reperi in libro testamentorum, vëditionumq. Cœnobij Canonicoꝝ sanctæ Crucis Conimbrigenſis, charta quadragesima sexta. Quod adnotare volui, vt memoriâ
sancti

sancti viri, quæ interciderat, renouarem.
 Quam aliquando spero me editurum, iisdem,
 quibus scripta est, verbis, vt lectori maiorem
 fidem faciam. Sed de hoc alibi. Quod ad rem
 facit, de qua agimus, scriptor ille, qualis qua-
 lis est, cum oppidum Saurium iuxta decur-
 sum Anæi fluminis in Mundam labentis pæ-
 ne superflua curiositatē describit, ita ait: Ab
 vrbe Colimbrianorum decimo octauo Au-
 strum versus distat milliario. Ad Orientem
 sunt Tapiæi montis saxosa cacumina. Et alia,
 quæ sequuntur. Ex quibus patet Tapiæum
 montem esse, quem Ansidianum ab oppido
 nominamus, & inter Rapaciale, & Palumba-
 re oppida excurrit, quiq. à Thomario Co-
 nimbrigā euntibus saxoso nimis itinere per-
 quam molestus est. Quod nos in carmine ad
 Lupum Scintillam testati ita sumus.

Sic ereptani clium lapidose superbum

Ansidiane tuum, sic per sine sole molestos

Anfractus Tapiæ tuos, vergente senectā

Aeger anhelauit.

Summum montis iugum supra Rapaciale
 oppidum, adhuc, vt ab indigenis didici, por-
 tus Tapiæus dicitur.

DE MONTE CORDUBA.

Corduba mons in Portuensi diœcesi no-
 men adhuc vulgo retinet, nisi quod ru-

fticorum inſcitia, primum concife montem Corduã cœpit appellare, poſtea deprauatius, montem Coruam. De quo, & de Baſilicis in eo Saluatoris, ac ſancti Michaelis Archangel- li, particularis fiet mentio in rebus, ac hiſto- ria ſancti Rodeſindi Epilcopi, & confeſſoris, quam etiam aliquando, Deo bene iuuante, ex tenebris in lucem proferendam curabimus.

DE ALCOBA MONTE.

Alcoba mons ex Conimbrigenſi diœceſi, per Viſenſem protenſus, in Lamecenſi, Muro monti coniungitur, nulla re alia magis clarus, quàm inſigni Virginis Arocenſium parthenone, & fluuiis nobilium piſcium tro- ctarum, Lampetrarum, aloſarumque, præter alia vulgata genera, feraciſſimis. Quorum tamen alij in Mundam, alij in Vaccam, in Du- rium alij ſe condentes, ſuorum nominum in- teritu, dant incrementum alueis alienis.

DE MONTIBVS, MARANO, Iureſſo, Suaio, & Muro.

Maranum, Iureſſum, & Murum, adde, ſi placet Suaium, ob id tantum referen- dos putauì, quia Bracarorum prouinciam, ita mediam ſecant, vt pars, quæ ab iis tendit ad mare, Interduriominia vocetur. De cuius
regionis

regionis laudibus, fertilitate, amœnitate, ac salubritate extat opusculum lectione minime indignum. Altera vero pars, quæ yltra eos montes, Minio ab læua relicto, Orientem versus adscendit, Transmontana vulgò appellatur.

Videntur autem hi montes quasi rami esse quidam montis Vindui: cuius Florus, & Orosius meminere. Ptolemæus Vindium vocat, qui ex Pyrenæo supra Pompelonem, Cātabrorum urbem, per Victoriā, eiusdem gentis ciuitatem, & Geminos Astures late excurrit, donec in duo diuisus cornua, altero Callaicum petit Oceanum, & Nerium promontorium, altero in meridiem flexus, Bracaros, vti dictum est, dissecat iuxta aquas Flauias Lusitanam ingressus ditionem, ac varijs subinde locis nomina quoque varia fortitur.

Finis Libri primi.

D E
ANTIQUITATIBVS
LVSITANIAE

Liber Secundus.

D E F L V M I N I B V S .



VLTI^S fluminibus irrigatur Lusitania. Id silentio non præterijt Strabo. Regio, inquit, de qua loquimur, felix est, & amnibus magnis, ac paruis irrigua. Qui omnes ab oriente pariter disjuncti à Tago sunt, & maiori ex parte nauigabiles, atque Anæ, Tagi, Mundæ, Vaecæ, Durij, Aui, Limiæ, ac Minij tanta claritas est, vt in eis explicandis operam insumere superfluum videatur. Sunt tamen singulis quædam peculiaria, quæ lectoribus, vt opinor, non iniucunda sunt futura. Veluti Anæ, tanto flumini, cuniculis se totum condere non semel, alicubi interstitio quadraginta millium passuum, rursusq. impetu maiori renasci. Potu eius ac pastu, ingenita naturæ vi adeo grandescere pecudes, vt Ananis armentis, ac bobus, prima

ex ma-

ex magnitudine palma, in Hispania tribuatur. Cumque piscosissimus annis sit, pisces tamen eius non tam incūditate saporis, quā proceritate commendantur.

Myrtilin vsque a mari subeūt alosæ, & lam petra, siue mustellas eas, siue fluuiales murenas magis conueniat appellare, vt eas appellauit Tertullianus in libro de pallio, notata Vedij Pollionis immanitate, qui damnata mātipia viuariis earum immergebat, vt murenarum suctu paullatim absumerentur. Et quidem lampetras Septimiū intellexisse, indicāt verba, quæ subdit: Terrenæ bestia, exedentulæ, exungues, & excornes. Marinæ siquidem murenæ, vt neque terrenæ bestia erant nuncupandæ, ita neque exedentulæ sunt, verum dentatæ etiam eminentius. Subeunt & Anam sub Idus Martias vsque ad iam adultam æstatem, Asturiones iusta magnitudine, sed raro maiores, quā vt bini mulum onerent cli-tellarium.

DISQVISITIO DE PISCE

Asturione.

PEto vero a lectoribus hanc veniam, vt isto nouitio excellentis piscis nomine hic me vsum non indignentur, quando medicorum, quorum maxime interest, & eruditorum, qui de piscibus scripserunt, concertatio adhuc finem non reperit, & dissidentium mutuo sententia

tentiæ in aliqua certa appellatione, nondum conquiescunt.

Eorum, qui magis ad veritatem accedere videntur, Paulus Iouius Silurum esse existimat. Et sane sunt non pauca quæ fidem videntur facere, si e diuerso non essent alia, quæ manifeste abrogarent. Nam cum Asturionem fateatur, maleficum neque esse, neque esse posse, quia dentibus omnino careat, sic ab natura formatus, quoniam piscibus non alatur, hoc vno argumento, suam de Siluro opinionem tueri non poterit.

Nam Silurus maleficus est, &, vt scribit Plinius lib. nono, capite decimo quinto, grassatur vbicumque est, omne animal appetens, & equos innatantes sæpe demergens. Ad hæc, hamo prehensus, morsu durissimi dentis sæpe hamum frangit, vt in nono historiæ animalium capite trigesimo septimo inquit Aristoteles, quibus nihil alienius ab Asturione commemorari potest.

Præterea eodem loco Aristoteles Silurum fluuiatilem piscem esse ait, quem sequitur Plinius libro nono capite decimo quinto. Cum enim de Thynnorum magnitudine esse locutus, Sunt, inquit, & in quibusdam amnibus non minores, Silurus in Nilo, Esox in Rheno, Attilus in Pado. Et capite decimo sexto: Fluuiatilium, Silurus caniculæ exortu sideratur. Libro quoque trigesimo secundo, capite

capite decimo: Siluri fluuiatilis, qui, & alibi quam in Nilo nascitur carnes impositæ, &c.

Strabo etiam libro decimosextimo, Siluris abundare Nilum ostendit. Quòd si quis, propter Plinij verba postremo a me posita, Siluri fluuiatilis, ideo dictum existimet, quia sint & marini, qui tamen amnes adscendant, tum alios, tum etiam Nilum, id Strabo de Nilo constanter negat Aristobuli auctoritate lib. decimo quinto. Tradit etiam, inquit, Aristobulus, nullum ex marinis piscibus in Nilum recurrere, præter alosam, & mugilem, & delphinum, propter crocodilos. De Siluro tamquam Nili indigena nihil dixit.

Fluuiatilis ergo est. Asturiones vero pelagici, nisi quòd pinguioris pabuli gratia, dulces petunt aquas, quibus & pinguescunt, & falsuginis deposita tristitia in obsoniis longe suauiores gustui efficiuntur.

Gulielmus Rõdeletius, laborioso, & docto, de piscibus edito volumine, qui nunc Asturio est, Acipenserem Latinis fuisse contendit, Dorioni Græco auctori Oniscon dictum, Galaxiam Galeno. Sed quid respondebit Plinio, qui libro nono, capite decimo septimo ait: Apud antiquos piscium nobilissimus habitus Acipenser, vnus omnium squamis ad os versis contra aquam nando meat. Nullo nunc in honore est, quod quidem miror, cum sit rarus inuentu, quidam eum Elopem vocant.

Quid

Quid etiam Plutarcho? qui in libro de industria animalium, cum dixisset pisces omnes cauere, ne ventus a tergo incumbens squamas surrigat, cieatque, addidit: Hoc igitur commune piscium est omnium, Acipenser tantum excepto, secundum ventos, & fluctus meat hic, squamæ vulsionem veritus, vt quarum commissuras ad os versas habet. Vbi enim squamæ in Asturione? vt de conuersis ad os fileam.

Nam, quod Rondeletius litem se diremisisse autumat, respondens, dictum esse hoc, ab iis, qui Acipenserem eundem esse cum Elope existimarint, equidem probare non possum. Piscem hunc, cui Asturioni nomen fecerunt neoterici, aut norat Plinius, aut non norat. Plutarchum prætereamus. Non nosse, verisimile non videtur, cum esset omnium marium indigena, & annum fere omnium in Romano orbe, tum vero in ipsa Italia hospes assiduus. Si norat, & is Acipenser erat, qui poterat, squamas eum non habere, ignorare? Quomodo ergo Acipenseri, non modo squamas, verum ad os versas attribuit? Videlicet dormiens litteris ista mandabat. Non norat fortasse, quoniam rarus inuentu esset. Ita certe Acipenser. Admodum enim raro capi, etiam in libro de fato Cicero testis est, vt asserit in tertio Saturnalium Macrobius. Nam nos eum Ciceronis librum im-

perfe-

perfectum habemus . Cui ignotum quoque fuisse Acipenserem, indicant ipsiusmet verba. Etenim cum allatum ad Scipionem dixisset, Raro, inquit, admodum capitur, sed est piscis, vt ferunt, in primis nobilis. Et Plutarchus ipso in libro de Anthia sacro pisce apud Homerum, Eratosthenes, inquit, Auratam videtur, Pernicemq. supercilio flauente, sacrumq. dicere. Multi Acipenserem. Nam & hic rarus est, & ægre capitur. Conspicitur autem circa Pamphyliam sæpe. Martialis quoque rarum dicit:

Ad Palatinas Acipensem mittite mensas:

Ambrosias ornent munera rara dapes.

Quis autem vel Plinio, vel Cicéroni, vel etiam Martiali credat, raro capi eum piscem, qui Pado, qui Tiberi, vt nihil amplius dicam, tam familiaris sit? Acipenser autem non tantum rarus admodum, sed etiam omnino peregrinus.

In Halicutico dixit Ouidius,

Tuq. peregrinis Acipenser nobilis vndis.

Sed dolendum, quoniam in hoc versu fragmentum eius libelli nos destituit. Forte enim de Acipensere plenius instrueremur. Illud tamen satis est, peregrinum vocasse piscem, vt ea peregrinitatis appellatio Asturioni conuenire nullo modo queat, pisci perquam domestico.

Caret squamis Acipēser, inquit Rôdeletius.

Hoc

Hoc numquam euincet per Plinium, neque per Nigidium Figulum, naturalium rerum maximum indagatorē, vt eum honoris causa vocat apud Macrobiū Serenus Sammonicus, neque per Plutarchum, neque per Macrobiū, ipsumq. Serenū, qui in Seueri principis conuiuiō Acipenserem crebro esitarit, & quæ de squamis ad os versis à Plinio dicta sunt, vera esse ex Nigidio confirmarit.

At ex Archestrati sententia, Athenæo referente, Galeus Rhodius idem est cum eo, qui apud Romanos cum tibiis, & coronis, coronatisque ministris cenis inferebatur, vocareturque Acipenser. sit ita sane. Sed ostendendum erat Rondeletio, Asturionem Galeum esse Rhodium, eumq. esse, qui tanta pompa ad mensas deueniret. Quod ille non facit. Immo ille ipse Galeus Rhodius, potius idem esse, cum Elope videtur. Nam Elopem, quem in profundo tantum Pamphylio mari pasci, nec nisi raro, ac vix capi, aiunt Columella, & Aelianus, Rhodium quoque esse ostendit ex Varrone Gellius libro septimo capite decimo sexto, vt Galeus Rhodius, & elops Rhodius idem piscis sit, Romanis dictus Acipenser.

Vnde & Plinius Acipenserem, quosdam vocasse Elopem dixit. Inter quos fuit Appion Grammaticus, vt refert Athenæus.

Theodorus Gaza, homo non minus Latine,

ne, quàm Græce eruditus, quiq. Græca nomina semper latine quo ad fieri poterat, reddere conatus est, apud Aristotelem de historia animalium libro secundo, capite decimo tertio, Elopem Acipenserem transtulit. De branchiis enim piscium agens Aristoteles, ita scribit: Aliis binæ vtrinque, alteræ simplices, alteræ duplices, vt congro, & sacro, aliis quaternæ vtrinque simplices, vt Acipenseri, dentici, murenæ, anguillæ. Quòd si certi essemus, eundem cum Elope esse Acipenserem, vt vertit Theodorus, & multi dixere Græcorum, hæc vna quaternarum branchiarum nota, satis nobis erat ad excludendum ab Acipenseris nomine Asturionem.

Etenim pro ea mole, tam exiguæ, simplices, & opertæ illi branchiæ sunt, vt branchiis carere sit potius existimandus. Naribus autem refrigeratur, & quam haustu collegit aquã, eam illo semper patentis proni oris foramine reiicit. Verum sitne idem Elops Rhodius, vel Rhodius, vel Pamphylius, siue Galeus Rhodius cum Acipensere, viderint Græci. Certe tam Elops, quàm Acipenser peregrini sunt. Ouidius in superius citato libello, sic ait.

*Et pretiosus Elops nostris incognitus vndis,
Tuq. peregrinis Acipenser nobilis vndis.*

Quibus Ouidij carminibus adductus Plinius in fine libri trigesimi secundi falli eos dixit, qui Elopem Acipenserem existimassent,
cum

cum diuersi sint, licet & hic, & ille peregrinus.

Asturio autem, vt ante dictum est, in omnibus Romani orbis fluminibus, paullo tamē maioribus, atque in Pado, ipsoq. Tibēri tam frequens est, vt parum considerati fuerit hominis, quæ de Acipensere, siue Elope dicta sunt, Asturioni tribuere, & Nigidium, Ciceronem, Plutarchum, ac Plinium, illisq. minores, doctos tamen, & antiquos, tam pueriliter esse alucinatos existimare.

Acipenser igitur, sit, si placet, cartilagineus, sit triangulari corpore, vt eum contendit esse Rondeletius, dummodo sit paruus, vt ait Athenæus, dummodo peregrinus, nec alibi, quàm in Pamphylio, vel in Rhodio mari, & raro, ac vix captus. Asturio certe vulgatissimus piscis esse non potest. Atque hæc responsa sint Rondeletio.

Hermolaus Barbarus, nobilium studiorum gloria insignis, a Paulo Cortesio sententiam rogatus, per epistolam respondit, Asturionem antiquitus Hyccam fuisse, Athenæi testimonio, hac adductus coniectura, quod Hycca porculum significet, & Asturio præsertim adhuc paruus porcelletus ab Italis nominetur, a porco, vel porculo sane per diminutionem facto nomine. Cuius opinionem Sanctus iuuat Ambrosius, in Dominica passione, cum dicit: Gutto, siue gulo porcellum amat, vt comedat. Et in Hexamero, Iudæos
mari-

marinis porcis vesci discit, cum terrestribus abstineant. Quæ coniectura non tam frigida est, quàm eam Iouius existimauit. Si tamen frigida videatur, calefaciamus nos & verbis Isidori, scriptoris, neque externi, neque tamquam ignobilis contemnendi. Is Etymologiarum libro decimo secundo, capite de piscibus, disertè, & sine vlla ambiguitate, Asturionem modo Italis vocatum, ita describit: Porci marini, qui vulgo vocantur Suilli, quòd, dum escam quærunt, more suis terram sub aquis fodiunt. Circa guttur enim habent oris officium, & nisi rostrum arenis immergant, pastum non colligunt. Non potuit neque planius, neque euidentius res aperiri. Rostrum habet piscis oblongum, instar proboscidis, sub mēto circa guttur foramen, magis quàm os, dentes autem nullos, neque maxillas. Quare dum pascitur rostrum limo, solòq. aluei, vt immergat, necesse est, nihil alioqui comprehensurus. Eoq. fit, vt cum pascitur, limireuolutio e fundo ad summam aquam pertingens indicium latentis eolocì faciat piscatoribus. Bene igitur piscem nobis expressit Isidorus. Nec tacuit nomen hoc, quo Hispani omnes vtimur. Suillos enim appellamus, siue, vt mere Lusitane dicam, *Soilhos*. Quod si de Isidori fidè dubitabunt, quibus is auctor idoneus non videtur, inter varias de Siluro, Onisco, Galaxia, & Acipensere sententias,

tentias, ne videatur absurdum, si etiam nos scrupulum doctis iniiciamus, adductis duobus piscium generibus, qui Asturiones non inepte videri queant. Ex Niliacis piscibus, a Strabone primo loco numeratur Oxyrinchus, ex eo utique dictus, quod oblongum, atque acutum rostrum habeat. Talia vero esse Asturionum rostra, indubitatum: nec minus certum, frequentem in Nilo esse capturam.

In Danubio quoque, ac Borysthene, piscis capitur, cuius ita meminit Plinius libro nono capite decimo quinto: Et in Danubio, mari extrahitur Porculo marino simillimus, & in Borysthene memoratur præcipua magnitudo, nullis ossibus, spinisve interstitis, carne prædulci. Emendat eum locum Gelenius, & pro, Mari extrahitur, reponit Mario extrahitur, ut hic piscis ossibus, ac spinis carens, Mario vocetur. Emendandi occasionem sumpsit partim ex eo, quod, cum illic fluuiatici pisces referantur, marino locus esse non videbatur, partim, quod hunc Itali, quibus ob salsamenta notus est, Moronem adhuc semilatino appellent nomine. Iouius inter salsamenta prædura, valdeque rubentia ignoti sibi piscis frustra, Moronem vocat. Sed enim, si tueri veterem lectionem velimus, intelligimus Plinium innominatum reliquisse, signa autem dedisse maximæ cum marino Porculo similitudinis.

dinis. Et capi quidem in Danubio, ac Borysthene, verum a mari extrahi. A mari enim tractus, Danubium, ac Borysthenem subit. Vtro autem modo legamus, non multum refert, nisi quòd Gelenij lectio blandior est, Mari extrahitur, pro trahitur ex mari, & paulo coactior. Quamquam nec sic tota periodus mihi non suspecta est. Desidero enim Plinianæ dictionis iuncturam, & concinnitatem, quæ languida, ac dissoluta hic videtur. Quare donec alius me felicius locum emender, ego ita legerem. Et in Danubio Mario extrahitur, Porculo marino simillimus, & in Borysthene. Memoratur præcipue magnitudo nullis ossibus, spinisve intersitis, carne prædulci. Hoc videlicet sensu: Præcipue memorari in eo pisce magnitudinem sine ossibus, sine spinis intersitis, carne autem prædulci. Ceterum hunc piscem, siue innominatum, siue Marionem dictum, Hermolaus in Corollario capite de Homotaricho, Antacæum existimat, sortitum nomen hoc ab amne, qui in Mæotin ex regione Antacarum influit. Eos pisces Delphinibus magnitudine pares lib. decimo septimo Strabo asserit. Herodotus autem libro quarto de Borysthene agens, magnitudine cetaceos, spinis carentes, & ad Salsuram dicit optimos. Atqui a Borysthene, Phasi, & Tanai, salsamenta, ex Asturionum ouis salitis, Cauiaria vulgo dicta, & ex dor-

suali parte, quæ vocant Schinalia, & pleuras, id est, latera, & hypocælia, id est, abdominis, pubisq. partes, per totam Italiam circumferri, vulgatissimum est.

Ea salsamenta, quæ ex Asturione esse omnes fatentur, Hermolaus ex hycca, vel hysca, id est porculo marino, constanter affirmat. Hyccam autem, siue hyscam Sturionem Italiæ consensu ait appellari. Considerent igitur, & expendant eruditissimi Oxyrinchus Strabonis, Mario siue innominatus Plinij piscis, quem Antacæum Hermolaus interpretatur, ipseque Strabonis, & Herodoti Antacæus, hycæ, siue hysca Athenæi, & porculus, idem omnino piscis sit, Sturio, siue Asturio modo vocatus.

Verum, Mario, vel innominati Plinij piscis, sitne idem, qui marinus porculus, an alius illi simillimus, liquido nobis non distinxit Plinius. Mihi satis est innominatum hunc, vel Marionem, siue Antacæum sine ossibus, sine spinis, carne autem prædulci, ac simillimum marino Porculo indicari. Iam enim hinc habeo, porculum marinum ossibus ac spinis carere, & prædulci esse carne. Istæ Sturioni inesse, qui ignorat, Asturionem neque vidit, neque gustavit.

Si vero quis obiiciat, Asturioni ossa quadam minime deesse, videlicet in capite, huic respondero, ea nequaquam vera esse ossa, sed

callo-

callosam quandam cartilaginem, aut si senior piscis est, eaq. ossa habeat duriuscula, id tam pusillum est, vt pro non ossibus merito habenda sint. Si vero idem est Mario, & Antacæus, & Porculus marinus, immo etiam si diuersus est, simillimus tamen, relinquitur recte nos docuisse Isidorum.

Tot nomina, inquiet aliquis vni pisci? Neminem ea nominum multitudo conturbet. Sapienter enim Plinius loco ante citato. Græcis enim in plerisque nominibus, vti par erit, quando aliis, atque aliis eosdem diuersis appellauere tractus. In Aegypto itaque a rostri efficie Oxyrinchum dixere ad Borysthenē, & Mæotim Antacæ gentes sibi domestico Antacæo nomen fecere. Hyccam Græci, vel Hyscam maluerunt. Latini Porculum, & Porcum; nominis ab Isidoro reddita ratione.

Congi latissimum Aethiopiæ regnum, cum suis Regibus, opera, & studio pientissimorum Lusitaniæ Regum, ab idolorum cultu conuersum est, & in Christi religione mira pietate, perseuerat. Per eius medium, vt ferunt incolæ, Nili brachium ab ipsis statim fontibus diuisum, tam vasta magnitudine, ac tanto impetu non modo fluit, verum etiam rapitur, vt duodecim millia passuum latitudo excedat, alueo ad immensitatem profundo. In eo iidem pisces, eademq. animalia gignuntur, quæ in brachio illo, quod per Aegyptum meat, pro-

ceriora tamen, & corporum mole auctiora, omnia. Immanes ibi & Crocodili, & Hippopotami, & aliorum Nilo domesticorum piscium maxima toto flumine multitudo. Asturionum quoque ingens copia, fisci tamen Regij, capitaleq. est, captum piscem Regium ad Regem non deferri. Delatum ipse cui vult donat. Angullum ibi vocant, id est Porcum. Differentiæ tamen causa, Angullum amazi, hoc est aquarum Porcum dicunt.

Duo hinc sumo argumenta. Alterum Nili Aegyptiaci, Oxyrinchos, Asturiones in hoc Aethiopico brachio captos mihi videri. Nam & hic & illic, iidem Nilo familiares immeant, & nascuntur pisces, eademq. reperiuntur animalia. Neque futile videri argumentum debet, cum eodem bis vtatur Plinius libro quinto, capite nono: Tum circa Nili originem ex lacu Nilide, ibi, inquit, pisces reperiuntur Alabæ, coracini, siluri, Crocodilus quoque. Inde ob argumentum hoc Nili ortus creditus, tum mox, cum aliquot dierum itinere conditum, in Massæylorum gente dicat erumpere, iisdem animalium argumentis, Nilum agnoscere tradit. Cumq. se rursus condiderit viginti dierum desertis, prosilire tandem ad proximos Aethiopas, fonte nigri vocato. Diuidi autem in ramos, vt Aegyptum præteream, indicio est, Zanaga appellatus amnis iisdem refertus animalibus, quem a Nilo defluere

compertum a nostris est.

Alterum duorum, quæ me sumere dixi argumentorum, Porcorum videlicet nomen, quod illis tribuit Isidorus, Aethiopicarum gentium consensu validius confirmari. Sed ut tandem finiam, si leuioribus coniecturis vti videamur, interim tamen, dum veritas eruitur, arbitrato suo appellent Itali, ceteræq. nationes, recenti nomine Sturiones, siue potius Asturiones, a Minio Asturiæ flumine, ut apud Clementem Septimû Pont. Max. noster Michael Siluius differuit, appellemus nos porcos marinos, aut si amphibologiam timemus, quia sunt & alij porci marini, tum Plinio, tum Straboni, simpliciter appellemus Suillos, nomine à mille iam annis, & supra Isidori ætatem, Hispaniæ nostræ peculiari, ac vernaculo. Sed de his nimis multa.

DE CALLIPODE.

Callipodis meminit solus Ptolemæus, estque is qui in Cetobrigensem, ac Salaciensem sinum ingreditur, ad duodecim millia passuum supra Salaciam, onerariis nauigiis, & celocibus nauigabilis. Nos vulgo Sadanum appellamus. Quod nomen, ut non a fonte, vel ab origine, quasi suum detulit. Sed posteaquam Exarrama, Odiuella, sancta detinentia, diuersis ex locis collecta, torrentium, ac

fluentorum multitudine in animum iustorum opinionem aucti, & in alueum vnum confluentes, paullo supra portum Regium, suis depositis nominibus, honorem illi cesserunt, Sada nus vocari cœpit, ita nomē id non longe perfert. Sed post sedecim, aut paullo amplius miliaria vsurpatum amittit, Salaciensi æstuario longissimo præoccupatus. Videlicet ne recēs vsurpato nomine, Dæ Salaciæ, ex qua vrbi nomen, de interitu fluuiorum, trium superbius se iactaret.

Familiares huic flumini sunt mugiles, tum cephalii, tum labiones, barbi, & anguillæ egregio sapore. Bocæ quoque, & minores alij pisces. Atque, vbi falsis intermiscetur vndis, cāmmarorum, pectinumq. prouentus ingens. Raro lampetræ in eo capiuntur.

D E T A G O.

TAgus, in sinum Olyssipponensem ingressus, librum pro sua dignitate poscebat peculiarem. Tot enim vrbes, tot valida, & opulēta oppida, in sinus ambitu, & per ytrasque amnis ripas centum fere millium spatio tantum verustatem colligenti, idonea modo materia non est.

Quin & multa, quæ de fluuio Strabo prodiderat, ad nos integra non peruenierunt. Indicium est, confusa verborum series. Deinde
pro-

promontorium Baarbarium; & eruptiones Tagi, in quas recti nauium cursus. Sunt autē stadia decem. Hoc in loco, & maris infusiones ingruunt; quarum vna vltra stadia quadringenta extēditur iam dicta. Ea in parte aquantur, &c. Certum corruptum locum, vel hoc testatur. A turri iam dicta. Aqua turri? Nul-
lius enim mentio præcesserat. Et illud: Ea in parte aquantur. Iponlacia. Quibus restituen-
dis locis, cum impar ego sim, expectanda e-
runt; vel feliciora ingenia, vel exemplaria
emendatiora.

Miscetur Tagus marinis aquis in intimo si-
nu ad oppidum Villam francam. Latitudi-
nem ostij Strabo stadiorum esse viginti tra-
didit; altitudinem vero permagnam, vt à na-
uigiis millia decem vectantibus nauigare fa-
cile possit. Hoc verum est, nauigaturq. dupli-
ci canali, veteri, ac nouo. &, quod ait, in
superioribus cāpis estus accessione duas dif-
fundi inundationes, vt ad stadia centum &
quingenta facies extet pelagi, reddaturq.
planities tota nauigabilis, hoc nos experi-
m̃r ab ipso oppido Villa Franca, vsque Be-
neuentum. Sed insula stadiorum triginta lon-
gitudinis, & æqualis fere latitudinis, fertilis,
optimisq. vitibus confita, quænam fuerit, af-
signare non possumus. Multæ ibi sunt insulæ,
ac fertilissimæ quidem, sed nullis vinetis con-
sitæ. Frumentariæ enim factæ omnes sunt.

ant passionibus seruata .

Quòd vero dicit, agrum circumcirca bonitate conspicuum, scimus non solum eo loci, sed ex vtroque amnis latere, campos illos, ad Tancos vsque limosis inundationibus tam lätos, ac fecundos effici, vt simplicissima, ferè nulla a ratione triticum quidem, & hordeu quinquagesimo ab satione die metatur, singulari terrarum omniũ exemplo. Statimq. in leuiuscule aratis dicā, an scalptis? millium feratur, vbere ocysissimoq. prouentu, vel inter paucissimos a messe sublata dies, nullo fatu, sed sponte seges regerminet, fecunditate restibili .

Vt, quod de Erytheia contra Lusitaniam insula, quæ nusquam modo est, Mela tradidit, longe in his agris, amnisq. insulis contingere copiosius, experimenta demonstrent. Siue frugum vbertas, siue pabuli abundantia requiratur. Tale ingenium glebæ est, quam Tagus inundationibus lätificat, verèq. dixit Strabo: Vicina Tago ceterorum opulentissima sunt oppida .

Amnis quidem piscium feracissimus est, ostreorum redundans. Inter Taganos pisces principatum obtinent Alosæ, & propter bonitatem, & propter copiam. Alterum Alosarum genus, de quo in Aegidio Scallabitano disputari, Sabogarum, vel Sabellarum, strigosius, insipidiusq. est, præterquam Maio mense :

menſe: tunc enim aliquam in eduliis habent gratiam, verum ita vt recentes a flumine prunis in craticula toſtæ, petroſelini pultario ex piperi, ac mali medici ſucco condiantur. Vt merito de his intellexerit Auſonius, cum in Moſtella dixit:

Stridentesq. focis obſonia plebis aloſas.

Raræ in Tago capiuntur lampetræ, rariores marini porculi, ſiue Suilli. Iam enim audeo Iſidoro niti. At celebris illa auri fama, per omnes poetas vulgatiffima, obſcurior modo, ac prope extincta eſt, cautione legum, ne commotæ arenæ depreſſiores frumētarios agros nocumēto afficiāt. In testimoniū tamē cantatæ gloriæ, Regū Luſitanorum ſceptrum ex Tagano auro, quo purius reperiri nullum poteſt, factū & ſcimus, & non ſemel vidimus.

DE TAGI NOMINE.

DE ipſo Tagi nomine, cū aliquid etiam cuperem annotare, nihil inueſtiganti oblatum eſt, quod vllum operæ eſſe pretium exiſtimarem. Piget autem fabularum, quas Ioannes Annius in fictitium ſuum Berofum effudit: Tagum dictum fuiſſe à nomine regis, qui poſt Brigum in Hiſpania regnarit. Iſidorum demiror, virum magnum, & rerum multarum bene peritum, nec elegantiorum litterarum tam expertem, vt inſolenti faſtidio ſit

a di-

a dicendi testimonio ablegandus. Is Etymologiarū libro decimo tertio: Tagum, inquit, fluuium Carthago Hispaniæ nuncupauit, ex qua ortus procedit. Fluuius arenis auriferis copiosus, & ob hoc ceteris fluuiis Hispanorum prælatus.

Omitto, quòd non oritur a Carthagine Tagus, siue Carthaginem nouam Hasdrubalis intelligamus, siue veterem Ilercaonum etiā Hispaniæ, cuius solus meminit Ptolemæus, non autem Cicero, sicut ex non adhibita diligentia existimauit, & adnotauit in Pomponium Vadianus, adducto Ciceronis loco de lege agraria: Tum ipsam veterem Carthaginem vendunt. Cicero enim, quam veterem Carthaginem vocarit, satis aperuit lib. 2. de eadem agraria lege: Et in Africa ipsam veterem Carthaginem vendit.

Verū, hoc omisso, intelligere non possum, quonam modo Tagus a Carthagine sit nuncupatus. Neque tamen mirum, si Isidori coactior, ac contortior etymologia videatur, cū M. illi Varroni non perbene semper res ea successerit.

Fuit ex nostris, qui alicubi scripserit, Olysfem, quo tempore Olyssipponem condidit, a socio Tago, qui in flumen ceciderit, ipsum Tagi nomen fluuiio indidisse. Nec abhorrebat a vera similitudine, si antiquitatis fundamento niteretur.

Fateor

Fateor igitur, non nosse me, vnde istac Tagi originatio processerit. Sed, vnde vnde sit, antiquissimum nomen est: nec aliud flumini fuisse comperitur. Batin Cirtium ab incolis appellatum, scribit Liuius. Græcorum quidam, Tartessum dixere, vt Stefichorus apud Strabonem. Stephanus ab indigenis Percen vocari tradit.

Tago nulla nominis contigit mutatio, neque apud Græcos, neque apud Latinos. Esse vero nomen vetustissimū, etiam viris proprium, in Latio, ostendit Virgilius Aeneidos lib. 9.

Dū trepidant, ijt hasta Tago per tēpus vtrumque.
 Hispano quoque Regulo cuidam, nomen idem fuisse, cum rerum in Hispania Carthaginienses potirentur, auctor est Silius lib. primo Hasdrubalis crudelitatem, Tagi reguli sanguinum interitum, & serui non minus magnanimam in vindicanda iniusta domini cæde, audaciam, quàm in perferendis ob-patratum no-
 bile facinus cruciatibus, generosam patientiam his carminibus profecutus.

*Interea rerum Asdrubali traduntur habena,
 Occidui qui solis opes, & vulgus Iberum,
 Beticolasq. viros satis agitabat iniquis,
 Tristia corda ducis, simul immedicabilis ira,
 Et fructus regni feritas erat, asper amore
 Sanguinis, & metui demens credebat honorem.
 Nec nota docilis pœna satiare furores,
 Ore excellentem, & spectatum fortibus ausis,*

Anti-

Antiqua de stirpe Tagum, superumq. hominūq.
 Immemor, erecto suffossum robore, mæstis
 Ostentabat ouans populis sine funere reem.
 Auriferi Tagus adscito cognomine fontis,
 Perque antra, & ripas nymphis vlulatur Iberis.
 Meonium non ille vadum, non Lydia mallet
 Stagna sibi, nec qui riguo perfunditur auro
 Campum, atque illatis Hermi flauescit arenis.
 Primus inire manum, postremus ponere Martem,
 Cum rapidum effusis ageret, sublimis habenis.

DE MVNDA.

Munda sequitur, in medium fere vltimi
 promontorij latus effluens vt Mela tra-
 didit. Inter Durium, atque Tagum, æquis fere
 ab vtroque spatijs separatus. A Durio Tagus
 inquit Plinius. c. c. m. pass. interueniente
 Munda.

Non longe oritur, aurifer & ipse, minori-
 busq. nauigijs aliquatenus, cymbis vero fluui-
 ticis, vsque Conimbrigam hodiernam, & su-
 pra nauigabilis. Abundat Alofis, Lampetris
 autem vbique scatet laudatissimis, in supe-
 rioribus etiam Troctis. Rapax est, ac modicis
 imbribus, excrescit ad insaniam.

Agros sæcudat tritico, hordeo, secale, olyra,
 milio, panico, & præcipue lini magna copia
 tenuissimi, & cum quouis optimo conferen-
 di. Non procul Catina oppidum (ita enim
 legen-

legendum) vulgo Catima dictum, etiam adhuc extat, in cuius agro fontes illi sunt Plinio libro secundo memorati, alter omnia respuēs, alter absorbens, ille quia fere cōmunem cum reliquis naturā habet, miraculo nequaquam est. Hic propter mirabilitatem quotidie a visentibus frequentatur. Feruentiam vulgus appellat.

Vidi egomet cum illò issem cum Alphonso Cardinale principe memorabili, cāsam arborum bene magnam in lacunculum arenæ, in quo ebulliens fons diffunditur pedali altitudine, iniectam, paulatim inter arenas sorberi, & post paruum moram non comparuisse.

Amnis Straboni Muliadas appellatur. Sic enim libro quarto circa medium fere scribit. Deinceps post Tagum nobilissima flumina sunt Muliadas, paruas habens nauigationes. Itidem Vacca fluuius.

DE VACCA FLVIO.

Medio fere inter Mundam, & Durium intervallo, Vacca in mare influit & ipse, vt Strabo ait, quemadmodum, & Munda paruas habens nauigationes. Nec longe ortus, alosarum, lampetrarum, troctarumq. ferax. Vacuam illum Strabo vocat, Vācum Ptolemæus. Oritur non peregre, sed paulo supra Alcobam montem collectus, indeq. leni al-
ueo

ueo illapſus multos, nec exiguos fluuios, ac fere parem Agttham in ſe condit. Tamq. intra modum magnus miſcetur mari.

Errore putauere quidam Vaccæos populos ab eo denominatos, cum intra Luſitaniam ortus, latiſſimis Vaccæorum Tarraconenſis prouinciæ populis dare nomen non potuerit. Potius igitur a Vacca oppido, quod fuit iuxta Pyrenæum, vt refert nono etymologiarum libro Iſidorus, Vaccæum nomen eſt factum, & late per citeriorem Hiſpaniam propagatū. Sed de Vaccæ fluminis oſtio, maritimoq. tractu, inter recensendas vrbes, quod ad rem faciat, non omitemus.

DE DVRIO.

DVrius claritate ſua, & ſcriptorum teſtimonio celebratiſſimus, aquarum mole Tagum ſuperat, niſi quod compreſſiore, vt fere inter montes, alueo fluit, Tago per liberos, & planos campos ad oſtentionem ſe dilatate. Hinc apud nos vice prouerbij uſurpatū. Tagus tulit famā, ſed Durius uelit aquas. Ceteris amnibus, Minio excepto, grādiore fert aloſas, Lampetras, & Troctas, quas iure præferunt delicatioris gulæ aſtimatores, Salmonum parcior, & Aſturiſſimum.

Nauigatur aduerſo amne m. paſſ. fere centum, uſque ad cataractam, vnde ex rupe lenuncu-

nunculorum adscensum impediēte, magno fragore præcipitatur. Ingens ibi lampetrum rupi sub cadente in arcum aqua oribus adhærentium captura est. Locum cum oppidulo, sanctum Ioannem ad Piscariam, vulgo appellant.

Nobis adolescentibus Martinus Ficaretus iuriconsultus, & Latinarum litterarum non imperitus, quibus operam non ignauam sub Politiano Florentiæ dederat, cum intelligeret, amota cataracta, posse cymbas vsque ad maxime frumentarios Sarabris, Senticæq. agros paruo negotio subuehi, & frumento onustas prono amne redire, non minima laxioris annonæ prætentæ spe, patriæ emolumento, rege permittente, priuatus ipse, & impari tantæ rei censu, moliri opus attentauit, bonamque obstaculi partem summo labore irruerat.

Verum illudentibus optimo viro, vel qui ex vetere forte similitudine nondum illi erant pacati, vel quibus mos est, facilius aliorum egregios reprehendere conatus, quam egregium aliquid ex se conari, hominemq. tamquam semidelirum, apud Regem criminantibus, neque modo principali munificētia non iuuandum, sed cæpto temerario etiam prohibendum obloquentibus. Cataractam enim illam, & meatum subterraneum non procul a Brigantia vrbe, vbi terræ, & rupibus merfus

amnis æstiuo tempore fere per mille passus subterlabitur, diuinum non sine prouidentia esse opificium, negata Hispanis in mediam Lusitaniam vsque ex Vaccæis ea illabendi facultate. Quasi vero vna illa rupe totius patriæ securitas niteretur, tandem familiari sua re attenuatus, interuersoq. æmulorum malignitate, regali fauore, desperata perficiendi spe destitit.

Aurum vehere Duriū, si nos ignoraremus a Silio poteramus admoneri, dicente. Hinc certant Pactole tibi, Duriusq. Tagusque. Terris tamen parcitum est, salutari legum interdicto, quemadmodum de Tago ante diximus. Nomen amnis Latini magno consensu Durium appellauere. Ptolemæo Dorias est. Dioni Dorios, Straboni tum Durios, tum Durias.

Non bene quidam miscuerūt Turiam cum Durio, idem ambobus nomen facientes, credo ob Hispanicarum rerum ignorationem, quia Turia non tam celebris est. Fluit autem Turia iuxta Valentiam, de quo Pomponius libro secundo Setabin, & Turiam, & Sucronem non magna excipit flumina. Et Plinius libro tertio capite tertio. Valentia colonia tribus m. pass. a mari remota. Flumen Turia. Ita enim legendum, & apud Pomponium, & apud Plinium, erudite & vere contendit Hermolaus.

Citat locum Priscianus lib. quinto, & sexto ex secundo Historiarum Sallustij, Inter læuam Mænium, & dextrum flumen Turiam, quod Valætiam paruo interuallo præterfluit.

C.N. quoque Pompeius in epistola ad Senatū (quæ vna cum Sallustianis fragmētis circūfertur) ex fide veteris codicis, quem apud me habeo. Recepi Galliam, ait; Pyrenæum, Lacetaniam, Indigetes, & primum impetum Sertorij victoris nouis quidem militibus, & multo paucioribus sustinui. Et paulopost. Castra hostium apud Sucronem cæpta, & prælium apud flumen Turiam, & Dux hostium C. Herennius cum vrbe Valentia, & exercitus deleti satis clara vobis sunt.

Vbi corrupte legitur apud flumen Duriū. Turiam enim vocari id flumen, de quo Pompeius loquitur, ostendit Plutarchus in Sertorio. Remedia, inquit, in rebus aduersis, magis claram eius virtutem faciebant, veluti in ea pugna, quæ apud Sucronem contra Pompeium commissa est, & rursus in ea quæ apud Turiam aduersus Metellū simul & Pompeiū.

Et adducunt quidam Claudianum in laudibus Serenæ.

*Te nascente, ferunt, per pingua culta tumentem
Diuitijs vndasse Tagum, Callæcia risit,
Floribus, & roseis formosus Turia ripis
Vellere purpureo, passim mutauit ouile.
Plerisque tamen visus poeta est non satis*

œconomix prospexisse . Nam cur fluviū paruum, & alias ignobilem, prætermisiss Ibero, Bati, Ana, Durio, ac Minio maximæ rei, quam efferre gestiebat, tanta pompa feligeret, ac formosum roseis ripis vocatum Tago copularet, fluminum Hispanorum famæ vulgatissimæ, & dotem, quæ peculiaris Bati est, ut ait, Martialis . Aurea qui nitidis vellera tingis aquis, illi tribueret? Quare lectionem emendarunt, & pro Turia substituerunt Duria, quasi acceperit Claudianus hoc ex Strabone, qui ut dixi Durion, & Durian appellat, videturq. congruere sensui . Nam dixerat Callæcia risit floribus, adnexuitq. fluviū, qui Callæciam, & Lusitaniam dirimit.

Primam autem nominis syllabam propter Græcam diphthongon produxisse creditur, videlicet homo Græcus . Nos tamen Silium præponimus, qui nomen id non tantum cum flumen significat, verumetiam cum virorum proprium est prima syllaba breui semper enunciat, ut libro quinto.

Quam victor sub mœnibus ille Sagunti abstulerat Durio.

Et libro decimosexto .

Nobilis hunc Durius stimulabat in æquore currū.

Claudianus vero Turiam mutare non audeamus, potiusq. circa œconomiam labeculam illi condonandam, quàm audaciæ nimix, tum circa declinationem, tum circa mensuram syllabæ.

syllabæ, adspargendam tam bono poetæ notam existimamus. Turia igitur, Turia sit, & Durius suo fruatur nomine, vt Latinis placuit. Nam Græci, in recensendis Latinis virorum, fluuiorum, & vrbium nominibus, mire variant, neque sibi metipsis constant.

DE FLVMINIBVS BRACARORVM.

Post Durium, quo Lusitanos a Callæcis separari supra docuimus per Grauios, qui Bracari postea dicti sunt, fluunt, inquit Pomponius, Auo, Celandus, Næbis, Minius, & cui obliuionis cognomen est Limia. Non seruauit ordinem Pomponius, sed satis habuit omnes nominare. Ordo sic habet. Celandus, Auo, Næbis, Limia, Minius, ita enim a Durio sequuntur. Est autem Celandus is fluuius, qui ad oppida Læciam, & Matufinos mare ingreditur, æstu iuuante, etiam nauigijs aptus. Auo, siue Auus, vt Ptolemæo placuit, notior est, & nauigiorum capacior. Næbis is est, qui & oppido, & ponti Næbiæ (cuius mentionem facit in itinerario Antoninus) nomen dedit, sed vbi Cadauo iungitur, sub Cadaui appellatione exit in mare, ad oppidum Fanū. Limia nomen retinet. Strabo alterius nominis mentionem facit.

Obliuionis, inquit, fluuius, quem quidam Limæam, alij vero Belionem vocant. Deci-

pitur autem Strabo in eo, quod ait Limiam a Celtiberis, & Vaccæis fluere. Non longe enim oritur, ex palustribus quibusdam locis inter Aquicaldensem urbem, & oppidū Montem Regium, Tractusq. ille vulgo Limia dicitur, & incolæ Limici, ut ex columna Aquiflaviensi, quam supra posui, apparet.

Cognominis obliuionis causam, Strabo idē prodidit, & nos ab illo, cum de Celticis ad Anam ageremus, summam attigimus: quam tamen, quoniam huic loco propria videtur esse, etiam reddemus.

Celtici Lusitani ad Anam pertinentes, & veteres Turduli, cum socijs armis ad hæc loca peruenissent, traiectoq. Limia coorta seditione ducem amississent, palantes ac dissipati ea in regione confedere. Quam ob causam flumen obliuionis est appellatum. Nempe quia expeditionis, quam susceperant, & mutæ seditionis obliti, ibidem postea quieuerē.

Auxit religionem vanitas, ut crederent a contactis fluij aquis obliuionē incurri, adeo ut cum D. Iulius Brutus cum exercitu eo deuenisset, & milites fluuium transire nollent, raptum signifero signum ipse transtulerit, & sic ut transgredierentur persuaserit, ut in Liliij epitome legimus, & obiter attigit Plutarchus in problematis sectione trigesima tertia. Qua ex causa Plinius eum fluuium multum fabulosum appellat.

DE MINIO.

Sequitur Minius, quem Iustinus libro vltimo a Minij frequentibus venis sic vocatū prodidit. Strabo duo illi nomina tribuit ita scribens. Post hos Bānis. Alij autem Miniū dicunt. Verū ego duplicem errorē inesse conijcio. Alterū scripturæ, vt non Bānis, sed Nāvis legendū sit. Alterum situs, vt vicinitas Strabonem fefellerit. Nam diximus ex Pomponio, Nābin fluium esse Minio, Limiæq. vicinum, qui mixtus Cadauo in Fanuensi litore erumpit. Verum qui velit suo fruatur iudicio.

Ceterum omnes ij fluij piscium lautiorum feracissimi sunt, Lampetrarum, Alosarum, Troctarum, Troctisalmonum, Iridum, atque Salmonum, in primisq. ipse Minius. Fert Limia Salmones, & Suillos, siue Asturiones, sed minores. Minius verò prægrandi magnitudine & excellenti præstantia. Atque omnes hi, quos hætenus exposui, veteribus Cosmographis noti fuerunt.

DE ALIIS NON NULLIS FLUMINIBUS.

Sunt alij, & perquam multi, neque ignobiles. Qui quoniam in maiores influunt, nec suo alueo in mare egrediuntur, Geographis scriptoribus, aut ignorati sunt, aut sup-

pressi . Horum aliquot , dignos qui in noti-
 tiam veniant hominum nostrorum , referam .
 Nominibus vbi licuerit priscis , ac Latinis , vbi
 minus , ijs , quibus modo appellantur , quam
 maxime potero , barbarie , si qua inerit , mi-
 tigata . Cuiuscemodi sunt , Cuda , Tamaca ,
 Naban , Ozecarus , Ancus , Caia , Cania , Sci-
 la , Subur , Thera , Seta . Cudam Lusitani Coam vocant . Cudam au-
 tem vocari , ex inscriptione pontis Alcantara ,
 vbi Transcudani notati sunt , animaduerti .
 Tamacæ similiter nomen ex Aquiflauen-
 si columna accepi , vbi Tamacani populi recen-
 sentur . Nabanē , & Ozecarum historia sanctæ
 virginis , & martyris Irenes , quæ ante annos
 octingentos scripta est , acceptos refero . De
 Nabanē alias , cum inter vrbes ad Nabantiam
 ventum erit . Ozecarus est , quem Lusitani Zezarum vul-
 go dicunt . Is Nabanem excipit , & ipse in Ta-
 gum erumpit , tanta vi , vt Taganas aquas , ad
 alteram vsque ripam proscindat , & quasi in-
 dignatus , quod a maiore fluuio extingatur ,
 fere ad mille passus prono alueo contumaci-
 ter mixtioni resistens , a colore dignoscitur .
 Nam Tagus flauas ac subalbas vehit aquas ,
 hic autem cæruleas , ad nigrorem tendentes .
 Arbitrantur a multitudine lini , quæ maceran-
 di causa quacumque fluit immergitur , cum
 traxisse colorem . Quin , & arguti quidam no-
 men

men factum inde putant, quod infecti liquoris graueolentia caput tentet.

Anci nomen, ex vita sancti Martini Sauriensis presbyteri, abhinc annos supra quadringentos quinquaginta scripta, accepi. De quo cū de Tapiæo monte agerē, superius memini.

Non tacendus est Subur, de quo a Ioanne Barrho viro nobili, & inter negotia litterato interrogatus respōdi vetus me nomen ignorare. Sed cum Lusitane Soor dicatur, o littera obscure sono inter O, & V, prolata, ausus ego sum Subur formare, interposita, B. Ad similitudinem duorum eodem nomine vocatorum, alterius quidem in Africa, alterius vero in citeriore Hispania.

Noster itaq. Subur postea Raię iunctus, suburraie nomen accepit, quod perfert, donec exit in Tagum, ibi alosarum mercatura nobis Transaganis factus celebris.

Seilia nomē priscum sortitus est, ab oppido quod præterfuit ditionis Urbanēsis cœnobij. Ingrediturq. Mundam, iisdem quibus Munda piscibus abundans.

DE FERTILITATE LVSITANIÆ.

DE hodierno huius prouinciæ cultu, deq. eius admirabili tum amœnitate, tum etiam omnis generis frugum copia, atq; vberitate, superuacaneum existimo hic verba facere.

re. Quæ autem antiquitus de ea re scriptores
 varijs in locis tradiderunt longū esset repe-
 re. Vnum tātum Athenæi testimoniū adducā,
 ex quo facile constare poterit, quā fecūda,
 fertilis, ac felix regio hæc de qua agimus sem-
 per habita fuerit. Is igitur libro 8. Di-
 pnosophistarum capite primo ita scribit: Vbi Lus-
 itaniæ fertilitatem (est autem regio Iberiæ,
 quam Hispaniam Romani appellant) decla-
 rat Polybius Megalopolitanus: Omnium ho-
 minū optime Timocrates, & scribit libro Hi-
 storiarum trigesimo quarto, quòd ibi ob opti-
 mā aëris temperiem animalia sunt fecunda,
 atque homines: nec vñquam fructus desunt
 in ea regione: rosæ enim albæq. violæ, aspa-
 ragi, resq. huiusmodi non desunt per maius
 temporis spacium, quā trium mensium.

At marinum obsonium, quod ad multitu-
 dinem, bonitatem, pulchritudinemq. spectat,
 maxime differt ab eo, quod est in nostro mari.
 Nam & hordei siclus, qui medimnum conti-
 net, drachma venundatur, & tritici nouem
 Alexandrinis obolis, vini metreta drachma:
 hœdus mediocris, obolo: sic & lepus: at agnis
 trium, vel quattuor obolorum pretium esse
 consuevit.

Sus, qui ad centum librarum pondus acce-
 dat, quinque drachmis in cœnas emitur, ouis
 que duabus, ac ficuum talentum tribus obo-
 lis emitur.

Vitu-

Vitulus drachmis quinque, bos iugo aptus decem. siluestrium vero animalium carnes, neq; pretio quidem vlllo dignæ putantur, sed has inter se conferunt, benigneq. admodum vicissim largiuntur, ac mutant.

Nobis vero bonus Larensius Romam Lusitania adesse facit, quotidieq. variis implet bonis, vt cum suauitate, magnificentiaq. omnia conficiantur, studet, cum nihil domo afferamus, præter sermones.

Finis Libri secundi.



ANTIQUITATIBVS

LVSITANIAE

Liber Tertius.

QVINAM RERVM IN

Lusitania potiti olim sint.

VIBVS subdita fuerit Lusitania ante Carthaginieneses, atq; Romanos haud facile dixerim, nisi forte Luscinio regulo putemus, de quo & Culca, Liuius lib. tertio decadis quartæ. Cum is status rerum in Asia, Græciaque, & Macedonia esset, vixdum terminato cum Philippo bello, pace certe nondum perpetrata, ingens in Hispania vltiore coortum est bellum. Marcus Heluius eam prouinciam obtinebat. Is litteris senatum certiore fecit, Culcam, & Luscinium regulos in armis esse. Cum Culca decem & septem oppida, cum Luscinio validas vrbes Cardonē, & Bardonem, & maritimam oram, quæ nondum animos nudauerat, ad finitimorū motus consurrecturā.

Obscura

Obscura nimis hæc sunt, tædet enim fabularum. Quare catalogum Regum, vel ex ficto Berofo, vel ab Annio Viterbiensi, vel a superioris ætatis Hispanicarum rerum scriptoribus excogitatum, illis relinquo, quibus belli isti concinnatores valde placebunt.

Ego multos per totam Hispaniam diuersis in locis reges, aut potius regulos semper fuisse existimo. Quales fuere Gargoris, Habides, Argantonius, & Geryones. Etsi Hecateus Historicus, vt est apud Arrianum lib. secundo Geryonem nihil ad Hiboriã pertinere tradiderit, sed potius ad Ambraciã, & Amphilolocos, ipseque Arrianus neminem extare Hispanum dicit, qui id nomen sciret regibus suis fuisse.

Verumtamen fuerit, cum multi alij id tradant auctores, neque receptæ antiquitati derogemus. Fuit quoque Theron, cuius in primo Saturnaliorum meminit Macrobius. Mandonius item, & Indibilis apud Liuium decade tertia, quos etiam celebrat Silius. Mandoniũ quidem lib. tertio, in catalogo Hispanorum, qui Hannibalis sequuti sunt partes. Indibilem autem libro decimo sexto.

Indibilisq. diu letus bellare Latinis

Iam socius.

Hunc, nisi ego fallor, Polybius libro tertio Andobalem vocat, de Cn. Corn. Scipione loquens, cum inquit, viuos autem cepit Anno
nem

nem Carthaginiensium ducem, & Andobalem Iberorum.

Plutarchus etiam in Scipione, non hos duos solum, verum & Corbin, & Orsuam invicem patrueles, de regno inter se narrat diffidentes.

Hilermus quoque a M. Fulvio nobiliore, captus in prælio apud Toletum, de quo Livius lib. 5. decade quarta.

Thurrrhus item longe potentissimus omnium Hispanorum, ut ait Livius lib. 10. decade 4. Fuere & alij permulti, quorum seriem per continuas successiones velle describere, intemperans mentiendi libido mihi videtur, cum maxima eorum pars vetustate nimia exoleverit, pars, quæ apud auctores nonnullos sparsim reperitur, nihil ad peculiare meum de Lusitania pertineat institutum.

Romanorum, Pœnorumq. prædæ pro ut, aut hi, aut illi plus armis valere, exposita. Hispania fuit, ut Græcos, Iberos, Persas, atque Celtas novas sedes quærentes, & Phœnices, Tyriosq. ipsos diuitiarum fama invitatos, ante duarum harum gentium de imperio propagando contentionem prætereamus.

Sub Carthaginiensium ditione, cum reliqua Hispania fuisse Lusitaniam, sub initia secundi belli punici, ex Livio cognoscitur. Postea enim quam Romanis Pœni bello fracti, Siciliam reliquerunt, cedentes temporis, compositis

Africa

Africa rebus, Hispaniam inuasere, misso cum exercitu Amilcare, cui Barcha cognomen fuit, vna cum Hannibale filio, fere nonum ætatis annum agente, & genero Hasdrubale rerum gerendarum socio.

Amilcar igitur bonam Hispaniæ partem olim amissam, bello recuperavit, nonem circiter annis cum imperio in Hispania commoratus. In bello tandem contra Vettonēs, (sic enim legendum apud Plutarchum in Hannibale) fortiter pugnans interiit apud Callum Altum. Nam ita Liuius locum cædis eius appellat libro quarto tertiæ decadis.

Quo interfecto, & Hannibale domum reuerso, successit Hasdrubal, qui nouam condidit Carthaginem, vt auctores sunt Polybius, Mela, & Strabo. Quamquam Silius Italicus ad Teucrum conditorem eam retulit lib. 3.

Dat Carthago viros Teucro fundata vetusto.

Et ne putemus hoc de altera veteri Carthagine in Hispania dictum esse, cuius solus meminit Ptolemæus, & nos superius cum de Tagi nomine ageremus. Idem Silius libro decimo quinto ad vnguem situm, & portum describit his carminibus.

Vrbs colitur Teucro quōdam fundata vetusto.

Nomen Carthago, Tyrios tenet incolæ muros

Vt Lybie sua, sic terris memorabile Iberis

Hæc caput est.

Quæ autem hic Silius canit, explicat copiose

pioſe Liuius libro ſexto tertiæ decadis.

Iuſtinus Teucrum ædificaffe, non dicit, ſed Hiſpaniæ littoribus appulſum, loca occupaffe, vbi nunc noua Carthago eſt, inde in Calæciam tranſiſſe. Fieri tamen potuit, vt aliquid ibi manſerit ædificij parum frequentis, & ſine nomine, à Teucro vſque relictum. Carthaginis enim ipſum nomen, vtramlibet in Hiſpania intelligas, Teucer ponere nō potuit, cum nondum vlla extaret Carthago, ad cuius exemplum id nomen ſumeret.

Siue enim originem Carthaginis ex Iuſtino petas, non parum multos poſt Troiam captam interfluxiſſe annos intelliges, ſiue ab Aurelio Caſſiodoro, qui cōditam dicit a Tyriis, quod fatentur omnes, ſed duce eorum Carchedone, regnante apud Italos Latino Siluio, a capta Troia anni colligentur vltra centum triginta quinque.

Eusebius variat. Alibi enim auctore Philisto a Zaro, & Carthagine Tyriis conditam dicit, ante Troiæ captionem annis ſupra triginta. Alibi autem iuxta aliorum opinionem diu poſt captam Troiam.

Timæus Siculus eodem fere tempore Romanam a Romulo, quo Carthaginem a Tyriis tradit fuiſſe conditam. Non hic addo Virgilium, quia neceſſario, vt veriſimilem faceret fictum Aenææ ad Didonem aduentum, paulo poſt Ilij excidium, exorientem facit Carthaginem.

ginem. Ea. gratia reginam inducit de Teucro ista dicentem.

Atq; equidem Teucrum memini Sidona uenire.
Sed historici aliter, tanta rei est incertitudo. Tamen vt Iustini de Didone, & bubulo corio, seu fabulam, siue historiam, vt receptiorem sequamur, ante Romam conditam, annis septuaginta duobus fundatam a Didone Carthaginem admittamus, ita enim Iustinus.

Velleius autem paterculus libro priore, ante annos quinque & sexaginta, quam vrbs Roma conderetur, ab Elyssa Tyria, quam quidam inquit, Dido autumant, Carthago conditur.

Seruius vero Grammaticus super illud, Vrbs antiqua fuit, ante annos septuaginta dixit.

Iam, cum a capta Troia vsque ad conditam Romam anni fuerint quadringenti triginta, tres, vt Solinus asserit libro primo capite secundo, si ex iis demas septuaginta duos, quibus Iustinus Carthaginem ait Romam antecessisse; nonne relinquitur Carthaginem anno a capta Troia tercentesimo sexagesimo altero fuisse extructam?

Nulla ergo extabat Carthago, quo tempore, paulo post euerfionem Troiae, Hispaniae littoribus Teucer applicuit. Nec igitur ei loco Carthaginis nomen potuit imponere. Nisi quis nos doceat alterius peculiaris rei causa id illum confinxisse nomen. Quam ostendi

di non posse, ego arbitror.

At Hasdrubal vicum forte parum prius cultum propter loci commoditatem, in vrbis dignitatem auxit, atque muniuit, Carthaginemq. vocatam ad imitationem patriæ Pœnis habitatoribus frequentem reddidit, vt merito vrbis conditor perhibeatur.

Is ergo Hasdrubal consilio magis, quam vi regulorum ac principum conciliandis per amicitiam animis Punicum valde auxit imperium; dux arte mira, & Romanis formidolosa, adeo, vt missis ad illum legatis, foedus percusserint, in quo inter cetera cauebatur, ne Carthaginensibus liceret Iberum fluuium cum armis traicere, per Hispaniæ reliquum, ab Saguntinis tamen abstinentes, qua vellent progredierentur, vt libro secundo retulit Polybius, & in initio decadis tertiæ Liuius.

Sub hoc Imperatore Hannibal vixdum puer, triennio meruit, litteris accersitus Carthagine. Sed obtruncato Hasdrubale a seruo quodam ob iram interfecti ab eo domini, sicut superius attigimus, cum de Tagi nomine ageremus, dux ab exercitu Hannibal est declaratus. Is non modo eam Hispaniæ partem, quæ propius Africam est, sed etiam Lusitaniam suo iunxit imperio. Fuisseq. eum in Lusitania testatur, vel oppidum ab ipso dictum, portus Hannibalis in promontorio sacro, apud Melam, vel illius verba, quæ refert

fert Liuius primo tertiæ decadis libro : Satis adhuc in vastis Lusitaniæ , Celtiberiæq. montibus pecora conſectando , nullum emolumentum tot laborum , periculorumq. veſtrorum vidiftis .

Cœpto quoque iam terra, mariq. bello militaſſe pro Hannibale Luſitanos , oſtendit Liuius decadis tertiæ libro primo his verbis : Creati Cōſules Cn. Seruilius, & C. Flaminius. Ceterum ne hiberna quidem Romanis quietæ erant, vagantibus paſſim Numidis equitibus, & quæ his impeditiora erant, Celtiberis, Luſitanisq.

Quin Haſdrubal Hannibalis frater, cui relicta erat cuſtodienda Hiſpania, vt eodem libro inquit Liuius, in Luſitaniam ac propius Oceanum conceſſit.

Cumq. poſtmodum ad fratrem in Italia, bellum gerentem ſe contuliſſet, ac duo alij Haſdrubales cum Magone, ac Maſaniſſa in Hiſpania rem punicam gererent, alterum ex iis Giſgonis filium vltimam Hiſpaniæ oram, quæ ad Oceanum, & Gades vergit, hoc eſt, Tranſtaganos, & Turdetanos Luſitanos tenuiſſe apparet. Magonem autem reliquos . Vnde cum ambo ad Haſdrubalem alterum, poſt factum cum Scipione ad urbē Bætulam prælium, auxilio iam ſero deueniſſent, capto in commune cōſilio, vt Haſdrubal ad Hannibalem in Italia cum exercitu iret, imminu-

tumq. quod erat Hispanis militibus repleretur. Mago traditis Hasdrubali Gisgonis, quibus præerat, copiis, cum grandi pecunia ad conducenda ex Balearibus auxilia est profectus. Hasdrubal vero Gisgonis cum exercitu penitus in Lusitaniam abiit, ut ad vltima Hispaniæ traducti Hispani milites, a transitionibus ad Romanos prohiberentur. Hæc ex Liuiio septimo tertiæ decadis libro, & in initio octauæ. Et post prælio victi Carthaginienſes, duce amiſſo in vltimam Hispaniæ oram, vſque ad Oceanum compulſi erant.

Hannibalem ſecutos fuiſſe Luſitanos in Italiam, non modo ex Liuiio colligimus, ſed id etiam confirmat Silius libro tertio in catalogo populorum, quos ad Italicum bellum Pænus contraxit.

*Hos Viriatus agit, Luſitanumq. remotis
extractum luſtris, primo Viriatus in æuo.*

Nomen Romanis factum poſt nobile damnis.

Et libro quinto in pugna ad Traſymenum, Tellum ſigniferum, ac nobilem Mamercum ab iis interemptos ita narrat.

*Nec fati melior Mamercus, corpore toto
Exoluit pænas, nulli non ſaucius hoſti.*

*Namque per aduerſos, qua Luſitania ciebat
Pugnas dira manus, rapit cū ſanguine Telli
Signiferi, magna vexillum mole ferebat,
Et trepida infelix reuocabat ſigna ſuorum.*

Sed furcata choors, auſiſq. accenſa ſuperbis,

Quod-

Quodcūque ipsa manus gestabat missile, quidquid
 Præbebat tellus, sparsis non peruia telis,
 Iniecit pariter pluresq. in corpore nullo.
 Libro quoque decimo in memorabili illa
 Cannensi pugna, C. N. Seruiliū a Viriato
 Lusitanorum duce interfectum ait, Viriatum
 vero ipsum ab Aemilio Paulo Consule.
 Incurrebat in arma.
 Vincentum Consul: pereundi Martius ardor,
 Atque animos iam sola dabat fiducia mortis.
 Cum Viriatus agens telis, regnator Iberæ
 Magnanimus terræ, iuxta, atque ante ora furētis
 Obtruncat Pauli fessum certaminis hostem.
 Heu dolor, heu lacrymæ, Seruilius optima belli,
 Post Paulum belli pars optima, corrui ictu
 Barbarico, magnamque cadens leto addidit vno
 Inuidiam Cannis, tristem non pertulit iram.
 Consul, & insani quamquam contraria venti
 Exarmat vis, atque obtendit puluere lucem.
 Squalentem rumpens ingestæ toruus arenæ
 Ingreditur nimbū, ac ritu iam moris Iberi
 Carmina pulsata fundentem barbara cetra
 Inuadit, lænæq. fodit vitalia mammae.
 Et ne quem turbet hæc Siliij de Viriato Nar-
 ratio, aduertat alterum fuisse Viriatum hunc,
 alterum magnū illum, qui cum Lusitanis ad-
 uersus Romanos, annos quattuordecim pu-
 gnavit.
 Nam hic regulus a poeta perhibetur, ille
 alter ex pastore, ac venatore latro, & inde
 and

dux exercitus ab omnibus qui de eo scripsere, fuisse narratur. Hic a Paulo Consule Cannensi pugna occisus est, ille alter Seruiliij Cæpionis dolo atque insidijs perijt. At inter mortem vnius, atque initium bellorum alterius fluxerunt anni circiter septuaginta, videlicet ab anno conditæ vrbis D XL. ad annû D C VII.

Iterum si quis vrgeat, quonam modo Silius Viriati nomen, mox factum nobile Romano- rum damnis asserat? Respondebo non referen- dum hoc ad priorem Viriatum, quamquam, & ad hunc, qui & ad Trasymenum, & ad Can- nas, Romanorum damnis inclaruerat, sed po- tius ad posteriorem Viriatum ducem maxi- mum. Ideoq. poeta non dixit ducem factum nobilem, sed ipsum nomen Viriatum, igno- tum prius, mox, idest post paucos annos, Ro- manorum damnis factum nobile.

Fuisse vero idem nomen duobus Lusitanis ducibus, diuersis temporibus, non mirabitur, qui vna tempestate, tot Hannibales, & plures aduerterit extitisse Hasdrubales. Præterquã quod Viriati nomen, nempe a virium magni- tudine dictum, vtrique indictum a suis esse po- tuit, eadem gratia. Vnde & Lucilius Hanniba- lem Viriatum appellauit, vt est apud Nonium Marcellum.

Finito Punico bello, & a P. Corn. Scipione pulsis Hispania Carthaginiensibus, cum non- dum perpacatæ essent prouinciæ, frequenti- bus

bus eas bellis Romani attriuerunt; interdum victi, maxime interfectis intra mensem duobus fratribus P. & Corn. Scipionibus, sæpius tamen victores .

Quod ad Lusitanos attinet, M. Portius Cato, is qui Censorius cognominatus est, ex Hispania citeriore, quam fuerat sortitus, ad ulteriorem descendisse videtur, si Polybio apud Plutarchum assentiamur .

Lusitaniam certe in officio continuit, metune an beneficijs nō scio . Reperi de eo fragmenta marmorea duo, sed ex quibus nihil certi diuinare potui. Alterum Olyssipone in gradibus Palatij, quod est in summa arce .

... M. PORTIVS. M. F. M. N. CATO ...

Idest .

Marcus Portius, Marci filius, Marci nepos Cato . Alterum in agro Sintriensi , in vico cui nomen est Fanum, de quo alias, & est cippi fracti superior pars .

M. PORCIO. M. F. CATONI
OBSINGVL EI

Hoc est .

Marco Porcio, Marci filio Catoni ob singularem eius . Post Marci Catonis ex Hispania profectionem, cum multæ in citeriore pro-

uincia ciuitates rebellassent circa vrbis annum DLX. Sex. Digitius Prætor crebra magis quàm digna dictu prælia fecit, & adeo pleaque aduersa, inquit, Liuius in initio libri quinti quartæ decadis, vt vix dimidium militum, quàm quod acceperat successori tradiderit. Nec dubium fuit quin omnis Hispania sublatura animos fuerit, ni alter prætor P. Cornelius. C N. F. Scipio, trans Iberum multa secunda prælia fecisset. Quo terrore non minus quinquaginta oppida ad eum defecerunt. Prætor hæc gesserat Scipio. At idem postea Proprætor acerrimū illud præliū cum Lusitanis gessit, de quo superius multa diximus, cum qualisnam gens Lusitanorum esset disputaremus.

L. Corn. Scipione, qui postea Asiaticus appellatus est, & C. Lælio nepote cons. Circa vrbis annum DLXIV. Lusitani L. Aemilium Paulum Proprætorem, cum vniuerso exercitu ceciderunt, in qua pugna ipsum Aemilium interiisse dicit Orosius, qui eum Proconsulem vocat. Nescio quem secutus auctorem.

Non enim interiit, cum post hanc pugnam, iterum collatis signis, ingēti clade Lusitanos affecerit, & postea bellū Macedonicum cum magna gloria gesserit, vt idem Orosius fateatur eodem capite, nisi alium existimauerit, constat autem ex Linio eundem fuisse. Nam quod Orosius illum Proconsulem vocat, id forte

forte est, quoniam in Hispaniam sibi decretam provinciam, non cum sex tantum securibus, aliorum Prætorum more, sed cum duodecim honoris causa missus est, ita ut dignitas consularis in imperio eius inesset, ut in ipsius vita narrat Plutarchus.

Sed præstat Liniū audire lib. septimo quartæ decadis. Huius triumphi (videlicet M. Acilij Glabrionis de Aetolis) minuit lætitiā, nuntius ex Hispania tristis, aduersa pugna in Vascetanis ductu L. Aemilij Proprætoris apud oppidum Lyconem, cum Lusitanis sex milia de exercitu Romano cecidisse, ceteros paucos intra vallum compulsos ægre castra defendisse, & ad modum fugientium magnis itineribus in agrum pacatum reductos.

Quæsiuit aliquando a me Ioannes Vascus vir doctus, ac diligens, cum Hispanicarum rerum chronicon commentaretur, quosnam arbitraret esse Vascetanos, in quibus tam insignem victoriam adepti essent Lusitani.

Respondi, videri mihi lectionem non nihil fuisse deprauatam, litterarum commercio, legendumque in Batestanis. Nam solebant nonnulli B. eo sono, quo V. cum est consonans, pronunciare, ut etiam modo Græci, & Hispanorum plerique. T, vero minutiore littera (qua nunc utimur) scriptum, facile mutari potuit in C. Vascetanos enim in vltiore Hispania populos, scire me nullos, immo neque
in

in citeriore . Vesci oppidum Fauentiam cognominatum legi apud Plinium , in Batica, & apud Ptolemæum ex quo Vescitani fieri potuissent, si de oppidanis, non autem de populis sermo esset . At Liuius populos intellexit, in Vascetanis, inquiring, apud oppidum Liconem . Quod oppidum si extaret, aut saltem nominis vestigium exiguæ esset operæ lectionem veram agnoscere, interea placere mihi Batestanos pro Vascetanis substitui.

Sed vt redeamus ad Liuium circa eiusdem libri finem de P. Iunio Bruto in vltioriẽ Hispaniam misso . C N. Manlio . C N. F. Vulsonæ . M. Fulvio . M. F. Nobiliore Cofs. circa vrbis annum D L X V. Profectusq. in Hispaniam est . P. Iunius Proprætor, in qua provincia prius aliquanto, quàm successor venisset, L. Aemilius Paulus, qui postea regem Persea magna gloria vicit, cū priore anno haud prospere rem gessisset, tumultuario exercitu collecto, signis collatis, cum Lusitanis pugnavit . Fusi, fugatiq. sunt hostes, cæsa decem & octomillia armatorum, tria millia, ccc. capti, & castra expugnata . Huius victoriæ fama, tranquilliores in Hispania res fecit.

Lucium Aemilium Paulū de Lusitanis, propter hanc victoriã triumphasse opinantur nonnulli ex verbis Velleij Paterculi libro priore. Tum Senatus, Populusq. Romanus . L. Aemilium Paulum, qui, & Prætor, & Consul triumphauit

phauerat, virum in tantum laudandū, in quantum intelligi virtus potest. Consulem creauit filium eius Pauli, qui ad Cannas, &c.

Sed Liuius post narratam hanc de Lusitanis victoriam, supplicationes, inquit, deinde fuerunt, ex S. C. Quod Lucius Aemilius in Hispania prospere rem gessisset. De triumpho non meminit. Neque Plutarchus in hominis laudem mire propensus, neque item Capitoline. M. Verrij Flacci tabulæ.

Onuphrius autem Veronensis in commentario virorum triumphalium, ex Paterculi a me modo citatis verbis, & basi Capitolina quadam, atque aliquot nummis non male videtur colligere illum triumphasse.

Huius victoriæ fama, inquit Liuius, tranquilliores in Hispania res fecit, verum nō diu. Nam C. Catinio, & L. Manlio in Hispanijs Rempub. gerentibus, circa annum ab vrbe condita DLXVIII. in citeriore prouincia Celtiberi, in vltiore Lusitani armis Romanorum socios vexabant, eorumq. agros populabantur. Sp. Posthumio Albino. Q. Martio Philippo Coss.

Ci ergo Catinius, qui cū biēnio ante Prætor in vltiorem prouinciā esset profectus, & tum ex prorogato imperio eam Proprætor obtineret, in Astensi agro cum Lusitanis signis collatis pugnavit. Ad sex millia hostium sunt caesa, vt refert Liuius libro nono quarta

deca-

decadis, ceteri fusi, fugati, castrisq. exuti.
 Carinius inde ad Astam oppugnandam legiones duxit, eamq. haud multo maiore certamine cepit, quàm castra, sed dum incautus subit muros, ictus, ex vulnere paucos post dies mortuus est. Qua re cognita Senatus censuit, vt C. Calpurnius Piso, qui erat successurus maturaret proficisci, ne sine imperio prouincia esset.

Profecti igitur, C. Calpurnius Piso in vltiorem Hispaniam, propter Lusitanorum motus, in citeriorem, L. Quintius Crispinus, primo vere ex hibernis eductas copias, in Baturia iunxere. Ea est pars Bæticae a Marianis montibus ad Anam pertingens.

Inde in Carpetaniam, vbi castra erant hostium, progressi sunt, communi animo, consilioq. parati rem gerere, haud procul Hippone, & Toletis urbibus, inter pabulatores pugna orta est.

Quibus dum vtrimque subuenitur a castris, paulatim omnes copiae in aciem eductae sunt. In eo tumultario certamine, & loca sua, & genus pugnae pro hoste fuere, ait Liuius libro nono decadis quartae. Duo exercitus Romani fusi, atque in castra compulsi sunt. Non institere perculsis hostes.

Prætores Romani, ne postero die castra oppugnarentur, silentio proximæ noctis tacito signo exercitum abduxerunt.

Luce prima Hispani acie instructa ad vallū accesserunt, vacuaq. præter spem castra ingressi, quæ derelicta inter nocturnam trepidationem erant diripuerunt, regressiq. in sua castra paucos dies quietis statuiis manserunt. Romanorum sociorumq. in prælio fuga, & ad quinque millia occisi, quorum se spoliis hostes armauerunt. Inde ad Tagum flumen profecti sunt. Ita Liuius.

Prætores posthac cū omne id tempus contrahendis sociarum ciuitatū auxiliis, recreant disq. ab terrore aduersæ pugnae militum animis consumpsissent suppleto exercitu iterum collatis signis atrox prælium inierunt, hinc inflatis recenti victoria Hispanis, illinc Romanis militibus priore ignominia accensis. Cæsi Hispani adeo, vt ex numero supra xxxv. milliū, quattuor millia effugerint, tria tantum millia, qui arma retinuerunt, in propinquum montem se receperint, mille semiermes per agros palati sint.

Romani, sociiq. paulo plus sexcenti, & provincialium auxiliorum cl. ferme ceciderunt, Tribuni militum quinque amissi, & pauciores Romani. Pro concione postero die laudati, donatiq. phaleris, catellis, & fibulis, equites, & centuriones, quorum maxime opera fusi essent hostes.

Hæc eo anno, quo App. Claudius. M. Sempronius Coss. fuerunt, sunt gesta.

In fequenti anno, quo P. Claudius, L. Porcius erant Cof. in Hispania vltiore, fractis proximo bello Lufitanis, res quietæ fuerunt, vt tradit Liuius.

Ex quo intelligimus prælia duo, quæ paulo ante retulimus, cum Lufitanis, ac Celtiberis fuiſſe. Id etiam ex eo patet, quod veteres Prætores C. Calpurnius Piſo, & L. Quintius Criſpinus, qui eas pugnas pugnauerant, Romam cum rediſſent, vtrique magno Patrum conſenſu triumphus eſt decretus. Prior C. Calpurnius de Lufitanis, & Celtiberis, paucos poſt dies L. Quintius ex iſdem Lufitanis, ac Celtiberis triumphauit.

In fequenti anno vltior Hispania in pace fuit, quia P. Sempronius Longus, cui ea decreta erat, diutino morbo eſſet implicitus, & nullo laceſſente peropportune quieuerant Lufitani. Hæc Liuius in fine libri noni quartæ decadis. Ex quo etiam patet illa tempeſtate belli, paciſq. momenta præcipue penes Lufitanos fuiſſe.

Inde Cof. Cn. Bæbio Pamphilo, L. Aemilio Paulo, anno ab vrbe condita M L X X I I. P. Manlio Hispania vltior obuenit, quam & priore prætura obtinuerat, inquit Liuius, quæ tunc P. Sempronij Proprætoris morte, ſine imperio fuerat. Is ſecunda aliquot prælia cum Lufitanis fecit, quæ Liuius non explicat. A. Poſthumio Albino, & Calpurnio Piſone Cof.

Hispa-

Hispanias sortiti Prætores, L. Posthumius Albinus posteriorem, citeriorem Tib. Sempronius Gracchus. Qui bene re gesta, centum quinque oppida ad deditionem coegit.

L. autem Posthumium eadem ætate in Hispania vltiore bis cum Vaccæis egregie pugnas-
se, & ad xxxv. millia hominum occidisse, scribit Liuius.

Codicem ego Liuij manu scriptum ab amico quodam accepi, in quo non cum Vaccæis, sed cum Bracaris habebatur, sicut & in Badiana editione legitur, probante Henrico Glareano docto, ac diligenti homine. Hoc aliquando Ioanni Vafæo indicaui, eramq; in eam lectionem propensus, videlicet, quia in vltiore Hispania Vaccæi non sunt, Bracari autem, iuxta vetustiorum terminationem, sicut & nostro æuo ad Lusitaniã pertinuerint. Quòd si ita esset, emendari oporteret Liuij quoque epitomen, libro quadragesimo primo, ac pro Vaccæis, reponendi Bracari.

Verum postea expendens Liuij paulo superius verba, vbi sic scribit: Eodem anno in Hispania L. Posthumius, & Tib. Sēpronius Propræ. comparauerunt ita inter se, vt in Vaccæos per Lusitaniã iret Albinus, inde in Celtiberiam reuerteretur Gracchus, quòd maius ibi bellum esset, in vltima Celtiberiæ penetrauit, non audeo quidquam immutare.

Videtur enim Liuius finē consilij, quo inter

Pro-

Proprætore conuenerat posuisse, nempe, ut in Vaccæos per Lusitaniam iret Albinus, sicut & Tib. ipse Gracchus Mundam vltioris prouinciæ urbem oppugnauit, ac cepit. Ita enim e rep. fore vterque existimauit.

Gracchus Prætor ibidem iterum ducenta oppida expugnauit, & cepit. Ibidem, hoc est, in citeriore Hispania, iterum quia iam ibi centum quinque ad deditiōē coegerat. ergo in citeriore, non in vltiore prius legendum.

Quonam igitur modo in vltiore Hispania gesta res fuisse narratur. Videlicet quia, Proprætor vltioris erat Albinus, & finitimi Lusitanis, Asturibusq. Vaccæi, vti superiore libro, cum terminos Lusitiæ definiēbamur ex Strabone ostendimus, etiam si eas pugnas idem extra Lusitaniam Albinus pugnauerit.

Nisi & illic emendandus Liuij codex sit, ut legatur in Bracaros per Lusitaniam iret Albinus. Nam si cum Vaccæis, & non cum Bracaris, hoc est, cum Lusitanis ex pugna fuissent, quo iure Posthumio Albino de Lusitanis decretus est triumphus, non autē de Vaccæi? Verba Liuij hæc sunt decadis quintæ lib. primo: Triumphus ex hispania, deinde duo continuo acti. Prior Sempronius Gracchus de Celtiberis, sociisque eorum, postero die L. Posthumius de Lusitanis, aliisque eiusdem regionis Hispanis triumphauit. Docti examinet. Vnum addam, apud Orosium perperam

mutatas

mutatas esse prouincias. Tiberium enim Sempronium in vltiore Hispania centum quinque oppida, vt vetus habet codex, non centum quinquaginta, vt vulgata editio ad deductionem coegisse scribit. Eadem autem æstate L. Posthumium in citeriore quadraginta millia hostium bello interfecisse. Triumpharunt anno ab vrbe condita quingentesimo septuagesimo quinto.

Quinto Opimio Nepote. Lucio Posthumio Albino Coss. circa sexcentimum vrbis annum a Lusitanis per arma vexatos fuisse Romanos scribit Iulius Obsequens in libello de prodigiis. Quamquam Consulum prænomena perperam sint posita. Quinti enim prænomen Opimio fuit, Lucij vero prænomen Posthumio, vt patet ex tabulis Capitolinis, sic Q. Opimius Q. F. Nepos. L. Posthumius. S. P. P. L. N. Albinus.

Posthumio tamen in magistratu mortuo, in eius locū M. Acilius Glabrio succectus est. Eodē auctore, M. Marcello, & L. Valerio Coss. in Lusitania varie pugnatum. Consentit epitome Liuij lib. 46. Hi autem Coss. M. Claudius Marcellus, & L. Valerius Flaccus fuere anno ab vrbe condita DCI.

His Coss. L. Mummi L. F. L. N. Proprætorem de Lusitanis triumphasse ostendit in Iberico Appianus, & qui in Capitolinas tabulas commentarios edidere.

Mendose legitur apud Eutropium lib. quarto: L. Memmius in Hispania bene pugnavit. Nam cū hic sit, qui postea a deuictis Achæis, & Corinthiis, Achaicus sit appellatus, certum est, Achaicum L. Mummiū L. F. L. N. fuisse, non L. Memmium.

Per hæc ipsa tempora L. Licinio Lucullo, Aulo Posthumio Albino Coss. Hispaniense bellum, cum parum prospere aliquoties gestum, ita confudisset ciuitatem Romanam, vt ne ij quidem inuenirentur, qui aut Tribunatum exciperent, aut legati ire vellent, P. Cornelius Scipio Aemilianus. L. Pauli F. Africani nepos, sed adoptiuus, qui & ipse postea Africanus est appellatus, processit, & excepturum se militiae genus quodcumque imperatum esset, professus est. Quo exemplo ad militandi studium omnes inuitauit.

Iisdem Coss. Seruius Sulpicius Galba Prætor, male aduersus Lusitanos pugnavit, inquit, Liuij abbreviator. Quam rem superiori volumine a nobis tactā hic suo loco latius repetere est visum, ex quarto Orosij libro capite trigesimo primo.

Sergius autem Galba Prætor a Lusitanis magno prælio victus est, vniuersoq. exercitu amisso, ipse cum paucis vix elapsus euasit, ex qua ignominia, cum vlcisci se postea Galba statuisset, immane, ac plusquam barbarum facinus perpetravit. Quod Orosius ita narrat:

Igitur

Igitur in Hispania Sergius Galba Prætor, Lusitanos circa Tagum flumen habitantes, cum voluntarios in deditionem recepisset, per scelus interfecit. Simulans enim de commodis eorum se acturum fore circumpositis militibus, cunctos inermes, incautosq. prostravit. Quæ res Hispaniæ vniuersæ, propter Romanorum perfidiam, causa maximi tumultus fuit. Valerius Maximus lib. 9. capite de perfidia sic ait. Sernius quoque Galba summæ perfidiæ. Trium enim Lusitaniæ ciuitatū, conuocato populo, tamquam de commodis eius acturus, nouem millia, in quibus flos inuentus consistebat, electa, & armis exuta, partim trucidauit, partim vendidit. Quo facinore maximam cladem (codex manu scriptus habet partem) barbarorum magnitudine criminis antecessit.

Accusauit acriter M. Caro Galbam, pro interfectis cōtra interpositam fidem Lusitanis, vt testatur in Bruto M. Tullius, & obiter in diuinatione, quod explicat apertius Asconius Pædianus, & Liuij epitome libro quadragesimo nono.

Aetatis autem nonagesimum annum agebat Caro teste Liuiio decad. quartæ lib. 9. cum Galbam accusauit, ardentissima oratione, quam in Origines suas retulit.

Reus vero Galba, cum se damnari videret complexus duos filios prætextatos, & C. Sul-

pitij filium cuius tutor erat, ita miserabiliter pro se locutus est, vt rogatio antiquaretur.

Misericordia ergo, inquit, lib. 8. cap. 1. Valerius Maximus, illam quæstionem non æquitas texit. Ceterum de prænomine Galbæ, quod alias Seruius, alias autem Sergius habetur, si quis forte inquirat, nescio an facere satis omnino possim.

Nam Cicero loco a me citato Seruium habet. Pædianus, & Orosius Sergium. Epitome Liuij prius Seruium, deinde Sergium. Liuius ipse vbi de accusatione eius meminit Sergium, at libro quinto decadis quintæ cum scribit Galbam impedire conatum, ne de capto Rege Perse, deuictaq. Macedonia. L. Aemilio Paulo triumphus decerneretur, ac M. Seruilius pro L. Aemilio ad populum verba facientem inducit, vbique eum Seruium Sulpicium Galbam nominat.

Valerius Maximus in altero locorum modo citatorū Sergium, in altero vero Seruium, quemadmodum libro sexto capite quarto, de Scipione cum ait: Seruius Sulpicius Galba, quæ varietas in impressis codicibus est. In manu autem scripto, vbique Seruium inuenio.

Plutarchus in Catone Seruilius, quod parum abest a Seruio. Suetonius vero in Galba Cæsare, cuius familiam ab hoc Galba deducit, Sergium semper vocat, familiam, inquit, illustravit Sergius Galba temporum suorum elo-

eloquentissimus, quem tradūt Hispaniam obtinentē triginta Lusitanorū millibus perfidia trucidatis, Viriagini belli causam extitisse, eius quoque filios, alterum Caium, alterum Sergium nominat. Ex quibus Tranquilli locis, in prænomen Sergium pedibus prope iam ibam, nisi me Eutropius libro septimo reuocasset. Scripto enim Neronis obitu, huic ait Seruius Galba successit antiquissimæ nobilitatis Senator. Non ergo quieui donec Dione Græco Auctore consulto libro quinquagesimo septimo inueni Seruium, non Sergium ab illo nominari. Quare magis ad Seruij prænomen animus iam inclinat. Varietatem autem ex compendio scribendi euenisse puto. Nam prænomena cum fere compendio notentur, factum est, vt S E R. a quibusdam Seruius, ab alijs autem Sergius legeretur. Sane tamen S E R. magis Seruium notat, quam Sergium, vt mea fert opinio. Ego Sergium prænomen quattuor litteris scriberem, sic. S E R G. vt Dionem video fecisse in initio eiusdem libri.

Quòd si opinioni huic meæ obijciatur etiā tribum. S E R G I A M. litteris tantum tribus scribi, & Sergiam intelligi, vt in Tarraconensi cippo vidi. P. F A B I O. P. F. S E R. L E P I D O. respondebo in tam nota tribu nihil opus fuisse pluribus litteris; at in prænmine, quod ad hoc, vel ad illud trahi poterat, in Sergio quartam litterā fuisse necessariam.

Tam ex Suetonio, quàm ex Orosio Seruij Galbæ perfidiam, ac crudelitatem maximi tumultus vniuersæ Hispaniæ, ac demum Viriati ni belli causam fuisse didicimus, vt dederit Roma pœnas impuniti Galbæ, qui contra ius, etiam inter extremæ barbariæ hostes, sanctum, & inuiolabile vel nouem millium, vt Valerio placuit, vel millium triginta, vt Tranquillo, nefaria se cæde polluerit, & quem contra summi viri Catonis iustam acrimoniam, trium puerorum misericordia noxa capitali exemerat. Anno igitur ab vrbe condita, D C V I I. Cn. Cornelio Lentulo. L. Mummio Nepote Coss. Lusitanos Viriatus erexit. De quo hæc Auctores. Florus: Vir calliditatis acerrimæ, qui ex venatore latro, ex latrone subito dux, atque imperator, etsi fortuna cessisset Hispaniæ Romulus, non contentus libertatem suorum defendere per quattuordecim annos, omnia citra, vltraq. Iberum, & Tagum igni, ferroq. populatus, castra etiam Prætorum, & præsidum aggressus, cum Claudium Vnimanum pene ad internitionem exercitus cecidisset, & insignia, trabeis, & fascibus nostris, quæ ceperat, in montibus suis tropæa fixisset, tandem eum Fabius Maximus consul oppresserat, sed ab successore Seruilio violata victoria est. Quippe qui conficiendæ rei cupidus, fractum ducem, & extrema deditionis agitantem per fraudem, & insidias, &
dome:

domesticos percussores aggressus, hanc hosti gloriam dedit, ut videretur aliter vinci non potuisse. Iustinus: In tanta sæculorum serie, nullus illis dux magnus præter Viriatum fuit, qui annos decem Romanos varia victoria fatigavit. Adeo feris propiora, quam hominibus ingenia sunt. Quem ipsum non iudicio populi electum, sed ut cauendi scientem, declinandorumq. periculorum peritum, secuti sunt. Cuius ea virtus, continentiaq. fuit, ut cum consulares exercitus frequenter vicerit, tantis rebus gestis, non armorum, non vestis cultum, non denique victum mutauerit: sed in eo habitu, quo primum bellare cœpit, perseverauerit, ut quiuis gregarius miles, ipso imperatore etiam opulentior videretur.

Velleius in posterioris voluminis initio: Triste deinde, & contumeliosum bellum in Hispania, duce latronum Viriato, secutum est, quod ita varia fortuna gestum est, ut sæpius Romanorum gereretur aduersa. Sed interempto Viriato fraude magis, quam virtute Seruiliij Cæpionis, Numantinum grauius exarsit.

Eutropius: Quintus quoque Cæpio ad idem bellum missus est, quod quidem Viriatus contra Romanos in Lusitania gerebat. Quo metu Viriatus a suis interfectus est, cum quattuordecim annos Hispanias aduersus Romanos mouisset. Pastor primo fuit, mox latronum

dux, postremo tantos ad bellum populos concitavit vt adsertor contra Romanos Hispaniæ putaretur.

Plinius in libello de viris Illustribus: Viriatus genere Lusitanus, ob paupertatem primo mercennarius, deinde alacritate vector, audacia latro, ad postremum dux, bellum aduersum Romanos sumpsit, eorumq. Imperatorem Claudium Vnimanum, deinde C. Nigidium oppressit. Pacem a Popillio maluit integer petere, quam victus: & cum alia dedisset & arma retinerentur, bellum renouauit. Cæpio cum vincere aliter non posset duos satelites pecunia corripuit, qui Viriatum humi depositum perimerent. Quæ victoria, quia emptæ erat, a senatu non fuit probata.

Orosius libro quinto capite quarto: Viriatus in Hispania, genere Lusitanus, homo pastoralis, & latro, primo infectando vias, deinde vastando prouincias, postremo exercitus Prætorum, & consulum Romanorum vincendo, fugando, subigendo maximo terrori Romanis omnibus fuit. Siquidem Iberû, & Tagum maxima, & diuersorum locorum flumina late transgredienti & peruaganti. C. Vetilius Prætor occurrit. Qui continuo cæso vsque ad internitionem pæne omni exercitu suo, vix ipse Prætor cum fuga lapsus euasit. Deinde C. Plantium Prætorem ipse Viriatus multis prælijs fractum fugauit. Post etiam

Clau-

Claudius Vnimanus cū magno instructu belli contra Viriatum missus, quasi pro abolenda superiore macula, turpiorem ipse auxit infamiam. Nam congressus cum Viriato vniuersas, quas secū adduxerat copias, maximasque vires Romani amisit exercitus. Viriatus trabas, fasces, ceteraque insignia Romana, in motibus suis tropæa præfixit. Eodem tempore trecenti Lusitani cum mille Romanis in quodam saltu contraxere pugnam, in qua septuaginta Lusitanos, Romanos autem trecentos viginti cecidisse, Claudius refert. Et cum victores Lusitani sparsi ac securi abiissent, vnus ex iis longe a ceteris segregatus, cum a circumfusiis equitibus pedes ipse deprehensus, vnus eorū equo lancea perfosso ipsius equitis ad vnum gladij ictum caput desecuiisset, ita omnes metu perculit, vt prospectantibus cunctis ipse contemptius, atque otiosius abscederet. Et paulo post: L. Cæcilio Metello, Q. Fabio Max. Seruiliano Coss. Igitur Fabius consul contra Lusitanos, & Viriatū dimicans, Bacciam oppidum, quod Viriatus obsidebat, depulsiis hostibus liberauit, & in deditionem cum plurimis aliis castellis recepit. Fecit facinus etiam vltimis Barbaris Scythiæ, non dicam Romanæ fidei, & moderationi execrabile. Quingentis enim principibus eorum, quos societate inuitatos, deditionis iure susceperat, manus præcidit. Pompeius sequentis anni Con-

ni Consul fines Numantinorum ingressus accepta maxima clade discessit, non solum exercitu pene omni profligato, verum etiam plurimis nobiliū, qui ei militiæ aderant, interemptis. Viriatus autem cum per quattuordecim annos Romanos duces, atque exercitus protinisset, insidijs suorum interfectus est. In hoc solum Romanis circa eum fortiter agentibus, quod percussores eius indignos præmio iudicarunt.

Sex. Iulius Frontinus *Stratagematum* libro secundo capite quinto: Viriatus ex latrone, dux Celtiberorum, cedere se Romanis equitibus simulās, vsque ad locum voraginosum, & præaltum eos perduxit, & cum ipse per solidos, ac notos sibi transitus euaderet Romanos ignaros locorum, immerfosq. limo cecidit. Celtiberorum illum ducem appellat, quoniam non contentus vniuersam Lusitaniam, ademisse Romanis, Iberum bella transferens, Celtiberiæ etiam populos occupauit, & aduersus Romanos erexit. Multa alia in libris his magni, ac sapientis ducis argumenta, Frontinus de Viriato prodidit, quæ peti inde possunt.

Epitome *Liuij* lib. 52. Viriatus primum in Hispania, ex pastore venator, & ex venatore latro, mox iusti quoque exercitus dux factus est, & vniuersam Lusitaniam occupauit. M. Vetilium prætorem, fuso eius exercitu, cepit.

Post-

Postquem C. Plautius Prætor nihilo felicius rem gessit, tantumque terrorem is hostis intulit, vt aduersus eum consulari opus esset, & duce & exercitu. Et libro quinquagesimo quarto: Quintus Fabius Proconsul, rebus in Hispania prospere gestis labem imposuit pace cum Viriato æquis conditionibus facta. Viriatus a proditoribus, cōsilio Seruiliij Cæpionis interemptus est, & ab exercitu eius multum imploratus, ac nobilissime tumulatus, vir, duxq. maximus per quattuordecim annos, quibus cum Romanis bellum gessit, frequentius superior. Hæc scriptores de Viriato, quem omnes latronem, latronumq. ducem fuisse dicunt, quemadmodum Strabo libro tertio. Noster quoque Cicero libro de officiis secundo: Quin etiam leges latronum esse dicuntur, quibus parent, quas obseruent. Itaque propter æquabilem prædæ partitione, & Bargulus Illyricus, de quo est apud Theopompum magnas opes habuit, & multo maiores Viriatus Lusitanus, cui quidem exercitus nostri imperatoresq. cesserunt. Quem C. Lælius, is qui sapiens vsurpatur Prætor fregit, & cōminuit, ferocitatemq. eius ita represent, vt facile bellum reliquis traderet.

Vbi quoque aduertendum, quàm Viriati attenuet summus Orator victorias. Cui quidem exercitus nostri imperatoresq. cesserunt: Cesserunt verecunde, inquit quidam, cum
victos

victos significet. At vero C. Lælius quo ambitu, qua verborum amplitudine attollit? fre-
git, & comminuit, ferocitatemq. eius repres-
sit. Et in Bruto: Egregium Viriati bello re-
perimus fuisse Lælium. Atqui nisi Servilius
Cæpio Lælij in consulatu collega, pecunia,
qui Viriatum interimerent corrupisset, non-
dum sane debellatum erat. Alioqui quid est
quod ait Plinius, Cæpio cum vincere aliter
non posset, duos satellites pecunia corripit,
qui Viriatum humi depositum perimerent.

Redeo ad latronis nomen. Mihi videtur in-
vidiosius id a Romanis in magni viri odium
inculcatum, latronem autem, aut latronum
ducem, aliter intelligo, vt & Liuius de Masa-
nissa decadis tertiæ libro nono ait: Inde no-
cturnis primo, ac furtiuis incursionibus, dein
de aperto latrocinio infesta omnia circa esse,
maxime vero Carthaginienfis ager, quia &
plus prædæ, quàm inter Numidas, & latroci-
nium tutius erat. Et statim vix regium vide-
batur, latronem vagum in montibus conse-
ctari. Latro autem vagus Masanissa erat, de-
bitum sibi regnum reposcens. Ita ergo, cum
propter Galbæ perfidiam, alienissimo a Ro-
manis essent animo Lusitani, Viriato pasto-
ri primum, inde venatori, & qui merce-
nariam vecturam faceret, viro tamen calli-
ditatis acerrimæ, periculorumque declinan-
dorum perito adhæserē nonnulli, cum quibus

incur-

incurſiones, ac latrocinium aduerſus Romanos, Romanorumq. ſocios exercebat. Cuius felici audaciæ, cum ex Romanorum recenti iniuria multi fauerent, & copiæ indies maiores accreſcerent, iuſto tandem exercitu congregato, electus dux, ad bellum iam intrepide, patriamq. liberandam, non autem ad latrocinium proceſſit. Quippe cuius miram virtutem, continentiamq. adeo Iuſtinus prædicet, vt tantis rebus geſtis, neque cultioribus armis, quàm ceteri, ſit uſus, neque veſtitum, neq; victum mutauerit, vt quiuis gregarius miles ipſo imperatore opulentiore videretur. Quæ animi moderatio in latronum moribus eſſe non ſolet.

Interfecto Seruilij Cæpionis opera a duobus domeſticis ſatellitibus Viriato, cum interfectores eius præmium a Scipione Cōſule peterent, reſponſum eſt, numquam Romanis placuiſſe, imperatores a ſuis militibus interſici, vt ait Eutropius. Duplicem in eius cæde perfidiam accuſat Valerius Max. lib. 9. cap. 6. alterã amicorum eius, quòd eorū manibus interemptus, alterã Q. Seruilij Cæpionis, quòd is ſcleris huius auctor, promiſſa impunitate fuerit, victoriãq. nō meruerit, ſed emerit. Imperatores igitur Romani, quos Viriatus deuiciſſe legitur, fuere hi. Prætores C. Vetilius, vt Oroſius, ſiue M. Vetilius, vt epitome Liuij habet. C. Plautius, Cl. Vnimanus.

C. Ni-

C. Nigidius, cum M. Popillio Lanate, tunc Prætor; ut arbitror. Nam consulatum non iniit, nisi post Quintum Seruiliū Cæpionē, quo agēte domesticis insidiis periit Viriatus. Cum Popillio ergo, adhuc integer de pace agitauit. Sed quia tradere arma poscebatur, quod ea res videretur victi esse confessio bellum renouauit. Cum Lælio varie pugnauit; nam si eum Lælius tam fregisset, quam in eius gratia iactat Cicero, nequaquam censuisset Senatus, ut bellum aduersus Viriatum, non iam per Prætores, sed per Consules administraretur.

Cum Q. Fabio Maximo Consule etiam varie pugnauit. Cum eodem postea Proconsule varie quoque. Quare cum eo Fabius æquis conditionibus pacem fecit, cum tamē bonam ei Lusitaniæ partem ademisset. Vnde labem prospere gestis a se rebus imposuisse Fabius est iudicatus. Proconsulatum erat Fabius, ut patet ex Lini Epitome. Emendandus est Flori Locus paulo ante citatus. Tandem eum Fabius Maximus Consul oppresserat. Sine dubio enim legendum Proconsul. Nam Fabius anno urbis DCXII. Consul fuit. Postquam fuere Cn. Seruilius Cæpio, & Q. Pompeius Rufus. Quorum anno prorogatum Fabio imperium est, ut Proconsule aduersus Viriatum ex parte affectum bellum tandem conficeret. Anno sequenti designati Coss. C. Lælius Sapiens, & Quin-

Quintus Servilius Capiō auctor cedis Viriati, vt ex Entropio ostensum ante est. Igitur pace rursus turbata futurus victor apparebat Fabius, nisi Q. Servilius Capiō, qui post Cn. Servilium Capiōnem fratrem, & Q. Pompeium Rufum Consul est designatus, bellicque cum Viriato successor, insidiis victoriam corrupisset.

Manent adhuc in Lusitania aliquot monumenta militum Romanorum, qui in Viriatio bello occisi sunt, vt in territorio Eborensi, Pomariensi prædio, hoc cuius ego testis sum oculatus.

L. SILO. SABINVS. BELLO. CONTRA
VIRIATVM. IN. EBOR. PROV. LVSIT.
A GRO. MULTITVDINE. TELOR. CON-
FOSSVS. A D. C. PLAVT. PRAET. DELA-
TVS. HVMERIS. MILIT. H. SEP. E. PEC.
MEA. M. F. I. IN. QVO. NEMIN. VELIM
MECVM. NEC. SERV. NEC. LIB. INSERTI.
SI. SECVS. FIET. VELIM. OSSVA. QVO-
RVMQVOMQ. SEPVLCHRO. MEO. ERV-
SI PATRIA LIBERA ERIT.

Id est,

Lucius Silo Sabinus bello contra Viriatum
in Eborensi prouinciæ Lusitaniæ agro, multi-
tudine

tudine telorum confossus, ad Caium Plautinum prætorem delatus humeris militum, hic sepultus est. pecunia mea mihi fieri iussi, in quo neminem velim mecum, nec seruum, nec liberum inferi. Si secus fiat, velim ossua quorumquomque, sepulcro meo erui. Si patria libera erit.

Honoratus Ioannes Valentinus, vir & natalibus, & luculenta eruditione nobilis, & hoc & tria, quæ subiiciam a Floriano Campensi accepta mihi Olysiptone ostendit. Sed ego illi hoc emendatius tradidi. Alterum etiam ibidem simul inuentum esse narrabat, quod ego etsi diligenter perquisiui, hætenus tamen inuenire non potui, esse autem ferebat istiusmodi.

Q. LONGINVS. TARTAREO. ABSORPT.

HIATV. ANTE. TEMPVS. ARM. HOST.

IN. CAMPIS. LVSITAN.

M. REGVLVS. TRIB. MIL. MAR. SARCOPH.

OSSA. CONTEXTIT. VALETE. MILIT. ROMANI

Hoc est,

Quintus Longinus tartareo absorptus hiatu ante tempus armorum hostilium in campis Lusitaniæ. Marcus Regulus Tribunus militum marmoreo sarcophago ossa contextit. valete milites Romani.

Et hoc

Et hoc prope Visæum urbem.

*L. Aemil. L. F. confect. vulnere Host. sub
Nigidio. Cos. cont. Viriatum Latronem
Lanciens. quorum Remp. tutarat. basim
Cum urna, & statuam in loco publico erex.
Honoris. liberal. que ergo.*

Hoc est,

Lucio Aemilio Lucij filio, confecto vulnere hostili sub Nigidio Consule contra Viriatum Latronem, Lancienses, quorum Remp. tutarat basim cum urna, & statuâ in loco publico erexerunt honoris liberalitatisq. ergo.

Hoc quoque neque ego vidi, neque C. Nigidium Consulem Viriatino bello fuisse inuenio, nisi consulari potestate bellum gessisse dicamus, quem a Viriato oppressum dicit Plinius. Fertur etiam testamentum Galli Favonij, quod retulit Marlianus in urbis descriptione, in Lusitania repertum, quod ab Iacobo Simoneta Pisauriensi Episcopo, & Rotæ auditore, se accepisse ait, in hæc verba.

EGO GALLVS FAVONIVS

IOCVNDVS. P. FAVONII F.

Qui bello contra Viriatū obcubui, Iocundum, & Pudentem filios e me, & Quintia Fabia coniuge mea ortos, & bonorum Iocundi

K

patris

patris mei, & eorum quæ ipse mihi acquæsi-
 ui, heredes relinquo, hac tamen conditione,
 vt ab vrbe Roma huc veniât, & ossa hinc mea
 intra quinquennium exportent, & via Latina
 condant, in sepulchro iussu meo condito, &
 mea voluntate. In quo velim neminem me-
 cum, neque seruum, neque libertum inferi,
 & velim ossa quorumcûque sepulchro statim
 meo eruantur, & iura Romana seruentur, in
 sepulchris, ritu maiorum retinendis volunta-
 te testatoris. Et si secus fecerint, nisi legiti-
 mæ oriantur causæ, velim ea omnia, quæ filijs
 meis relinquo, pro reparando templo Dei
 Siluani, quod sub Viminali monte est, attri-
 bui. Manesq. mei a Pontifice maximo & a Fla-
 minibus Dialibus, qui in Capitolio sunt, opẽ
 implorent, ad liberorum meorum impieta-
 tem vlciscendâ. Teneanturq. sacerdotes Dei
 Siluani me in urbem referre, & sepulchro meo
 condere. Volo quoque vernas, qui domi meæ
 sunt omnes a Prætore Urbano liberos cû ma-
 tribus dimitti, singulisq. libram argenti puri,
 & vestem vnâ dari. in Lusitania in agro.
 viii. cal. Quintiles bello Viriatio.

Testamētum hoc paulo diuersus mihi Ho-
 noratus Ioannes Floriani Campensis manu
 descriptum communicauit hoc modo.

EGO

EGO GALLVS FAVONIVS
IOCVNDVS L. F.

Qui bello cont. Viriatum occub. Iocundum, &
Pudentem

fili. ex test. herr. relinquo, & bonor. Iocundi
patr. mei, & eor. quæ mihi adquæsiui. hac
tamen conditione, vt ab vrbe Roma huc ve-
niant, & ossa mea intra quinquen. e Lusitan.
export. via Latina condant, sepulch. marm.
cond. mea voluntate, si secus fec. nisi legiti-
mæ oriant. causæ, velim ea omn. quæ fili.
relinquo, pro templo Dei Siluani reparando
adtribui. Manesq. mei opem pont. Max. &
Flaminum Dial. qui in capitolio sunt, implo-
rent, ad impiet. contra fili. vlciscendam.
Teneanturq. sacerdd. Dei Siluani me in
urb. referre. & sepulch. me. cond.

Velim quoque quotquot domi meæ vernæ
sunt, liberos a Prætore, cum matrib. dim-
itti, singul. que libram arg. & vestem dari.

Act. VI. Kalend. Quint. . . R. Galba. Q. AV-
REL. Coss.

DECVRRE. Transcudani hoc testam. ore eiusd.
Galli FAV. emiss. lapide iussere adsculpi.

Displicent tamē mihi affectata hic aliquot
compendia cōtra sæculi illius morem. Ac ne-
scio, an ita in marmore sit, an magis ita Flo-
rianus tradere voluerit, quo antiquitatem

suo iudicio maiorem repræsentaret, si lectori mutilatis dictionibus negotium facesseret.

Onuphrius Panuinius in primo fastorum anno vrbis conditæ dæx. huius etiam meminit: Horum, inquit, consulum mentio est in testamento Galli Faunonij secundi, qui bello Viriatino cecidit, ita: A C T V M . V I . K A L . Q V I N T I L E I S . S E R . G A L B A . L . A V R E L I O C o s s . & de Viriato satis iam multa.

Decius inde Iunius Brutus. M. Iunij Penni filius, cum circa vrbis annum dæxvi. vnâ cum P. Corn. Nasica, qui Serapio appellatus est, consulatum gereret, in Hispaniam venit, & iis qui sub Viriato militauerant, agros, oppidumq. dedit, quod Valentia nuncupatum est. Ex epitome Liuij. Meminit etiam huius rei Sabellicus quintæ Eneados libro nono. Et nos in Vincentio Martyre, vt liqueat a Lusitanis ceterisq. Viriati militibus Valentiam esse conditam & nominatam. Fabulam vero inanem esse, eam conditam ante Romam, & Romin appellatâ a Romo Rege nescio quo, apud commentitium Manethonem reperto. Quæ tamen fabula Floriano Campësi, & quibusdam ex neotericis Hispanicarum antiquitatum scriptoribus non displicuit.

Brutus igitur hic Lusitaniâ, vsque ad Oceanum perdomuit. Quamquam vt Valerius Maximus libro sexto, capite quarto ait: Pene tota se ei sponte dediderat, præter Cinaiam.

urbem

urbem, quæ pertinaciter arma retinebat, vti in superioribus diximus, cum qualisnam gēs Lusitani fuissent, differuimus. Adortus etiam Bracaros Callaciæ gentem Callaicorum, qui Lusitanis auxilio venerant, sexaginta millia bello asperrimo, atque difficili, quamuis incautos circūuenisset, oppressit, in eo prælio, inquit Orosius libro quinto capite quinto, quinquaginta millia occisa, sex millia capta referuntur, pauci fuga euasere. Propter hanc igitur de Callaicis, & Bracaris victoriā, Callaici cognomen non autem a cetera Callaciæ Brutum esse adeptum, hinc colligo, quòd Strabo libro tertio, vbi amnis Minij mentionem fecit, ita scribit. Hic expeditionis Bruti terminus est. Negligenter enim vertit interpretes. Bruti Præturæ terminus, obiterq. notandum, iam non Consulem Brutum, sed Proconsulem, illic rem gessisse, eoq. tempore illi ad Limiam contigisse, quod supra retulimus, cum Bracarorum flumina recenseremus.

Triumphavit autem de Lusitanis, & Callacis, anno urbis DCXVII. quod in tabulis Capitolinis ita notatur.

D. IVNIVS. M. F. M. N. BRVTVS. CALLAICVS.
ANNO DCXVII. PRO. COS. DE LVSTITANEIS.
ET CALLAICEIS. EX HISPANIA. VLTERIORE.

Hoc est : Decius vel Decimus Iunius, Marci filius, Marci nepos Brutus Callaicus anno sexcentesimo decimosextimo Proconsul de Lusitanis ex Hispania vltiore . Anno ab vrbe condita DCXLV. Q. Seruilius Capio. Q. Seruilij Capionis superioris filius. CN. nepos, Proprator de Lusitanis, & Hispania vltiore triumphauit . At anno DCXLIX. P. Rutilio Rufo : CN. Manlio Coss. exercitus Romanus a Lusitanis cæsus . Quod nisi a Iulio Obsequente quattuor tantum verbis esset notatum, per ceteros Romanos scriptores penitus ignoraremus . Tametsi de nominibus Consulum Obsequens & Cassiodorus nonnihil variant, sed ego Onuphrio Panuini, qui eam rem exquisitius indagauit, adhæreo.

Anno inde conditæ vrbis DCLII. C. Mario IIII. Q. Luctatio Coss. deuictis Lusitanis pacatam vltiorem Hispaniam, scribit Obsequens. Non tamen a quo deuicti sint, expressit . Opinatur Panuinius a D. Iunio. Syllano, propter Sexti Rufi vrrba . Rebellantes in Hispania Lusitanos, per D. Brutum obtinuimus, & vsque Gades ad Oceanum peruenimus.

Post, ad Hispanos tumultuantes Syllanus missus, eos vicit, ego tamen & Obsequentis, & Rufi verba, aliter intelligo . Nempe deuictis a Bruto Lusitanis, vltiorem Hispaniam fuisse pacatam, vsque ad Gades, & Oceanum

Sylla-

Syllanum vero ad tumultuâtes Hispanos missum, non autem singillatim ad Lusitanos. Ad quos autem tumultuantes missum intelligat non explanavit. Verum quia Panuinius, & ceteris tabularum triumphalium explicatoribus ita videtur, ab illis non discedamus.

Anno urbis DCLV. L. Cornelius Dolabella de Lusitanis triumphavit. Quod Verrii Flacci tabulæ ita ostendunt,

L.CORNELIVS.L.F.L.N.DOLABELLA.PRO.
COS.EX HISPANIA.VLTERIOR.DE LVSIT-
AN.V.K.FEB.

Hoc est: Lucius Cornelius, Lucij filius, Lucij nepos Dolabella, Proconsul ex Hispania ulteriore de Lusitanis quinto Kalen. Februarij.

Quinto post anno, id est ab urbe condita DCLX. P. Licinius Crassus de Lusitanis triumphavit, testatur hoc Verrius Flaccus, sic.

P.LICINIUS.M.F.P.N.CRASSVS.ANNO.DCLX
PRO.COS.DE LVSITANEIS.PRID.IDV.IVNI.

Hoc est: Publius Licinius, Marci filius, Publij nepos, Crassus anno sexcêtesimo sexagesimo Proconsul de Lusitanis, pridie Idus Iunij. Hunc in Lusitania, & ea Callæciæ parte, quæ Bracarorū est bellū gessisse, inde coniicimus, quòd Strabo in calce libri tertij, tradit illum

etiam cassiteridas insulas e regione Celtici promontorij, pace conciliaſſe.

Sexcēteſimo ſeptuageſimo tertio vrbis anno ſparſo per Macedoniam, Pamphyliam, atque Dalmatiam Romanorū bello, cum quod in Hiſpania erat, ob id remiſſius gereretur, pauliſper interquieuerant Luſitani, donec diſcordijs ciuilibus Sertorianū exarſit, Syllanæ proſcriptionis hereditas, vt inquit Florus. Quintus enim Sertorius, vir ſummæ quidem, ſed calamitoſæ virtutis, ac magnæ in rebus bellicis peritiæ dux, quod Marij partes fuerat ſecutus, cum proſcriptus a Sylla eſſet, exceſſit vrbe atq; Italia varijs caſibus vbiq; iactatus.

Cuius quia vitam, reſq. geſtas accurate perſcripſit Plutarchus, & de eo multa ciuiliū bellorum libro primo Appianus, & libro tertio. L. Florus, quinto. P. Oroſius præter ea, quæ ſparſim Plinius Iunior de Illuſtribus viris, Valerius Maximus, Frontinus, Obſequens, & alij adnotarunt, minime opus eſt in ea re melaborare. Summatim ex Plutarcho, Appiano, atque Oroſio dicam. Adſcitus ex Africa a Luſitanis, cum duobus millibus, & ſexcentis; quos Romanos vocabat, admixtis Afris ſeptingentis, illinc venit, adiunxit Luſitanorum quattuor millia peditum, & equites ſeptingentos; atque tam exiguis copijs aduerſus quattuor Romanorum duces, ſub quibus erant peditum millia centum viginti, equi-

equitum septem millia, sagittariorum, & funditorum duo millia, & vrbes innumeræ, bellum gessit, cum ipse in initio viginti tantum Lusitanorum vrbes in sua ditione haberet. Validas non solum gentes, sed missos etiam aduersum se Romanos duces subegit. Cottam nauali prælio ad Mellariam superauit, Phidium Prætorem ad Batin, interfecitq. in ea pugna, duo millia Romanorum ciuium, Domitium per Hirtuleium ducem oppressit. Qui etiam Manilium Galliarum Proconsul. cum tribus legionibus, & mille quingentis equitibus in Hispaniam transgressum, castris, copiisque nudauit, ut Orosij verbis dicam, & pæne solum Ilerdam compulit refugere.

Lucium Proconsul. contriuit, Toranium à Metello missum cum toto exercitu delenuit. ipsum Metellum in tantam compulit necessitatem, ut L. Lollius ex Narbonensi Gallia ei ferre auxilium cogeretur, & Pompeius Magnus ex vrbe cum magna festinatione ea de causa mitteretur. Neque enim habebat Metellus, quo se verteret. Aquilium a Metello missum cum sex millibus cecidit, Pompeium iam Pyrenæos montes transgressum bello excepit, positisque iuxta castris superior fuit, Pompeium Palantiam obsidentem vi repulit, Et castra, quæ ad Calagurrim erant, adortus, ad tria millia interfecit. Eodem Pompeio spectante Lauronem urbem expugnauit, atq;

incen-

incendit, neque ille tam magnifice Lauro-
nibus de se pollicitus, sociis pereuntibus au-
xilium ferre ausus est. Quibus vitam ex in-
censa vrbe dedit Sertorius, in Lusitaniam mi-
serabili captiuitate traduxit. Ad Sucronem
Pompeium prælio superatum fugauit, ita vt
vulneratus, & ex equo prostratus, pæne in-
terfectus, & captus sit.

Afranium, qui cornu sinistrum regebat, cū
Sertorianos intento in Pompeium duce pel-
leret, suorum intellecto periculo accurrens,
facile superauit, eiusq. milites dispersos occi-
dit. Ad flumen Turiam Pompeium male mul-
tauit, & nisi Metellus superuenisset, actum
de eo erat. Vnde illa Sertorij gloriatio: Ego
puerum hunc, nisi venisset anus illa, castiga-
tum verberibus, domum remissem. Mem-
nius Pompeij quæstor, & sororis eius mari-
tus, ad Saguntum Sertorio superante, est in-
terfectus. Et cum magna strage victor ad Me-
tellum vsque peruenisset, pilo percussus Me-
tellus interierat, nisi a suis pudore nimio af-
fectis protectus esset. Didium Lælium Pom-
peij legatum, qui pabulatum exierat, scribit
Obsequens a Sertorianis interfectum.

Et certe Sertoriani duces fere superiores
erant, præcipue Hirtuleius, qui initio Metel-
li, antequam se Pompeio iungeret, multis
præliis fatigarat, tandem cum eodem Metel-
lo apud Italicam Bæticiæ prouinciæ urbē con-
gressus,

gressus, ex fiducia credo præteritarum victo-
riarum elatus, commissa pugna, viginti mil-
libus amissis, victus in Lusitaniam cum pau-
cis profugit. At Sertorius post id cum Pom-
peio congressus, decem millia militum eius
interfecit, licet totidem & ipse amiserit, in-
tantamq. desperationem duos egregios illos
duces Metellum, atque Pompeium adduxit,
vt publice Metellus præmia statuerit ei, qui
Sertorium necaret, centum argenti talenta,
& viginti millia agri iugera, & si exul esset, ve-
niam reductionemq. promitteret. Nempe, vt
saltem proditione consequeretur, quod ar-
mis non poterat.

Pompeius vero querulus ad Senatum scri-
pserit, nisi sibi pecuniæ mitterentur, se mili-
tes e provincia deducturum. Recipiebat se
in Hiberna Sertorius in Lusitaniam, vnde ap-
petente vere, cum M. Perpenna legato suo, ad
hostes vsque in Celtiberiam properabat, Lusi-
tanorum maxime opera semper vsus. Hoc di-
ferre asserit Appianus.

Eboram vero urbem ad hiemandum pecu-
liariter elegerat, sagaci consilio, cum fere
in medio sita sit Lusitaniæ, & solo fertili, vnde
in omnes partes præsto esse poterat, si vsus e-
ueniret. Ibi domum, quæ adhuc extat, & Iu-
niam Donacen domesticam, & libertos tres
habebat. Inde cohortem vnâ ad bellum
duxerat, vti docemus latius, cum ventum
erit

erit ad vrbes.

Ita prospere in Hispania bellum gerentis Sertorij, cum fama etiam Pōtum compleffet, Mithridates, si ducem rei militaris peritissimum sibi fœdere conciliaffet, facilem de populo Romano victoriam se adepturum pollicebatur. De qua re non pigeat lectorem consulere Plutarchum. Ex quo, & qui vir, & qua probitate fuerit Sertorius, & quo amore patriam vnde exulabat, prosequeretur, liquido intelliget. Simul quanto digni fuerint odio Perpennā, & qui cum eo in cædem magni ducis coniurauere. Quorum tamen omnium exitus, vt proditorum esse conueniebat miser, atque infelix non multo post omnino fuit. Id breuiter atque eleganter Velleius Paterculus de Perpennā loquens commemorat: Sertorium, inquit, inter coenam Osce interemit, Romanisq. certam victoriam, partibus suis excidium, sibi turpissimam mortem pessimo auctorauit facinore. Item Marcellinus sub libri xxvi. finem: Ad veteris Perpennæ exemplum, qui post Sertoriū inter epulas obtruncatum dominatione paulisper potitus e fructibus, sub quibus latebat extractus, oblatuq. Pompeio eius iussu est interfectus. Sic decimo inchoati belli anno suorum dolis interfectus Sertorius victoriam quidem Romanis dedit, verum sine vlla gloria, quod non virtute, sed fraude obuenisset.

Quo

Quo interempto Hispaniæ vniversæ ciuitates vltro se Romanis dedidere, præter Calagurrim, & Vxamam, sed hanc Pompeius evertit, illam siue Afranius, vt scribit Orosius iugi obsidione confectam, atque ad infames escas, ex inopia coactam, vltima tandem cæde, incendioq. deleuit; siue idem Pompeius, vt in libro septimo capite sexto refert Valerius. Quiuere itaque Lusitani, ac de Hispanis tam Metellus Pius, quàm Cn. Pompeius magnus adhuc eques Romanus triūpharunt, anno vrbs DCLXXXII. vt tabulæ referunt, Capitoliæ.

Toto autem Sertoriani belli tempore nullum populo Romano vestigium ex Hispaniis fuisse, in oratione de Agrariis legibus, contra Rullum conqueritur M. Cicero.

Iulius deinde Cæsar, post Urbanam præturam, vltiorem sortitus Hispaniam, in qua prius sub Tuberone Prætor Quæstor fuerat, Lusitaniam, ac Callæciam imperio Romano subdidit. De qua re non pigeat lectorem repetere, quæ ex Dione retulimus, cum de monte Herminio ageremus. Secuto paulo post triumuiratu, Cæsar Gallias, Asiam Crassus, Pompeius inuasit Hispanias, quas per legatos tres, M. Petreium, L. Afranium, & M. Varro-
nem administrabat, donec ciuile bellum conflatum est. Ac Cæsar in Hispanias veniēs, cas pro tempore quiescere coegit, M. Lepido
Procoss.

Procoff. Citeriorem, Q. Cassio Longino Vltiori Proprætore obtinentibus, quo tempore ad Dyrracchium Cæsar Pompeiū obsidebat.

Is Cassius Longinus inexplēbilis auaritiæ, nec ob eam obscuræ crudelitatis homo, cum se prouinciæ odio haberi non ignoraret, magnasq. indies eius odij accessiones faceret, contra Prouincialium offensionem, exercitus amore sese munire studebat, donatiuorum largitionibus immoderatis, & præmiorum pollicitationibus, ex rapinis, grauissimisq. oneribus. Sestertia igitur centū militibus pollicitus, Medobrigam oppidum in Lusitania, mōtemq. Herminiū, quo Medobrigenses confugerāt, expugnauit, ibiq. Imperator appellatus, iterum Sestertiis centū milites donauit.

Anno inde ab vrbe condita DCCX. Cæsar post deuictum Pompeiū in Hispanias est profectus aduersus duos adolescentes Pompeios Magni filios, qui bellum instaurauerant. Prouincior in Pompeij partes erat Lusitania, siue quia S.P.Q.R. magis eas fouebat, vt iustiores, siue recordatione iniuriarum Cæsaris, a quo in Prætura direpti nimis hostiliter fuerāt Lusitani, quāquam nec imperata detrectarent, & aduenienti portas patefacerent, vt inquit Suetonius. Et paucis verbis Catulli mordacissimus Iambus innuit.

Secunda præda Pontica, inde tertia

Ibëra, quam scit amnis aurifer Tagus

Vetto-

Vertonum igitur agrum, Lusitaniamq. pro Pompeio tenebat M. Petreius, antequam cum suis copijs, & equitibus, auxilijsq. totius Lusitanix ad Afranium in Celtiberiam profisceretur, ut irrupentem Cæsarem pariter reprimerent. Lusitanos Petreij beneficiarios vocat ipse Cæsar, in primo belli civilis commentario, quos custodiæ suæ causa semper habuisse confirmat. Fecit idem Munatius Flaccus in Bætica, Pompeiani nominis acrior quam probabilior defensor, sed id credimus Valerio Maximo libro nono capite de crudelitate. Lusitanorum enim præsidio vallatus Cæsari cum resisteret pertinaciter ad Attegam barbarum in modum sæuijt in eos, quos Cæsaris studiosos esse comperit, & in eorum vxores ac liberos.

Videat qui velit Valeriũ, & Hispaniẽsis belli commẽtariũ, atque obiter Valerij codicem emendet, in quo perperam legitur: Numatius, pro Munatius, & Attinguensiũ pro Atteguensium, Sufficiet hoc ex Dione ostẽdissẽ lib. quadragesimo tertio ita scribẽte: Audiens autem in Attegua ciuitate magnam esse copiam commeatus. At paucis interiectis: Postquam vero milites intra urbem recepti sunt, Munatium Flaccum ad eos misit. Munatius ergo Flaccus vocabatur, atque ita eum appellat Plutarchus in Catone. Præterea, inquit cum Pompeius commendationes reis dari in ludi-

Iudicijs consuetas, per legem vetuisset, ac postea ipse Munatio Flacco commendationem scripisset, Cato qui in ea causa iudex erat, cum recitari cœpta est Pompeij cōmendatio, aures manibus clausit, legiq. illam prohibuit; ut mendum quoque sit apud eundem Plutarchum in Pompeio, vbi idem Catonis factum referens, Plancum eum, non autem Flaccum appellat. Nisi forte ijdem Munatij, tam Flacci, quàm Planci appellarentur. Probabile est Munatiam gentē in duas familias Flaccorum videlicet, & Plancorum fuisse diuisam. Et ideo apud Plutarchum in Pompeio ex Flacco factum Plancum.

Plancorū enim cognomen aliquot ex Munatijs habuisse, liquet ex L. Munatio Planco, qui cum Lepido triumuiro R. P. C. consulatū gessit, & ex ode septima libri primi Carminum Horatij. Præterea ex inscriptione, quam extrare Caietæ Onuphrius Panuinius in secundum fastorum, & in libello de Romanorum nominibus, asseuerat. Ea est huiusmodi.

L. MVNATIVS. L. F. L. N. L. PRON.
PLANCVS. COS. IMPER. ITER. VII. VIR.
EPVLON. TRIVMPH. EX RAETEIS
AEDEM. SATVRNI. FECIT, DE MANYBIIS
AGROS DIVISIT. IN ITALIA BENEVENTI.
IN GALLIA COLONIAS DEDVXIT
LVGDVNVM. ET RAVRICAM.

Hoc est: Lucius Munatius, Lucij filius, & Lucij nepos, Lucij pronepos, Plancus, Cōsul Imperator, iterum Septemuir epulonum triumphauit ex Rāteis. Aedem Saturni fecit de manubiis, - agros diuisit in Italia Beneuenti, in Gallia colonias deduxit Lugdunum, & Rauricam.

Sed multum ab instituto diuertimus propter Valerij locum. Redeo ad Munatium Flaccum, qui se Lusitanis stipatoribus munierat, quos tamen suæ crudelitatis satellites habuisse queritur Valerius, Dion tacet, subobscurè narrat Hispaniensis belli commētarius, neque Munatij, neque Lusitanorū facta mentione. Petreianos, Afranianosque milites, quòd assuefacti cum Lusitanis essent, eorum more pugnare solitos, scribit Cæsar in primo belli ciuilis commentario. Intantum autem Pompeij partes fouebant Lusitani, vt etiam illo iam interfecto, filiis Cn. & Sext. Pompeiis, in omnem euentum adhæserint. Transeo Catonem, vel potius Catonem, vt alij habent codices, qui Atteguæ cum Lusitanorum præsidio sub Munatio erat, & cum Tullio legato ad Cæsarem venit.

Acerrimi Pompeianorum partium defensores fuere, Philo tota Lusitania notissimus, ac Cæcilius Niger, qui cum bene magna Lusitanorum manu Hispali contra Cæsarem, pro Cn. adolescente mire laborarunt, multas ad

Batin naues incenderunt, tandem victum ad Mundam, fauciumq. non deseruere. Sed cum se Carteiam recepisset, secuti sunt. De quo tradendo cum ciues legatos ad Cæsarem misissent, re intellecta Pompeius, vt in naues, quas ibi in præsidio habebat, confugeret, scapham ingressus est.

Sed pede casu funibus implicito, dum funē gladio secare nititur, pedis plantam gladio abscidit, vt libro bellorum ciuiliū secundo ait Appianus, vel talum intorsit, vt hispanien sis belli commentarius refert.

Cum ab hostibus quæreretur, occurrente ad id Didio, qui Cæsarianæ classis Gadibus præfectus erat, ex naui in qua curabatur egres sus est, & in Lusitaniam profugiens lectica fe rebatur. Sed vulneribus, & intorto talo cum ad fugiendum tardaretur, in itinere a Didio deprehensus, interfectus est, non ignauē sese protegens, inquit Appianus: cuius caput His palin allatum Cæsar in conspectum iussit da ri populo, & sic vrbe potitus est.

Lusitani, qui ex pugna superfuere, cum se ad signa recepissent, aduersus Didium elatum ea gloria redierunt, & quotidianis eum pu gnis laceßentes, tripertito distributis signis, illius naues incenderunt, ipsum qui ad propel lendum cum copiis processisset, prælio exci pientes interfecere, omnesq. eius copias de leuerunt, paucis exceptis, qui aut in scapha, quæ

quæ ad littus erat, aut nando ad naues, quæ in salo erant confugientes, sublatis anchoris vitæ subsidium remis quæsiuerunt. Lusitani præda ingenti potiti sunt, vt refert ille Hispaniensis belli commentarius, alioqui mutilus, corruptus, impeditoq. sermone confusus.

Quisquis auctor illius fuerit. Neque enim ad Hircium, aut Opium disertos satis homines referendum ego existimo. Miles tamen Cæsaris cum esset & eius laudes immodicus, ita scripsit, vt sæpe, neque quid uelit intelligas, neque si diuines, oratio ipsa sibi congruat.

Cn. Pompeio extincto, & maxima ex parte Hispania in potestatem redacta, Cæsar ad Urbanam dominationem festinans, Sext. Pompeium alterum ex Pompeij Magni filiis iuniorum, contempta eius adolescentia, neglexit in Hispania, non arbitratus eum aliquid magnum propter ætatem esse ausurum, sed aliter res euenit. Nam iuuenis primo cum paucis piraticam exercuit ignotus, deinde paulatim timorem exuens, seq. Pompeij magni filium professus, ex iis, qui sub patre Pompeio vel sub Cn. Fratre militauerant, victiq. cesserant, validum conflauit exercitum, ad eum tamquam ad ducem suum confluentibus, quibus Pompeij nomen erat gratiosum. Adauctus igitur amplioribus copiis, formidini esse cœpit Præsidibus, qui sub Cæsaris imperio Hispanias obtinebant, ita vt vererentur cum

eo ad manus venire. Quare intellecta Cæsar Carrinatem cum validioribus copiis misit, qui Pompeium debellaret.

Apud Appianum Carinam in his locis scriptum pro Carrinate reperias, nescio an interpretis vitio. Nā sermo est de C. Albio Carrinate, qui postea Consulatum gessit, cum Augustus abdicasset.

At vero iuuenis cognito Carrinatis aduentu, statim aduolans illum oppressit. Ea ex causa Cæsar successorem Carrinati misit C. Asinium Pollionem, quo in vltiore Hispania bellum gerente, Cæsar interemptus est. Et Senatus Pompeium vltro reuocauit. Ille vero cum Massiliam esset delatus, ad urbem nequaquam rediit, sed quæ ibi fierent intentus expectabat.

Atque electus maris imperator, vt pater eius fuerat, assumptis, quæ in portu erant, nauibus, vna cum iis, quas vel secum, vel in Hispania habebat, cōtra Triumvirorum dominationem in Siciliam nauigauit. Multi illum Galli, multi Iberi, multi etiam Lusitani, secuti sunt, Pompeij patris amore, & Cæsaris adhuc odio. Nam etiā Bruto a Triumuiris proscripto, cum vna cum Cassio ad Nigrum sinum aduersus Antonium bellū pararet, quattuor millia Celtarum, ac Lusitanorum equitum illi fuisse, scribit Appianus.

Pompeius igitur Sicilia potitus contra

Octa-

Octaviū, & Antonium pugnauit plerūque victor. Et quidem magni famam ducis posteris reliquisset, si nihil tentasset vltius. Verum mutata priori fortuna, quasiq. insolentiam eius indignante, qua se, & amictu cæruleo, & verborum vanitate, Neptuni filium esse iactauerat, tamquam Magni Pompeij esse, fuisset parū, victus Antonij se duci Titio dedit, a quō Miletī interfectus est. Qui copiosius ista scire velit, legat Appiani ciuiliū bel-
lorum libros quartum, & quintum. Nos in his immorati prolixius aliquāto sumus, propter Orosium, qui Sext. Pompeij mortem post Mundensem pugnam statim secutam scribit, nescio quem secutus auctorem. Eius hæc sunt verba libro sexto, capite decimo sexto: Vltimum bellum apud Mūdā vrbem gestum est, vbi tantis viribus dimicatum, tantaque cædes acta, vt Cæsar quoque veteranis suis cedere non erubescens, cum cædi, cogiq. aciem suam cerneret, præuenire morte futurum victi dedecus cogitarit, cum subito versus in fugam Pompeiorum cessit exercitus. Et statim Cn. Pompeius cum centesimo equite aufugit. Frater eius Sex. Pompeius contracta celeriter non parua Lusitanorum manu, cum Cæsonio congressus, & victus, fugiensq. interfectus est. Munda ciuitas cum immensa hominū cæde, Cæsare oppugnante, vix capta est.

Dubium tamen apud me non est, corruptū Orosij locum hunc. Nam paulo post capite decimo octauo, & capite decimo nono, Octauij quartum bellum aduersus Sex. Pompeium Cn. Pompeij filium commemorat, narratq. eū Siciliam occupasse, & tandem a Titio, & Furnio Antonianis ducibus victum, & captum, post paululum fuisse interfectum, vti ex Appiano ante diximus. Quare priori loco libenter legerem: Cum Cæsonio congressus, & victus fugiens pene interfectus est. Euasit enim, atque ad piraticam inde se conuertit, quod etiam Orosius ipse confirmauit his verbis: Sex. Pompeius postquam se in proscriptorum numerum relatum comperit, conuersus ad latrocinia, omnem oram Italiæ cædibus, rapinisq. vastauit, Sicilia prærepta.

Ceterum vt ad C. Asinium Pollionem redeam, eius tres extant epistolæ inter Ciceronis familiares libro decimo, in quarum vna sic habetur: Sed vt rationem in eo, quo die prælium Panfa commisit, eodem a Gadibus naues profectæ sunt. Nulla enim post hiemem fuit ante eam diem nauigatio. Et hercule longe remotus ab omni suspitione futuri civilis tumultus, pænitus in Lusitania legiones in hibernis collocaueram. Inclinauit post hæc ad Cæsarem Augustū fortuna, & Romani orbis imperium adeptus, Hispaniam, cū per se, tum per suos duces, intra annos quattuor pacatam

pacatam reddidit. Colonias partim deduxit, partim ampliavit. De quibus nonnihil inter vrbes referemus.

In primo volumine, cum terminos Lusitaniæ signabamus, diximus Baticam prouinciam plebi attributam, ad quam Prætor mitteretur, qui Legatum, & Quæstorem haberet, reliquas omnes in Hispania Cæsaris fuisse, qui duos mitteret Legatos, Prætorium, & Consularem. Ex iis Prætorius Legatum secum habebat, qui Lusitanis Baticæ adiacentibus, & ad Durium vsque protensis ius diceret. Consularis, quod reliquum erat Hispaniæ administrabat. Augustus enim omnium prouinciarum Romano imperio subditarum administrationem ita diuisit, vt alię procōsulares essent, alię prætoriæ, alię præsidiales. Proconsulares Senatui, prætorias populo demandauit. Præsidiales sibi ipse sumpsit, in quas legatos mittebat, qui modo Præsides, modo Cæsaris, vel Augusti legati dicebantur.

Ij. Præsides Legatiue Cæsaris, nonnumquam honoris causa consulari potestate augebantur, vt eiusdē essent auctoritatis, cuius Proconsules. Proconsulum namque dignitas amplior, quam Legatorum, Præsidentumve erat, quoniam hi ex equestri ordine eligi poterāt, illi non nisi ex Senatorio, consularive prouincias sortiebantur. Proconsulares ergo, & Prætoriæ illæ sunt factæ, quæ vel pacatæ iam

essent, vel militari præsidio non indigerent.

Quæ vero adhuc rebelles, legionibus, armisq. retinendæ viderentur, sibi attribuit Cæsar, specioso quidem prætextu gratificandi Senatui, populoq. Romano, quasi eis laborē adimeret, re autem vera, vt ipse exercitus, copiasq. militares omnes in sua potestate haberet, ne vñquam Senatus, populusve inuasam rempublicam repetere auderent, vt scriptum reliquit Dion.

Hispaniæ igitur postea in sex prouinciæ diuisæ, Bætica, Lusitania, & Callæcia consulares factæ, Tarraconensis, Carthaginienſis, Insularis, & Tingitania, quæ transfretum Hispaniæ est contributa, præsidiales.

Tandem Lusitania in duas diuisa prouincias, quarum altera, videlicet maior veteris prouinciæ pars, suum sibi Lusitaniæ nomen retinuit, altera Vettonia dicta est, vti in primo libro abunde retulimus.

Paulatim emerſere Comites, eorumq. vicarij, vsque ex Hadriano, qui Senatum quendam domesticum in palatio suo habuit, qui peregre euntem comitaretur. Cæsaris Comitatus ideo nuncupatus, & illi ipsi Senatores Comites Palatini, Donec diuus Constantinus oppida, vel prouincias illis attributas ad eorum tranſtulit heredes. Atque hæc origo est dignitatis Comitum, Ducumque.

Morem eum secuti Longobardorum reges

ges Italiam sibi subiectam in Comitatus varios, atque Ducatus diuiserunt. Limitanei quoque duces Marchiones nuncupati sunt; quoniam limitē marcham vulgus appellaret.

Ab Augusto igitur vsque ad Gothos, nihil quod magnopere ad Lusitaniam pertineat in tam deplorato scriptorum antiquorum interitu ego reperi; nisi Lusitaniam in Romanorum acquieuisse dominatu, eorumq. legibus domitam paruissse. Othonem postea Cæsarem fuisse a Nerone Lusitaniæ præfectum, vt Popæa illius vxore, amoto ex vrbe viro liberius frueretur, libro tertio scribit Tacitus. Vbi inquit, vsq; ad ciuilia arma, non ex priorre infamia, sed integre, sancteq. egit, procax, otij, & potestatis temperantior. Eadem fere repetit libro decimo septimo.

Suetonius quoque Tranquillus in Othone. Sepositus, inquit, est per causam legationis in Lusitaniam. Iactatum etiam de hac re distichum.

*Cur Otho mentitus sit queritur exul honore,
Vxoris mæchus cæperat esse suæ.*

Illum tamen per decem annos moderatione, atque abstinentia singulari, prouinciam administrasse testatur.

Et pro Romanis etiam in Italia militauere Lusitani. Eodem enim libro scribit Tacitus, Lusitanorum cohortes sub Vitellij sacramento fuisse.

Septimæ Lusitanorum cohortis meminit Alciatus in annotationibus in Taciti librum decimum sextum, ex inscriptione marmorea, quæ Comi adhuc sit, in memoriam Calpurnij Fabati Nouocomensis, C. Cæcilij Plinij profoceri.

Sorranale vocatur oppidum inter Dertonam, Genuamq. non procul a montibus. Ibi ego inscriptionem vidi, quam aiebant ex diruto iuxta oppido Antilia, seu potius Attilia fuisse allatam. ea est huiusmodi.

Q. ATTIO. T. F.

MAEC. PRISCO

AED. II VIR. QVINQ.

FLAM. AVG. PONTIF.

PRAEF. FABR. PRAEF. COH. I.

HISPANORVM. ET. COH. I.

MONTANORVM. ET. COH. I.

LVSITANOR. TRIB. MIL. LEG. I.

ADIVTIC. DONIS. DONATO.

AB IMP. NERVA. CAESARE AVG.

GERM. BELLO SVEBIC. CORON.

AVREA. HASTA. PVRA. VEXILL.

PRAEF. ALAE. I. AVG. TRHACVM.

PLEPS. VRBANA.

Hoc est : Quinto Attio Titi filio Mæcenati
Prisco

Prisco Aedili Duumuiro quinque, Flamini Augustali Pontifici, præfecto Fabrum, præfecto cohortis primæ Hispanorum, & cohortis primæ Montanorum, & cohortis primæ Lusitanorum, tribuno militum legionis primæ adiutricis, donis donato ab imperatore Nerua Cæsare Augusto Germanico, bello Suebico corona aurea, hasta pura, vexillo, præfecto alæ primæ Augustalis Thracû plebs vrbana.

Vbi illud animaduersione dignum iudicavi, Lusitanos separatim ab Hispanis esse positos. Abiere tandem in Romanorum mores Lusitani, & ciuilitatem linguamq. Latinam, sicut & Turdetani acceperunt, vti in libello ad Vasaum pro colonia Pacensi, disputavi, vt audiendus quidam non sit, qui se opere pretium facturum existimauit, si post disputationem illam meam Genesio Sepuluedæ Badiozam Pacem fuisse Augustam asserenti subscriberet. Nos ad libellum illum remittimus lectorem, & ad ea, quæ postea inter vrbes commentabimur.

Cæsaribus etiam plerisque statuas erexere, vt alibi ostendemus. Quin si qua mira res suboriretur, quæ aut animum pasceret, aut oculos, ad illos protinus mittebant, vt Tiberio principi Olyssipponenses, missa ob id legatione, nunciasse tritonem qua noscitur forma, in quodam specu canentem concha visum, auditumque scribit Plinius libro nono cap. 5.

Prouin-

Prouinciam in tres iuridicos conuentus diuisam, Emeritensem, Pacensem, & Scallabitanum, sic, vt triangulum æqualium prope laterum facerent. Et vrbiū alias colonias appellatas, alias municipia, vel ciuium Romanorum, vel antiqui Latij, vel stipendiarias relictas, ex Plinio in Lusitaniæ descriptione, supra ostendimus, & postea ostendemus, diuisam quoque in duas non semel diximus.

Erant nihilominus in Lusitania aliquot siue reguli, siue dynastæ, aut toparchæ, imperio Romano subditi, qualis pater fuit Encratidis nobilissimæ virginis, & martyris Cæsaraugustæ, & in tota Celtiberia notissime: & iam dominantibus Gothis, Castinaldus Nabantiæ princeps.

DE GOTHIS.

DE Gothorum autem origine ad institutum meum scribere nequaquam pertinet, maxime non couenientibus inter se, qui de illis scripsere auctoribus. Verum quia lucem aliquam, iis quæ dicenda sunt, ea res afferet, in summa, Getas eos eos fuisse, ac Sarmatas, nonnullosq. alios populos illis finitimos, dixisse sufficiat. Multę siquidem gentes, siue ex Schandia, Cimbricę Chersonesi insula, siue ex vicinia, Gothicum effecere, nomen priscis scriptoribus ignoratum, & sub

Getica

Getica appellatione confusum, donec viribus ipsi suis emergere magna vocabuli claritate, quod a duce proprio, qui Gothus vocabatur, ut asserit Vitichindus Saxonorum libro primo, sortiti sunt. Nisi malimus a Guthis ipsius Scandię, iuxta Ptolemęum gētibz eos prius Guthos, deinde Gothos fuisse denominatos. Gothice gentes, inquit Procopius belli Vandalici libro tertio, multę quidem & alię prius fuere, quā nunc. Omnium autem maxime ac potissimę, Gothi, & Vandali, & Vesogothi, & Gepedes, iamdudum, Sarmatę, & Melanchleni appellati. Addamus & nos, Gothos in Ostrogothos, & Vesogothos, hoc est in Orientales, & Occidentales fuisse diuisos. Ita Iornādes in Geticis. A loco orientali dicti sunt Ostrogothi, residui vero Vesogothi in parte occidua, & sepe alias. Ratio in promptu est Germanicam linguam non ignorantibus. Gothi enim veteris Germanię fuere populi, apud quos VVest. Occidens dicitur, & si Germanice pronunciandum sit, VVestgothi, idem est, quod occidentales Gothi, & contra Oster Oriens vocatur. Vnde Carolus Magnus cum ventorum nomina in suam linguam mutaret, subsolanum Orientalem ventum Ostrenvvindt, appellauit.

Zephyrum vero, qui ab occidente spirat Vvestren. Sicut adnotauit is qui vitam eius mandauit litteris, ut obiter admoneam, ventorum

torum nomina; quibus hodie nautæ Lusitani
vtuntur a Carolo fuisse imposita.

Inter Gothos duæ nobilissimæ excellabant
familia, Amalorum videlicet inter Ostrogo-
thos, & Baltorum inter Vesogotos.

Iornandes in Gethicis. Diuisi, inquit, per
familias populi, Vesogothi, familia Baltho-
rum, Ostrogothi præclaris Amalis seruibāt.
Et quidem Amali, regem Amalam suæ stirpis
& nominis auctorem fuisse gloriabantur. Bal-
thi vero ab Alarico, qui ob audaciam Baltha
idest audax, inter suos cognomen acceperat,
deriuati sunt.

Ceterum Vesogothos nobilitarunt, Alari-
cus, quem dixi, & Vallia, & Theodoricus, is
qui pro Romanis vna cum Aetio in Catalau-
nicis campis contra Attilam pugnans victor
occubuit. Quem ex nostris quidam Theodo-
redum vocant, Gregorius Turonensis Theu-
donem; videlicet in barbaris his nominibus,
vel suo more proferendis, vel paulo mollius
pronunciandis, mutuo non consentiunt scri-
ptores. Ostrogothos, quos Amalorum ex-
cellens familia illustrabat, longe illustriores
reddidit magnus ille Theodoricus Amalus a
Zenone Augusto adoptatus, & quasi alter im-
perator Romæ, & Italiæ destinatus. Alanos
præterea Gothicum & ipsum genus, eodem
Procopio auctore, minime prætereamus,
quos Massagetas fuisse, scribit Ammianus

Mar-

Marcellinus libro vigesimo tertio. Tametsi cognatæ gentes eæ secessionibus, ac factionibus inuicem diuisæ, etiam inter se frequenter bella gessere. Quo factum est, vt Alani, Sueui, & Vandali a Gothis vicinis, & consanguineis pulsî sedibus, fœdere inter se iuncti, primum in Pannonias, deinde in Gallias, postremo in Hispanias immigrarent.

Ex quibus Vandali Bæticam occuparunt, ab ipsis deinde Vandaliam, & Vandaliciam nominatam. Vnde à Vesogothis, qui postea inundarant & eorum rege Vallia, Honorio Augusto iam fœderato eiectione in Africam sunt. Alani Emeritam, maioremq. Lusitaniam partem, cum Olyssipone, quæ semel pecunia se redemerat, tenere. Sueui Callæciam omnem. Verum qui ad Emeritam confederant, à Constantio prius Comite, deinde Cæsare ab Honorio declarato, & restitutæ Placidie matrimonio affine facto, cum eiusdem Vallie, & Vesogothorum auxilijs graui prælio superati, cum in pugna Athacem regem amisissent, pars ad petendam pacem inclinarunt, pars ad Sueuos, qui Olyssiponem tenebant, confugientes, sub eorum tutela acquievere. Omnesq. ij metu Romanorum territi, consilia pacis agitant, hæc ab Honorio postulabant, vt Orosius ait: Tu cum omnibus pacem habes, omniumq. obsides accipe. Nos nobiscum configimus, nobis perimus, tibi vincimus.

Immor-

Immortalis vero quæstus erit Reip. tuæ, si utrique pereamus. Ita illi tunc. Verum audita Constantij morte repudiato petita pacis consilio, ad ingenium redierunt. Et quidem Alani Emeritam reuersi, totam sibi Lusitaniam vendicabant, Vandalis, qui in Bætica superfuert, adhortantibus. Erexerant enim animos, Vallia Tolosam reuerso, quam ei Honorius permiserat, cum nonnullis alijs Auxitanæ provinciæ ciuitatibus. Vnde Vesogothia regio ea est nuncupata. Hispani nostri, Galliam Gothicam dicere in aluerunt. Audaciam quoque auxit insecuta Honorij mors. Sed cum minor Theodosius, Valentinianum Placidiaæ amitæ suæ, & Constantij filium Cæsarem declarasset, is contra Alanos, atque Sueuos in Lusitaniam Comitem misit Sebastianum. Qui sane gesta bene re Lusitania potitus erat, tyrannide tamen affectata, cum Vandalorū reliquijs, & Vesogothis iniit fœdus. A quibus paulo mox circumuentus, & interfectus est.

Sueni ergo relicta socijs Alanis Lusitania, ad suos qui in Callæcia erant, cum se contulissent, atque in maius corpus coaluissent, regnum constituere. Quod ab Hermerico ad Leouigildum Vesogothorum regem, per annos CLXXVII. durauit, ut Isidorus testatur. Præualuere autem Vesogothi, & actis alius radicibus, cum in ceteriorem Hispaniam,

tum

tum etiam in Narbonensem Galliam se extendentes, per annos tercentos, & octoginta, atque amplius regnauerunt, quod decus, & gloriam Roderico regnante amiserunt. Ad hunc modum, Hispanię Scythicis nationibus patuerunt, admiscantibus se semper, in istiusmodi demigrationibus vicinarum gentium populis, quos tristis celi, glebæq. infœcundioris tædium cepisset. Vniuersos tamen propter amplitudinem, Gothicum nomen amplectebatur. Hæc breuiter, & summatim dicta sint, quæ ad susceptum a nobis opus facere videbantur.

DE VIIS MILITARIBVS.

Vias militares, atque publicas, faciles, & expeditas, cum in Italia, tum in prouincijs efficere Romani conabantur. Qua in re præcipuam, & supra reliquos principes egregiam nauauit operam Traianus, vt etiam annotauit medicus Galenus Methodi libro nono. Vias igitur publicas propter lutum sternebant lapidibus. Lucretius libro primo dixit:
Strataq. iam vulgi, pedibus detrita viarum,
Saxea conspiciamus ———

Vnde eas nos Lusitani stratas regias appellamus. Sternebant autem alibi imposito, rudiq. lapide, alibi pro urbium claritate quadratis saxis, pæne insana profusione, vt memini in Narbonensi Gallia me vidisse.

Millia passuum erectæ columnæ distinguebant, cum inscriptionibus eorum, qui eas fecerant, eorumve qui refecerant.

Inde illa formula vulgatissima, primo ab vrbe, ad primum ab vrbe lapidem, & similia.

Locis autem vliginosis, ac depressis, addebant terræ aggerem, super quem lapideam crustam insternerent, eoq. factum, vt aliquando ipsa publica via, ac militaris, agger publicus diceretur, præcipue à scriptoribus Gallicis, qualis Apollinaris est Sidonius, qui in propentico ad libellum dixit:

*Antiquus tibi nec teratur agger,
Cuius per spatium, satis vetustis
Nomen Casareum viret columnis.*

Et sæpe alias.

Virgilius etiam dixit Aeneidos quinto:

Qualis sæpe viæ deprehensus in aggere serpens.
Sed verbi insolentiam mitigauit, ac molliuit, quoniam nequaquam simpliciter, in aggere, sed in aggere viæ dixit.

Talium viarum septem in Lusitania, atque in Bracaris supersunt adhuc, & vna in Vettonia, altera Lusitaniæ prouincia. Verum magna ex parte adgestionibus, stratisq. vetustate corruptis, & collapsis milliariorū columnis.

Prima cuius meminit Antoninus Pius in Itinerario, ab Olysippone ducebat Emeritā. Cuius verba apponam aliquāto emendatius, quàm vulgo circunferuntur.

ITEM

ITEM AB OLYSIPPONE EMERITAM
M. P. CCIIII. Sic.

Equabona. M. P. XII. Cetobrica. M. P. XII.
Ceciliana. M. P. XII. Malceca. M. P. XVI.
Salacia. M. P. XII. Eborā. M. P. XLIIII.
Ad Anā flumen. M. P. LX. Euādriana. M. P. XVII.
Dippone. M. P. XII. Emerita. M. P. IX.

Omitto oppidorum nomina, de quibus suo
agetur loco. In hoc itinere in prædio, quod
Pinarium vocāt, Illustrissimi ducis Auiarien-
sis, XX. Mil. P. a Cetobriga. a Salacia vero
XVI. M. P. Oppidi ruinæ supersunt, & ibi cip-
pus non inelegans.

L. AELIO. AVRELI

O. COMMODO.

IMP. ANTONI

NI, AVG. PII. P. P.

FILIO. COS. DE

SIGNATO. P. M.

D. D.

Hoc est: Lucio Aelio Aurelio Commode
imperatorī Antonini Augusti Pij patris pa-
triæ filio consuli designato pontifici maximo
dedicarunt.

Inter Salaciam, atque Eboram, in colle su-
per flumen, cui Riūo Maurino nomen est, co-
lumna adhuc extat ad hūc modum inscripta.

M 2 IMP.

IMP. CAES. DIVI
 SEPTI . . . SEVERI PII
 ARAB. ADIAB. PARTHI
 CI. MAX. BRIT. . . AX. F.
 DIVI. M. ANTON. PII
 GERM. SARM. NEP.
 DIVI ANTONINI PII PRONEP.
 DIVI HADR. ABNEP.
 DIVI TRAIANI PARTHIC. . .
 ET DIVI NERV. ADNAP.
 M. AVR. ANTONIN.
 P. F. AVG. PAR. MAX.
 BRI. . . . MAX. GERM. MAX.
 PATER MILITVM. TRIB.
 POT. XX. IMP. III. COS. IIII
 P. P. PROC. REST.

Hoc est: Imperator Cæsar Diui Septimij
 Seueri Pij Arabici Adiabenici, Parthici Ma-
 ximi filius, Diui Marci Antonini Pij Germa-
 nici Sarmatici nepos, Diui Antonini Pij pro-
 nepos, Diui Hadriani abnepos, Diui Traiani
 Parthici, & Diui Nervæ abnepos, Marcus Au-
 relius Antoninus Pius felix Augustus Parthi-
 cus, Maximus Britannicus, Maximus Ger-
 manicus, Maximus pater militum, tribunitia
 potestate vigesimum imperator, tertium cō-
 sul

ful quartum, pater patrię, Proconsul restituit.

Ad duodecimum ab vrbe Ebora lapidem, itineris eiusdem, in prædio quod vocant Tabularios, duę sunt columnę, altera omnino corrosas vetustate litteras habet, altera cum hac inscriptione mansit integrior.

IMP. CAES.

MAXI

MIANO

PIO. FELI

CI. AVG. EBO

RA. M. P.

XII.

Hoc est : Imperatori Casari, Maximiano Pio, Felici Augusto Ebora millia passuum duodecim.

Eodem itinere in veteri ædificio templum est Virgini Dei matri sacrum & magna religione cultum. Turegiam locum eum vocant. De quo multa in libello ad Kebedium Tole-
tanum scripsi.

Ibi mensa marmorea est, quam sepulchro Q. Iulij Maximi Calpurnia Sabina vxor imponendam curavit. In quo sepulchro duo etiam filij eius viarum curatores fuere conditi. Ea sic habet.

M 3

Q. IVL.

D. M. S.

Q. IVL. MAXIMO. C. V
 QVAESTORI. PROVIN. SICI
 LIAE. TRIB. PLEB. LEG
 PROV. NARBONENS. GALLIAE
 PRAET. DESIG. ANNO XLVIII.
 CALPURNIA. SABI.
 NA. MARITO OPTIMO.

Q. IVL. CLARO. C. V. III. VIRO
 VIARVM CVRANDARVM
 ANNO. XXI.

Q. IVL. NEPOTIANO. C. I.
 IIII VIRO VIARVM CVRAN.
 DARVM. ANNO. XX.

CALP. SABINA. FILIIS.

Hoc est: Dijs manibus sacrum Quinto Iu-
 lio Maximo, clarissimo viro, quaestori provin-
 ciae Siciliae, tribuno plebis Legato provinciae
 Narbonensis, Galliae Praetori designato anno-
 rum quadraginta octo Calpurnia Sabina,
 marito optimo.

Quinto Iulio claro clarissimo viro, quar-
 tum viro viarum curandarum annorum vi-
 ginti vnus. Quinto Iulio Nepotiano clarif-
 simo iuueni, quartum viro viarum curanda-
 rum

rum annorum viginti Calpurnia Sabina filijs.

In agro Stermotiensi, non procul a pago Borbacena columnę duę sunt, altera collapsa, erasis omnino litteris præter primum & secundum versum.

IMP. CAES. DIV

RI PII FIL

.

Hoc est : Imperatori Cæsari Diui Seueri Pij Filio.

Altera stat cum inscriptione hac, quæ tamen ægre iam legitur.

IMP. CAES. DIVI ANTONI

NI PII MAGNI FIL.

DIVI SEPTIMI SEVERI

PII NEPOTI M. AVRE

LIO ANTONINO

P. FEL. AVG. PONT. MAX.

TRIB. POT. II. COS. II.

PROC. P. P. . . .

FORTISSIMO FELICISSI

MOQVE PRINCIPI

. ORA. M. P.

XXII.

Hoc est: Imperatori Cæsari Diui Antonini Magni filio, Diui Septimij Seueri, Pij nepoti, Marco Aurelio Antonino Pio, felici Augusto Pôtifici Maximo, Tribunitia potestate, secundum Consuli, secundum Proconsuli, patri patriæ, fortissimo, felicissimoq. principi Ebora millia passuum viginti duo.

Heluis in ædibus cuiusdam viri nobilis columnæ duæ scriptæ iacent, ex itinere eo delatæ, sed litteris tam corruptis, vt vix in quoque versu duæ aut tres appareant. Ex ea via nihil amplius vidi.

Ab vrbe autem Ebora Pacem vsque Iuliã, etiam apparent stratæ viæ vestigia. Columnæ extant multis in locis, partim adhuc erectæ, partim collapsæ, fractæ, & terra opertæ.

Item super Exarramam, Murtariam, & Odiuellam fluuios pontium dirutorum hic subijces, illic pilæ, pilarumq. bases. Litteræ in columnis intercidere. In vna tantum has cum diutius cōsiderassẽ, ægre potui legere.

IMP. CAES

.

.

.

. . . VAE NEP

. . . IANVS HADR

. . . COS. III

.

.

.

.

.

Hoc

Hoc est: Imperatori Cæsari Neruæ nepoti Traianus Arianus Consul tertium.

Iter quod ab Esuri Pacem Iuliam corruptissimum Antonini itinerarium ponit, ego quinque aut sex modis intelligere, cum tentassem, nihil fere in tanta deprauatione confeci.

Quare ita ut apud illum habetur reliqui, si forte aliquando prodeat is libellus minus mendose scriptus, aut feliciora nodum explicent ingenia.

ITEM DE ESURI PACE IVLIA,

M. P. CCLVII. Sic:

Balsa M. P. XXIIII.

Offonoba M. P. XVI.

Arani M. P. LX.

Rarapia M. P. XXXV.

Ebora M. P. XLIIII.

Serpa M. P. XIII.

Fines M. P. XX.

Arucci M. P. XXV.

Pace Iulia M. P. XXX.

Et statim sequi debet alterum iter per compendium ab Esuri Pacem Iuliam, quod bene signatum est. Ita enim habet: Item ab Esuri per compendium, Pace Iulia. mil. pass. LXVI. Sic. Myrtili mil. pass. XL. Pace Iulia mil. pass. XXXVI.

Magna

Magna quoque depravatione vitiatuſ numeruſ eſt in itinere, quod a Salacia Oſſonobam deſcribit, habet enim: A Salacia, Oſſonoba, mil. paſſ. xvi. Cum ſint ſupra c xvi. Eodem itinere in colle ſiniſtrorſum, iuxta ſemidirutum oppidum Aureolam, meta eſt, quæ olim terminum Eborenſem a Pacenſi diſſimebat. De qua meta in meo ad Kebedium Toletanum libello, ſatis multa. Ea autem eſt huiuſmodi.

D. D. N N.

AETERN. IMPP.

C. AVRE. VALER.

IO. IOVIO. DIOCLE

TIANO. ET

M. AVR. VALERI

O. ERCVLEO

MAXIMIANO

PIIS. FEL. SEMPER AVGG.

TERMINVS INTER

PACENS. ET EBORENS

CVRANTE. P. DATIANO

V. P. PRAESIDE. HH.

N. M. Q. EORVM

DEVOTISSIMO

HEINC PACENSES

Hoc eſt: Dominorum noſtrorum æternitati imperatoribuſ Caio Aurelio Valerio Iovio Diocletiano. Et Marco Aurelio Valerio Erculeo Maximiano Pijs felicibuſ ſemper Auguſtiſ,

gustis, terminus inter Pacenses, & Eborenses curante Publio Datiano viro patricio præfide Hispaniarum, numini, maiestatiq. eorum deuotissimo. Hinc Pacenses, hinc Eborenses.

Duplex inde iter Antoninus ponit ab Olyssipponē Emeritam, sed utrūque numeris corruptissimis, oppidisq. aut iam non extantibus, aut diuersissime commutatis. Alterum sic.

ALIO ITINERE AB OLYSSIPPONE
EMERITAM M. P. CXLV. Sic.

Aritio Pratorio. M. P. XXXVIII.

Abelteri. M. P. XXVIII.

Matnsaro. M. P. XXVII.

Ad septem Aras. M. P. VIII.

Budua. M. P. XII.

Plagiaria. M. P. VIII.

Emerita. M. P. XXX.

Corruptos esse numeros hinc apparet. Nā recto isthac itinere ab Olyssipponē Emeritam, numeramus tres & quinquaginta leucas, ex conficiunt ducenta duodecim millia passuum. Sic.

Ab Olyssipponē Beneuentum, traiecto ad villam Francam Tago, leucæ octo. Inde Saluaterram, quæ an Aritium prætorium sit, alij expendant, leuca vna. Inde Culucci, quod an

Tu-

Tubucci sit, alij quoque expendant, & inde tota via suburipontana.

Alterum per Scallabin, sic.

ITEM ALIO ITINERE AB OLYSIP-
PONE EMERITAM. M. P.

CC. XX. SIC.

Hierabriga M. P. XXX.

Scallabis M. P. XXXII.

Tubucci M. P. XXXII.

Fraxinum M. P. XXXII.

Medobriga M. P. XXX.

Ad septem Aras M. P. XIII.

Plagiaria M. P. XX.

Emerita M. P. XXX.

Huius viæ columnæ partim vetustatis iniuria diffractæ, partim Crebris ignibus adustæ tantum abrasarum litterarum vestigia demonstrant, quas mihi videre contigit. Ita habent.

Iter autem a Scallabi supra Almerinum oppidum, per Alpiarsæ fluuij initia ducatur.

Alicubi fragmenta rudia columnarum apparent, ex quibus nihil erat quod scriberem. Postea cum quattuor collapsas inuenissem in vna earum hæc tantum potui legere.

IMP.

CAES. CAIVS

IVL. VER.

NOB. IMPERA

TOR. V. TRIBVNI

CIAE. POTESTATIS

TEST. COS. PRO. PR.

PATRIAE

.

Hoc est: Imperator Cæsar Caius, Iulius, Verus nobilis imperator quintum Tribunicia potestatis Consul, Proconsul, pater patriæ. Post mille passus columnæ tres collapsæ.

IMP. CAES

.

.

TRAIANVS. AVGVST

GER. PONT. MAX. T

TRIB. POTESTATIS

IS. II. RESTITV . . .

IT:

Hoc

Hoc est: Imperator Cæsar Diuus Traianus
Augustus, Germanicus, Pontifex Maximus,
tribunitiæ potestatis secundum restituit vn-
decim.

Secunda fracta erat, & has tantum litteras
habebat in fine.

RESTITV
TOR VRBIS.

IMP.

CAESARI

CLAVDI

O. TACITO

PIO. F. IN.

VICTO

AVG.

PONT. M.

TRIB. PO

TESTA

TIS. II.

COS. PRO.

.....

Hoc est: Imperatori Cæsari Claudio Tacito,
PIO, felici inuicto, Augusto, Pontifici maxi-
mo,

mo, tribunitiæ potestatis, secundum Consuli Proconsuli.

Post mille passus, tres columnę duæ collapsæ abrais vetustate litteris, vna erecta, quæ sic habet :

IMP.
CAESARI
M
CLAUDIO
TACITO
PIO.F.IN
VICTO
AVG.PONTIF.
M.TRIB
POTESTA
TIS.II.COS.
P. P.

Hoc est: Imperatori Cæsari M. Claudio, Tacito Pio Felici inuicto Augusto, Pontifici maximo, tribunitiæ potestatis secundum Consuli patri patriæ.

Post mille passus duæ collapsæ in fine vnius hæ tantum legi possunt litteræ.

.....

.....

..... COS.

IIII. PROCOS

REFECIT.

Post mille passus, iuxta diuerforium, quod
vocant Mestas, quattuor sunt columnæ col-
lapsæ, tres corruptas habent inscriptiones.
In vna sic legitur:

IMP. CAES. CALVS IVLIVS
VERVS MAXIMINVS PIVS. FE
LIX. INVICTVS. AVG. PONT.
MAX. PATER PATRIAE. TRI
BVNICIAE POTESTATIS. TER COS
GERMANICVS MAX. DACICVS
MAX. SARMATICVS MAX. ET
C. IVLIVS VERVS MAXIMVS
NOBILISSI. CAESAR. PRINCEPS
IVVENTVTIS. GERMANICVS MAX.
DACICVS MAX. SARMATICVS MAX.
IMP. CAESARIS. CAI IVLI VERI MAXI
MINI. PII. FEL. AVG. GERMANICI.
MAX. DACICI. MAX. SARMATI.
MAX. FORTISSIMI. CAESA
RIS FILIVS.

IIII.

Hoc


Hoc est : Imperator Cæsar Caius Iulius Verus Maximinus Pius, Felix, inuictus, Augustus, Pontifex maximus, pater patriæ, tribuni-
tiæ potestatis, ter Consul, Germanicus Maxi-
mus, Dacicus Maximus, Sarmaticus Maxi-
mus, & Caius Iulius verus Maximus nobilif-
simus Cæsar princeps iuuentutis, Germani-
cus Maximus, Dacicus Maximus, Sarmati-
cus Maximus Imperatoris Cæsaris Caij Iulij
Veri Maximini, Pij Felicis Augusti, Germa-
nici Maximi, Dacici Maximi, Sarmatici Ma-
ximi fortissimi Cæsaris filius quattuor.

Finis Libri tertij.



ANTIQUITATIBVS

LVSITANIAE

Liber Quartus.

R B E S nunc aggrediar , non minimam intentionis meæ partem. Quarum pleræque etiam Romanis temporibus prisca nomina amiserunt. Multas nominat Liuius a vetustioribus acceptas, aut nullo nunc modo, aut ægre intellectas, quoniam iis alia Romani postea vocabula imposuerunt.

Incipiamus ab illa parte Bætici, quæ modo appendix est Lusitaniæ, in qua Oliuentiã, Mauranum, Mauram, Serpam, Mortiganum, ac Noudarem esse primo libro commemorauimus.

Ac de Oliuentia vrbe nihil quod ad antiquitatem faciat, adhuc habeo, nisi cippi ibi inuenti inscriptionem ad me illuc missam.

D.M.S.

D. M. S.

C. ANTESTIVS CALVVS.

C. ANTESTIVS PROGVS.

LVS. H. SS. CORNELIA

TERTVLLA. VIRO ET FILIO

DE. S. P. F. C.

Hoc est : Diis Manibus sacrum. Caius Antestius Caluus, Caius Antestius Proculus hic fiti sunt. Cornelia Tertulla viro & filio de sua pecunia fieri curauit.

De Maurano æque nihil.

D E M A V R A.

Mauram insigne oppidum, Nouum fuisse Arucci, ex cippo istius modi, quem ibi legi persuasum habeo.

IVLIAE. AGRIPPINAE

CAESARIS. AVG. GERMANICI

. . . . M A T R I. AVG. NOVA

CIVITAS ARVCCITANA

Hoc est: Iuliæ Agrippinæ Cæsaris Augusti Germanici matri Augustæ noua ciuitas Arucitana.

Nouum autem Arucci dici puto, quoniam adhuc superest Arucci vetus, nomenq. retinet. Vulgo enim *Arouche* dicitur, profer-

N 2

turque

turq. plane Græce vt a Ptolemæo vocatur.
Parum tamen iam frequens est Arucci vetus.

Accommodant Maurenses nouo nomini,
haud scio an fabulam appellem. Fuisse Mau-
rum Regulum quendam tractus illius domi-
num, qui cum de finibus cum altero potentio-
re bellum gereret, atque in prælio cecidisset,
eiusq. vxorem forma luculenta mulierem sæ-
pe victorinterpellasset, additis nisi acquie-
sceret minis, illam contumaci odio interfe-
ctoris postulata respuisse. Cumq. Arucci ve-
teri, propter hostis vicinitatem diffideret, mi-
grasse ad nouam ciuitatem Aruccitanam, vt
tutiorum situ, ita bonitate vberioris agri ma-
gis accommodam. Cumq. ab indigenis Mau-
ra ex Arucci vulgo appellaretur, factum esse,
vt etiam ipsa vrbs Maura exinde nomina-
ta sit.

In territorio quoque oppidi eiusdem mul-
ta antiquitatis supersunt vestigia. Inter Mau-
ram, atque Ficalium semidirutum oppidum,
ad pagum, quem vocant Vallemuargi, in fa-
ni antiqui ruinis, vbi sacellum Michaeli sa-
crum posteri meliori religione extruxerunt,
quattuor cippos fractos, exesq. vetustate lit-
teris deformatos inueni. Vnus qui reliquus
integer est, fideliter a me descriptus ita
habet:

DIS. MAN
IBVS. AVRIILIAII
M. F. GALLAII. A.
NNO. XII.
H. S. E. S. T. T. L.

Hoc est: Diis Manibus Aurelię Marci filię
Gallę annorum duodecim, hic sita est, sit tibi
terra levis.

Et ne quis forte miretur inusitatam scriptu-
rę rationem, AVRELIAII GALLAII
pro AVRELIAE Gallę. Sciat in Epi-
grammatis quoque antiquę vrbis pagina
149. legi.

M. PONTIVS HEDISTVS. DAENI CO
IVGI BIINII MIIRIINTI FICI VIXIT.
MIICVM ANNIS TRIBVS.

Pro eo quod esse deberet: M. Pontius Hedi-
stus Daeni coniugi bene merenti feci. Vixit
mecum annis tribus. Et annotavit corrector,
alibi etiam duo II pro E posita se inuenisse.
Ficalij quoque cippus hic est:

D. M. S.
VLPIA. M. F.
MARCELLA
ANNORVM
LIII.

H. S. E. S. T. T. L.

N 3

Hoc

Hoc est : Diis Manibus sacrum . Vlpia Marci filia Marcella annorū quinquaginta trium hic sita est, sit tibi terra leuis .

Ad pagum Callecum inter Ficalium, & Arrucci vetus in fano S. Mametis cippus .

D. M. S.
VIBIA. CR
ISPIA....RV
FINI. ARA
BRICENSIS
ANNOR.
LXVII.
H. S. E. S. T. T. L.

Hoc est : Dijs Manibus sacrum . Vibia Crispia Rufini Arabricensis, annorum sexaginta septem, hic sita est, sit tibi terra leuis .

Insigne quoque oppidum Serpa non multum mihi negotij exhibuit. Nomen enim illegsum vsque ex antiquo retinet, vt apud Antoninum in itinerario est, & in cippo iuxta oppidum reperto .

D. M. S.
FABIA PRISCA
SERPENSIS. C. R.
ANN. XX. H. S. E. S. T. T. L.
C. GEMINVS. PRIS
CVS PATER. ET
FABIA CADILLA MA
TER. POSVERVNT.

Hoc

Hoc est: Dijs Manibus sacrum: Fabia Prisca Serpens ciuis Romana annorum viginti, hic sita est, sit tibi terra leuis. Caius Geminus Priscus pater, & Fabia Cadilla mater posuerunt.

LV SITANIAE ALGARBIVM.

TRansgrediamur nunc Anam, & Lusitanię vrbes, de quibus, vel indubitato constabit, vel certe probabili coniectura antiquitatum studiosis explicemus. At Lusitania, inquit Pomponius, qua mare Atlanticū spectat, primum ingenti impetu in altū abit, deinde resistit, ac se magis etiam, quam Bætica abducit. Qua prominet bis in semet recepto mari, in tria promontoria dispergitur, Anæ proximum quia lata sede procurrēs, paulatim se, ac sua latera fastigiat: Cuneus ager dicitur, sequens Sacrum vocant Magnum, quod vltius est.

Aduertant lectores promontoria hic non vocari ipsa tantum terrę acumina, quæ mari imminet, sed totos late etiam tractus, qui tandem acumine in mare desinunt. Ita Liuius Decadis tertiæ libro primo: Prægressus signa Hannibal in promōtorio quodam. patet hoc ex ipsa Pomponij descriptione. Quia lata sede procurrens paulatim se, ac sua latera fastigiat, Cuneus ager dicitur, videlicet ad si-

militudinem cunei, quo ligna scinduntur: Græci Sphina vocarunt promontorium hoc, Latini Cuneum. Nostra ætas sanctæ Mariæ caput appellat, sicut & sequens, quod Sacrum dicebatur, sancti Vincentij caput vulgo dicitur. Prisci tamen nominis vestigium ibi in oppido Sacris adhuc perseverat. Promontorium vtrumque Strabo Celticis, ac Lusitanorum plerosque habitare dixit. Ptolemæus etiam Turdetanos adiungit: sicut latius a nobis pro Pacensi colonia disputatum est. Nos Algarbij regnum vocamus a Mauris, cum id tenuere indito vocabulo. In cuneo vero hoc, Myrtilis, Ossonobæ, atque Balsæ oppidorum meminit Pomponius.

DE MYRTILI.

MYrtilis, quam Mertolam appellamus, Anæ fluuio est imposita, multis antiquitatum monumentis plena, cippis, columnis, statuis, quibus tam Gothi, quàm Mauri, ad reficiendos muros pro cæmentis abutebantur, vterant, & hi, & illi ingenio plane barbaro. Octo, vel decem statuas annis ab hinc aliquot terra effossas Myrtilenses homines inde tollere permiserunt affabre insculptas, sed sine capitibus. Arbitrantur capita fuisse ænea, & insititia, atque ideo a corporibus in alium vsum euulsa.

Abest

Abest a Pace Iulia iustis xxxvi. passuū mil-
libus, hoc est nostratibus nouem leucis, quod
Antoninus in itinerario dixit. Myrtilin Plin-
nius, sicut & Eboram, & Salaciam veteris La-
tij municipium fuisse, scriptum reliquit Pro-
lemæus Iuliæ cognomen illi tribuit.

DE BALSAM.

OLim vocatam Balsam, eam esse coniici-
mus, quæ nostro tempore Tauilla no-
minatur, maxima Algarbij ciuitas. Eius præ-
ter Pomponium, meminere Plinius, Ptole-
mæus, & in Itinerario Antoninus.

DE OSSONOBAM.

Ossonoba vero diruta pæne est, cuius pri-
scæ nobilitatis nonnulla adhuc extant
vestigia, passimq. per viciniam, præcipue in
muris Phari propinquæ ciuitatis, magisque
littoralis. Hæc vrbs sedes fuit Episcopalis, vt
liquet ex conciliis, in quibus Ossonobensis
Episcopus subscripsit. Nomen Maurorum
temporibus paululum inuersum est. Rasis
Maurus Exubonam eam vocat, ingenito lin-
guæ Punicæ vitio. Cuius de ea testimonium,
ad verbum, sed ad sensum istiusmodi est.

Exubana solo fertili, ac frumētario sita est,
plano, & fructiferis arboribus consito. Habet

etiam

etiam pineta, & montes ad alenda pecora, maxime accommodatos, hortos quoque irriguos multos, quoniam fontibus, ac fluentis abundat; electrum producit optimum; mari vicina est, vbi aliquot sunt insulæ parvæ, cymbis, ac nauculis, ad vsum, & iniectiones opportunæ. Ciuitas inter eadem magnitudine pares de melloribus totius est orbis. Sub iure, ac dominio suo habet oppida nōnulla, e quibus Siluis est sita super æstuarium, quod a mari egressum paruo fluuio commiscetur. Hactenus ille. Fortunæ vicissitudine facta, Siluis pontificio exornata est, Ossonoba vero in vicum redacta. de cuius quoque ruinis, proxima Pharus nobilitatur, & crescit. Nec ipsum nomen iniuriæ non patuit. ex Ossonoba in Exubanam transiit, & cum iam prope non sit, Estoi nuncupatur. Phari in muro inter propugnaculum nouum, & alterum a Roderico Barreto extractum, cippus est.

IMP. CAES. P. LICINIO

VALERIANO. P. F. AVG.

PONT. MAX. P. P. TR. POT.

III. COS. RESP. OSSON. EX D

ECRETO ORD. DEVOT.

NVMINI MAIESTAT.

IS. EIVS. D. D.

Hoc est: Imperatori Cæsari Publio Licinio
 Pio. Felici, Augusto, Pōtifici maximo, patri pa-
 triæ

trię tribunitia potestate tertiū Cōsuli, Respu-
blica Ossonobensis ex decreto ordinis deuo-
tissima numini maiestatis eius dedicauit.

In quadam turri ex parte maris cippus.

D. M. S.

CATVRISAE PRI
MAE. CONIVGI PIISSIMAE
QVAE. VIXIT. ANN. XXV.
M. VIII. L. CALP. THE
ODORVS. MARIT.

Hoc est: Diis Manibus sacrum. Caturisæ
piissimæ, quæ vixit annos viginti quinque,
menses octo Lucius Calpurnius Theodorus
maritus.

Inter Pharum, & Tauillam in turri, quam
vocant marini cippus:

D. M. S.

C. ANNIVS

ROMVLVS

ANNORVM

XXVIII.

H. S. E. S. T. T. L.

Hoc est: Diis Manibus sacrum. Caius An-
nius Romulus annorum viginti octo hic situs
est, sit tibi terra leuis.

Phari ad portam maris, cippus.

M. CORNELIVSERIDIMVS. C.
IVNIVS. RECEPTVS. OB HONO
REM. IIIIII. VIR. D. S. P.

D. D.

Hoc est: Marcus Cornelius Eridimus, Caius Iunius receptus ob honorem Seuiratus de sua pecunia dedicarunt.

Sequitur promontorium Sacrum, ita vocatum propter Herculis templum, & quia religio indigenis erat, locum nocturnis inambulare temporibus, quod eum tunc ab diis possideri fabularentur, vt initio tertij libri Strabo scriptum reliquit.

Promontorium ipsum duobus cornibus in altum se præcipitat, effecto inter vtrumque modico sinu, cuius est ambitus quinque fere millium. In sinistro cornu Sacris oppidū est, quod adhuc promontorij nomē refert. In dextro nobile sancti Martyris, ac Leuitæ Vincētij templum, cuius corpus, quonam pacto ex Valentia delatum eo sit, tyrannidem exercen te in Sanctorum reliquias Abderramene, cum in meo de eodem Sancto poemate, tum in libello ad Kebedium Toletanum, late explicauī. Veteres Geographi, vrbium huius tractus nequaquam mentionem faciūt. Vnus Pomponius, vtpote Bæticus, & non longo interuallo diffitus, Lacobrigæ, ac portus Hannibalis

nibalis maritimarum ciuitatum meminit :
In sacro, inquit, Lacobriga, & portus Hannibalis .

DE LACOBRIGA.

LAcobrigam mutilato, atque nonnihil deflexo nomine Lagos appellat vulgus, nobilissimum nostro æuo, frequensq. oppidum, ac nuper a Sebastiano Rege in ciuitatis titulum, & honorem euectum, sicut & Pharo ab Ioanne tertio Sebastiani auo.

Legi ante multos iam annos in Agelariis Baptistæ Mantuani, qui me puero per omnium ora volitabat, magnum de Lacobriga testimonium:

*Dicitur Ardiburi posuisse Lacobriga septem
Victori toties Statuas, totiesq. per illum
Eruta Vandalicis bello insurgente procellis.*

Quod nescio vnde fuerit mutuatus, cuius poetæ, quoniam multum iam fama refrixit, cetera, quæ ad Lacobrigam attinent, videre poterunt si velint, quorum in manus liber is deuenerit.

DE PORTU HANNIBALIS.

DE portu Hannibalis dubitanti, duo se ostia obiciebāt, alterum ad Villam nouam cognomine Portimanam, eius fluuij, qui
Vrbem

urbem Siluin, ad quam Ossonobense pontificium translatum est, præterfluens in mare delabitur. Alterum ad Alborem oppidū non obscurum, vtrumque in sinu magnarum, multarumq. nauium capaci. Sed quarum interius per ostia ingressus, non nisi æstu accedente fiat. Facilior Villanouanus recto cursu, paulo Alboritanus difficilior, propter flexus varios & in modum Syrtis obstruentes ostium arenas. Verum vbi penetrarint pandēte se æstuario, commodissima statio est nauigiorū. Parua insula intus est situ editior, in summo plana, in qua olim oppidum fuit. Super sunt vndique muri a fundamentis vsque ad mediam altitudinem cæmentitij, in superioribus formacei Punico opere. Summa planities, rudibus, parietinis, fractis testis, tegulisq. tota plena, ædificiorum monstrat ruinas. Hoc nimia vetustate extincto, Alborem nostri maiores ibi iuxta intima æstuarij ora construxerunt. Hunc fuisse Hannibalis vocatum Portum potius arbitramur, quàm Villamnouam, oppidum reuera nouum, propter loci situm, vnde defendi naues egregie poterant, & aditu arceri hostes, quod a peritissimo bellicę rei duce conueniebat prouideri. Quando autem oppidum hoc Hannibal condiderit, pro comperto ego asserere nequaquam audeo. In Lusitania fuisse Hannibalem, tertio volumine ostensum a me est.

Potuit

Potuit quoque ex Gadibus, cum vota Herculi exsoluisset, nouisq. se obligasset. Quod primo tertiæ decadis libro scribit Liuius ad promontorium hoc Hannibalē accedere propter dicatum Herculi templum, & dissipatā de diis locum tenentibus famam. Sicut Strabone referente paulo ante narrauimus, maxime inuitante maritima tractus illius amœnitatem, & ad res gerendas opportunitate.

DE MEROBRYGA.

A Sacro promontorio vsque ad Callipodis fluuij egressum, hoc est ad sinum Salaciensem, multa sane sunt oppida, neque contemnenda, sed quorum mentionem veteres non fecerunt. Plinius Merobrigæ meminit, ac mirum est Cetobrigam omisisse in ora positam, cum Salaciam multo interius locatam non præterierit, neque Merobrigam, sex fere millibus passuum ab littore separatam. Verba illius sunt: Oppida memorabilia a Tago in ora, Olysippo, equarum e Fauonio vento conceptu nobile, Salacia cognominata vrbs imperatoria, Merobriga, promontorium sacrum, & alterum Cuneus.

Interiit autem Merobriga, in cuius locum successit iuxta oppidū S. Iacobus cognomine Cacem, oppidū in excelso colle positum. De quo

quo postea. Muri cum turribus, alibi integri, alibi vero semidiruti, aquæ ductus, pons in intermedia valle, & quadrato lapide perennis fons, antiquæ me ciuitatis admonuerunt.

Habeo etiam ex ære Cyprio Vulcani paruum simulacrum ibi repertum, & elegans æneum candelabrum. Templum ibi est sancto Blasio dicatum, & super aram lapideam.

Mensa cum hac inscriptione.

G. COCILICO. FVSCO
P A T R I
EX TEST. COCILICI
A P A S T O S

Hoc est: Gaio Cocilio Fusco patri ex testamento Cocilicia Pastos.

In semicollapsa turri cippus.

C. NVMISIO. C. F. FVSCO
VI. VIRO. SEN.
T A T I N I A. Q. F.
F V L V I A N I L L A
V C S O R
P E R M I T T E N T E. O R D.
N E R O B R I G.

Hoc est: Caio Numisio Caij filio Fusco, sextum viro Sentatinia Quinti filia, Fuluianilla vxor permittente ordine Merobrigensi.

SANCTVS IACOBVS DE CACEM.

Dixi successisse Merobrigæ oppidum sanctum Iacobum in excellenti colle, qui maris prospectum aperit, nec a Merobriga distat ducentis integris passibus.

Loco dominabatur Cacem tyrannus Maurus, cum a Christianis receptum oppidum est. Causam nomini dedit Apostoli Iacobi marmorea sub terra effigies, eo loci reperta, quæ nunc quoque religiose ibi colitur. Factumq. est nomen a Sancti effigie, cognomen autem a regulo, sub cuius fuerat potestate. Expugnationem referunt oppidani ad heroidem Batazam, cuius quia semisepulta fama est, non ab re fuerit, operæ pauxillum impendere. Viam nobis aperuerit Hieronymus Zurita Cæsaraugustanus, vir doctus, & historiæ diligens scriptor. Sed quia Ioannem Batazen cum Ioanne Comneno, quem Caloianem quidam appellant, Manuelis Comneni patre, confundere videtur, ex Nicæta Choniæ Græco auctore, qui ea tempestate fuit, & ex Baptista Egnatio rem ipsam petamus.

Græciæ imperator Alexius Angelus cum duas haberet filias adulescentulas ac viduas, & eas ob adulescentiam & formam, ut ait Nicæta, secundas nuptias desiderare videret, Irenen Alexio Palæologo, Annam Theodoro

Lascari, adulescenti animoso & bellicosissimo despondit, dotisq. nomine, inquit Egnatius, imperij titulos genero tribuit. Et quidem Lascaris, depulso & profligato Manuele Maurozome rubro calceo induto, ab omnibus Orientalibus vrbibus imperator consalutatus est, vt testatur Niceta. Ceterum ex vxore mascula illi proles nulla fuit, femina tantum Irene.

Hanc Ioanni Diplobatazio in matrimoniū iunxit, imperiumq. illi per manus tradidit. Ita Egnatius. Sed quem Ioannem Diplobatazium ipse vocat, Ioannem Batazem appellant alij, & quidem Græci. Inter quos Nicephorus Callistus, & Batazem tam Zonaras, quam Niceta sepæ nominant. Ioannes itaque Batazes filium Theodorum Lascarem minorem successorem reliquit. Qui moriens Ioannem filium, & filiam Lascaram Michaeli Palæologo, tutorio nomine commendauit. Verum Palæologus, interfecto puero, per summum scelus, sibi imperium vindicauit.

Redeamus modo ad Zuritam in Aragonicis libro quinto capite vltimo. Lascara puella verita, ne & ipsa in tyranni sæuitiam incurreret, Ligurum mercatorum auxilio Genuā venit. Nubsitq. in Liguria Vilelmo comiti, Entemelij, vel vt vulgo dicitur Vigintimilij, peperitq. ex eo filium Ioannem Lascarem, & tres filias. Mortuo marito, filium Genuæ reliquit,

reliquit, qui patri in Entemelij ditione successit. Ipsa filias secum ducens, ad Petrum Aragoniæ regem, cuius ingens erat fama se contulit, si forte dignaretur auxilium ferre, ad recuperandum paternum imperium sibi per tyrannidem ereptum. Suscepit illam rex nobilis honorificentissime, & in Valentix regno retinuit. Filiarumq. maximam Iolanthē ex Græcia cognominatam, vxorem dedit Petro Baroni Aierbæ, regis Iacobi nepoti.

Secundam Beatricem ex Græcia vocatam prætermitto, huic operi non necessariam, Bataza quoque ex Græcia, in matrimonio non diu fuit, peperitq. filiam, cui suum nomen imposuit. Hanc Iolanthē matertera, ubi per ætatem licuit, nuptui collocandam curauit.

Interea cum Isabella Petri regis filia nupsisset Dionysio Lusitaniæ regi, Bataza iam vidua, propter morum, & vitæ probitatem, vna etiam venit, fuitq. in Lusitania, quo ad Constantiam ipsius Dionysij, & Isabellæ filiā, Ferdinandus Castellę duxit in matrimonium. Tunc quoque Bataza spectatæ virtutis matrona, nouam nuptam comitata est, tamquam moderatrix eius adolescentiæ. Quæ cum partu edidisset Alonsum postea regem, non diu superstite marito, regis filij cū Bataza nutritionem sedulo curabat. Sed subducto a materna cura infante auix cōsilio, quæ ad suam potestatem transferre illum maluit, Regina.

mater & recenti viduitate mæsta, & præcipue nutriendi filij solatio destituta, insuper alenda familiæ impar, quòd peranguste admodumq. tenuiter, nec pro regia dignitate, sumptus suppeditaretur, ex dolore morbum incurrit, decessitq. in oppido sancto Facundo. Et cum eius suppellex, mundusq. muliebris ad satisfaciendum alumni minime sufficeret, testamento à Dionysio patre, atque Isabella matre petiit, vt quod illi deerat, ipsi supplerent. Bataza autè, cum se inuidiosam ex præterita potentia indies persentiret, re cum suis communicata, nauem adornari præcepit, beneq. tam ex suis copiis, quàm sororum auxilio instructam cōscendens per mediterraneū mare exiit, ac circumitis Gadibus, & sacro promontorio, ad flexum, vbi oppidum Sinis est, excensionem fecit. Conuenerunt ad illam Christiani multi, & ex sacra spathophororum militia equites non pauci, qui vicina loca tenebant, atque ad non spernendas copias aucti, Cacem regulum oppido exuerunt. Extructoq. templo Bataza bonam ligni sanctæ crucis partem, quam a Lascara matre Constantinopoli delatam acceperat, in quadam templi pile concludit. Quæ diu ignorata latuit, donec miraculo fuit prodita. Ob hoc solenne ibi est, dominicis, ac celebrioribus diebus, cum post sacrificij Euangelium populum sacerdos alloquitur, etiam adhortari, vt precentur

centur Deum pro Bataza Lascara, Græciæ Imperatoris nepte. Relicto in potestate Christianorum oppido, venerabilis matrona Conimbrigam se contulit, adhuc illa tempestate urbem regiam. Vbi facultates opesq. suas iis, qui sibi inferuierant distribuens, pauperum nequaquam immemor, Ecclesiam cathedralem donariis multis ac prædiis locupletauit. Sepulta ibi est in lapideo, nec operoso monumento inscriptione simplici.

HEIC SITA EST BATAZA IMPERATORIS GRAECIAE NEPTIS.

DE CETOB RIGA.

Cetobriga, quæ Ptolemæo Cetobrix appellatur in ora & ostio sinus Salacienfis quondam stetit, urbis tenue vestigium modo est, arenis obrutæ, nisi qua irrumpentis maris violentia, sub aqua nonnumquam, nonnumquam vero a tumulo in tumulum in arenas radentibus ventis, deteguntur ædificia. Causa nominis a Cetus, & Briga orta est. Briga siquidem vetere Hispanorû lingua urbem significat, vt Arabriga, Conimbriga, Cetobriga, Lacobriga, & multæ aliæ. Prima vero compositi nominis pars, a cetis est facta. Certe magnos pisces, vt thynnos, omnis marinis belluis significare, & qui pisces eos saliunt,

condiunt, ac vendunt, cetarios appellari notum est, lacus autem in quibus saliuntur cetaria & cetaria dicuntur, vnde Horatius :

Plures adnabunt thunni, & cetaria crescent.

Quoniam vero in vrbe hac, de qua nobis sermo est, celebris erat piscatio, & falsura talium piscium, sicut etiam nunc Cecimbrigæ, quod oppidum e regione est in extimo fere Barbarij promontorij littore, Cetobriga vocata ciuitas est. Durant adhuc in Cetobrigensi littore ipsa cetaria, signino opere antiquitus fabricata. In medio obrutæ arenis ciuitatis fanum peruetus est, quod instauratum Virgini Christi matri sacrauit Christiana religio. Ad cuius ingressum, supra portam, arietis caput visitur contortis cornibus, factum ex marmore, & quidem elegantissime. Neque dissentaneum est fanum id, atque simulacrum Iouis Ammonis olim fuisse, contra frequentes arenarum turbines, ab ethnicis ibi culti. Statua quoque marmorea stolata illinc Neocetobrigam delata est, absque tamen capite. Inscriptio quoque hæc in quadrato iaspidis albi lapide, in parthenone virginum sancti Dominici institutum profitentium Neocetobrigæ extat.

L. IVLIVS. L. ET. T. LIB.

VALENS. ANNOR.

XXV. H. S. E. S. T. T. L.

COPIRVS. FRATRI.

Hoc

Hoc est: Lucius Iulius Lucij & Titi libertus, Valens annorum viginti quinque hic situs est. Sit tibi terra leuis Copirus fratri.

Antiquitus Cetobriga ab Occidente Ebo-
rensem episcopatum terminabat, ex Bambæ
optimi regis diuisione, qui finium cathedra-
lium ecclesiarū terminatione episcoporum
lites voluit dirimere. Episcopatus, inquit
ille, Eborensis habeat a Cetobriga vsque ad
Petram, & a Rutella vsque Paratam. No-
stris quoque temporibus, Eborensis diœce-
sis finis, Cetobriga vetus est. Corrupti cę-
pit nomen in Cetobram, quam postea, mul-
to corruptius vulgus ineruditū Troiam fecit.

DE NEOCETOBRIGA.

Post dirutam Cetobrigam, mutata colo-
nia est, ad alteram sinus oram Septen-
trionem versus, ab hinc annos circiter qua-
dringentos quinquaginta, conuenientibus
eo loci piscatoribus; tantaq. & ibi & Cecim-
brigæ, sitæ, vti dixi, in extimo fere Barbarij
promontorij litore, nobilium piscium captu-
ra est, cum mare piscosissimum sit, vt etiā
ex intima Hispania plenis vijs confluant mer-
catores. Accedit ingens candidissimi salis
copia, propter salinarum toto sinu multitu-
dinem. Cuius gratia, externarum quoque
nauium magnus semper numerus aut exit,

aut ingreditur. Commercio itaque tam in-
 uestionum, quàm reuectionum, factum in-
 signe oppidum est, opulentissimumq. adeo vt
 magnarum vrbiū nequaquam inuideat cla-
 ritati. Vocata quoque Cetobriga posterior
 hæc colonia est, retento prisco nomine, &
 vulgo Cetobra. Indies autem pergente cor-
 ruptione, Cetobala. Florianus campensis
 in commentitijs suis originibus, a Cetobala
 corrupto nomine, cætum Tubalis confinxit,
 originemq. oppidi vsque a Tubale fabulatur.
 Ego Neocetobrigam soleo nominare distin-
 ctionis gratia, liberum cuiq. est alterutro vti,
 siue enī n Cetobrigam, siue Neocetobrigam
 dixerit, erudite loquetur.

DE PACE IVLIA SIVE AVGVSTA.

DIcta ora est, ab exitu Anæ vsque ad Sa-
 laciensem sinum. Quem prius quam
 transgrediamur, redire ad continentem
 oportet, per ciuitates, non quidem omnes.
 Neque enim omnes recensere propositum
 mihi est, sed eas, quæ vel a veteribus aucto-
 ribus nominatæ sunt, vel quæ inscriptionum
 vetustarum beneficio, aut maxime insigni
 quopiam facto, nomina sibi suo merito pro-
 diderunt. Idq. semel hoc loco præfatum esse
 me, candidi lectores meminerint. Ceterum
 Pacem Iuliam, siue Augustam descripturus
 modo

modo eram, nisi satis superq. id fecissem, in bene longa ad Vasaum epistola, pro Pacensi colonia & in libello ad Franciscum Nonium, & alijs non paucis scriptorum meorum locis. Si quidem ostendi eam esse, quæ vulgo Bexa dicatur, corrupto a Mauris nomine, sitam vero in Celticis Lusitanix populis, iuxta Strabonem, vel in confinio Celticorum, Turdetanorumq. iuxta Ptolemæum Coloniam fuisse, & secundum Lusitanix conuentum, & quo pacto ab ea pontificatus dignitas translata Badiosam sit prolixè etiam exposui. Ante vniuersalem Hispanix cladem, floruit in hac vrbe Apringius Episcopus scriptor eruditus, cuius in Apocalypsin interpretationem veteribus omnibus præfert Isidorus. Floruit etiam Isidorus Pacensis cognominatus, cuius opuscula horrido parumq. culto sermone, eaq. imperfecta, & mendis senticosissimis scætentia circumferuntur. Floruere quoque iuuenis Sisenandus martyrio Cordubæ coronatus, & Tyberinus presbiter. Extant ibi complura Romanorum monumenta, ex quibus aliquot adscribam, quæ per muros ipsius ciuitatis dispersa visuntur.

Ad portam Maurensem, versus nouam.

C. IVLIVS. C. F.

II VIR BIS PRA.

VTRIQVE. SEN.

.....

Hoc

Hoc est: Caius Iulius Caij filius, Duum vir.
Postea fragmentum in muro.

E Q V I T. P R A E F.
F A B R V M.

Hoc est: Equiti praefecto fabrum.
Cippus semisfractus.

M. A V R E L I O. C. F.
G A L. I I V I R. F L A M I N
T I. C A E S A R I S. A V G.
P R A E F E C. F A B R.
D D

.....

Hoc est: Marco Aurelio Cai filio Galeria
duum viro Flamini Tiberij Caesaris Augusti
praefecto fabrum Decreto Decurionum, vel
dedicarunt.

Ad Portam Myrtilensem.

Q. P E T I C I O. T. F.
R V F O

M A T E R. F I L I O.

Hoc est: Quinto Petitorio Titi filio Rufo
mater filio.

Fragmentum, ultra portam Mauren-
sem, littera bessali. Desiderantur
lapides in utroque capite.

C V R I A E. P O N T
F L A M. P A C I S I V L I A E
V E. F L A M I

Hoc

Hoc est: Curia pontifices, Flamines Pa-
cis Iulia.

Extra Muros.

D. M. S.
H E L. A E R I A
N V S. A N N
O R V M X I I
H. S. E. S. T. T. L.

Hoc est: Dijs Manibus sacrū Helius Aeria-
nus annorum duodecim, hic situs est, sit ti-
bi terra levis.

In quodam horto.

C. IVLIO L. F. GAL
AVITO FRATRI
VS. SABINVS.

Hoc est: Caio Iulio Lucij filio Galeria aui-
to fratri Sabinus.

In gradibus summi templi.

... P A X. I V L I. ...
... Q. PETRON ...
.....

Hoc est: Pax Iulia Quinto Petronio.

Ad

D. M. S.

IVL. PATERNA

ANN. XV.

IVLIA

TERSPICORE

LIBERTAE OB

SEQUENTISSIMAE

H. S. E. S. T. T. L.

.....

Hoc est : Dijs Manibus sacrum. Iulia Paterna, annorum quindecim Iulia Terpsicore libertæ obsequentissimæ, hic sita est. Sit tibi terra levis. Errore sculptoris positum est Terpsicore pro Terpsicore, sed ego mutare nolui.

In foro Cippus.

L. AELIO AVRELIO

COMMODO

IMP. CAES. AELI. HA

DRIANI ANTONI

NI. AVG. PII P. P. FILIO

COL. PAX. IVLIA

D.

D.

Q. PETRONIO MATERNO

C. IVLIO IVLIANO

II VIR.

Hoc

Hoc est: Lucio Aelio Aurelio Commodo
Imperatoris, Cæsaris Aelij, Adriani, Anto-
nini, Augusti, Pij Patris patriæ filio Colonia
Pax Iulia dedicauit Quinto Petronio Mater-
no, Caio Iulio Iuliano Duum viris.

In cochlea summi templi.

A † ω
S E V E R V S
P R E S B I T. F A M
V L V S C H R I S T I V I
X I T. A N N. L V
R E Q V I E V I T I
N P A C E D O M I N I
X I. K A L. N O V E M B R I S. E R A
D C X X I I.

Hoc est: Alpha, & omega. Seuerus pres-
biter famulus Christi vixit annos quinqu-
gintaquinque, requieuit in pace Domini vn-
decimo Kalendas Nouembris, era sexcentesi-
ma vigesima secunda.

In agro quattuor mil. pass. ab vrbe. Re-
presam prædium vocant.

D. M. S.
M E R C A T O R
A N N. X X X I I.
V X O R M A R I T O
M E R E N T I P O S V
I T. H. S. E. S. T. T. I.

Hoc

Hoc est: Dijs Manibus sacrum Mercator annorum triginta duorum vxor marito merenti posuit. Hic situs est, sit tibi terra leuis.

Sunt in ea vrbe fragmenta alia, sed minutiora. Caput imaginis Vespasiani, tauro- rum capita decem, aquæductus alicubi sub terra integer, alibi contraçtus, murorum portæ tres adhuc Romana architectura.

Inuentus marmoreus lapis duorum cubi- torum, in quo erant vir & puella equestri cur- su certantes, mirabili elegantia.

DE ORICHIEÑSI AGRO.

O Richiensis ager, Turdetanis ac Celti- cis iunctus, regionem paruam efficit, octo vel ad summum decem oppidorum, præ- ter vicos ignobiles. Nomen accepit ab Ori- chio, regionis nobiliori oppido & quia cam- pestris ager est, frumentarius, ac pascuus, vulgo campus Orichiensis nominatur.

Non piget eius meminisse, propter regni nostri illic cœptam originem. Quam vt pau- lo altius repetam, ab æquis lectoribus con- donari mihi postulo.

Magnus Alfonsus Hispaniæ rex qui Tole- tum expugnauit, & imperator est appella- tus, ex diuersis vxoribus tres filias habuit, Eluniam, Therasiam, atque Orracam. Et quidem Eluniam ac Therasiam, Rodericus Tole-

Toletanus, parum Lusitanis æquus, qui quæ illi adhæserunt, ex concubina Simena Munione natus, vt aiūt. Verum apud me chronicon Hispanica vetusta lingua habeo, factum septuaginta annos ante Rodericum, in quo eadem Simena minime concubina, sed iusta vxor & Regina diserte perhibetur. De qua re ad Ioannem Barrum scripsi & quidem prolixè.

Ad Alfonsum igitur imperatorem, in asserenda Hispania laborantem, conueniebant magni viri, militiam suam Christo deuouentes. Inter quos emicuerunt Raimundus comes sancti Aegidij, & Henricus Lotharingæ comes, ex Germana Raimundi natus, quem illa Vngariæ regi, cui nupta erat, secundo edidit partu. Hos vt talium necessitudine arctius se muniret Alfonsus filiarum connubiis sibi deuinciendos existimauit. Eluiram igitur comiti sancti Aegidij, Therasiam Henrico Lotharingæ comiti, Orracam vero trium vt alij scribunt natu maximam, vt alijs autem placet minimam, atque post Simenam defunctam, ex Constantia vxore natam, Raimundo comiti siue Burgundiæ, siue Tolosæ (neque enim inter ipsos Hispanicarum rerū scriptores satis conuenit) in matrimonium dedit. Quorum nos opinionibus prætermisissis, de Henrico tantum loquamur, cui valde dilectâ sibi Therasiam tradidit. Atque vt nexu deuinci-
tore

ctiore virum maximum quasi ad manum haberet, Callæciæ partem Bracaros, a Minio vsque ad Durium totumq. id, quod recentiore vocabulo Portugalle tunc dicebatur, a Durio vsque ad Lusitanie urbem Conimbrigam, dotis nomine assignauit, liberūq. ei reliquit, vt de Saracenis Lusitaniam armis recuperaret, suoq. dominio, & ditioni adderet. Is ex Therasia coniuge, quæ semper regina appellata est, filium genuit Alfonsum Henricum, qui patri successit in principatu, & vbi per ætatem licuit, bella gessit quàm plurima, vrbes multas expugnauit, Saracenorum potentiam fregit. Qua re commotus Ismarius, magnæ partis Africæ, Baticæq. rex, conuocatis quattuor aliis regibus, tam ex Africa, quàm ex tota vltiore Hispania, tantas congregauit copias, vt millia quadringenta exercitus superaret. His confisus in Alfonsum properabat, lentis itineribus, sed animo ad vindictam concitatissimo. Nec ille segniter processit obuiam. In agro igitur Orichienti, paulo infra Castrum viride oppidum, non procul a confluente Cobris, & Tergis fluuiorum, in mutuum conspectum venientes castra posuerunt. Insedit tumulum Alfonsum, vbi vetus sacellum erat, in quo senex quidam prouetæ ætatis eremiticam vitam agebat, inter Mauros & ob paupertatem, & ob vitæ sanctimoniam, nullius iniuria laceffitus. Ismarij
copiæ

copiæ prope infinitæ vnde quaque campos oplebant, iamq. agmina circumclusa spe deuorabant. Non videbatur militibus nostris fani esse consilij, cum tanta multitudine confingere. Vnus enim quisque supra centum hostes aduersum se in prælio erat habiturus. Sed militum animos oratione spei ac fiduciæ plena princeps confirmauit; dimissosq. curare corpora iubet, & crastinum diem, qui Iacobo Apostolo Hispaniarum patrono sacer erat, lætos expectare. Cum aduerserauisset, Anachorita ille ad Alfonso venit, atq; oraculi denūciatione, forti esse animo admonet, vt qua noctis ora tintinnabuli, quod in sacello erat, sonum audiret, tentoriū egrederetur, appariturum illi Christum in aere Cruci subfixum. Lætus tam optato, tamq. insperato nūtio Alfonso, totius noctis peruigilio promissum expectabat. Primo itaque ante lucem diluculo, ad tintinnabuli sonum prætorium egressus, suspexit in aere Crucifixum Dominum. Cuius visi voluptate propemodum extra mentem absorptus, ita adorans dicebat: Ecquid Seruator mundi, tunc mihi, tunc appares? Quid eo opus est, in te credenti, & te summa pietate colenti? Perfidis his, tuis atq; ideo meis hostibus, tuæ diuinitatis ignaris, potius apparere digneris, vt Crucis tuæ mysterium intelligant, ac desinant insanire.

Hæc atque alia his similia, cum ex mentis

P

quasi

quasi abstractione prosequeretur, Christi colloquentis, & victoriam pollicētis voce iucundissime affectus, in cœlum recepta diuina illa specie, arma postulat, armari milites, acies ordinari, & canoro tubarum concentu imperat signum dari. Quem ex proceribus quidam exercitus nomine adeuntes postulant, inquirunt, fortissime imperator, milites tui, vt regem te salutare permittas. Quibus ille: Ego fidissimi commilitones honorificum satis inter vos nomen titulumq. principis sortitus sum, alium non ambio. Neque si maxime expertem, vel poscentibus vobis morem gerere vellem, id tempus, aut locus patiuntur. Sed operam dabo, vt vos ducis vestri non poeniteat, vos date, vt milites dux non desiderem. Contra illi, & quæ postulas pollicemur, & nobis non deerimus, sed pro rege pugnabimur ardentius, vincemus honestius, moriemur alacrius. Cum igitur prope intulissent vim recusanti, magnis vocibus, & tubarum, lituorum, tympanorumq. sonitu ter acclamatum: Alfonso Henrico primo Lusitanæ regi vita, & victoria. Data inde militibus tessera, ferebatur in hostes.

At parte ex alia innumerabilis ille Barbarorum exercitus, tam dissonis clamoribus, tam terribili fragore perstrepebat, vt cœlum ruere, terra quassari tremoribus viderentur. Commissum prælium est sanguinolentū, per-

tinax,

tinax, diuturnum, a prima diei hora vsque
ad meridiem; donec Ismarius, cuius iam vi-
ta periclitabatur, quamq. maxime nostri ap-
petebant, rebus desperatis, & amisso in con-
flictu cōsobrino, cui sui corporis custodiam
mandauerat, nomine Homar Atagor, Halli
regis nepote, fugit ipse, & vna reges qui cum
eo erant. Tantum autem sanguinis effusum
est, vt ex cædis loco riuuli in Cobrin atque
Tergem decurrerent. Quin insecuta paucos
post dies pluuia, cum tinctam atro sanguine
superficiem lauisset, creuissentq. riui, Terges
qui ad confluentes Cobrin recipit, etiam vsq;
ad Anam aquas infectas pertulit. Id nos in
Vincentio martyre hisce carminibus breui-
ter adnotauimus.

Vbi paupere Terges

Flumine, ab Orichio segnis delabitur agro,

Excepti cecidere duces, fusæq. cohortes

Barbarica. Ac tellus tanto est imbuta cruore,

Vt postquam pluuia cadem elauere, pigerq.

Riuus ijt, contage sua, quacumque meabat,

Polluerit spatium late, fluctusq. petitos

Funestariit Ana, torrens inglorius ante,

Atq. vaporatis æstu Quintilibus impar.

Post illa, indigenis factus de clade superbi

Nobilis Ismarij.

Alfonfus igitur nouus rex, consueti victo-
ribus more in castris triduo permansit, &
concessa militibus præda, ipse qui catenus ni-

ueo scuto vtebatur, insignia commentus est, quæ rem ibi gestam designarent. Ac primum, quia Christum in aere cruci subfixum conspexerit in argenteo scuto caruleam crucem formauit. Deinde quod quinque reges vicisset, scuta quinque per ipsam crucem distinxit. In vno quoque triginta numos argenteos figurauit, quod totidem mundi seruator venditus exstitisset.

Mutata a posteris regibus numerum figuratio est commodiori ratione, & in singulis quibusque scutis, singuli quinque numi positi, decussatim ad figuram litteræ X. bis numerato, quod in medio est, & cum a summo deorsum, & cum a latere ad latus sit supputatio, vt numerus triginta expleatur. Hæc tunc ibi sumpta insignia. Castella vero aurea septem, quæ in rubro campo scuti regij oras ambiunt, ad alterius historiæ tractationem pertinent.

Exposuimus quanta potuimus breuitate, regum nostrorum, regniq. initium & causam, ab hinc annos quadringentos triginta quatuor. Gesta enim res est, vt mei veteres annales habent era millesima centesima septuagesima septima. Cui annorum numero si demantur triginta & octo, manebit Seruatoris annus millesimus centesimus trigesimus nonus. Cum hæc proderem, agebatur annus M. D. LXXIII. Subducta ergo ad calculos ratione

tione apparebit, interfluxisse quadringentos triginta quattuor, quos dixi, annos.

DE ARC V E X T R V C T O

Sebastiano Rege in victoriæ loco.

IAm discessissem ab Orichio, nisi piaculum esset, regis nostri Sebastiani recens factum non commemorare. Is initio huius anni, Algarbij regnum adiit, vt oppida omnia maritima, quàm munita essent, suis oculis perspiceret. Et si quid ad munimentum deesse, videretur exactissimo suo iudicio, & rei bellicæ peritorum consilio præsens, vel suppleret, vel nouaret, vel corrigeret. Fecit autem iter per Orichiensem agrum, & victoriæ memorabilis loca omnia perlustrauit.

Nullum ibi erectum trophæum, nullam inscriptionem, tantum sacellum illud ignobili fabrica, non semel resectum, rusticorum tamen cultu religiosum reperit. Pudit illum incuriæ, ac socordiæ sæculi superioris. Atqui, vt excusari mereatur, ætas hominû illorum, qui in continuis bellis vitâ agebant, & promptiores ad præliandum dextras habebant, quàm ad litteras illâ tempestate sepultas, inclinatiores ingenia: non tamen miranda non est, florentibus postea rebus, & renata philologia obliuio tam diuturna. Nisi quod natura comparatum ita est, vt quæ optima sunt,

non omnia simul, sed per temporum intervalla emergant. Sebastianus igitur mira pietate affectus, ut & apparitionis Christi, & Regis maximi, inclytæq. victoriæ memoriam redituam faceret, diruto veteri sacello, templum inædificari præcepit, atque extructo nobili arcu, mihi inscriptionis curam demandavit, ita ut altera ex parte latine, ex altera Lusitano idiomate, latina sic habet:

Heic contra Ismarium, quattuorq. alios Saracenorum reges, innumeramq. barbarorum multitudinem pugnaturus, solus Alfonsus Hénicus ab exercitu primus Lusitanæ rex adpellatus est, & a Christo, qui ei Crucifixus adparuit ad fortiter agendum commotus: copiis exiguis tantam hostium stragem edidit, ut Cobris ac Tergis fluviorum confluentes cruore inundarint. ingentis ad stupendæ rei sæculi loco ubi gesta est, per infrequentiam obsolesceret. Sebastianus I. Lusit. rex, bellicæ virtutis admirator, omnium suorum gloriæ propagator, erecto titulo memoriam renouavit.

DE COLLA.

Colla fuit interius in media Orichiensi prouincia, non procul a Messagena inter colles, nec scio an hodiernum nomen hoc inde traxerit. Non mediocriter erat oppidum. Extant muri & turres cæmentitio opere neq; satis

fatis polito. Aditus perdifficilis est, & ad defensiones accommodatus. Non habiratur. tantum dominicis, & solennibus aliis diebus rusticorum vicinia eò confluit, ad tēplum Virgini Christi matri dicatum, vbi sacerdos iisdem diebus sacris altaribus operatur. In angulo turris semidirutæ mensa elegans marmorea.

C. MINICIUS. C. F. LEM. IUBATUS
... LEG. X. GEM. QVEM IN PRAELIO
CONTRA VIRIATVM VOLNERIBVS
SOPITVM IMP. CLAVDIVS VNIMA...
PROMORTVO DERELIQVIT. EBV...
TIS LVSITANO OPERA SERV...
RARIQVE IVSSVS. PAUCOSSV...
DIES. MAESTVS OBI. QVIA...
MERENTI. MORE ROMA...
AM NON RETVLI.

Hoc est: Caius Minicius Caii filius Lemo-
nia iubatus Tribunus legionis decimæ gemi-
næ, quem in prælio contra Viriatum volne-
ribus sopitum, imperator Claudius Vnima-
nus pro mortuo dereliquit, Ebutij militis Lu-
sitani opera servatus, curariq. iussus, paucos
supernixi dies, maestus obij, quia bene meren-
ti more Romano gratiam non retuli.

Ad ianuam templi ingens cippus est, inter
columnas ibi iacentes olim ornatus causa po-
situs, qui me amplius horis tribus ad fasti-
dium

dium detinuit. Tam male a Barbaris hominibus habitus est, vt spem percipiendi integre sensum plane deposuerim.

Auis in modum Gracculi, altera similis mutuo se respicientes.

D. M. S.

B. SVRSI F. VC.....

BRIANE. COIVGI.....

NOTISSIME. TV.....

VM. POSITE VICS.....

N. XXXVIII DIE.....

S. XVII. SI QVAN.....

PIET... SERM. TI.....

ANTVM FORTV.....

GER. LITE AVREC.....

IT. T. POSVI. S.....

VALE.

Hoc est : Diis Manibus sacrum. Balbus Sursi filius coniugi sanctissimæ tumulum posuit. vixit annos triginta octo, dies septemdecim.

D E S I N

Non omittenda Sinis est, maritimum oppidum, & propter piscationem non parum

rum vicinæ regioni conducibile. Ibi in tem-
plo cippus fractus est cum his litteris.

AN. L: CLAVD.

THALASSINVS

MARITE ME

RENTISSIME

H. S. E. S. T. T. L.

Hoc est: Annorum quinquaginta, Claudius
Thalassinus, marite merentissime hic situs es,
sit tibi terra levis.

Per murum, iuxta terram, & quasi iam ru-
deribus coopertum.

D. M. S.

FVLVIVS. L. F. QVIN

TIANVS. FABER

MATERIARIVS

PIVS IN SVOS

VIXIT ANN. XLVI.

RVBRIA. Q. F. SER

GILLA. MER OBR

MARITO. B. M. FEC

H. S. E. S. T. T. L.

Hoc est: Diis Manibus sacrum. Fulvius
Lucij

Lucij filius Quintianus faber materiarius, pius in suos, vixit annos quadraginta sex, Rubria Quinti filia Sergilla Merobrigēsis marito benemerenti fecit, hic situs est, sit tibi terra levis.

In quadam turri.

D. M. S.
IVLIA. C. FIL.
MARCELLIN. S. E. S. H.

A. A. XXX.
H. S. E. S. T. T. L.

Hoc est: Diis Manibus sacrum. Iulia Caii filia Marcellina annorum triginta, hic sita est, sit tibi terra levis.

D. M. S.
IVLIA. C. FIL.

Primo libro admonuimus urbem Heluas in Celticis nostratibus esse. Nomen accepit ab Heluis Celticae Galliae populis, inter Garumnam & Ligetim habitantibus, de quibus Strabo 4. lib. agit. Plinius Albam eorum ciuitatem nominat. Ab Heluis igitur Celtarum populis, qui inter Celtas olim ad nos venire, Heluae ciuitas nominata, quod nomen a conditoribus obtinuit; etiam hodie retinet. Urbs fertilitate soli, & nobilitate ciuium

uium, vt postremas non fert, ita olei bonita-
te sine controuersia primas obtinet. Diœce-
sis Eborensis hætenus fuerat, verum agente
Sebastiano rege Episcopalem dignitatem
adepta, metropolim vnde excisa est, nihilomi-
nus agnoscit. Non multa ibi sunt Romano-
rum monumenta, & quæ sunt, pessime a Bar-
baris habitæ, ita inueni.

Iuxta portam arcis, quam Alcaßauam vo-
cant, fragmentum.

FEL. CEPAL
ONIS F. SE
VERVS. AN...

Hoc est: Felix Cepalonis filius Severus an-
norum.

In domo cuiusdam viri nobilis, tabula
elegans.

C. AXONIVS. Q. F. PAP.
LEG. XX. NAT. COL.
FIR. PICENO. SE VIVO
MONIMENT. FEC. SIBI. ET
FR. Q. AX. Q. F.

Hoc est: Caius Axonius Quinti filius Papi-
ria.

ria legionis vigesima natus colonia Firmica
Piceno se viuo monumentum fecit sibi, & fra-
tri Quinto Axonio Quinti filio.

Juxta parthenonem Virginum instituti san-
cti Dominici, cippus.

ANTHYMVS REB....

SCIENTINI. ET CE....

LERIS SVR....

V. S. A. L....

Hoc est: Anthymus Reburri Scientini, &
Celeris seruus votum soluit animo libenti,
vel libens.

In agro, quem vocant Ventosa, lapis ob-
longus, videlicet cubitorum septem, latus
cubitum, & semissem, rudis atque impoli-
tus, quem fabulantur sepulchrum esse Ber-
trandi vnus ex duodecim Francia paribus.

CACALO

AVIOLI

LIB.

HIC

SIT.

Hoc est : Cacalo Auioli libertus hic fi-
tus.

Indo-

In domo tabula marmorea fracta eleganti
littera.

.....
INSIGNEM PARVO.....
MANS CARMINE AMOR....
REQ. IN PACE D. XIII KAL....
MART. ERA. DLXXXII.....

Hoc est: Insignem paruo mansurum carmi-
ne amorem, requieuit in pace Domini deci-
mo tertio Kalendas Martias era quingentesi-
ma octuagesima secunda.

VILLA VIZOSA.

AB Heluis digredientem intercipit nobi-
lissimum oppidum, Brigantij ducum,
sedes, quod ab amœnitate Lusitanus idiotis-
mus Villam Vizosam nominauit. Vno nomi-
ne latine dici non potest, nisi Callipolin græ-
ce confingamus, audaci fortassis exemplo,
sed lectoribus postquam ea vox assiduitate
percrebuerit, minime displicituro. Proserpi-
næ ibi delubrum fuit, vbi modo S. Iacobi ædes
est, in suburbio, vbi hæc inueni monumenta.

PROSER

PINAÆ

SANCTAE

G. IVLIVS

PARTHENOP

AEVS. VOT

QVOT FECIT

A L P

Hoc est : Proserpinæ sanctæ Gaius Iulius
Parthenopæus, vota quot fecit animo libenti
posuit.

Q. HELVIVS

SILVANVS

PROSERPIN

AE VOTVM

S. AN. L. P.

Hoc est: Quintus Helvius Siluanus Proser-
pinæ votum soluens animo libens posuit.

PROSERPINAÆ

SERVATRICI

C. VETTIVS SIL

VINVS. PRO EV

NOIDE PLAVTIL

LA CONIVGE SIBI

RESTITVTA

V. S. A. L. P.

Hoc est : Proserpinæ Seruatrici Caius Vettius Siluinus pro Eunoide Plautilla coniuge sibi restituta, votum soluens, animo libens posuit.

D. . M. . S.

PULTARIVS

AN. XXIII. H. S. E. S. T. T. I.

SEMNE. ET. SEMN.

MATRI. POSVERVNT

Hoc est : Diis Manibus sacrum . Pultarius annorum viginti trium, hic situs est, sit tibi terra leuis . Semne & Semnine matri posuerunt.

Ibi etiam modo visuntur inscriptiones Endouellici, quas clarissimus dux Theodosius ex antiquo fano, quod extat iuxta oppidulū Therennam, asportari curauit, & inferi in frontispicio cœnobij fratrum ordinis S. Augustini. Sunt autem huiusmodi:

DEO. ENDOVEL
LICO PRAESTAN
TISSIMI. ET PRAESEN
TISSIMI NUMINIS
SEXTVS COCCELVS
CRATERVS HONORI
NVS. EQVES. ROMA
NVS. EX. VOTO

Cippus

Cippus fractus.

ENDO VELLICO
ALBIA
IANVARIA.

.....

ENDO VOLICO
SACRVM. MAR.
CVS. IVLIVS.
PROCVLV
ANIMO. LI
BENS. VOTVM
SOLVIT.

DE O ENDO VELLICO. SAC.
IVNIA. ELIANA. VOTO. SVCCPTO
ELVIA. YBAS. MATER. FILIE
SVAE. VOTVM. SVCCPTVM
ANIMO. LIBENS. POSVIT.

Hæ inscriptiones adeo claræ sunt, vt ex-
positione non indigeant.

D. ENDOVELLICO. SA-
AD RELICTITIVM. EX
T. NVMIN. ARRIVS. BA
DIOLVS. A. L. F.

Hoc est: Deo Endouellico sacrum ad reli-
ctitium ex testamento numini Arrius Badio-
lus animo libens fecit.

Q. SE.

Q. SEVIVS. Q. F.
 PAP. FIRMANVS
 VOTVM DEO
 ENDOVOLICO
 S. L. M.

Hoc est : Quintus Seuius Quinti filius Pa-
 piria Firmanus votum Deo Endouolico Sol-
 uit Libens merito.

ENDOVELICO
 CRITONIA
 MAXVMA
 EX VOTO. PRO
 CRITONIA. C. F.

Hoc est : Curauit faciendum.

Hic Cippus allatus est illinc ad arcem op-
 pidi Lendroalis, vbi nunc extat.

C. IVLIVS NOVATVS
 ENDOVELLICO
 PRO. SALVTE
 VIVENNIAE
 VENVSTAE
 MANILIAE. SVAE.
 VOTVM. SOLVIT.

Nominis Endouellici causam, aut origi-
 nem ego penitus ignoro. Nisi si ab oppido
 propinquo, quod Endouellia forte diceretur,
 nomen esset impositum. Quod si nebuloso
 infelicitis gentilitatis auro superstitionibus ad

Q dicti

dicti Lusitani fuere, certe euangelica luce radiante morati diu non sunt, quin veri Dei cultum, & religionem amplecterentur. Man- cio Christi discipulo gloriantur Eborenses, a quo cælesti doctrina sunt initiati. Debēt hoc Bracarenses Petro Ratenſi, Apostoli Iacobi discipulo. Propagata breui religio est, & in- uitis tyrannis mira pietate adoleuit. Quam natio Lusitana incorruptam, vt a sanctis pa- tribus accepit, ad nostra hæc tempora custo- diuit. Et quod non sine magno Dei munere nobis contigit, nec sine magna mea volupta- te refero, quassantibus orbem sectis, inco- lumi religione, integraq. sacrosanctæ Apo- stolicæ sedis auctoritate perseuerat. Nec so- lum id, sed longe lateq. etiam per vasti Ocea- ni recessus, & ante nunquam prioribus cogni- tas regiones, Orientemq. totum, & Antipo- das, ipsum Seruatoris nomen propagare non cessat.

D. M. S.
P. PETRONI
V S. CAVTIN
ANN. LXXXXI
LAVDICE
MARITO PIIS
SIMO POSVIT
H. S. E. S. T. T. L.

Hoc est: Dijs Manibus sacrum Publius Pe-
tronius

tronius Cautinensis annorū nonaginta vnus
Laudice marito pijssimo posuit, hic situs est,
sit tibi terra leuis.

DE IOVIS FANO.

SVper Exarramam fluuium, duobus pass.
millibus infra Terranum oppidum, Iouis
fuit olim fanum. Quod adulta iam Christiana
pietate in templum sanctorum martyrum Iu-
sti & Pastoris conuersum est. De quo egi in
libello ad Ambrosium Moralem Compluten-
sem virum sæpe alias, luculentæ eruditionis
gratia in his commentarijs nominandum.

Supra ianuam templi Gothica inscriptio.

✠ HVNC DENIQUE EDIFI-
CIVM SANCTORVM NO-
MINE CEPTVM IUSTI ET
PASTORIS MARTIRVM
QVORVM CONSTAT ESSE
SACRATVM CONSVMA-
TVM EST OC OPVS ERA
DCCXX.

Hoc est: Hunc, pro hoc, denique ædificium
sanctorum nomine ceptum Iusti, & Pastoris
martyrum, quorū constat esse sacratum con-
sumatū est oc, pro hoc, opus era septingentesi-
ma vigesima.

Q. IOVI.

IOVI. O. M.

FLAVIA. L. F. RVFINA.
 EMERITENSIS. FLA
 MINICA PROVINC
 LV SITANIAE. ITEM COL.
 EMERITENSIS. PERPET.
 ET MVNICIPI. SALACIEN.

D. D.

Hoc est: Ioui opt. maximo. Flauia Lucij fi-
 lia Rufina Emeritensis. Flaminica prouin-
 ciæ Lusitaniæ, item coloniæ Emeritensis per-
 petua, & municipij Salaciensis dedicauit. Ex
 vno latere est arbor mihi incognita. Ex al-
 tero latere Aquila expansis alis quasi subuo-
 latura, in vnguibus trifulcum fulmen habens.

Cippus aliquanto minor sed elegantior.

I. O. M.

OB PVLSOSA Q. SER
 TORIO MATELLVM

AD Q. POM P.

IVN. DONACE

CORON. ET SCEPTVM

EX ARG. MVNVS

ADTVLIT

FLAMINICAE PHIA

LAM CAELATAM

HIERODVLIS COE

NAM DEDIT.

Hoc est: Ioui optimo maximo. Ob pulsos
 a Quinto Sertorio Metellum atque Pompe-
 ium

ium Iunia Donace coronam, & sceptrum ex argento munus adtulit Flaminicæ Phialam cælatam, hierodulis cœnam dedit.

Alter cippus elegantissima littera.

L. RVBRIVS

PRISCINVS

ANN. XXVI. H. S. E.

Hoc est: Lucius Rubrius Priscinus annorū viginti sex, hic situs est.

Sunt tres cippi, sed positi in parietibus templi, contactis interioribus litteris.

Cubæ non procul Pace Iulia in tēplo Cippus.

D. M. S.

TERENTI

V S. C R Y S.

O G O N V S

ANN. XXXII. H. S. E. S. T. T. L.

Hoc est: Dijs Manibus sacrum. Terentius Cryfogonus annorum triginta duorum, hic situs est, sit tibi terra levis.

In territorio Ferrariensi, super Callipodē fluuium, quem Sadanum vocari nostra ætate superius diximus, templum Sanctæ Margaritæ dicatum est, vbi olim fortunæ Obsequentis delubrum fuerat, a Flavia Modestina Sergij Terentij Aemiliani Centurionis vxore ædificatum. Qui, vt apparet, sub L. Posthumio Albino militauerat & emeritus ac diues, ad quietem se cōtulit, in prædio vxorio. Hoc ex duobus ibi Cippis colligitur. E quibus alter sic habet.

FORTVNAE OBSEQUEN

TI. SACRVM

FLAVIA MODESTINA

PERP. EIVS ANTISTES

EX VOLVNTATE TERENCE

TI. AEMILIANI VIRI

SVL. IN PRAEDIO

A PATRE FL. MODESTO

SALACIENSI SIBI

RELICTO. A. L. F.

Hoc est: Fortunæ obsequenti sacrum. Flavia modestina perpetua eius antistes ex voluntate Terentij Aemiliani viri sui, in prædio a patre Flavio Modesto Salaciensi sibi relicto animo libens fecit.

Alter vero in duas partes fractus sic.

D. M. S.

SERG. TERENCE ... S

SERG. F. AEMI ... LIANVS

CENTVR. EMER. VIX. N...LXX

ORDIN. DVX. SVB...

L. POST...VMIO MODES

...TINA MARITO

MERENTISSIMO


P. H. S. E. S. T. T. L.

Hoc est: Dijs Manibus sacrum. Sergius Terentius, Sergij filius Aemilianus centurio Emeritus, vixit annos septuaginta, ordines duxit sub Lucio Posthumio, Modestina marito merentissimo posuit, hic situs est, sit tibi terra levis.

SCHO-

SCHOLIA
IACOBI MENOETII
VASCONCELLI

In quattuor libros Resendij.



Luciferum.

N vita Andreæ Resendij, in ode
ad Coclenium. Phosphorus
igneus. Hoc est Lucifer stella.
Martialis libro octauo epi-
grammate vigesimo primo ad

*Phosphore redde diem, quid gaudia nostra
moraris?*

Cæsare venturo, Phosphore redde diem.

Liber Primus.

P Ag. i. lin. 5. *Afferit Plinius.* Libro videlicet
tertio cap. 1. his verbis: In vniuersam Hi-
spaniam Marcus Varro peruenisse Iberos, &
Persas, & Phœnicas, & Pœnos tradit. Lusum
enim Liberi patris, aut Lysam cum eo bac-
chantes, nomen dedisse Lusitaniæ, & Pana-
præfectum eius vniuersæ.

Ead. pag. 1. lin. 10. *Alij Lusum non hominem, sed ludum potius, seu Lusionem interpretantur.* Marcianus Capella libro sexto, qui de Geometria inscribitur in ea fuit sententia, vbi ita tradit agens de Lusitania. Cui nomen fabula a Lusu Liberi patris, vel cum eo Bacchantium sociavit. Addit & aliam non minus ridiculam opinionem, credēs Anam fluvium a Lusitaniæ vocabulo cognominari, hisce verbis: Hæc quoque cognominis sui fluviio permeatur, licet eam Tagus quoque arenis illustraret auratis.

Ead. pag. lin. 18. *Nec desunt, qui pro Lyssa, Lyssam reponant.* Fuit in ea sententia Sigismundus Gelenius in observationibus in Plinium lib. 3. cap. 1.

Pag. 2. lin. 11. *Supposititijs Berosi auctor intellexit.* Ioannes Annius in libro de Regibus Hispaniæ cap. 20.

Ead. pag. lin. 27. *Vt in quadam contra Verrem oratione affirmat Cicero.* In sexta actione, quæ incipit: Venio nunc ad istius, quemadmodum ipse appellat, studium, non longe a fine orationis. eius autem verba sunt hæc: Aristæus, qui vt Græci ferunt, Liberi filius inuentor olei fuit.

Pag. 3. lin. prima. *Vnde ipse etiam Bacchus Lyssus cognominatus est.* Pausanias in Bœoticis circa medium libri noni, dum Thebanæ urbis antiqua monimenta enarrat, ita scribit:

bit: Theatro proxima est Liberi patris ædes cognomento Lysij. Cognominis causa, quod cum olim captiuos complures ex Thebanis victos Thraces abducerent, eos cum ad Haliartiorum fines ventum esset, vinculis solutos dimisit, moxq. illis Thracas somno oppressos, occidendos præbuit. Hæc ille. Aliqui vero credunt a dissoluendis, & eneruandis animis, quod ex vini copia accidere solet: vel quod curis liberos eos reddat ita Baccum fuisse appellatum.

Pag. 3. lin. 12. *Stephanus autem in lib. de Urbibus.* in dictione Belitani. Nec mirum est in hoc errasse Stephanum, vtpote Græcum scriptorem, & qui Hispaniæ situm, ac vrbes, minime ipse peragrasset, quod alios quoque Græcos decepit teste Polybio.

Extat etiam similis error apud eundem Stephanum in dictione Lusitania, dum eam asserit partem esse Baticæ, cum vltior Hispania in duas prouincias diuisa olim fuerit, Baticā videlicet, & Lusitaniam, quod obiter admonere volui, ne eius auctoritas quemquam decipiat. hoc Resendius etiam animaduertit.

Pag. 5. lin. 11. *Strabo enim.* vide Strabonem lib. 3. fol. 103.

Pag. 8. lin. 4. *Ptolemæus.* Libro secundo, vbi agit de Lusitaniæ situ.

Pag. 9. lin. 14. *Ante annos quadraginta, &c.* Hæc de Artabro promōtorio tam diffuse tradita

dita mihi semper superuacanea sunt visa: quia meo iudicio, neque Pintianus, neque ipse Resendius exacte sensum Plinij sunt affecuti. Unde accidit, ut eius verbis vim inferre sint conati. Plinius enim, cum prius de Celtico, seu Nerio promontorio lib. 4. cap. 20. verba fecisset, & a Minio, ac Limia fluuiis ad Durium peruenisset, tunc demum de Lusitania agere cepit in ipso vigesimo capite, cuius initium est: A Durio Lusitania incipit. Nec aliquid eorum, quæ mox sequuntur ad Nerium promontorium pertinere potest. Miror autem tam insignes viros non aduertisse Celticum Promontorium numquam apud Geographos Artabrum appellari, sed semper Nerium, aut Celticum, quamuis omnes consentiant iuxta illud Artabros populos, seu Artotrebos, vel Arotebras habitare. In eo etiam decepti sunt quod crediderint Nerium frontem esse Hispaniæ, cum aperte Plinius eodem capite vigesimo asserat frontem Hispaniæ tribus effici promontoriis, videlicet Olyssipponensi, Sacro, & Iunonio, ita ut Sacrum e media quoque fronte erumpat. Certum est etiam Olyssipponense, seu Artabrum, Cælum, terras, & maria determinare, ut tradit Plinius. Nam quemadmodum Iunonium seu Calpe australe, & occidentale latus Hispaniæ diuidit, ita magnum seu Olyssipponense, vel Artabrum frontis occidentalis est terminus, & ab eo septentrionale

nale latus incipit, quamuis ad occasum etiam aliquantulum vergere videatur vsque ad circuitum Nerij promontorij, a quo penitus ad septentrionem terra conuertitur, vt Pomponius Mela tradit lib. 3. ca. primo. Quod vt facilius intelligatur, expendantur verba eiusdem Pomponij libro 2. cap. 6. quæ sic habent: Lusitania Oceano tantummodo obiecta est, sed latere ad septentriones, fronte ad occasum, ex quibus aperte constat ea littora, quæ a promontorio Olyssipponensi, vsque ad Minium amnem extenduntur, latus septentrionale Lusitaniæ efficere. Quæ vero a Celtico seu Nerio ad Gallicum Oceanum tendunt, latus septentrionale Hispaniæ totius, non autem Lusitaniæ constituunt.

Pag. 11. lin. 12. *oppidum & flumen Aeminii*
&c. Aeminium Ptolomeo oppidum est in Lusitania, Plinio oppidum & flumen lib. 4. cap. 21. & 22. Fit etiam illius mentio ab Antonino in Itinerario, cum illud iter describit, quod ab Olyssipone Bracarum ducebat. Fuit autem Aeminium eo loci vbi hodie est oppidum dictum vulgo Agata seu Augeda, quod flumine eiusdem nominis alluitur, & recepta hac sententia, in qua etiam fuerunt Vasaus & Barrerius, emendari debet codex Antonini hoc ordine Conimbrica Aeminium quadraginta millia passuum, Talabricam decem millia passuum. Est autem Conimbrica oppidum

pidum illud antiquum, quod dirutum cernitur & vulgo Condexa vetus dicitur. Talabrica vero fuit prope oppidum maritimum, quod hodie Aveiro dicitur, & sic bene quadrat passuum numerus a me restitutus. Nam a Condexa Agatham sunt decem circiter leucae, & ab Agatha Talabricam duæ cum dimidia. Erat autem in codice Antonini numerus transpositus, & præpostere mutatus. Hinc apparet rejiciendam esse illorum opinionem, qui existimarunt idem esse oppidum Aeminium, & illud quod hodie Conimbri-gam seu Colibriam appellamus, & eundem fluuium Mundam & Aeminium. Nam ut cetera argumenta breuitatis causa omittam, id aperte Plinianis verbis repugnat, qui in allegato ca. 22. libri quarti cum prius Aeminium flumen & oppidum nominasset, statim hæc verba adiecit. A Durio Tagus ducentis millibus passuum, interueniente Munda. Præterea habeo apud me Codicem vetustissimum, cuius sæpe mentionē faciunt Vasaëus, & Resendius, qui inscribitur Chronica Gothorum. Vbi inter cetera, quæ gesta fuisse narrantur ab Alphonso quarto Ordonij filio, cognomento magno, hæc ad verbum scripta sunt.

Multos quinetiam inimicorū terminos acquisiuit rex iste. Cepit namq. castrum, quod dicitur Nazan. Antensam vero pacē acqui-siuit.

fuit . Conimbriam ab inimicis possessam hereditauit, & ex Gallæcis postea popula-
uit . Multa quoque alia castra sibi subiecit .
Eius tempore Ecclesia creuit, regnumq. am-
pliauit . Vrbes quoque istæ a Christianis po-
pulantur : Scilicet Bracharensis , Portuga-
lensis, & Aminiensis, atque Lamecensis .
Haftenus ille . Ex cuius verbis aperte col-
ligitur Aeminium, & Conimbriam diuersas
fuisse ciuitates, & ex consequenti Mundam,
& Aeminium diuersa flumina .

Pag. 25. lin. 2. *De Vettōnibus, &c.* Floria-
nus Campensis libro 2. cap. 10. Ait Vettones
a Beronibus corrupto vocabulo denomina-
tos fuisse, & eorum regionem, quæ Lusita-
niæ pars erat, fuisse figura triangulari, seu
triquetra, ita vt latus Septentrionale inci-
peret ab eo loco, quo Piiorga fluuius Durio
miscetur, vsque ad XX. M. Passuum, seu
quinque leucas infra oppidum vulgo dictum
Fermosel, quod ad ripas ipsius Durij situm
est, intra terminos antiquæ Lusitaniæ, qui
viginti sex leucis circiter extendebantur ab
eo latere . Alterum vero latus a dicto oppi-
do Fermosel per Rodericopolin, & Ca-
pramvsque ad fluuium, quo Lusitania a Bæ-
tica diuiditur, extendit . Latus vero Orien-
tale describit a flumine Ana, vsque ad Du-
rium, vbi Pisorgam excipit, ducta linea per
eum tractum, in quo est oppidum dictum ho-
die

die Villa Noua de la Serena, ita vt includeret hæc regio intra fines suos Salmanticam, Bletifam, Fermosel, Beiar, Rodericopolin, seu Merobrigam. Licet aliqui putent Mirobrigam seu Mirobricam esse oppidum vulgo dictum Guadramiro: Ciuitatensem autem, seu Rodericopolin esse Augustobricam. Vide Vasaum tomo primo capite decimo.

Pag. 51. lin. 4. *Cetratos pugnare pedites, &c.* Cetram nonnulli crediderunt esse illud scuti genus, quod vulgo Adargua dicitur, inter quos fuere noster Resendus, & Ambrosius Moralis lib. 8. cap. 25. Sed illorum opinioni aperte refragatur locus Silij Italici lib. 3. vbi ita canit.

*Fibrarum & penna, diuinarumq. sagacem
Flammarum misit diues Callacia pubem,
Barbara nunc patrijs vlulantem carmina linguis,
Nunc pedis alterno percussa verberc terra,
Ad numerum resonas gaudētē plaudere Cetras.*

Cum enim Cetras resonas hoc est tinnitū & sonitum edentes vocet, manifeste innuit esse illa parua scuta, quæ Bluqueria dicuntur ex ligno fabrefacta atque ære contexta, quæ clarissimum sonitum inter se collisa edunt, ad quem (veluti Sistris olim Corybantes) Hispani milites tripudiare solebant, quod coriaceis illis & maioribus scutis, seu parmis nequaquam conuenire potest. Adstipulatur huic sententiæ Imago Ipsius Hispaniæ, seu effigies,

figies, quam idem Ambrosius Moralis apponi curauit in principio operis sui, quæ altera manu Iacula & Cetram hoc est Bluquerium, altera vero spicas gerit.

Pag. 255. lin. 5. *Item ab Olysippone, &c.* Vide tur Antoninus propter Emeritenſis Coloniae dignitatem, quæ eius tempore in Hiſpania ſere principatum obtinebat, complura itinera ad eam ducentia ex diuerſis locis deſcribere voluiſſe, inter quæ tria ab Olysippone commemorat, duo per extrema latera & ita longiora, tertium vero quaſi medium & cõpendioſum. Sunt autem hoc loco exemplaria mire deprauata.

PRIMVM ITER ITA
emendari debet.

Ab Olysippone Emeritam M. P. 212.
Sic vel 208.

Equa bona	M. P. 12.	Couna.
Cetobrica	M. P. 12.	Setuual.
Ciciliana	M. P. 12.	Agualua
Malceca	M. P. 8.	Marateca.
Salacia	M. P. 20.	Alcacer.
Ebora	M. P. 40.	Euora. (daioſ.
Ad Anam fl.	M. P. 60.	Guadiana por Ba-
Euandriana	M. P. 12.	Talaueruela.
Emerita	M. P. 36.	Merida.

Sunt

Sunt M. P. 212. Forf. 208. Leucæ
autem 53.

*SECUNDVM ITER ITA
legi, & emendari debet.*

Ab Olysiptone Emeritam M. P. 212. Forf.
210. Leucæ vero quinquaginta
tres, in hunc modum.

Hierabrica M. P. 30. Pouos.
Scalabi M. P. 22. Santarem.
Tubucci M. P. 32. Abrantes.
Fraxinum M. P. 32. Alpalhão ouguição
Medobriga M. P. 30. Aramenha.
Ad septē Aras M. P. 14. Forf. 16. Acumar.
Plagiaria M. P. 20.
Emerita M. P. 30.

*TERTIVM ITER SIC
emendandum est.*

Ab Olysiptone Emeritam M. P. 186. vel
196. In hunc modum.

Aritio prætorio M. P. 38. Benaunte.
Matufaro M. P. 50. Ponte do Sor.
Elteri M. P. 20. Alterdochão.
Ad septem Aras M. P. 28. Forf. 38. Acumar.
Buduz M. P. 12. Nossa S. de Betoue
Pla-

Plagiaria M. P. 8.

Emerita M. P. 30.

M. P. 186. vel 196. Leucæ vero 46. & dimidia vel 49.

Et ita compendiosum hoc iter breuius erat
spatio sexdecim P. M. Quæ leucas
quattuor constituunt.

Suspicio etiam Antoninum describere voluisse aliud iter a Salacia Ossonobam; cuius mansiones omnino desunt, nisi pro Salacia Balsam reponamus; vt numerus sedecim M. P. recte quadret, licet mihi non fiat verisimile, tam exiguum locorum intervalum pro itinere esse computandum.

VRBIUM CIVITATVM ET

oppidorum nomina latina, & vulgaria.

Forum Limicorum Ponte de Lima.

Næbis Neiva.

Bracara Augusta Bragua Colonia.

Aquæ Flaviæ Chaues.

Concia seu Contium Miranda de Douro.

Calem O Porto.

Lama & Lameca Lamego.

Lancobriga A Feira.

Talabrica Aveiro. (men.)

Aeminium Agueda, vbi etiam flu-

R Conim-

Conimbrica	Condexa a Velha.
Seilia	Seire.
Eburobritium	Euora de Alcobaza.
Collipo	Leiria ex ruinis.
Scallabis, seu Iulium	Santarem.
Ierabrica (præsidiū)	Pouos.
Moro	Almourol ou Punhete.
Olyssippo felicitas Iu-	Lixboa.
Tubucci	(lia) Abrantes.
Fraxinum	Alpalhão, ou Gauiau.
Igædita	Idanha, Velha, Aguar-
Amæa	Portalegre. (da.
Medobrica	Aramenha.
Ad septem Aras	Azumar.
Elteri	Alter do chão.
Matufarum	Ponte do Sor.
Aritium Prætorium	Benaunte.
Equa bona	Couna.
Cetobrica	Setuual.
Ceciliana	Agualua ou Agoa de
Malceca	(toria) Marateca. (Moura.
Salacia vrbs Impera-	Alcacer do sal.
Ebora liberalitas Iulia	Euora.
Calantica	Arraiollos.
Cœllium	Ceice iúto de Thomar
Saurium	Soure.
Heluij	(tana) Eluas.
Noua ciuitas Arucci-	Moura.
Serpã, vnde populi Ser	Serpa.
Pax Iulia	(penses) Beja.

Myrtilis Iulia	Mertola.
Merobrica	Santiago de Cacem.
Lacobriga	Lagos. (mão ou Aluor
Portus Hannibalis	Villa noua de Porti-
Ossonoba	Estoi prope Pharum.
Balsa	Tauilla.

POPULORVM NOMINA,

seu prouinciarum, in quas Lusitania diuiditur.

Turdetani populi, qui hodie Algarbientes, inter Anam fluuium, & Oceanum vsque ad Pacem Iuliam extenduntur, ita vt etiam Orichij campum occupent. Algarues, & campo de Ourique. Lusitani dicuntur proprie & peculiari nomine illi, qui Turdetanorum latus septentrionale contingunt, & a Celticis, seu Heluiis vsque ad Cetobricenses, & Olyssipponenses, per Eborenses, & finitimos populos extenduntur. Vulgo Entre Teio & Guadiana. Pefures, seu Pæsuri vltra Tagum per Herminios montes vsque ad Cudam fluuium incolunt. Comarca de Couilham & Serra da Estrella. Transcudani populi, qui vltra fluuium Cudam, hodie Coam inhabitant. Ribade Coa vulgo. Barbarij statim post Lusitanos a Cetobrica vsque ad mare collocandi sunt, vbi etiam Barbarium promontorium. Turduli populi a Durio vsque ad Mundam.

pertinent non procul a Mari, qui tractus hodie Beira dicitur. Bracari populi sunt, qui a Minio vsque ad Durium incolunt. & ideo Interamnenses appellantur. Antredoraminho. Aquiflauienses populi sunt, qui vltra Bracaros ad orientem solem, & versus septentrionem extenduntur vsque ad Brigantium, & Mirandensem ciuitatem iuxta Durium sitam, & vlttramontani vulgo dicuntur, ibiq. maxima est Lusitaniæ latitudo. Tralos montes.

FLVVIORVM NOMINA.

A Nas fluuius	Godiana
Anus	Rio Aue.
Minius	Minno.
Tagus	Tejo.
Callipus	Cadam.
Durius	Douro.
Limia, seu Lethe	Lima.
Vacua	Vongua.
Munda	Mondegua.
Tamaca	Tamagua.
Cuda	Coa
Ozecarus	Zezer.
Subur	Sor.
Ancus	Rio de Soure.
Seilia	Seire, est etiã oppidũ.
Aeminium	Rio Dagueta & opp.
Næbis	Neiua rio & oppidũ.
	Celan-

Celandus Rio Grefões.
 Cadauus Rio cauado inter fam,& sposēde.
 Malceca Marateca ribeira,& oppidum.
 Ceciliana Agualua ou agoa de Moura.
 Naban Flu. qui Tomarium interfluit.

Pag. 205. lin. 17. *Dicitur Ardiburi profuisse Lacobrica septem, &c.* In chronico, quod Vuandalia inscribitur, cuius auctor fuit Albertus Krantz libro primo cap. vigesimo, fit mentio Ardaburi ducis rei militaris peritissimi tempore Valentiniani Imperatoris. Constat autem ex ratione temporis eūdem fuisse illum, & hunc, quem Baptista Mantuanus Ardiburum nominat.

Pag. 231. lin. 9. *C. Minicius, &c.* Hæc inscriptio mihi omnium, quæ hæctenus in Lusitania repertæ sunt, dignissima semper est visa, quæ in hominum notitiam deuenire, & a Lusitanis perpetua memoria conseruari deberet. Cōtinet enim pium quoddam, & illustre facinus cuiusdam militis Lusitani, cui (quantum ex confractis litteris conicere licet) Ebutio nomen fuit, a quo Caius Minicius tribunus militum, qui a suis pro mortuo derelictus fuerat, seruatus; & omnibus humanitatis officiis excultus fuit. Quod exemplum in hoste tam rarum, tamq. admirabile est, vt gens Lusitana non minus Ebutij pietate, quàm Viriati victoriis gloriari merito possit.

Vnde Minicius ipse, vt virum fortem de-

cuit, & Romano nomine dignū, tam insignem Lusitani viri virtutem, cum summa pietate coniunctam, memorabili etiam grati animi exemplo, quantum in ipso fuit celebrare, & ad perpetuam hominum memoriam conseruare studuit.


Colligitur etiam ex hac inscriptione, id quod apud eruditissimos viros hactenus incertum erat, quo loco videlicet commissa fuit ea pugna, in qua Viriatus Claudium Vnimanum cum vniuerso exercitu fere vsque ad internitionem profligauit. Quis enim iam dubitet in Orichienſi campo non procul ab eo loco, vbi cippus hic viſitur, prælium fuiſſe commiſſum?

Pag. 237. lin. 22. *Callipolin, &c.* Simili nomine vocatam urbem in Calabria tradit Pomponius Mela libro ſecundo capite quarto. Plinius etiam libro quarto capite duodecimo, vbi Cycladas inſulas enumerat, in Naxo Callipolin collocat, quam aliqui Dionyſiada a vinearum fertilitate, alij Siciliam minorem appellabant. Quòd ſi ob amœnitatem, & ſitus pulchritudinem, tam ſpecioſum nomen oppida, & vrbes ſortiri queunt, merito noſter Reſendius Vizofam Amœnam, ſeu Callipolin nominauit.

Pag. 241. lin. 25. *Nominis Endouellici cauſam, aut originem, &c.* Sunt qui putent Endouellicum dici a dictione Græca Balos, ſeu Valos,
id eſt

ideſt via & endon, hoc eſt intus, & eſſe cum, quē Ethnici vijs præſſe crederēt, quemadmodum Terminus agris præſſe credebatur. Sed inſcriptiones aliud innuere videntur, dum eum præſentiffimi numinis vocant, quod viarum cuſtodi parum conuenit. Quare potius a vellendo dictum fuiſſe puto, quod cæca illa ætas iacula, ſagittas, oſſa, & ſimilia corporibus affixa, & hærentia cum auellere, atque extrahere falſo exiſtimaret. Et tunc particulando, pro valde accipi debet, vt antiqui accipere ſolebant, teſte Feſto. Nam vt cum Reſendio ſuſpicemur, ab oppido Endouellia, quod tunc extare potuit, dictum fuiſſe, adduci nullo pacto poſſum, cum apud Geographos, & ceteros auctores nulla eius fiat mentio.

Laus Deo Opt. Max.



IACOBI MOENETII

VASCONCELLI

AB IPSO CONSCRIPTA.

MHI ex optimis, & piissimis parentibus nasci contigit. Nam pater meus Gondisaluus Mœnetius Vasconcellus, ex antiqua Vasconcellorum familia, originem trahens, vir fuit inculpatissimis moribus, & insigni erga Deum pietate, vitæq. integritate memorabilis. Præterea singulari animi fortitudine præditus, qua aduersus fidei hostes tam in Africa, quàm in India strenuam operam Reipublicæ impendit. Mater vero faustum Beatricis nomen sortita, soror fuit clarissimi viri D. Condisalui Pinarij Visensium Episcopi, cuius vitam, & res gestas posteritati tradidimus. Cum vero pater ex India, vbi septennio militauerat, in Lusitaniam rediisset anno salutis millesimo quingentesimo vigesimo secundo, pestilentia vitandæ causa, Cetobrica proficiscens, in oppidum inde viginti leucis distans secessit, quod vulgo Alter dicitur, & olim Elteri a Romanis vocatum fuisse constat, ex itinerario Antonini:

vbi veteres clientelas, & amicos, atque consanguineos habebat: a quibus perhumaniter exceptus, & loci amœnitate captus, ibi ædes ædificauit, in quibus ipse natus sum Kalendis Maij, anno vigesimotertio supra sesquimillesimum.

Nata est etiam in eodem oppido soror mea Leonora Pinaria, quæ nupsit Michaeli Cabedio Senatori Regio, & triumuiro ciuitatis Olyssipponensis gubernandæ, cui arcta sanguinis necessitudine coniuncta erat. Fuit enim Michael Cabedius filius Therasiæ Pinariæ, matris meæ sororis: quem ego fraterno amore prosecutus sum, & ab ineunte adolescentia, socium semper habui, & participem omnium consiliorum, & studiorum meorum. Cum ergo in eo amœnissimo secessu, parentes mei quinquennij spatium, cum summa animi tranquillitate, & felici rerum successu, transegerissent, dum pater a labore diutinæ militiæ, & longinquæ nauigationis molestiis cōquiescere cupit: Callipolin (quæ vulgo Ciuitas amœna, seu Vizosa dicitur) sedes transtulit, euocatus humanissimis litteris præstâtissimi Ducis Brigantij Iacobi, cuius cliens erat. Quod etiam venit auunculus ipse Gōdisaluus Pinarius eiusdem familiæ addictus. Qui aliquot annos domo nostra vtens, incredibili amore, & beneuolentia, præterea omnibus humanitatis officiis a charissima sorore exceptus, atque

que excultus, in maxima concordia cum parentibus meis vixit, vsque ad annum MDXXX. quo grassante in eo tractu pestilentia, auunculus in vicinam oppido villam, vnâ cum matre, & reliqua familia secessit, pater autem domi remansit. Nec multo post auunculus Conimbricam profectus, inde ad ecclesias inuisendas recessit, quas in Ultramontana regione obtinebat, vt in eius vita diffusius narrauimus. Cessante vero ea lue, quæ complura Lusitaniæ oppida afflixit, transactis ruri quindecim circiter mensibus, Callipolin reuersi sumus. Rediit quoque dux ipse, qui Conimbricam confugerat. Nec diu postea vixit.

Mater etiam mea ex puerperio vita excessit, summum dolorem marito, liberis miserandam orbitatem, maximû vero relinquens sui desiderium, non solum fratribus, sororibus, ceterisq. propinquis, sed etiam Illustrissimæ Ioânæ Ducis vxori, & Isabellæ filiæ, quæ postea Eduardo, regis Emmanuelis filio, nupsit, reliquisq. principibus feminis, cum quibus illi arctissima intercesserat familiaritas. Fuit enim inter nobiles matronas sui temporis, incomparabili virtute, singulari prudentia, & incredibili morum grauitate conspicua. Quas egregias animi dotes ornabat staturæ proceritas, cum decora vultus venustate coniuncta. decessit autem ætatis suæ anno quadragesimo quinto. Nec pater diu conce-

pto ex charissimæ coniugis obitu dolori ob-
 stare potuit. Anno itaque millesimo quingen-
 tesimo trigesimo quinto mense Februarij gra-
 ui ægritudine correptus, mortem obiit, cum
 prius patrē meum natu maximum Ioannem
 Mencetium Vascōcellum in Indiam misisset,
 me autem auunculo tradidisset, sub cuius tu-
 tela receptus, & liberaliter educatus, Eboræ
 primum, deinde Olysippone in eius familia
 permansi, vsque ad annum millesimum quin-
 gentesimum trigesimum septimū, quo auun-
 culus iam Zaphiensis Episcopus creatus, in
 Galliam cū amplissima legatione missus est.
 Nec statim me secum ille abduxit, sed cum
 Baionam Aquitaniæ urbem peruenisset, in
 qua ei diutius erat immorandum, litteris ac-
 cerditum, ad se proficisci iussit, vnā cum con-
 sobrinis meis Ioanne Pinario & Michaelē Ca-
 bedio fratribus, sub Pædagogo Aluaro Ber-
 nardo Cetobricensi, pio, & graui viro, sacer-
 dotij sacris initiato. Erat Pinarius biennio
 me maior, ego Cabedum eodem temporis
 spatio anteibam, qui tunc decimum quintum
 annum attigeram. Igitur anno 1538. Octo-
 bris mense ineunte, rebus necessariis ad iter
 opportune instructi, Cetobricaq. profecti, Ba-
 ionam peruenimus. vnde paucis interiectis
 diebus, ab auunculo Burdigalam missi sumus,
 ad capiendū ingenij cultum, in celebri Gym-
 nasio, quod ibi eo tempore florebat sub mode-
 ramine

ramine Andreæ Goueani Lusitani, ex Pace
 Iulia oriundi, viri grauiissimi. Vbi in litteris
 humanioribus biennij tempore versati, quas
 iam in Lusitania addiscere incœperamus, Ba-
 ionam ad auunculum ab eodem Goueano per-
 ducti fuimus. Nec multo post Tolosam adiui-
 mus, ad iuris prudentiæ studia capeffenda,
 in illa nobili academia, in qua insignes iuris-
 consulti, tunc ius ciuile, & pontificium inter-
 pretabantur. Inter quos Corasius, Monfa-
 bracus, Ferrerius, & Ferdinandus Berenga-
 rius præcipui habebantur. Illic ergo aliquan-
 diu morati, anno 1542. mense Maij, ab auun-
 culo rursus accersiti Baionam reuersi sumus
 ego & Cabedius. Nam Pinarius Tolosæ sancti
 Dominici religionem fuerat amplexus: in
 qua postea doctor Theologus Parisiis crea-
 tus, summam eruditionis, & virtutis famam
 adeptus est: sed immatura morte præuentus,
 cum ad Tridentinam Synodum à Lusitaniæ
 rege missus esset, Romæ vltimum vitæ diem
 obiit, ætatis suæ anno trigesimo nono. Immi-
 nente autem bello, quo rex Franciscus Per-
 pinianum per duces suos obsedit, summum
 imperium in exercitu obtinente Henrico fi-
 lio, qui ei postea in regno successit: auuncu-
 lus e Gallia profectus, & in oppido Câtabriæ,
 quod vulgo Sancti Sebastiani dicitur, trime-
 stre rempus moratus, inde in Lusitaniam iter
 direxit. Sed cum in urbem, quæ Methina Cam-
 pestris

pestris cognominatur, peruenisset, & a rege
 iterum in Galliam redire, & apud Franci-
 scum oratoris munere fungi iuberetur: me
 & Cabedum in patriam proficisci voluit, vt
 desiderio Therasiæ sororis satisfaceret, quæ
 filiorum diuturna absentia, & viduitatis ærūnis
 afflicta, id ab eo summis precibus efflagitaue-
 rat. Cetobricam igitur peruenimus decimo-
 quinto Kalēdas Ianuarij, anno 1543. vnde in-
 eunte Martio Conimbricam profecti sumus,
 ad Legalis scientiæ curriculum peragendum:
 vbi Martinum Aspilcuetam Cantabrum, &
 Antonium Soarium Olyssipponensem, hunc
 ciuile, illum verò ius canonicum publicè in-
 terpretantes, integro triennio audiuius.
 Anno autem 1545. mense Iunij, iterum am-
 bo in Galliam ab auunculo accersiti fuimus,
 quem Rothomagi inuenimus. inde verò Au-
 relianensem academiam inuissimus, in qua
 Pamelij Belgæ, Iurisconsulti magni nominis,
 familiaritæ vfi sumus. Deinde Lutetiam,
 regiam urbem, totius Galliæ caput adire
 iussi. (vbi eo tempore & Catholica religio,
 & litterarum cultus magnopere florebant.)
 ibi Petrum Rebuffum ius Canonicum perle-
 gentem audire, & eius singulari doctrina
 frui nobis contigit. Postea in Lusitaniam
 auunculum secuti sumus anno 1548. sub fi-
 nem mensis Iunij, quò peruenimus, ante ini-
 tium Septembris, & aliquandiu morati in re-
 gione

gione Interanensi , quæ vulgò inter Durium & Minium dicitur , vbi auunculus monasteria quædam obtinebat, tandem mense Octobris ad regem Olyssipponem peruenimus .

A quo ego Tridentum missus sum, ad Concilium sub Iulio III. Pontifice maximo redintegratum , vnà cum Iacobo Siluio viro nobilissimo legationis Principe , & Iohanne Paez Iurisconsulto , ac Iacobo Goueano Theologo . Itaque è Lusitania profecti & felici vsi itineris successu , superatis hiberno tempore , in Hispania Pyrenæis , in Gallia Alpinis montibus Tridentum peruenimus die quinta Martij 1552. Vnde post intermissionem Synodi , quæ contigit die XVIII. Aprilis , Venetias secessimus , vt ibi regium Nuntium expectare , & urbem totius Europæ pulcherriam per otium inspicere possemus . Vbi æstate consumpta , Siluius , & Goueanus iterum in Lusitaniam redierunt : nam Paccius Patauij decesserat . Ego verò discedens Verona , ex ædibus clarissimi Antistitis Aloysij Lipomani , qui nos hospitio omnes exceperat , Romam per Ferrariam , Rauennam , Ariminum , Vrbinumq. petens , eò perueni die decimatertia Septembris , annò 1552.

Quam florentem & aureo quodam sæculo fruentem comperi , sub Iulio sanctissimo , & sapientissimo Pontifice , quo regnante , sacrosanctæ Ecclesiæ Romanæ Senatus , viris , & vi-

tā integritate conspicuis, & omnium disciplinarum cognitione claris, ac generis splendore admirandis abundauit. Inter quos commemorare libet nonnullos, vt ipse ex illius temporis memoria, aliquam voluptatem animo percipere possim, & si qui hæc legent, eis per me, tam clara reipublicæ Christianæ lumina innotescant. Princeps tunc erat Senatus, & vt vulgò dicitur, Collegij Decanus, Ioannes Petrus Carafa. Aderant Iacobus Mediceus, & Marcellus Ceruius, qui postmodū, omnes tres Summi Pontifices fuerunt. Præterea Alexander, & Rainutius Farnesij. Ferrariensis, Mantuanus, Carpenfis, Moronus, Cæsius, Truces, Germanus, Crispus, Sarracenus, Puteus, Cicada, Montis Pultiani, Sanctæ Floræ, Cornelius, Sabellus, Veralus, Polus Angelus, duo Galli, Bellaius, & Armeniacus. Hispani quattuor, Sancti Iacobi, Paciecus, Cneua, Mendocius. Vnus Lusitanus, Michael Siluius illustrissimo genere, ortus, & bonarum litterarum scientia clarus. Erat prorsus suaue in tanta rerum tranquillitate, & in ea hominu n luce viuere, atque in tot principum singulari humanitate, conquiescere. Sed inuidit tunc fortuna Romanis rebus. Nam mortuo Iulio Pontifice summo, ac mox Marcello, qui paucos vixit dies, è vita sublato, cum ad summum Pontificatum peruenisset Paulus quartus, antea vt dixi.

diximus, Petrus Carafa dictus, ea tempora
 ijq. tumultus, & bellorum semina extiterūt:
 vt qui rempublicam florentem viderant, eam
 perturbatam, & afflictam videre, minimè
 sustinerent. Anno itaque 1556. die vigesi-
 matertia Septembris vrbe egressus sum ma-
 gnis itineribus, vnà cum illustrissimo viro
 Dionysio Alencastro, cuius pater Alphon-
 sus Lusitaniæ Regis apud summum Pontificè
 Orator erat. Cumq. Senas peruenissemus,
 excepti hospitio a Marchione Sarriæ Diony-
 sij patruo, ipse in Galliam Cisalpinam, quo
 iter habebat, inde profectus est, ego verò
 Florentiam, & Pisas, ac mox Genuam perue-
 ni. Vnde conscensis triremibus duce Iohan-
 ne Mendoncio, Barchinonem appuli sub e-
 xitum mensis Octobris. Ex qua vrbe, terre-
 stri itinere, per Celtiberos, & Vaccæos, Pin-
 tiam clarum in primis Hispaniæ Tarraconen-
 sis oppidum perueni. Ac inde per Methinen-
 ses, & Salmanticenses, eam Lusitaniæ par-
 tem petij, quæ a Castellæ Regno apud ciui-
 tatem Rodericiam disiungitur: vt auuncu-
 lum tunc Visensium Episcopum cōuenirem,
 qui trium dierum itinere, ab eo tractu abe-
 rat. Apud quem duos ferè menses commo-
 ratus, Olyssipponem profectus sum: vbi a præ-
 stantissimo Rege Iohanne, benignè exceptus
 (quæ ipsius fuit humanitas incredibilis) ac
 de itineris causa, deque Romanarum rerum
 suc-

successu, familiariter interrogatus, cum ei
 exposuissem, Eboram mihi esse adeundam,
 ad capiendam canonicatus possessionem, qui
 ex auunculi resignatione, annuente Summo
 Pontifice, mihi Romæ obtigerat. Gratum id
 sibi esse dicens, suumq. fauorem mihi, meisq.
 rebus minimè defuturum pollicitus, me ho-
 norificè demisit. Eborā igitur pueritiæ meæ
 altrix, & altera patria, veluti iure quodam
 suo, fructum studiorum, laborumq. meorū
 sibi vendicans, operamq. meam, & industriā,
 pro collato in me prioris educationis mune-
 re repetens, Deo optimo maximo ita dispo-
 nente, Roma aduenientē excepit anno 1557.
 mense Martij, quo tempore Eborensis Ar-
 chiepiscopus erat Henricus Cardinalis, qui
 postea Rex fuit. Agebam tunc ipse ætatis
 annum trigessimumquartum: integra vige-
 bat valetudo, quam etiam Transtagani cæli
 natura non parum iuuare visa est: sub quo
 nempe natus, & educatus fueram. Itaque
 vsque ad annum ætatis sexagesimumoctauū,
 quo hæc memoriæ prodimus, vnum tantum
 ancipitem morbum pati in ea vrbe mihi con-
 tigit, cum iam in ea triginta quattuor annos
 permanserim. Quo tempore non solum Ca-
 nonicatus munera obiui, sed etiam Inquisi-
 tor fidei cum essem ab Henrico Principe
 creatus, anno 1563. integro decennio in ea
 functione Reipublicę operam nauauī. In qua

collegas habui vicissim quattuor (nam a duumuiris apud nos is magistratus vt plurimum geritur) quibus cum summa concordia comes fui, & socius in eo munere obeundo. Collegas verò ipsos hic nominare mihi liceat, propter summam meam in illos, dum viuerent beneuolentiam. Primus fuit Doctor Antonius a Castro, qui ipsius Henrici Vicarius generalis fuerat, iuris vtriusque scientia, & forensis exercitationis vsu clarus. Cui successit Petrus Alvarez Paredes omnium Inquisitorum Lusitaniæ Antiquissimus, & de sacrosancto fidei negotio optimè meritus. Quo mortuo, cum octuagenarius fere decessisset, in eius locum successit Frater Emmanuel Veiga ordinis sancti Domini, insignis Theologus.

Postremum, & quartum collegam nactus sum, doctorem Hieronymum Sausam, iurisprudentiæ cognitione, generis nobilitate, & virtutum omnium ornamentis præstantem. Cum igitur hos quattuor collegas habuissem, ac multo etiam tempore, solus tantum munus obuiissem, & incredibiles exhausissem labores, nec mihi successor à principe daretur: cœpi ab illo summis precibus contendere, vt mihi liceret, onus illud tam graue, tandem aliquando deponere. Quod mihi demum quamuis renitens, ac veluti coactus cōcessit, ea tamen conditione, vt assessoris nomine,

mine, Inquisitoribus in posterum adesse, & definiendis fidei causis interesse vellem, assignato mihi ad vitam eodem salarió, quod cum essem Inquisitor habueram, sed libero, & sine aliquo prorsus onere, nisi tantum spontaneo. Ego vero ab anno 1573. quo ab ordinaria illa functione, me abdicavi, nunquam destiti, pro mea virili parte, fidei negotia, apud tribunal sanctæ Inquisitionis iuvare, nec desinam, quamdiu id vires ferre poterūt. Quam bene autem, quantaq. cum animi moderatione, diligentia, & integritate, munere, eo functus fuerim, satius est aliorum permittere iudicio, quàm a me hìc commemorari. Anno deinde 1577. cum Eborā discedens Olyssipponem peruenissem, a serenissimo Rege Sebastiano humanissime exceptus sum, & ad capeßendā iterum Rempublicam, ac gravissima obeundā negotia inuitatus: quæ cum ipse recusassem, tantū abest, vt magnanimus Rex, aliquā ex eo offensionis ansam arripuerit, vt etiam novum quodam honestissimæ functionis genus excogitauerit, cuius occasione, me retinere, & opera mea vti posset.

Quæ omnia eius immatura mors, & rerum omnium commutatio postea secuta, turbavit. Nam eo mortuo, ego iam in senium vergens, & natura ipsa, magis ad honestum, & tranquillum otium, quàm ad negotium propensus, iterum Eboram mihi repe-

tendam, & in ea vrbe sedem stabilem figendam esse decreui. Sed paulo post, Henrico Rege è viuis sublato, & pestilentia non solum apud Eborenses, sed fere per vniuersam Lusitaniam grassante, in villam amœnissimam Silueriam Ebora sex M. P. fere distantem, secessi mense Maij, anno 1580. vbi sub finem Augusti, grauissimo morbo correptus, parum ab fui ab extremo vitæ periculo. Valetudine autem aliquantulum recuperata, sed nondum plane confirmata, natalis soli, & patriæ desiderio affectus, eo iter intendi, accidit autem, vt eodem tempore, potentissimus Rex noster Philippus, ab Heluensi ciuitate, profectus, illac etiam iter haberet, quem tunc minime salutaui, quia ita macie & pallore confectus eram, vt timuerim, propter pestis recrudescentis famam, ne ei molesta, & intempestiua, ea salutatio videri posset. Sed Olyssippone postea cōmorantem adiui, & ab eo pro singulari eius, & vere regia benignitate, humanissimis verbis exceptus sum. Cuius nomini, ita deditus semper, atque addictus fui, vt neque amore, nec studio erga ipsum, quisquam me vllō vñquā tempore superaue- rit. Qua de re, ac etiā de meo erga patriæ incolumitatem studio, incredibiliq. sollicitudine plura dicere potuissem, nisi innata mihi verecūdia, a proprijs laudibus, & captanda inanis gloriolæ aura vehementer abhorreret.

D E
ANTIQUITATIBVS
LVSITANIAE

Liber quintus.

Auctore Iacobo Moenetio Vasconcello.

DE EBORENSI MUNICIPIO.



ANTIQUITVS hanc urbem, Eboram dictam fuisse, & sic ab eruditis nominari debere, constat tum ex Plinio, Pomponio Mela, Antonini itinerario: tū etiam ex antiquis Concilijs in Hispania celebratis, & vetustis lapidum inscriptionibus, intra urbis ambitum, & in eius agro repertis, de quibus mox agemus. Vnde apparet locum Ptolemæi deprauatum esse, qui hanc urbem Eburam, & quamdam in Batica sitam, Eboram appellat, cum è diuerso nostra hæc Eboræ, altera vero Ebura sit, cognomento Cerealis dicta, teste eodem Plinio, libro tertio, capite secundo, & Pomponio, qui ex eadem Baticæ prouincia ortus, Mellaria, nempe oppido, fide dignus est testis. Hæc nominis similitudo Strabonem etiam fefellit, & Stephanum in libro de Urbibus, qui Stta-

bonis verba minus exacte perpendens, quod alterius erat, alteri attribuit, Eburam pro Eborā accipiens. nec mirum est istos, cum Græci fuerint, & in longinqua regione nati deceptos nominum propinquitate fuisse.

I Latinos vero Geographiæ scriptores, quales fuerunt, quos antea nominauimus, non est verisimile hæc nomina incognita habuisse, quos hac in parte nos sequimur. Alteram etiam Eboram Ptolemæus nominat, nō procul à Cæsaraugusta. De nominis autem, & huius vr̄bis origine, & quisnam primum eam ædificare cœperit, quis quæso certi aliquid asserere queat, in tanta rerum antiquarum obscuritate, nisi qui fabulosis, & confictis originibus, otio abuti, & bonas horas male collocare cupiat? Datum hoc fuerit priscis rerum scriptoribus & vt ita dixerim, Gentilitati sit venia, quòd vr̄bium primordia, ad deorum, dearumq. fabulas, plusquam aniles referre sint ausi. Nobis, qui eorum superstitionem, non minus ridendam quàm miserandam censemus, veritas in primis cōstare debet, & nihil est asserendum, nisi quod pro comperto habetur, aut grauis alicuius auctoris testimonio, aut verisimilibus coniecturis, aut ipsis etiam inscriptionum veterum monumentis. Sed ne omnino hanc curam neglexisse videamur, non pigebit ea, de vtraque re adducere, quæ nobis sæpe, diuq.

de nomine cogitantibus, apud Geographos, & ceteros scriptores occurrerunt. Plinius itaque libro tertio capite primo scribit Marcum Varronem asserere in vniuersam Hispaniam peruenisse Iberos, & Persas, & Phœnices, Celtasq. & Pœnos. Et vt ceteros modo missos faciamus, de Celtis, seu Gallis, idem asserit Strabo libro tertio, tradens eam Lusitaniæ regionem, quæ est inter Anam, & Tagum maiori ex parte, à Celtis incoli, & paulò post, cum de Nerio agit promontorio, ita habet: Extremi Artabri incolunt, circa Nerium promontorium, quod Occidentalis, & Aquilonaris finis est lateris. Circumhabitant Galli, qui colentes Anam fluvium cognatione contingunt. Hæc ille. Ex quibus apertè constat, hunc tractum, vbi Ebora sita est, à Celtis fuisse habitatum, qui ante Carthaginieneses, & Romanos in Hispanijs rerum potiti sunt. Verisimile est igitur ab Eburonibus Belgis, seu ab Eburonicibus Celticæ Galliæ populis, hanc urbem, & conditam, & denominatam fuisse, vt Heluiam, seu vt vulgò dicimus Heluensem ciuitatem, ab Heluis Gallis originem trahere, suo loco dictum est. Tam pertinax autem fuit, tamq. diuturna Gallorum in Hispania mora antiquis illis temporibus, vt cum lingua, & moribus Hispanis simillimi haberi vellent, Celtiberi dicti sint. Linguam autem ab illis vsur-

patam, eam fuisse puto, quæ hodie Cantabris in vsu est, & Vasconia dicitur, vel à Vasconibus vltimis Hispaniæ populis, vel ab Aquitanis, qui etiam Vascones dicuntur. Hanc autem Vasconicam linguam Celtis communem, aut etiam Celticam fuisse, confirmat versiculus Ausonij Burdigalensis, cum patriam celebrat, & fontem ibi scaturientem nimij laudibus extollit in hunc modum. Libet enim Carmina apponere, quia digna sunt, & quia Burdigalensibus, quibus puerilis ætatis cultû debeo, obiter gratificari cupio.

*Salve fons ignote ortu, sacer, alme, perennis,
Vitree, glauce, profunde, sonore, illimis, opace.
Salve urbis genius, medico potabilis haustu.*

Duiona Celtarum lingua, fons addite diuis.

*Non Aponus potu, vitrea non luce Nemausus
Purior, æquoreo non plenior amne Timaus.*

Duiona Gallice fontem diuinum significare innuit, cuius nominis forma, & sonus Vasconicæ Cantabrorum linguæ apte quadrat. Sic enim finiunt vrbium & complura alia vocabula, & hæc vox Ona, apud illos, bonum seu diuinum sonat.

Aquitanos autem nō modo lingua, sed etiam corporibus, Hispanis magis, quàm Gallis similes fuisse, suo tempore, testatur Strabo initio libri quarti, qui etiam asserit Callaïcis, Asturibus, & Cantabris, vsque ad Vascones, & Pyrenen eandem fuisse viuendi formulam.

No-

Noſtram igitur Eboram, ab Eburonibus, ſeu Eburocinibus Gallia gente, conditam, ac denominatam fuiſſe, veriſimile mihi fit. Nec melatet, etiam in quadam Italia parte, Eburos populos Plinium collocare libro tertio, capite vndecimo: & Pomponium Melam in ſinu Gaditano, caſtellū Eboram iuxta litrus: id enim paſſim contingere videmus, vt in diuerſis orbis partibus nonnulla oppida eodem fere nomine cenſeantur. Sed vtrum Celta illam condiderint, an vero iam conditam, & ædificatam inhabitauerint, merito dubitari poteſt. Quantum autem coniecturis aſſequi licet, ego eos conditores huius vrbs fuiſſe crediderim: quia ante Quintum Sertorium, muris caruiſſe videtur, ipſe enim ſe mœnibus eam cinxiſſe teſtatur. Vnde ſuſpicari fas eſt, a Gallis, quorum mos erat viciatim habitare, originem traxiſſe, qui præter hoc municipiū, minora etiam quædam oppidula, ſua gentis nomine inſignita reliquerunt: vt Eboram à monte, in quo ſita eſt, montanam dictam, diſtantiem ab hac, de qua agimus viginti circiter paſſuum millibus, & Eburobritium ſitam inter Scallabin, & Olyſipponem, cuius meminit Plinius libro quarto capite vigefimo primo, vbi corrupte, Eburo, Britium, legebatur, quod primus omnium Reſendius noſter indagauit, minime ab his, qui antea in eum auctorem obſervationes ediderant, animaduert-

maduersum. Mœnia igitur antiqua, quæ etiā nunc extant, & vetus anibitus, seu circuitus, vt vulgo dicitur, Quintus Sertorius condidit, peracto (vt ex eius inscriptione constat) bello Celtiberico, in quo Eborensum militū prompta, ac strenua opera vsus fuerat.

Constabant autem muri, & quadratis lapidibus, validis propugnaculis, ac turribus, suis locis distincti, adeo firma, solidaq. structura, vt post tot sæcula, tantamque, & tam variam rerum vicissitudinem, adhuc hodie, integra illorum cernantur vestigia. Addidit aliud non minus necessarium beneficium, gratissimus ac liberalissimus Imperator, inuenta in urbem magna aquarum copia, ab duodecim fere millibus passuum, quam ex diuersis fontibus in vnum ductum collectam, ex manubiis magnificentissimo opere perducendam curauit. Sed iam ipsam inscriptionem subiiciamus.

*Q. Sertor.
honorem nominis sui, & cohort. fort.
Eborensum Munic. vet. Emer virtutis ergo
Don. Don. bello Celtiberico, deq. manubiis
in public. munic. eius utilitatem urb.
mœniuit, eoque aquam diuerseis in duct.
vnum collecteis fontib. perducendam curau.*

Hoc est: Quintus Sertorius ob honorem nominis sui, & cohortis fortissimorum Eborensum municipum, veteranorum, emeritorum,

vir-

virtutis ergo donis donatorum bello Celtibero, deque manubiis in publicam municipij eius vtilitatem, vrbē muniuit, eoque aquam diuerseis in ductum vnum collecteis fontibus perducendam curauit.

Quo magnanimi viri, eiusdemq. fortissimi ducis testimonio, etsi alia deessent, satis commendata olim fuisse videtur Eborensium virtus, & rei militaris studium. Quam ob causam eos præ ceteris totius Hispaniæ populis, peculiari quadam beneuolentia prosecutus est, adeo vt hic domum, & aliquot libertos habuerit, vnā cū Iunia Donace domestica, vt ex duabus marmoreis tabulis constat, quarū altera in eadem Q. Sertorij domo in foro piscario sita, reperta fuit cum hac inscriptione.

LARIB. PRO

SALVTE ET INCOLV

MITATE DOMVVS

Q. SERTORI

COMPETALIB. LVDOS

ET EPVLVM VICINEIS

I VN. DONACE DO

MESTICA EIIVS. ET

Q. SERTOR. HERMES

Q. SERTOR. CEPALO

Q. SERTOR. ANTEROS

LIBERTEI.

Hoc est:

Hoc est: Laribus pro salute, & incolumitate domus Quinti Sertorij, competalibus ludos & epulum vicineis, Iunia Donace domestica eius, & Quintus Sertorius Hermes, Quintus Sertorius Cepalo, Quintus Sertorius Anteros Libertei.

Altera iuxta oppidum Terranium, distans Eborā ad xxx. m. pass. in templo sanctorum Iusti & Pastoris, cuius cippum iam superiori libro Resendius exhibuit, ex quo apparet Iuniam Donacen, pro victoria illa celebri a Sertorio parta, contra Pompeium, & Metellum illic Ioui, cuius tunc erat delubrum, vota soluisse. Verisimile est etiam Q. Sertorium erga Eborenses ita fuisse animatum, propter loci opportunitatem, & ad hiemandum feracem, idoneumq. agrum, vnde veris initio, copias educere, & in citeriorē Hispaniam proficisci solebat, vt ex Appiano Alexandrino liquet, cuius verba hæc sunt, libro primo de ciuilibus Romanorū bellis, circa finem. Cum autem ver instaret, adinuicem congregi cœperunt, Metellus scilicet, ac Pompeius ex Pyrenæis montibus, inter quos hiberna egerāt, Sertorius & Perpennā ex Lusitania. Et paulo post: Metellus iterum, ac Pompeius ex Pyrenæis montibus in Iberiam venere, his Sertorius, & Perpenna à Lusitanis occurrunt. & iterum, vbi de nece Sertorij, & de contemptu atque odio militum in Perpennam agit.

Porro

Porro Sertorij virtutem, vnicam illorum salutem fuisse rati, haud facile in Perennam oculos conijciebant, nec ipsi dumtaxat Romani, verum barbari fere omnes, Lusitanique, quorum opera Sertorius præcipue in bello usus fuerat. Hactenus Appianus. Nos autem de hac Sertorij in hanc urbem egregia voluntate, præcipuoq. amore, ita canimus in ea Silva, quam de nostro ex Ebora discessu nuper vnâ cum quibusdam aliis opusculis in lucem edi curauimus.

*Hic illum certos fama est habuisse penates,
Et proprios coluisse lares, hic dulcia fixit
Limina, quæ trepido belli cessante tumultu,
Incoleret, positis & sæpe reuiferet armis.
Sive loci genio captus, seu gentis amore,
Vel quia ad euentus dubios, bellumq. parandum
Apta foret regio, delectæ robore pubis,
Et virtute virum, vario quos Marte probarat.*

Siquis veto fertiles Eboræ câpos, & circumquaque in modum amphiteatri, obiectos altissimos montes non semel, nec obiter contempletur, ille sane si Romam, & Romanum agrum vmquam aspexit, similitudinem incredibilem fortassis his, qui hæc legent, inter vtrumque tractû deprehendet, hoc vno dempto, quòd Ebora fluuiò caret, & mediterranea omnino est. Nam (si parua licet componere magnis) vt Roma ad septentrionem, & orientem solem Tyburtina iuga circiter XVI. M. P. di-

stan-

stantia a mœnibus habet, interueniente lata, ac pulchra camporum planitie. Sic Ebora ad eundem cæli situm, Ossam montem aspicit amœnissimum, multisque fontibus, & riuulis vndique scaturiētem, atque in eadem fere distantia, inter cuius ardua cacumina, & ciuitatis muros, latissimi campi patent. Rursus Sabinis, Prænestinis, Tusculanis, atque Albanis montibus versus Orientem & Meridiem agrum Romanum cingentibus, non ab similes sunt saltus, eodē fere spatio ab Ebora distantes, quos Portellenses, Viennenses, & Alcaceuenses, a circumuicinis oppidis vulgo appellamus. Cingitur deinde Ebora iugo montis, quem Murum vocant, præterea Calanticensi saltu, quem Arraiolensem vulgus nominat, & perpetua deinde montium corona, qui Ossam ex Septentrionali latere attingunt, & ita circulum efficiunt, quem initio ex eodem loco describere cœpimus, non dissimilē illi, quo Romanus ager vndique clauditur. Sed quorsum hæc dicet aliquis? vt ad eas causas, propter quas, hanc urbem Sertorio charam fuisse diximus, hæc etiam accedat, quòd quandam Romæ similitudinem, & imaginem ex camporum planitie, & montium distantia, atque aspectu deprehendere poterat. Constat enim ex historiographis, qui vitam illius litteris tradiderunt, & præcipue ex Plutarco, perquam auidum fuisse

Romæ

Romæ repetendæ, si compositis discordijs, tuto arma deponere licuisset.

Tradunt etiam maximo semper arsisse desiderio Rheæ matris visendæ, quam vnice dilexit, quia cum infans patre orbatus fuisset, ab ea liberaliter, & peramanter fuerat educatus. Vnde in ea inscriptione, quam superius adduximus, non patris nomen, more Romano, sed matris apposuit. Quo argumento Michael Siluius vir clarissimus, qui ex Episcopo Visensi Cardinalis creatus fuit à Paulo III. Summo Pontifice, contendebat eam memoriam minime esse antiquam, sed ab aliquo huius ciuitatis fautore fuisse confictam, quo regi persuaderet, vt aqueductum a Sertorio olim erectum, & vetustate collapsum, instauraret. Cui elegantissima Apologia Resendus adeo accurate respondit, vt in ea reconditos antiquitatis, & eruditionis suæ thesauros, in patrię gratiam deprompsisse videatur. Cuius ipse sæpius mentionem facere solet, vt qui in ea merito sibi placeret, vir alioqui modestiæ, & candoris amicissimus. Eam Apologiam nos aliquando in lucem edere cogitamus, vna cum alijs eiusdem opusculis, quæ diuissim typis excusa, obliuioni tradita, & fere iam consumpta, atque extincta sunt. Itaque (vt eo vnde digressa est, redeat oratio) potuit Eboræ Sertorium tum ob eas causas, in sui amorem trahere, tum
etiam,

etiam, quia opera ab eo extracta, & domestici penates laresq. communes, magnam amoris, & necessitudinis materiam erga hospites, & amicos ciues illi suppeditare potuerunt. Præterea similitudo dulcissimæ patriæ, cuius desiderio flagrabat, subinde asserens, malle se inter suos priuatam, atque humilem vitam degere, quàm exulem in summa potentia viuere! Scimus autem municipia, & colonias, quasi effigies paruas, & simulachra fuisse vrbis Romæ, vt Politianus testatur in secunda epistola libri primi, vbi agit de origine Florentinæ ciuitatis, quam ad Romæ similitudinem conditam fuisse asserit. Quæ consuetudo antiquissima est, & à profugis, & extorribus, ac exteris sedes quærentibus, ad exilij acerbitalatem mitigandam, excogitata, quod Virgilius libro tertio in Aenea obseruauit, quem ita loquentem inducit, cum in insula Creta urbem conderet.

*Ergo auidus muros optata molior vrbis,
Pergameamq. voco latam cognomine gentem
Hortor amare focos, arcemq. attollere tectis.*

Et mox cum hospitio Heleni, & Andromaches exceptum refert.

*Procedo, & paruam Troiam, simulataq. magnis
Pergama, & arentem Xanthi cognomine riuum
Agnosco, Scæaq. amplector limina portæ.*

Atque iterum libro quinto, dum in Sicilia
apud

apud Acestem mœnia condentem inducit,
ita canit.

*Interea Aeneas urbem designat aratro,
Sortiturq. domos, hoc Ilium, & hæc ioca Troiæ
Esse iubet.*

Nil igitur mirum, si Quintum Sertorium,
virum & bellicis artibus & totius antiquita-
tis cognitione præstantem, nec a litteris alie-
num, vt qui eas in Hispania edoceri curaue-
rit, priscos illos heroas hac in parte imitari
voluisse credamus: & hanc urbem, a se mœ-
nibus, porticu, & aquæductu magnifice orna-
tam, atque alijs fortasse nobilitatam monu-
mentis, quæ temporis iniuria aboleuerit, ve-
lut alteram Romam, in solatium amissæ pa-
triæ elegisse, in qua præcipue habitaret, ac
mansuras sedes figeret. Sed fefellit illum, id,
quod mortalium spes fallere plerumque so-
let, concepta videlicet de prospero futuro-
rum euentu, & fauentis fortunæ stabilitate,
opinio. Paucis enim interiectis annis, suo-
rum insidijs circumuentus, ac procul a dile-
cta Ebora trucidatus est. In qua sibi forsitan
monumentum viuens posuerat, vbi verisimi-
le est. eius cineres fuisse repositos, vt fama,
apud Eborenses vulgatum scimus, sed certū
eius rei argumentum nemo hæcenus inue-
nire potuit. Inscriptio autem quæ ea de re
circumfertur ab aliquo antiquitatis studioso
conficta videtur. Et quoniam in rebus adeo

T

anti-

antiquis, coniecturis vti licet, non pigebit
aliam etiam causam assignare, Sertorianæ er-
ga Eborenses beneuolentiæ. Tradunt anti-
quitatum Hispaniæ scriptores, eas Celtarum
gentes, quas diximus ex Gallijs in Hispano-
rum fines commigrasse, tandem in Lusitaniã
peruenisse, anno septingentesimo quinquage-
simo nono ante Seruatoris nostri aduentum,
quo tempore verisimile est Eboram ab illis
conditam fuisse. Constat autem Romam
eodem fere tempore fuisse ædificatam, hoc
est, ante Domini natale, septingētesimo qua-
dragesimo septimo anno, ita vt Romanæ vr-
bis primordia, cum Eboræ origine concur-
rere videantur. Cuius rei recens adhuc me-
moriam apud Eborenses Sertorij tempore for-
tassis extabat, non solum a maioribus fama,
& sermonibus, per manus tradita, vt plerum-
que fieri solet, sed etiam litterarum monu-
mentis, & publicis tabulis conscripta, atque
consignata. Cum enim tam illustris esset il-
lis temporibus, Romanorum fama, vt ditio-
nis & potentiæ magnitudine, vniversum pro-
pe terrarum orbem, in sui admirationē con-
uertissent, quis dubitabit ceteras nationes in
magna posuisse gloria, similem illis quacum-
que in re, etiam minimi momenti, fortunam
fortiri posuisse? Ea ergo originis similitudo,
vltra situs formam, & patrij soli simulacrum,
illum incitare potuit, ad hanc urbem, vt fe-
cit,

cit, peculiari quodā studio, ac singulari amore complectendam. Nec minori beneuolentia, Iulium Cæsarem, Eboram profecutum fuisse existimandum est, tum propter cognomen, quod ab illo receptum retinuit, & Liberalitas Iulia dici voluit, tum etiam propter magnificum titulum, quem in eius gratiam publice dedicauit inscriptum in marmoreo cippo litteris elegatissimis in hunc modum.

DIVO IVLIO
LIB. IVL. EBORA
OB ILLIVS IN MVN. ET MVN.
LIBERALITATEM
EX D. D. D.
QVOIVS DEDICATIONE
VENERI GENETRICI
CESTVM MATRONAE
DONVM TVLERVNT.

Id est: Divo Iulio, Liberalitas, Iulia Eboræ, ob illius in muncipes, & municipium liberalitatem, ex decreto decurionum dedicauit. Quoius dedicatione Veneri genetrici cestum matronæ donum tulerunt. Quæ autem fuerit Cæsaris liberalitas erga hanc urbem, si dubitetur, ego existimarem concessum ab illo Eboræ fuisse ius Italicum, vt ex eo tempore

municipium Latij veteris dici cœperit. Sic enim scribit Plinius libro quarto sapius adducto, cap. 22. oppida veteris Latij, Ebora, quod idem Liberalitas Iulia, & Myrtilis, ac Salacia. Erat autem municipiorum conditio, multis in rebus colonijs præferenda, & præcipue ea de causa, quia municipes teste Gellio, libro decimo sexto, cap. octauo, erant ciues Romani suo iure, & suis legibus videntes, nullis alijs necessitatibus, neque vlla populi Romani lege astricti; sed coloniarum, alia necessitudo est, non enim veniunt extrinsecus in ciuitatem, nec suis radicibus nituntur, vt municipia, sed ex ciuitate, quasi propagatę sunt, & iura, institutaq. omnia populi Romani, non sui arbitrij habent. Hæc Gellius. Itaque municipia, simul cum ciuitatis Romanę priuilegijs, & iure, suas leges, suos magistratus, & sua tam publica, quam priuata instituta, ac sacra retinebant. Colonia vero diuersa ratione rempublicam administrabant, vt copiose, & eleganter tradit Onuphrius Panuinus Veronensis, in Commentarijs Reipublicæ Romanæ, in eo libro, qui imperium inscribitur, vbi agit de iure municipum cum suffragio. Municipales enim (vt ait Iuriconsultus Vlpianus, in l. i. ad municipales ff.) proprie appellantur, muneris participes, recepti in ciuitatem, vt munera nobiscum facerent, vnde omnibus ciuium

Roma-

Romanorum priuilegijs potiebantur, vno dumtaxat excepto, vt Onuphrius asserit, quòd in curias Romanas descripti non erāt, atque ob eam causam curiatis comitijs, in quibus tamen parum momenti erat, excludabantur. Curia enim solum ad eos, qui urbem Romanā incolerent, pertinebant. Nam qui in municipijs habitabant, sua sacra municipalia pro curijs habebant. Ius vero Italicum, seu antiqui Latij, adeo nobile, & præcipuum fuit, vt etiam aliquot coloniarum antiquarum, & celebres, minime illud adipiscerentur. Quæ vero Italici iuris dicebantur in maximo id honore, & beneficio ponerent, vt colligitur ex eodem Vlpiano, in l. 1. de censib. quo loco gloriatur Phœnicem Tyrriorum coloniam patriam suam, ius Italicum fuisse adeptam, ob insignem erga Imperium Romanum fidem, ceterasque dotes, quas ibi, vt gratus ciuis commemorat. Et paulo post, in Palæstina (inquit) duæ sunt coloniarum, Cæsariensis, & Aelia Capitolina, sed neutra ius Italicum habet. Quin etiam in Lusitania, & reliquis Hispaniarum prouincijs, Emeritenses, Pacenses, Valentinos, cum coloni essent, iuris Italici esse affirmat. idem in l. vltima eodem titulo: quibus addit Galliarum Narbonensis, & Germaniarum nobilissimas colonias. Splendor itaque, & dignitas Eborensis municipij, tam ex originis antiquitate, & Italici iuris

prærogativa, quàm ex eo etiam deprehenditur, quòd immunitatis ius habuerit, vtpote, quæ inter stipendiaria Lusitaniæ oppida a Plinio minime numeretur lib. 4. cap. 22. Vt autem olim Cæsaribus, & ceteris Romanorum ducibus, hæc ciuitas grata fuit, sic quoque a potentissimis Lusitaniæ Regibus maximo semper in honore est habita, & post Olyssipponem, Regni caput primum locum obtinere censetur, quamuis ei haud libenter hunc honorem cessura sit nobilissima Calensis vrbs, hæc hodie Portugallensis dicitur, sita ad ostium Durij, vt suo loco dicemus, cum ad illam hæc historia peruenerit. Quid autem prohibet carmina nostra, ex eadem illa silua, de hac Eboræ dignitate a Cæsare obtenta, in medium proferri, ex quibus ea, quæ diximus, apertius cognosci possint?

Salve magna parens frugum, sæcunda virorum

Salve altrix, nobis vrbs o gratissima salve.

Cæsaribus dilecta pijs, adamataq. magnis

Regibus, antiqui retinens monumenta decoris,

Maximus ille ducum, Romanæ gloria gentis,

Iulius à Phrygio deducens nomen Iulo:

Cum quateret terras armis, cum sidera fama

Compleret, solusq. orbis tractaret habenas:

Te titulis, ciuesq. tuos decorauit opimis,

Muneribus, largaq. manu largitus honores

Eximios, Latij tribuit tibi iura vetusti.

Cæsaris hinc tibi creuit amor, cui marmora quondã

In

*In medio mansere foro, testantia laudes,
Egregiumq. viri decus, à quo Iulia dici
Gaudes, occiduas inter memorabilis vrbes.*

Sed vt ad Romanorum monumenta deueniamus, quæ præter iam superius adducta, in ipsa vrbe, & in eius agro reperta sunt, ex quibus antiquitas satis ostenditur. Illa statim iâ peruulgata inscriptio sese offert, quæ incipit L. SILO SABINVS, quam Resendius libro tertio iam exhibuit. Cuius interpretationem ab illo prætermisam, tantummodo ibi apposuiamus. Reperta autem fuit hæc inscriptio, in prædio cognominato Pomariensi, distante ab hac vrbe xvj. mill. pass. & ab oppido Vienna, vj. mil. pass. vbi amœni sunt colles, quos Appianus Alexandrinus vinetis confitos fuisse, & ibi templum Veneris extitisse refert. Constat autem apud omnes Hispaniæ antiquitatum scriptores, vetustissimam esse omnium, quæ apud Hispanos hætenus inuentæ sunt. Commissum est enim illud prælium, inter Caium Plautiũ, & Viriatum Lusitanorum ducem, anno ab vrbe condita sexcentesimo nono, Quinto Fabio Maximo, & Lucio Hostilio Consulibus. Nisi antiquiorẽ esse admittamus, eam, quæ Marco Catoni Censorio tribuitur a Petro Appiano Alexandrino, quæ incipit PALLADI VICTRICI. Sed meo iudicio, illius sæculi antiquitatem parum redolet.

Extat autem apud nos, in agro Sintrienſi, in vico cui nomen eſt Fanum, marmor admodum vetuſtum, dicatum memoriæ Catonis, ſed imperfectum, & lacerum, litteris confractis, & alterum in ipſa Olyſipponenſi ciuitate, in arce ſumma, quorum meminit Reſendius libro tertio, de quo autem Catone, ibi fiat mentio, nihil certi auſus eſt aſſerere. Ego a veritate minime abhorrere putabo eum, qui ad antiquum Cenſorium referat, quem in vniuerſa Hiſpania Imperium tenuiſſe conſtat anno ab vrbe condita quingentiſimo quinquageſimo nono: atque etiam in vltiori Hiſpania res geſſiſſe Plutarchus teſtatur, vt etiam Vaſæus annotauit, tomo primo, cap. 12. vbi de eius conſulatu agit. Hinc illius in Luſitanos amor, ita vt Galbam in eorum gratiam accuſarit, mutua etiam Luſitanorum erga ipſum beneuolentia, ob accepta beneficia, quòd verba Sintrienſis inſcriptionis ſignificare videntur. Sed ad ceteras inſcriptiones redeamus. Habuit olim hæc ciuitas nobilem Flaminicam hoc eſt ſacrorum præfectam, ſeu curatricem, nomine Laberiam, quæ non ſolum huius municipij, ſed etiam totius prouinciæ Luſitaniæ flaminio præerat. Extat eius memoria a libertis dedicata, vt libro primo Reſendius admonuit in hæc verba. Laberiæ Lucij filiæ Gallæ, Flaminicæ municipij Eborenſis, Flaminicæ

cæ prouinciæ Lyſitaniæ . Lucius Laberius Artemas, Lucius Laberius Gallæcus, Lucius Laberius Abaſcantus, Lucius Laberius Paris, Lucius Laberius Lauſus. Liberti. Obijt autem in Colliponenſi oppido, ex cuius ruinis Leirinēſis ciuitas conſtructa fuiſſe videtur, quo aliquot vetuſta marmora tranſlata ſunt, vt ſuo loco dicemus, inter quæ epitaphium huius Laberiæ viſitur, in angulo frontiſpicij eccleſiæ ſancti Stephani, ad ſiniſtram maioris ianuæ partem: in hunc modum.

LABERIAE L. F. GALLAE
FLAMINICAE EBORESI.
FLAMINICAE PROV. LVSI
TANIAE IMPENSAM FVNE
RIS. LOCVM SEPVLTVRAE
ET STATVAM. D.D. COLLI
PPONESIVM DATAM L.
SVLPICIVS CLAVDIANVS.

Hoc eſt: Laberiæ Lucij filia, Gallæ, Flaminicæ Eboreſi, Flaminicæ prouinciæ Luſitaniæ, impenſam funeris, locum ſepulturæ, & ſtatuum decreto decurionum Colliponeſium datam, Lucius Sulpicius Claudianus. In quo marmore, Eboreſis, pro Eboreniſis, & Colliponeſium, pro Collipponenſium ſcribi, lectorem monemus, vel incuria marmorarij, vel quia ea loquendi formula, tunc in vſu erat

erat, vt ex multis alijs inscriptionibus colligitur. Inuentus est & alius cippus, in quo Flaminicæ alterius Eborensis fit mentio, in prædio, cui *Mesquita* hodie nomen est, decem millibus pass. circiter ab Ebora, remoto, prope viam, quæ montem Soratium oppidum ducit, vbi vestigia vetustissimi fani extant, & aliquot marmoreæ columnæ repertæ sunt. Est autem hic lapis magnitudine, his, de quibus proxime egimus, inferior: sed elegantius sculptus, quem vomeris vnco, inter arandū, erutum asserunt, vt in eum, & in complures alios eodem casu repertos, quadrare possint elegantissimi Maronis versiculi libro Georgicorum primo, paucis immutatis.

Scilicet adueniet tempus, cum finibus illis

Agricola incuruo terram molitus aratro,

Exesa inueniet scabra rubigine saxa,

Et leuibus rastris tumulos pulsabit inanes.

Inscriptio vero est huiusmodi.

D. M. S.

C. ANTONIO. C. F. FLA

VINO. VI. VIRO. IVN.

HAST. LEG. II. AVG. TORQ.

AVR. ET AN. DVPL. OB VIRT.

DONATO. IVN. VERECVN

DA. FLAM. PERP. MVN. EBOR.

MATER. F. C.

Hoc

Hoc est: Dijs manibus sacrū. Caio Antonio, Caij filio, Flauino sextumuiro iuniorū. hastato legionis secundæ Augustalis, torque aureo, & annona duplici ob virtutem donato, Iunia Verecunda, Flaminica Perpetua, municipij Eborensis, mater faciendum curauit.

Habuit Eborā etiam antiquis illis temporibus, ciues complures rei bellicæ gloria, & multis alijs virtutibus claros, quibus ob merita in patriam, statuas, & alia monumenta dedicauit. Quorum memoria, tot annorum ferie, tot Hispaniæ cladibus, tanta rerum Romanarum obliuione, tam deformi totius antiquitatis interitu, haud omnino extingui, aut obliterari potuit. Extant namque aliqua vestigia venerandæ vetustatis, ex quibus conijcere quis possit, quā ferax olim hæc ciuitas fuerit fortium, & illustrium virorum, & in primis sese offert cippus ingēs marmoreus eleganter sculptus, qui in Resendij ædibus visitur, sed quo loco sit repertus, ipse non dicit, nec nos peruestigare potuimus. Susplicamur autem ex fundamentis tēpli Deiparę Virginis Gratiarū, in quo Augustiniani fratres degūt, erutum fuisse, vbi etiam lapis, quem illico apponam, inuentus est, teste ipso Resendio. verisimile autem mihi sit, ibi forum ciuitatis fuisse Romanorum tempore. id enim inscriptiones ipsæ innuunt.

L. VOCONIO. L. F. QVIR.
 PAVLLO. AED. Q. II VIR.
 VI. FLAM. ROM. DIVORVM
 ET VVGG. PRAEF. COH. I.
 LV SIT. ET COH. I. VETTO
 NVM. . . LEG. III. ITAL. OB
 CAVSAS VTILITATESQ. PV
 BLICAS. APVT ORDIN. AM
 PLISS. FIDELITER ET CON
 STANTER DEFENSAS. LE
 GATIONE QVA GRATVI
 TA ROMAE PRO. R. P. SVA
 FVNCT. EST.

LIB. IVL. EBORA.

PVBLICE IN FORO.

Id est: Lucio Voconio, Lucij filio Quirina
 Paulo, Aedili, Quæstori, Duumuiro sextû, Fla
 mini Romæ diuorum, & Augustorum, præfe
 cto cohortis primæ Lusitanorum, & cohortis
 primæ Vettonum, tribuno legionis tertię
 Italicæ, ob causas utilitatesq. publicas apud
 ordinem amplissimum fideliter, & constan
 ter defensas legatione, qua gratuita Romæ
 pro republica sua functus est. Liberalitas
 Iulia Ebora publice in foro.

Est autem in marmore scriptum aput, pro
 apud, in scitia vt credo sculptoris.

Alter

Alter cippus fractus, & mutilatis aliquot litteris à Resendio ereptus fuit è manibus operarum, vt ipse testatur, cum Architecti in ædificando templo occupati, eum frangere, & sine vllo delectu iam parieti inferere cœpissent: sic vero sese habet ea pars, quæ semilacera remansit.

CILIO Q. F. VOLVS

.. AFF. COH. I. C. R.

.. X. PROVOC. VICTORI

.. S. DONATO AB IMP.

.. III. HAST. PUR. III. VEX.

.. VIC. I. MVR. IIII. OBSI

.. NIB. H. IN. R. P. SVA FVNC

.. BORENS. CIVI. OPT.

.. ERITA EIVS IN MVNIC

.. RMOR. BASI AENE.

D.

D.

Cuius sensus integer esse videtur. Quinto Cæcilio Volusiano Quinti filio, præfecto cohortis primæ ciuium Romanorum, sexies prouocatione victori, donis donato ab Imperatoribus suis, duabus hastis puris, tribus vexillis, duabus cinicis, vna murali, quattuor obsidionalibus, omnibus honoribus in republica sua functo, Eborenses ciui optimo, obmerita eius in municipium, statuan marmoream basi Aenææ dedicarunt. Lapis vero integer in hunc modum mihi sculptus fuisse videtur.

Q. CI-

Q. CICILIO Q. F. VOLVS
 PRAEF. COH. I. C. R.
 SEX. PROVOC. VICTORI
 DONIS DONATO. AB IMP.
 SVIS II. HAST. PVR. III. VEX.
 II. CIVIC. I. MVR. IIII. OBSI
 DION. OMNIB. H. IN. R. P. SVA FVNC
 EBORENS. CIVI OPT.
 OB MERITA EIVS IN MVNIC
 STATVAM MARMOR. BASI AENE
 Æ. D. D.

Inuenti sunt duo alij lapides elegantissimis
 litteris inscripti, in muro antiquo Sertoria-
 no, iuxta ædē Sancti Vincentij, quos Alpho-
 nus Cardinalis Emmanuelis Regis filius, ad
 villam, quæ Vallis viridis dicitur, transferri
 curavit, cum esset Eborensis præsul, & amœ-
 nissimum illum secessum, omnibus modis or-
 nare cuperet, ubi nunc visuntur, in ipso adiū
 vestibulo, super bases decenti structura col-
 locati.

Primus est huiusmodi.

D. M.
 CANIDIAE ALBINAE
 C. M. F. MATRICATINI
 CANIDIAN. C. M. V.
 CONSOBRINI. SVI
 CATINIA M. FIL.
 ACILIANA. C. F.
 S. P. F.

Id est: Canidiæ Albinæ, Caij Munatij filię, matri Catinij Canidiani, claræ memoriæ viri, consobrini sui, Catinia Marci filia Aciliana, curauit faciendum. Sua Pecunia Fecit. De Caio Catinio, qui in agro Astensi cum Lusitanis confligit, & sex hominum millia in ea pugna occidit, sed postea Astam oppugnans, vulneratus occubuit, consulat, qui volet Liuium Decade 4. lib. 9. meminit etiam Catinij Aciliani Onuphrius Panuinius, lib. 2. Fast. in inscriptione quæ incipit LVCIO FABIO. Et iterum in lib. de antiquis nominibus Romanorum, ubi ait se legisse in quodam marmore, Quinto Fabio Ciloni Septimino Catinio Aciliano Fulginiano, & ita sex cognomina ab vno usurpata.

Alter lapis è regione huius erectus hanc habet inscriptionem, & (quod mirum videri, ac vix credibile poterit) vel leuiter tactus, sulphureum odorem emittit, teste ipso Resendio.

D. M. S.
 A S I N I V S
 F L O R E N T I N
 V S. A N N O. XXXXV.
 H. S. E. S. T. T. L.

Hoc est: Dijs Manibus Sacrum. Asinius Florentinus annorum quadraginta quinque hic situs est, sit tibi terra leuis.

No-

Nomen Florentini, ad originis locum referendum videtur, vt intelligamus, hunc Afinium ciuem Florentinum fuisse.

In schedis Resendij nostri annotatum inuenimus repertos fuisse quinq; marmoreos cippos, ordine pari dispositos olim in antiquo muro, iuxta nonam portam, qui omnes vnā inscriptionem efficiebant, quos conqueritur à cæmentarijs fuisse euulsos, & laceratos, ex quorum fragmentis, extat hodie in quadam turri cœnobij sancti Iohannis, hæc inscriptio imperfecta.

G I V N I O . L . F . G A L .

R V L L O

C . N O R B A N V S . L . F . . .

I V N I V S . D E X T E R .

H E R E D E S

Id est : Caio Iunio Lucij filio, Galeria, siue ex tribu Galeria Rullo . Caius Norbanus Lucij filius, & Iunius Dexter heredes . Extat eodem loco , & hæc imperfectior .

C . I V N I O . L I G A R I O .

. . . . P V L L T . . . F .

C . N O R B A N V S .

I V N I V S .

H E R E S .

Id est : Caio Iunio Ligario Caius Norbanus

nus Iunius heres . Abrasas litteras supplere non potuimus . Apparet autem ex nomine Iunij & Norbani, vnā, & eandem cum superiori fuisse memoriam vt diximus .

In eodem cœnobio extat tabula marmorea, cuius prior pars confracta, siue reuulsa, nusquam apparuit, à Resendio magna cura diu quæsitā, vt ipse testatur .

.. IR. STLITB. IVDICAND.

.. LIA. Q. FAVITA. MATER.

.. ITEM QVE D. D.

Hoc est (vt solum integras dictiones exponere nobis liceat, quando aliter facere nō possumus) Stlitibus iudicandis Quinta Fautita mater, itemq. dedicauit, seu Decreto decurionum .

Suspikor autem cippum erectum fuisse in honorem alicuius decemviri stlitibus iudicandis, cuius magistratus saepe fit mentio in inscriptionibus antiquis, & etiam apud Ciceronem, vt tradit Onuphrius in ciuitate Romana, vbi agit de minoribus magistratibus ordinarijs . Aduertendum quoque existimo prænomen Quintæ, sed Quinctæ (sic enim veteres scribebant) Fautitæ feminæ attribui, quæ consuetudo vsque ad Augusti tēpora permansit, teste eodem Onuphrio, de

antiquis nominibus Romanorum, in capite de mulierum nominibus. Vnde apparet hūc lapidem florente adhuc reipublicæ libertate dedicatum fuisse. Quinta autem dicebatur, quæ quinto loco nata fuerat, hoc est, quæ cū quattuor sorores haberet, ipsa ab ordine nascendi, Quintæ prænomen fuerat sortita. In vico, qui ducit à foro ad summum templum, qui vulgo via Sellaria dicitur, quòd ibi artifices coriarij habitent, qui ephippia vendunt, in ædibus cuiusdam armorum fabri, extat cippus vtrique mutilatus in hunc modum.

.
.	.	N	Q	V	I
.	.	C	T	I	S	S	.	.	.
.	.	C	O	I	V	C	.	.	.
.	.	C	AE	S	S	A	.	.	.
.	.)	I	A	N	I	.	.	.
.	.	I	S	A	V	C	.	.	.
.	.	R	E	N	S	I	.	.	.

Quis quæso, sit adeo ab omni humanitate & litterarum cognitione alienus, qui non ingemiscat, & ægre ferat tam illustria antiquitatis monumenta, sic a rudibus, & imperitis hominibus fuisse corrupta? Glorietur M. Cicero, vir illa prudentia, illa grauitate, illa

(vt

(vt cetera omittam) in republica Romana, auctoritate, libro quinto Tusculanarum quæstionum, ignoratum Syracusani Archimedis sepulchrum a se repertum fuisse, cum in ea prouincia Quæsturam gereret, idq. indicio carminum, quæ audierat in eius monumento esse inscripta. Verba autem ipsius apponam, quia elegantissima sunt, & non omnibus passim obuia: Cuius ego (Archimedē intelligit) Quæstor ignoratum ab Syracusanis, cum esse omnino negarent, septum vndique, & vestitum vepribus, & dumetis, indagavi sepulchrum. Tenebam enim quosdam senariolos, quos in eius monumento esse inscriptos acceperam, qui declarabāt, in summo sepulchro, sphæram esse positam cum cylindro. Ego autem cum omnia collustrarem oculis (est enim ad portas Agragianas magna frequentia sepulchrorum) animaduerti columnellam, non multum è dumis eminentem, in qua inerat sphæra figura, & Cylindri. Atque ego statim Syracusanis (erant autem principes mecum) dixi me illud ipsum esse arbitrari, quod quærerem. Immissi cum falcibus multi purgarunt, & aperuerunt locum. Quo cum patefactus esset aditus, ad aduersam basim accessimus. Apparet epigramma exesis posterioribus partibus versiculorum dimidiatis fere. Ita nobilissima Græciæ ciuitas, quondam vero etiam doctissima sui ci-

uis vnus acutissimi monumentum ignorasset, nisi ab homine Arpinate didicisset. Hactenus ille. Ex ore cuius melle dulcior fluebat oratio, eius suauitate, lectorem tantisper nostræ elocutionis tedium condire volui. Nil igitur mirum, si hoc tempore extent homines ignari rerum antiquarum, cum etiam illo sæculo, in Sicilia, & in vrbe Syracusana, Archimedis sepulchrum tam abiecte, & obscure iaceret. Et mihi venia danda erit, si huius Ciceroniani loci occasione, hic versiculos meos adiecero, quibus alibi, de hoc antiquitatis interitu, & corruptis vetustate, Romanorum monumentis conqueror.

*Sed collapsa iacent veterum monumenta ruinis
Obruta perpetuis, dumisque, & sentibus altis
Obsita, confractisq. notis, & torrida flammis.
Multa tamen noster Resendius abdita profert
In lucem, & vigili vestigans singula cura,
Antiquum decus, & priscos tibi reddit honores,
Lysiadum gens clara: viro quam debita tanto
Præmia, vix reor exhaustis persolvere arenis
Posse Tagi, aut vellis Eoo ab litore gemmis.*

Sed ad reliquas inscriptiones redeamus. Omissis ergo his, quas ad hanc urbem pertinentes, Resendius iam exhibuit libro tertio, vbi agit de vijs militaribus, vltimam earum, quæ ante Constantini magni tempora dedicata sunt, hic reponendam curauimus etiam mutilatam, & aliquot litteris abrasis. Extat

autem

autem in quodam prædio a mœnibus vrbis
duodecim M. P. remoto, cui fons Abbatis
nomen est.

M. AELIA . . .

TERTULLA . .

L. CAECILIUS . . .

VXORI. FE . .

Id est: Memoriae Aeliae Tertullae. Lucius
Cæcilius vxori fecit. Nec deerunt qui litte-
ram M, monumentum significare putent. A
quibus vt dissentiam, mouet me, quòd lapis
iste bestialibus, & maioribus litteris sit elegã-
ter exaratus. Deinde quia in superiori par-
te, desunt illa propria sepulchrorum verba,
D. M. S. Dijs Manibus Sacrum, & in inferio-
ri illa, S. T. T. L. sit tibi terta leuis. Pars
autem cippi huius adhuc sub terra latet, illa
videlicet, quæ aliquot elementa occultare
videtur. Visitur autem iuxta initia aquæ-
ductus Sertoriani, qui aqua argentea dicitur,
cuius iam a nobis sæpius facta est mentio.
Atque hic fere fuit Eborensium status, flo-
rente Romano Imperio. Quo tandem pro-
lapso, & afflicto Getarum, seu Gothorum ar-
mis, ad eius gentis reges, summa rerum Hi-
spaniæ deuenit. Sub quorum dominatu, con-
stat Siseburi Regis tempore, in hac vrbe, ar-

gentariam officinam fuisse cudendæ monetæ: vt colligitur ex argenteis numis ibidem repertis, in quibus ex altera parte ipsius Regis effigies est, cum hac inscriptione, D. N. SISEBVTVS REX. Ex altera vero crucis signum cum his litteris, CIVITAS EBORÆ. In circuitu autem scripta sunt hæc verba, DEVS ADIVTOR MEVS.

Vetus etiam numisma sibi ab Ambrosio Morali dono missum testatur Resendius, in quo ex vna parte erat imago Germanici Cæsaris, cum hac inscriptione, GERMANICVS CAESAR AVGVSTVS. Ex altera vero, corona cum his litteris, LIBERALITATIS IVLIAE EBORÆ. Turres quoque duæ ingentes a Sisebuto erectæ fuisse dicuntur, quarum vna prope forum initio viæ Sellariæ, altera non longe ab ecclesia sancti Iacobi, è regione maioris ianue cõspicitur.

Nec raro aliorum Gothorum regum numismata in hac vrbe reperta sunt, teste ipso Resendio, in Epistola ad eundem Ambrosium Moralem. Regnare cœpit Sisebutus anno sexcêtesimo duodecimo, & regno potitus est annis octo. Fuit Rex clarissimus, & religionis Catholicæ acerrimus defensor, quique ad armorum gloriam, eruditionis, & eloquentiæ decus adiecerit, vt scribit Rodericus Archiepiscopus Toletanus, & meminit Vasaus, to-

mo priori. Merito igitur Ebora gloriari potest, se a Sertorio fortissimo duce, antea instauratam fuisse, & ab hoc præstâtissimo Rege, longo post tempore, ædificijs, & omni beneficentiæ genere locupleratam. Cuius expeditiones aduersus Romanos feliciter susceptas, non parum iuuisse credenda est, vt olim Sertorianas iuuerat, & in præmium strenuæ à ciuibus suis nauatæ operæ, vtriusque amicitiam, egregiumq. fauorem fuisse consecuta. Sed potior multo illa gloriatio, quòd Christi fidem, in ipsis nascentis ecclesię primordijs amplexa, auctore diuo Mancio Domini discipulo, natione vt traditur Romano, eam per tot sæcula, tenacissime retinuit, hodieq. integram, illibatamq. religiose conseruat: quotidie maius incrementum pietatis, ac diuini cultus, sacrosanctęq. Apostolicæ sedis venerationis suscipiens. Martyrium passus est diuus Mancius, tempore Traiani, aut (vt quibusdam videtur) Neronis, sub præside Validio. Eius corpus Eborę primum ab ethnicis ignominiose abiectum iacuit, post aliquod vero tempus, a Christianis honorifice sepultum, in villa illustris cuiusdam viri duodecim mill. pass. a mœnibus distante diu summa cum veneratione asseruatum, sæuiente postea in Hispania Arabum tyrannide, a pijs hominibus in Asturias, aut in vicinam illis regionem, quæ campestris

V 4 dici-

dicatur, exportatum, tandem in oppidulo, nō longe a foro Egurrorum, quod Villam nouā sancti Mancij vulgo appellant, repositū fuit, in monasterio quodam ordinis sancti Benedicti, sub inuocatione ipsius martyris, vbi religiosissime asseruatur, & incredibili populorum deuotione colitur. Præter hunc sanctissimum martyrem, verisimile est, nonnullos alios in hac vrbe extitisse, cū in Christianum nomen gentilica rabies desæuaret. Sed trium præcipue memoria extat, Vincentij videlicet, & Sabinæ, ac Christetidis sororum ipsius, quibus Ebores natale solum fuit. Palmam vero martyrij Abulæ tempore Diocletiani, & Maximiani, sub Datiano Hispaniarum præfide, vel potius crudelissimo carnifice adepti sunt. Episcopos post beatum Mancium habuit quamplurimos, ex quibus hic aliquot nominare satis erit. Quintianus Episcopus floruit tempore magni Constantini, cum adhuc maiestas imperij Romani in Hispanijs vigeret, vt constat ex Illiberitano concilio, in quo ipse subscripsit. Deinde sub Gothorum regibus, quinque Episcopos Eboreses, seu Elborenses, vt illis temporibus dicebantur, nominatos inuenimus in Synodis Toletanis, nempe, Sifisclum, Abientium, Zosimum, Tructimundum, Arcontium. Reperi etiam in Schedis Refendij, codicem manuscriptum Emeritensis illius Concilij, cuius ipse

ipse sæpe meminit, quod celebratum fuisse dicitur a duodecim Episcopis, anno natalis domini sexcentesimo sexagesimo quinto, regnante Receseuntho, cui interfuit Petrus Ebo-
rensis Episcopus. Extant in edibus Resendianis duo cippi litteris minus elegantibus, & iam Gothicam phrasim redolentibus, quorum primus memoriam continet Iuliani Episcopi in hæc verba.

IVLIANVS

FAMVLVS XPI

EPISCOPVS

ECCLESIAE

EBORENSIS

H. SITVS EST.

VIX. ANN.

PLVS MINVS LXX.

REC. IN PA

CE KAL. DECB.

ERA DCIIII.

Id est: Iulianus famulus Christi Episcopus Ecclesiæ Ebo-
rensis, hic situs est, vixit annos plus minus septuaginta, requieuit in pace. Kalendis Decembris, Era sexcentesima quarta. Et sic anno Natalis Domini quingentesimo sexagesimo sexto.

Alter est huiusmodi:

DE-

DEPOSITIO PAULI. FAMVLVS
DEI VIXIT ANNOS L. ET VNO.
REQVIEVIT IN PACE D.
III. ID. MARTIAS ERA D. LXXXII.

Hoc est: Depositio Pauli. Famulus Dei vixit annos quinquaginta & vno. Requieuit in pace Domini tertio Idus Martias Era quingentesima octuagesima secunda. Et ita anno salutis quingentesimo quadragesimo quarto.

Euerso deinde Gothico imperio, & vastata ab immani & impia Arabum multitudine, non solum Hispania, sed vniuersa fere occidentalis Europæ plaga, caruit Ebora (proh dolor) libero religionis Christianæ cultu, spatium circiter quadringentorum annorum, quod extremæ cuidam infelicitati adscribi merito debet.

Regnante deinde primo Lusitaniæ rege Alphonso Henrico, quo iustior alter, nec pietate fuit, nec bello maior & armis, a Mauro-rum tyrannide liberata est, opera, & virtute fortissimi viri Giraldi, cui ob animi & corporis robur, intrepidi, seu absque timore cognomentum Lusitani indiderunt. Cuius effigiem armatam stricto gladio caput Arabis præferentem, & manu sinistra etiam caput puellæ Mauræ gestantem, pro gentilitio nobilitatis insi-

insigni Eborenſes habent. De cuius laudibus & bellica virtute, deq. ſingulari ſtratagemate, quo hanc urbem ex inſidiis aggreſſus præclaram victoriam reportauit, ſi quis encomium ſcribere cupiat, ſatis amplam, vberemq. dicendi materiam illi tam illuſtre facinus ſuppeditabit. Iterum ergo Ebora episcopalis ſedis dignitatem recuperauit, creato Antiftite Pelagio viro præſtantiffimo, ſuffragante ipſo rege Alphonſo. Hic autem Pelagius a fundamentis Eccleſiæ ædificationem exorſus, magnificum templum hoc, quod hodie extat, extrui, ornariq. curauit, multaq. ad ſacrorum celebritatem, prouentuumq. diuiſionem ſpectantia ſapienter decreuit, vt apparet ex antiquis monumentis, quæ in publicis Eccleſiæ ſcriniis aſſeruantur. Cui ſucceſſit Suerius episcopus, qui antea Decani dignitatem ibidem obtinuerat. Et complures deinde uſque ad Henricum Cardinalem, qui primus Archiepiſcopus Eborēſis creatus eſt, regnante fratre ipſius Ioanne huius nominis tertio, ſalutis anno milleſimo quingenteſimo quadrageſimo primo.

Habet eccleſia ampliffimos redditus, & ex illa quamplurimi inſignes viri, quibus ſemper abundauit, ad ampliffimas dignitates aſſumpti, atque euecti ſunt, quos ſi nominare velim, vereor ne diſfuſa narratione lectori tædium afferam. Danda vero erit, vt ſpero, amor,

amori, vel potius pietati meæ venia, si auunculi mei Gondisalvi Pinarii obiter hic mentionem fecero, qui cum canonicus ob singularem doctrinam, morumq. probitatem, ab Alphonso Cardinale Emmanuelis regis filio electus fuisset, postmodum ad Zaphiensem episcopatum, deinde ad Tingensem, & postremo ad Visensem promotus, & amplissima legatione apud Franciscum Gallorum regem functus, ut diffusius in eius vita narrauimus, mihi eundem canonicatum annuente summo Pontifice resignauit, meq. multis aliis beneficiis affecit, quorum immemor videri possem, nisi oblatam eius nominandi occasionem, hoc loco auide arripuissem. Nec prætermittendum existimo, qua cura, & liberalitate, superiores Eboræ Antistites, in extruendis, dedicandisq. in eadem vrbe Cœnobijs semper claruerint. In primis Vascus Episcopus sanctæ Claræ monasterium, intra nouum ciuitatis ambitum; alterum vero sancti Hieronymi, sub inuocatione sanctissimæ Virginis Deiparæ a Rubo nuncupatæ, in amoenissimo loco duobus passuum millibus a mœnibus distante erexit, & vtrumque magnis redditibus locupletauit. Henricus autem, qui postea Sebastiano successit in regno, cum Eborensi ecclesiæ præesset, collegium insignis, patribus Societatis Iesv, vnâ cum magnificentissimo temple extruxit, vbi celebrem instituit

stituit academiam, in qua humaniores litteræ, & Philosophia, ac sacræ Theologiæ studia cum pia morum disciplina maxime florent.

Vnde non tantum huic vrbi, sed etiam ceteris vicinis oppidis, & vniuersæ Lusitaniæ, ingens vtilitas, ornamentumq. accessit. Aedificauit etiam non longe a muris ciuitatis, monasterium beati Antonij fratribus Franciscanis, qui ob arctiorem viuendi normam, a pietate denominantur. Cum illis antea aliud exisset distans sex millibus passuum ab eadem vrbe, prope villam, quæ Vallis viridis dicitur, cuius iam mentionem fecimus.

Nec est silentio prætereundum nobile templum sancti Antonij Archimandritæ, quod in publico ciuitatis foro, conspicuo, & illustri loco, erigi eleganti, magnificaq. operis structura curauit, ex communibus cathedralis ecclesiæ prouentibus. In cuius frontispicio, eius iussu, ab Andrea Resendio litteris maiusculis lapidi inserta inscriptio conspicitur huiusmodi.

*Diuo Antonio Aegyptio. Sanctissimo
Monachorum Archimandritæ Sacrum
Henricus Diui Emmanuelis Lusitan. Regis
P. F. Inuicti F. S. R. E. Presb. Cardinalis.
Primus Eborensis Archiepiscopus. Priore
Diruto. Nouum Hoc. Structura. Forma que
Augustiore. Religionis Ergo Erexit.*

Diuo Antonio Archimandritæ Sanctiss. Sacrum.
Id est

Id est: Diuo Antonio Aegyptio sanctissimo monachorum Archimandritæ sacrum. Henricus diui Emmanuelis, Lusitaniæ regis, Pij, felicitis, Inuicti filius, Sanctæ Romanæ Ecclesiæ Presbyter Cardinalis, primus Eborensis Archiepiscopus priore diruto, nouum hoc structura, formaque Augustiore religionis ergo erexit.

Diuo Antonio Archrimandritæ sanctissimo sacrum.

Habet hæc ciuitas præter ea, quæ iam diximus, quattuor alia fratrum insignia monasteria, monialium vero septem, non minoris magnificentiæ, de quorum eleganti, sumptuosa, atque admirabili structura, si quis dicere cupiat, ille profecto non breuem concipere queat narrationem.

Qua prætermissa, illud tantummodo addã, in omnibus fere fontes ex marmore candidissimo, adfabre factos, subterraneis aquæ argenteæ canalibus scaturire, vnde & aquandi facilitas religiosis ipsis, & cœnobiis pulchrum ornamentum, & vniuersæ vrbi grata, ac salubris aeris temperies æstiuo tempore prouenit. Portas habet decem, nulla suburbia, præter vnum figulorum, & hortos muris vicinos circiter centum, in quibus hortulani ædes satis commodas habent. Visuntur vndique vsque ad sex millia passuū innumeræ villæ suburbanæ, nec mediocri sumptu, nec minori elegantia

gantia ædificata. Ambitus mœnium tria mil-
lia passuum, & quadringenta quinquaginta,
duo continet in hunc modum.

A porta Blasiana ad Raimundiam. pass. 488

Ad Olyssipponensem, quæ Alchonche-
lensis dicitur.

pass. 300

Ad Lacunarem.

pass. 532

Ad Auisitana.

pass. 370

Ad portam molæ acriæ.

pass. 416

Ad Proditoriam.

pass. 154

Ad Machedinensem.

pass. 262

Ad Mendostephaninum.

pass. 190

Ad Mesquitale.

pass. 370


Ad Blasianam.

pass. 370

Noua mœnia condidit Rex Ferdinandus
primus huius nominis, & numero Lusitano-
rum regum nonus, qui regnare cœpit anno
salutis millesimo trecentesimo sexagesimo o-
ctauo, & regnavit annos sexdecim, cuius ope-
ra, & industria complures aliæ ciuitates mu-
ris cinctæ, & munitæ fuerunt. Constant au-
tem mœnia duplici muro, sed dispari altitudi-
ne. interior enim pars duplo altior exte-
riori, eadem etiam proportionem, turres eminen-
tiores habet. Propugnaculis altissimis uni-
uersus ambitus in formam serræ dispositis, vn-
pique cingitur, adeo mirabili artificio, vt ex
vtroque muro hostes a lateribus, & a fronte
missilibus (vt illa tempora ferebant) facile ar-
ceri, ac propulsari possent. Sed iam tempus
postu-

postulat, vt receptui canamus, & a muris Eboræ recedentes, ceteras Lusitanix vrbes, in quibus Romanæ antiquitatis extant vestigia, peragremus. Libet autem pro meo erga Eborenses amore singulari, hanc orationis partem, faustis piisque precationibus claudere, Deum Opt. Max. & cæli Reginam, omnesque Sanctos, sub quorum numine, & tutela hæc vrbs est, orando ut eam in perpetuam saluam, & incolu- mem, virtute, iustitia, morum disciplina, rebusque omnibus florentem conseruent.

Finis Libri Quinti & ultimi.



VITA
 GONDISALVI
 PINARI
 EPISCOPI VISENSIS.

Auctore Iacobo Moenatio Vasconcello
 Lusitano.

Et alia eiusdem Opuscula.

SERENISSIMO
 PRINCIPI ALBERTO
 ARCHIDUCI AVSTRIAE
 S. R. E. CARDINALI,

Iacobus Moenatius Vasconcellus P. F. exoptat.

ANTA est vbique tui
 nominis fama Serenissi-
 me Princeps, tam emi-
 nens, atque excelsus am-
 plissimæ tuæ dignitatis
 gradus, vt nemo sit, qui ob heroicas
 tuas virtutes, & Cæsarei stemmatis cla-
 ritate, te non magnopere suspiciat,

X atque

atque admiretur . Testis est vniuersa Lusitania , quæ post sapientissimum , fortissimumq. regem suum Philippum , auunculum tuum , ita te diligit , amat , obseruat , atque veneratur , vt delicias suas , & totius regni amorem , ac decus appellare soleat . & merito . Quid enim amabilius , quid præstantius Principe benigno , pio , iusto , sapiente , omni denique virtutum genere ornato : verum ad eas causas quæ mihi ad te amandum sunt cum omnibus communes , illa etiam propria , & peculiaris accedit , quòd litterarum studijs enixe atque ex animo faueas , vt qui in illis iam inde a teneris annis feliciter sis versatus , & summa cum animi voluptate , earum suauissimos fructus quotidie percipias . Quæ me res impulit , vt cum primum in hanc prouinciã , vna cum tibi charissimo , tuiq. amantissimo rege peruenisti , & vtriusque iucundissimus conspectus , his terris tamquam aliquod salutare sidus affulsit : statim tibi animum hunc meum , tuo nomini addidisti .

Etissimum, aliquo litterario munuscu-
 lo declarare constituerim, idque non
 semel, apud amicos, tam præsens, quàm
 per litteras sim testatus. Sed ab incoe-
 pto me hætenus reuocauerat, tum in-
 genij mei tenuitas, tum etiam incredi-
 bilis quædam de tua eruditione, & iu-
 dicij acumine, à me concepta opinio.
 Sc enim iudicabam, principi doctrina,
 & sapientia præstanti, nil nisi summum
 & omnibus numeris absolutum dicari
 debere. Sustulit autem hunc metum,
 & omnem tandem procrastinandi oc-
 casionem, singularis quædam humani-
 tatis tuæ fama, qua ceteras virtutes ita
 exornas, vt dubitem, vtrum tibi plus
 amoris, & beneuolentiæ, lenitas mo-
 rum ac benignitas, an vero innumeræ
 alię animi tui dotes apud homines con-
 cilient. Cœpi itaque inter scriniola
 mea peruestigare quid potissimum, ti-
 bi hoc tempore offerre possem, & illi-
 co sese obtulit commentariolum de vi-
 ta, & rebus gestis Gondisalui Pinarij,
 auunculi mei, summatim à me con-

scriptum, quod veluti primitias quas-
dam lucubrationum mearum me in lu-
cem aliquando editurum sub tuo nomi-
ne sæpius sum pollicitus. Quod si hoc
meæ erga te obseruantia, & beneuo-
lentia pignus, minime tibi displicere
intellevero, animum mihi, ad maiora
elucubranba, edendaq. addideris. Deus
opt. Max. te nobis Serenissime Princeps
quàm diutissime incolumem seruet.
Eboræ iiii. Kalendas Ianuarij. Anno
M. D. XC.

A D

EVNDEM PRINCIPEM

PANEGYRICVS.



*Iuino afflatus Salomon rex numine,
vanas
Esse hominum dixit curas, & inania
cuncta,*

*Religione Dei excepta, quæ sola beatos
Efficere, æthereaq. potest in sede locare,
Qui virtute ducè, & factis præstantibus ipsam
Rite colunt, veraq. animi pietate sequuntur.
Id tu animo voluens Princeps Alberte, Senatus
Gloria Romulei, genus alto a sanguine gentis
Austriacæ, & Mariæ Augustæ generosa propago.
Illa fugis, quæ vulgus iners sectatur, & acri
affectat studio, nec te de tramite recto
Flectit inutilium levis admiratio rerum:
Sed summi veneranda Dei præcepta secutus,
Regales inter strepitus, dulcesq. benignæ
Fortunæ illecebras, gaudes florentibus annis
Moribus esse senex, rigidumq. amplexus honestum,
Pergis ad antiquos animum traducere cultus.
Non fastu incedis tumidus, densissima quamvis
Turba satellitij cingat latus, & tibi supplex*

Sese nobilitas demittat ad oscula dextræ.
 Excipis humane cunctos, nec despicias vllum.
 Leniter affaris miseros, inopesq. benignis
 Prosequeris donis, nec puro in pectore neuus
 Vllus auaritiæ apparet, moresq. pudicos
 Perpetuo seruans castæ moderamine mentis,
 Ad decus, & veram pietatem accendere factis
 Egregiis alios certas, operamq. saluti
 Communi impendis, publica commoda curans,
 Vt tibi non tantum natus videare, tuisq.
 Priuatim studiis, hominum sed factus in vsus.
 Nec tamen impediunt te tanta negotia, quamuis
 Vndiq. circumstent, ingenti pendere rerum:
 Quominus Aoniæ repetas commercia turbæ,
 Pieridumq. chorum, Phæbæaq. castra frequentes.
 Et modo Graiorum versas munimenta diurna,
 Nocturnaq. manu, veteresq. euoluis Athenas:
 Nunc Latium, & claros Italæ telluris alumnos,
 Adiungis Danaum genti, turbæq. Pelasgæ,
 Attica Rumanæ miscens modulamina lingua.
 Vnde tibi dulces fructus, requiemq. labori
 Quæris, & assiduis interseris otia curis.
 Hinc te magnanimus miratur auunculus, orbis
 Maximus ille armis rex, ac pietate Philippus:
 Teq. sibi socium casus delegit in omnes,
 Imperijq. tibi latas commisit habenas,
 Lysidasq. suos, qui te venerantur, amantque,
 Fausta q. cuncta tibi exoptant, quos inter amore,
 Si certare licet, comitem me iungere primis
 Non dubitem, studio tua qui mandata fideli

Expe

Expediunt, veraq. colunt te mente, tuiq.
 Liminis assiduo pulsant celsa atria gressu.
 Sed pudor audendi parcus, tennesq. pusilli
 Ingenij vires, quarum mihi conscius ipse,
 Haec tenus ignotum tibi me facere, tuisque
 Ardua enim vitans, humiliq. hac sorte libenter
 Contentus cupio tranquilla per otia vitam
 Ducere, & oppositas studijs incidere curas.
 Idq. tibi gratum magis, & laudabile vite
 Esse genus credam, quam si me atate senili,
 Urbis Vlyssæe per compita celsa vagantem,
 Ambitio traheret, vulgi sermonibus aures
 Præbentem ac procerum tectis, aulaq. vacantem.
 Non ea mens nobis, non iis mea conuenit ætas:
 Quæ mihi vixenos iam ter quoque computat annos.
 Hausimus assiduos tria iam per lustra labores
 Dulci pro patria, pro religione, sacrisq.
 Legibus, & superum impigre defendimus aras.
 Lampada tradidimus clavis pietate, fideq.
 Et virtute viris, plebisq. equitumq. patrumq.
 Insolito applausu, scit me non vana referre,
 Hesperiae pars magna plagæ, quam fluctibus ambis
 Oceanus, liquidisq. rigat Tagus aurifer undis.
 Tempore iam ex illo, priuatam ducere vitam
 Constitui, immotaq. manet sententia mente.
 Nunc tua me virtus, tua terris dedita fama,
 Et morum eximius generosus in pectore candor
 Hæc offerre tibi munuscula maxime princeps,
 Atque iterum doctas desueta ad carmina musas
 Sollicitare iubent, positumq. resumere plectrum.

Nam velut Aetnae Cereri sunt debita frugum
 Munera, Cecropiam meritò sibi Pallas oliuam
 Vendicat, & dulcis suspenditur uua Lyæo.
 Sic modulata pijs debentur carmina vatum
 Principibus, quorum cælo nitet æmula virtus.
 Ferte chelin, viridi præcingite tempora lauro
 Aonides, vos ille colit, studioq. benigno
 Et fouet, & teneris semper dilexit ab annis.
 Salue magnorum titulis insignis auorum,
 Gloria Pannonicæ Princeps clarissime gentis,
 Cæsareaq. domus, quam protulit Austria felix,
 Austria Cæsaribus regio sæcunda creandis:
 Qui vera pietate animi, & victricibus armis
 Imperij fines, maiestatemq. tuentur.
 Quos inter micat ingenti virtute Rodolphus:
 Auspicijs cuius Romana potentia Turcis
 Imponet fatale iugum, Scythicosq. tyrannos
 Ultra Caucaſeas coget remeare paludes.
 Ne certent Alberte tibi, cedantq. Piorum
 Nomina, quos tantis decorat veneranda vetustas
 Laudibus, & meritis attollit Roma trophæis.
 Cedat, & Iliacis qui sacra, deosq. ruinis
 Eripuit, subiitq. senem ceruice parentem.
 Non tibi deliciae cordi, nec blanda voluptas
 Allicit excelsam falsa dulcedine mentem.
 Sed neque duritiem morum sectaris inanem.
 Ipse tui rigidus censor, placabilis illis.
 Quos regis, egregio fidos tibi reddis amore.
 Largus opum, rectiq. tenax, seruator honesti,
 Summaq. cum rerum tibi sit permessa potestas

sic tamen imperij moderaris frena benigni,
 Ut neque iustitiæ sacras transcendere metas,
 Nec sancita semel cupias infringere iura.
 Maeste animi pietate, Dei reuerentia nulli
 Altius infixæ est menti, clementia nulli
 Maior, & in leges nemo propensior æquas.
 Tu regni commune bonum, tu publica quæris
 Commoda, tu claros doctrinæ laude, probosq.
 Eximia pietate viros complecteris, atque
 Efficis, ut dignis sint præmia certa, nec ullum
 Ambitus, aut fallax rapiat fortuna fauorem.
 Te secunda quies animi, tranquillaq. mentis
 Sedulitas, reddunt Princeps, seruantq. beatum.
 Atque ubi Nestor ius vitæ superaueris annos,
 Hæc tandem optato facient succedere cælo.
 Quo neque pyramidum moles, nec montibus altis,
 Impositæ ducunt munitis turribus arces,
 Sed pietas, & prisca fides, atque ardua virtus.
 Hæc satis ô dulces fuerit cecinisse camænæ
 Vicinos Eboræ campos dum Sirius ardens
 Vrit, & æstiuas iucunde ducimus horas,
 Meq. fouet viridi gremio Silueria villa.
 Quam gelidis sæcundat aquis Laurentius amnis,
 Et nemus ingenti ramorum protegit umbra.
 Tempus erit, venientq. dies labentibus annis
 Cum flauum Tiberim, & Romana palatia, princeps
 Albertus, triplici cinctus diademate frontem,
 Intrabit, magna regum comitante caterua,
 Impositusq. alte solio, plaudente senatu,
 Iura dabit populis, rutila quos lampade phæbus
 Lustrat,

*Lustrat, & Oceanus liquidis circumfluit undis.
Tunc mihi Pegasides vestros penetrare recessus
Fas sit, & argutos haurire è fonte liquores.
Tunc mihi Maeonij vatis concedite plectrum.*

CVM EBORAM REX NOSTER
potentiss. & inuictiss. Philippus
ingressus est.

EPIGRAMMA.

Moenibus hanc olim validis Sertorius urbē,
Cinxit, & irriguis nobilitauit aquis.
Iulius egregio Caesar dignatus honore,
Ciuiibus antiqui iura dedit Latij.
Strenuus inuicta Mauris virtute Giraldu
Eripuit, populo restituitq. pio.
Qui modo murorum complectitur ambitus urbem.
Fernandi regis nobile fertur opus.
Collapsum senio ductum instaurauit aquarum
Ioannes, Eboræ captus amore suæ.
Insignes alii diuerso tempore reges,
Certatim, hanc donis excoluere suis.
Quæ nunc hospitio magni decorata Philippi,
Vertice sublimi sidera clara ferit.
Atque ait, hæc fuerit votorum summa meorum,
Nil, quod posteritas addere possit, erit.

VITA
GONDISALVI
PINARI

EPISCOPI VISENSIS.

Iacobo Menætio Vasconcello Auctore.



GONDISALVVS Pinarius Ce-
tobrica, quæ Lusitaniæ vrbs est,
ex claris, & piis parentibus or-
tus, in prima statim pueritia,
litteras humaniores didicit, &
mox ineunte adolescentia, iu-
ri Pontificio operam dedit, primum in acade-
mia Olyssipponensi, quæ eo tempore florebat;
deinde in Salmanticensi, vbi sub clarissimis
professoribus, breui in litteris magnos pro-
gressus fecit, & apud reliquos studiosos non
vulgarem sibi virtutis & eruditionis famam
comparauit. Itaque in Sancti Bartholomæi
collegium admissus, & deinde ad doctoris
gradum prouectus, adeo celebri nomine apud
Salmanticenses esse cœpit, vt à nonnullis ami-
cis

cis ad Senatoriam dignitatem, ex Pintiana, curia inuitatus fuerit. Qua conditione repudiata in Lusitaniam rediit, accersitus a clarissimo principe Iacobo Brigantij duce, regis Emmanuelis ex sorore nepote, cuius familiæ addictus erat. cui operam suam in grauioribus negotiis obeundis biennio nauauit. Quo exacto, ad ecclesias, in quibus sacerdotia obtinebat, ab eodem duce sibi collata, secedere decreuit: quæ in ea regione sitæ sunt, quam vulgo Lusitani vlttramontanam vocant. Erat dux eo tempore Conimbricæ, quò pestilentia vitandæ causâ confugerat. Obtenta igitur ab eo proficiscendi licentia, in otio tranquillo, & honesto vitam traducere decreuerat in illa regni parte, a strepitu, & aulico ambitu longe remotissima. Distat enim ea regio Olyssipone octuaginta circiter hispanis leucis. Sed longe aliter res accidit. nam vix elapso semestri, cum ex amicorum litteris intellexisset, canonicatum Eborensis Ecclesiæ, qui paulo ante vacarat, alicui ex iurisperitis conferendum fore, qui in litteris optimum ingenij specimen dedisset, Eboram se contulit. Qua in vrbe Ioannes Rex, eius nominis tertius, eo tempore moram trahebat. Quo peruenit ineunte Iunij mense, anno millesimo quingentesimo trigesimo tertio. Ac factò virium periculo in legali, & canonica scientia cum aliis candidatis, Alphonsi Cardinalis regis

regis fratris, qui Eborensi Ecclesiæ præerat, omniumq. canonicorum, qui certamini interfuerant, suffragiis victor declaratus, canonicatum adeptus est. Vnde illi mox ingens eruditionis fama accreuit. Qua rex permotus, senatoriam dignitatem ei sponte obtulit, nec multo post, Episcopum Zafensem iam designatum, vnâ secum Olyssipponem proficisci voluit. Vnde post susceptum consecrationis munus, illum confestim in Galliam misit, vt Baionæ, quæ ciuitas est Aquitanix, vnâ cum quibusdam aliis collegis, ardua quædam & difficiliora negotia obiret, quæ inter ipsum, & Franciscum Gallorum Regem inciderant, propter nostrorum hominum querimonias. qui se a Gallis fortunis suis spoliatos, & multis affectos iniuriis, assidue querebantur. Nec deerant apud Gallos, qui se à Lusitanis male mulctatos, & pro piratis, atque hostibus immerito habitos dicerent. Cumque eo iam res deuenisset, vt ad arma, & belli incommoda spectare videretur, placuit prudentissimis Regibus, vt commune quoddam tribunal constitueretur, pari iudicum numero, totidemque aduocatis, ac scribis ex vtroque regno, vbi res suas iure repetere possent, qui se vim passos, & iniuria aliqua affectos, legitimis probationibus ostenderent. Qua in obeunda prouincia, cum ipse inter Lusitanos præcipuum locum obtineret, inter Gallos Camagnus

gnus secundus præses senatus Burdigalensis, tanta ab eo diligentia est adhibita, vt sedatis simultatibus, ac mutua inter vtrosque beneuolentia contracta difficillima negotia vtrunque peracta, ac molestissimæ lites sopitæ sint: confluente eò quasi per integrum quadriennium, tamquam ad commune quoddam iustitiæ, & æquitatis asylum, magna hominum multitudine. Qua in vrbe, incredibilem sibi, virtutis, & pietatis famam, tam apud Gallos, quàm apud Lusitanos comparauit. Nul- lum enim beneficentiæ genus prætermittebat, quo sibi omnium animos, non deuincire stude- ret. Nam quòd ad Lusitanos attinet, eos, qui ad res repetendas quotidie Baionam ven- titabant, perhumaniter exceptos, domi suæ, proprijs expensis alebat. Collegas vero suos & aduocatos regios, frequenter mensæ adhi- bebat, & omni humanitatis genere prosequen- batur. Quam etiam in clarissimum præsidem Burdigalensem, ceterosq. Galliæ regis mini- stros, tanta beneuolentia, ac sollicitudine, exercuit, vt ex æquo ab omnibus diligeretur, obseruaretur, & suspiceretur. Iam vero popu- lus Baionensis, & præsertim ecclesiæ cathed- ralis canonici, illum, vt charissimum Epi- scopum, non extraneum, sed suum, summo amore, atque obseruantia sunt prosecuti id- que adeo ex animo, vt nihil prætermitte- rent, quod ad illum venerandum, demeren- dumque,

dumque, tam publice, quàm priuatim pertinere videretur. Populus enim præter alia multa amoris, & beneuolentię signa, quę quotidie, non solum erga ipsum, sed etiam in comites, & familiares ipsius proferebat. Quoties in publicum prodeuntem conspexisset, lætis acclamationibus omnia illi fausta optando, precandoque, patrię patrem, & communem omnium ciuium parentem cōsalutabat. At canonici sæpißime eum obnixis precibus rogarunt, vt Baionensis Episcopi vices suscipere, & ecclesię gubernandę munere fungi vellet. Quam prouinciam cum sæpius recusasset, occupationum suarum magnitudinem obtendens, victus tandem assiduus illorum postulationibus, eam suscepit, verum in ea tantum parte, quę ad spiritualium munerum curam, & administrationē pertinet. Quòd compertum haberet ea in re operam suam ecclesię Baionēsi esse pernecessariam, quę ob diutinam Episcopi sui absentiam, longo iam tempore eo bono caruerat. Suscepta igitur rotius populi incredibili applausu, ecclesię gubernandę facultate, eam in his præcipue exercuit, quę ad Pontificis ordinem attinet, nihil imminuens de eorum iure & potestate, quos Episcopus exercendę iurisdictioni, & controuersis definiendis præfecerat. Verum hos quoque auctoritate, & consilio ita iuuabat, vt quęuis negotia magni momenti, ac ponderis, ad illum

lum referrent, nihilq. nisi ex ipsius nutu, & sententia decernerent. Ceterum, quæ ad pontificale officium, & sacras cæremonias pertinerent, maxima cura, & religiose peragebat. Diuina officia in illa insigni, & sacrosancta ecclesia, astante sibi grauissimo canonicorum cœtu, præcipuis, & valde solemnibus festis celebrare nunquam destitit, quamdiu ibi mansit. Confirmationis sacramentum, non solum pueris, sed etiam prouectæ ætatis hominibus assidue contulit. Ad sacros ordines, cum delectu, multos promouit. Ecclesias complures, tam intra ciuitatis ambitum, quam in vicinis oppidulis consecrauit. Nihil denique prætermisit integro ferme quinquennio, quod in eâ vrbe, transegit ab anno salutis millesimo quingentesimo trigesimo septimo, vsque ad quadragesimum secundum, quod ad vigilantissimi Pastoris munus pertineret. Hinc illi apud omnes summa veneratio, amor, obseruantia. Cumq. omnibus charus esset, ab illis præcipue colebatur, qui morum integritate ceteris præstabant. Viris autem religiosis omnium ordinum, quorum ea tempestate ingens in Gallia florebat multitudo, ita deditus erat, tãq. arcta familiaritate coniunctus, vt illum non secus ac indulgentissimum parentem diligerent. Quorum inopiæ promptam & spontaneam opem libenter afferebat. Eamdem cu-
ram

ram gerens monialium, viduarum, ac pupillorum, omnium denique, quos egestate laborantes, pudor mendicare non sineret. Reliquos vero egenos, quotidie intra ædium suarum vestibulum benigne admissos, partim pecunia iuuabat, partim mensæ reliquijs alabat. Domesticos autem suos & familiares, tanta cura, ac sollicitudine in officio continere perpetuo studuit, vt apud Baionenses non mediocrem inde laudem reportauerit. Vnde contigit vt ciuitas populari quodam erga ipsum studio incensa, episcopum suum & diceret, & ab omnibus ita nominari vellet. Nec deerant, qui assererent minime passuros se, vt ab eo vllò vñquam tempore desererentur. Complura alia amoris & beneuolentiæ signa, atque argumenta in illum quotidie edentes. At cum anno millesimo quingentesimo quadragesimo secundo, accepto a rege Lusitaniæ nuncio, in oppidum, quod vulgo sancti Sebastiani dicitur, in proximis Cantabriæ finibus situm, secedere decreuisset, maxima populum mæstitia, & luctus occupauit, vociferantibus cunctis, eripi sibi pastorem suum, inopum parentem, Sacerdotum decus, & egregia pietate insignem antistitem. Nulla erat domus, nullus vicus, nullum forum, nulla basilica, vbi hæ voces permixtæ lacrymis, & singultibus non exaudirentur, adeo vt cum iam profectionis tempus adesset, dedu-

cente illum regis præfecto Buria, qui officij
 causa, ad duo passuum millia exeuntem pro-
 sequutus est, vniuersa populi multitudo por-
 tis effusa, ingenti edito clamore, patriæ pa-
 rentem a se diuelli lugubri eiulatu quereren-
 tur. Quos ille benigne salutados, blanda vo-
 ce, & sedato vultu, bene omnes valere iubēs,
 tandem, non sine magna difficultate, a se de-
 misit retinens secum aliquot ex canonico-
 rum numero, quos passus est vna proficisci,
 vsque ad proximum oppidulum, quod sancti
 Ioannis a Luce vulgo dicitur. Vnde paulo
 post, illi in urbem redierunt, ipse vero ad pa-
 gum Irunium peruenit, traiecto Aldunia flu-
 uio, qui Gallias ab Hispanijs ibi determinat,
 paucis ex domesticis suis secum adductis,
 quia ceteros ex Biarnensi portu, cum omni
 suppellectile, mari præmiserat. Postera die
 Easonem adiens (vulgo Fonterabiam dicūt)
 vt ex itinere Sanctium Leiuam salutaret, eius
 prouinciæ præsidem, copiarumq. præfectū,
 ante solis occasum, ad oppidum sancti Seba-
 stiani peruenit. vbi trimestre tempus exegit,
 dum ex Lusitania regis nuncium & profici-
 scendi licentiam expectat. Nec interim a
 consuetudine sua recessit, reipublicæ iuan-
 dæ. Accepta enim a Pampelonensi Episco-
 po facultate, ibi quoque spirituale Pontificis
 munus exercuit, magnamq. gratiam tam ab
 vniuerso Clero, quàm a reliquis ciuibus ini-
 uit.

uit. Quo tempore iam ad Tingenſem epiſcopatum, ex Zaphienſi, tranſlatus fuerat. Acceptis deinde a rege litteris, quibus redeundi in Luſitaniam ſpes certa ostendebatur, magno eſt affectus gaudio, id namque valde concupiuerat, tum vt conſanguineos, & amicos poſt tam diuturnam abſentiam inuiſeret, tum etiam quia epiſcopatus cura, eum non parum anxium, & ſollicitum habebat, licet eo tempore vbique ea conſuetudo perperam inualuiſſet, vt Epiſcopi raro eccleſias ſuas inuiſerent, præſertim in tranſmarinis rigionibus ſitas. Itaque per Vardulorum tractum, qui vulgo *Lepuzcua* dicitur, iter faciens ſuperato ſancti Adriani monte, Medinam Campi ineunte mēſe Decembris peruenit, vbi cum inſperatus a Luſitania tabelarius aſſequitur, litteras ferens, quibus iterum in Galliam proficiſci iubetur, vt apud Franciſcum regem oratoris, ac legati munus gerat. Paucis igitur ibi conſumptis menſibus, in adornando itineris apparatu, rebusq. neceſſarijs comparandis, miſſitandisq. in Luſitaniam nuncijs, ac litteris, quibus cum rege, de rerum ſuarum ſtatu, & conditionibus agere neceſſe fuit: initio veris, anno mil-leſimo, quingentefimo quadrageſimo tertio Medina excedens, perq. eadem veſtigia viã ingreſſus, aucta domeſticorum turba, & magnificentius re familiari inſtructa, non ſine

ingenti gaudio, & gratulatione populorum, per quos nuper iter habuerat, Baionam peruenit, vbi tanta repente exorta est ob illius reditum lætitia, vt vix sibi ciues temperarēt, quominus ei ad multa passuum millia, obuiā prodirent. Matronæ vero, & reliqua multitudo gratulabundis, faustisq. acclamationibus omnia complere, certatim ex mœnibus egredi, vias & loca muris vicina insidere, vnde eum conspiceret, & salutare possent, dicere, ac pro certo credere, suis lacrymis, suis precibus ad Deum optimum maximum effusus effectum, vt communem omnium parentem, & piissimum Episcopum iterum in vrbe sua incolumem cernerent. Iam vero testis appropinquantem, maximo applausu, ac incredibili amoris, & beneuolentiæ significatione vniuersa ciuitas domum vsque deduxit: petentes obtestantesq. per suam, erga ipsum, obseruantiam, amorem, pietatem, ne charissimos ciues, immo obsequentissimos filios defereret, neque ab eis villo vnquam tempore abesse vellet. Misereretur viduarum, pupillorum, egenorum, ac denique omnium ciuium, quibus vt antea eius discessus acerbissimus fuerat, ita modo optatissimus aduentus maximam lætitiam, gaudiumq. afferebat. Quorum studium, & egregiam erga se voluntatem magnopere collaudans, eistā publice, quā priuatim gratias egit. Deinde

de expositis profectionis suæ causis, cupere se dixit vrbis sibi amantissimæ conspectu, & ciuium charissimorum familiaritate diutissime frui, sed id in sua minime esse potestate, quia longius iter suum differre nequeat, immo vero illud maturare, atque accelerare necesse habeat. Triduo igitur quieti, & vrbis desiderio concessio, omnibus operam suam, & studium pollicitus, si quid apud regem, aut ipsum Baionensem Episcopum agi cuperent (qui regis aulam sequebatur) Burdigalam proficiscitur. Vnde mox Lutetiam Parisiorum, per Pictauos, & Aurelianenses petens, ad regem peruenit. Apud quem oratoris munere fungebantur Franciscus Noronius, vir summo loco natus, qui postea Linarij comes fuit. cui in legatione succedens, illico apud regem, & reliquos principes, quos eo tempore Gallia & potentissimos, & clarissimos habebat, magnam virtutis, & integritatis famam adeptus est, adeo vt rex illum, quoties venientem ad se conspexisset, bonum & pium Episcopum, coram multis, & diceret, & prædicaret. Quod sapientissimi regis testimonium, magnam ei apud omnes auctoritatem conciliauit. Erat in primis Leonoræ reginæ charus, tum propter singularē eius in Lusitanos omnes volūtatē, quorum Regi antea nupta fuerat, tum etiam ob inculpatissimos illius mores, summamq. vitæ inte-

gritatem, cuius fama regis quoque filios & præsertim Henricum, qui postea patri in regno successit ad ipsum summopere amadum suspiciendumq. inuitauit. Libet hic obiter exponere certissimam eius coniecturam, quã de eodem ipso Henrico fecerat, aliquot annis antequam ad regnum capeffendum accederet, varijs enim de eius indole, & futurorũ euentu sparsis, vt fieri solet, in vulgus rumoribus, & scissis in contrarias partes hominũ studijs, dum aliqui Aurelianensi duci magis fauerent, ipse vt erat acerrimo iudicio, & magna rerum experientia præditus, nonnumquam ab amicis rogatus, quid de eius moribus, & imperandi artibus in posterum præsa- giret, constantissime semper asseruit, Henricum magni, inuictiq. animi principem, si quando ad regni gubernacula tractanda peruenisset, in regem maximum clarissimumq. euasurum. Nec illum sua fefellit opinio. Nam inter fortissimos, potentissimosq. Galliæ reges, vix ynum, aut alterum reperire licet, qui sit cum illo comparandus, siue animi magnitudinem, & rerum gestarum gloriam, seu pietatem, & Christianæ religionis studium spectes. Cum igitur erga Henricum sic esset animatus, seq. ab illo non mediocriter amari perspexisset, frequenter ad ipsum, viuente adhuc patre, ventitare solebat, nullam occasionem prætermittens, tanti sibi principis con-

conciliandi. Conijciens id, quod euentu cō-
 probatum est, fore, vt Francisco rege vita-
 functo, magnum sibi ea res adiumentum ali-
 quando afferre posset ad difficiliora quædam
 legationis suæ capita facilius pertractanda.
 In quo etiam singulari studio Anæ Momoran-
 tij præfecti prætorio adiutus fuit, qui apud
 Henricum, gratia, & auctoritate, primum
 locum obtinuit. Quem virum enixe semper
 coluit, & omni officij genere sibi deuincire
 numquam destitit, præsertim eo tempore,
 quo ipse Momorantius, ob alienatam a se.
 propter leues quasdam suspiciones, Franci-
 sci voluntatem, ab aula excedens, in oppida
 quædam suæ ditionis, Lutetiæ vicina, se rece-
 pit. Vbi postquam aliquot annos, in otio ho-
 nesto, cum magna animi tranquillitate vitam
 egisset, ab Henrico confestim post suscepta
 regni gubernacula, accersitus, & reipublicæ
 administrationi adhibitus fuit. In qua ita se
 gessit, vt nihil dici possit tam magnificum,
 quod eius laudes, & immortalem nominis glo-
 riam vlla ex parte æquare possit. Tanti itaq.
 viri amicitia, & opera subnixus, cum primū
 Henricus insignia regni suscepit, res maxi-
 mas difficillimasq. confecit, quas antea, ini-
 quitate temporum impeditus, ad exitū per-
 ducere nequiuerat. Cum igitur apud Fran-
 ciscum, & Henricum legati munere cum sum-
 ma laude functus esset, in Lusitaniam redire

statuit, consumpto in Gallia integro decennio: quo tempore ingens pondus aris alieni contraxit: erat enim a sordibus, & ab omni auaritiæ specie valde alienus: & quamquam mediocritatem maxime probaret, & suapte natura ad frugalitatem esset propensus, in publico tamen oratoris munere obeundo, magnam, & ornatam domesticorum turbam alere, & splendida, lautaq. mensa vti necesse erat, quæ optimo cuique semper patuit, Lusitanis præsertim, quorum ea tempestate Lutetiæ non mediocris erat numerus: Multi præterea nobiles, & insignes viri, tam ex Gallis, quàm ex Hispanis Leonoræ reginæ familiæ addicti, ad illum assidue comessatum veniebant: Aderant etiam ex Lusitania non pauci magnates, qui legatione regia fungentes vel in Belgium ad Carolum Imperatorem, vel in Germaniam ad Ferdinandum Romanorum Regem, vel in Angliam, aut Italiam, ceterasque Galliæ vicinas gentes, illac iter habebant. Quos omnes magnifice hospitio exceptos, omni officiorum genere prosequabatur. Ad hæc præcipuam curam semper adhibuit, in subleuandis oppressis, & egenis hominibus, qui ex Lusitania in Galliam perpetuo cõfluebant, a piratis capti, & fortunis omnibus spoliati, quibus opẽ promptissime afferebat, adeo, vt etiam mensæ suæ supellectile argentea, nummulariis pignoris nomine assignata,

non-

nonnullos ex ergastuli, & triremium vinculis, ubi iniuste detinebantur, liberauerit. Non deerat viris studiosis, & piis, qui in Parisiensis academia versabantur, quorum consuetudine assidue utebatur, modo hos, modo illos mense adhibens, atque aliis beneficiis sibi deuinctos reddens. Religiosorum cœnobia libenter inuisebat, & peculiari quodam amore, Carthusianos fratres amplectebatur. nec abs re, puto paucis exponere, quam ardenti studio, quamq. assidua cura, per omnem ætatem literis deditus fuerit. Atque, vt iuris prudentiam omittam, qua inter insignes iuris consultos sui temporis in primis floruit. Græcas litteras Baionæ prope iam senex discere cœpit. Nec erubescibat, cum ea esset ætate, & auctoritate discantis personam assumere.

Quinimmo vt ceteros suo exemplo ad virtutis, & bonarum artium amorem excitaret, palam & adhibitis nonnumquam amicis, ac familiaribus, præceptiunculas, & minutias illas grammaticæ artis sibi perlegi, & inculcari volebat, tantumq. breui tempore in eius linguæ cognitione profecit, vt eam exacte, & ad vnguem calleret, & omne genus auctorum inoffense, summa cum voluptate animi euolueret. Nec ea re contentus, vt erat otij impatiens, & discendi cupidus, linguæ quoque Hebrææ cognitionem sibi comparauit, in qua multum studij, & laborem insumpsit, dum

per

per eam faciliorem sibi aditum parat, ad sacre scripturę lectionem, quam semper ceteris studiis adeo anteposuit, vt diceret nihil magis decere viros bonos, ac pios, præsertim sacerdotio addictos, quàm vt ceteris omnibus studiis omiſſis, penitus se sacrorũ librorum lectioni traderent, quod ipse, quoad eius fieri potuit efficere conatus est. Nam quamuis plurimis, grauissimisq. occupationibus districtus, numquam noui, & veteris testamenti libros legere, & tam Gręcos, quàm Latinos interpretes euoluere destitit. Adhibitis etiam Hebraicę linguę commētariis, quibus tamquam subsidiaria ope adiutum ad diuinarum litterarum pleniorẽ cognitionem se peruenire posse sperabat: cuius linguę addiscendę occasionem illi Parisiensis academię opportunitas obtulit. Ad Gręcas etiam litteras exactius perdiscendas vsus est ibi opera Ioannis Cheredami viri doctissimi, ex ipsa Gręcia oriundi, cuius nonnulla extant opuscula. Adiecit & Astronomiæ, & Geographiæ studium. Denique nulla est ars, aut liberalis, & digna ingenuo, & pio viro disciplina, quam non attingere, & delibare voluerit. Vt autem tãquam ex diuerticulo ad eius in Lusitaniam profectionem redeamus, sub finem mensis Iunij anno millesimo quingentesimo quadragesimo octauo, iter est ingressus, vnà cum Frãcisco Noronio, cuius antea me-

mini,

mini, qui ad salutandum Henricum, iterum in Galliam missus fuerat. Itaq; a Lutetia per Aurelianenses, & Pictauos, Burdigalensesq. Baionam peruenit ad vigesimum quintum Kalendas Augusti, vbi & a Regio præside Capellio, qui tunc vrbi præerat, & ab vniuerso populo honorifice exceptus, & aliquot dies cōmoratus, vt vrbs desiderio satisfaceret, iterum se itineri accinxit. Deinde per Pyrenæi iuga, perq. Victorienses, Burgeneses, Pintianos, Salmanticenses, eam Lusitaniæ regionē petijt, quæ Interamnensis dicitur, quod inter Durium, & Minium amnes sita sit, vt monasteria sibi paulo ante a rege collata inuideret. In quibus reliquam æstatis partem transegit, & ineunte Octobris mense, Olyssipponem se contulit, ac statim in numerum Senatorum, qui Palatini dicuntur, cooptatus est. In quo munere, vt in ceteris magistratibus, quos gessit, singularem apud omnes fidei, & integritatis famam est adeptus. Ea autem erat in omnes humanitate, & comitate, vt certatim libellos suos supplices ad illum reijci, ab ipso rege contenderent, & (quod raro accidere solet) etiam repulsam passi, æquis animis discederent, tanta, ac tam constans erat, de eius virtute, & singulari doctrina vulgo concepta opinio. Cum igitur aliquot annos in aula non sine magna nominis celebritate versatus, nec minus regi, reliquisq. principibus,

pibus, quàm populo charus, strenuam, fidam-
 que opèram Reipublicæ nauasset : anno mille-
 simo quingentesimo quinquagesimo tertio,
 Visensem urbem, cuius Episcopatû adeptus
 fuerat, inuisere decreuit, sexagesimum ter-
 tium ætatis suæ annum agens. Longum ve-
 ro esset dicere, ac commemorare, quanta
 cum laude pontificium munus ibi administra-
 uerit, nec expectandum a me est, vt singula
 eius facta egregia, & pio Episcopo digna, re-
 ferre aggrediar: id enim longiorem narratio-
 nem requirit, qua lectorem defatigare mihi
 non est in animo: sed summatim, ea tantum
 attingere, quæ insigniora mihi visa sunt, ex
 quibus quiuisset cetera conijcere, ac dijudica-
 re valeat. Ad Visensem igitur Ecclesiam, tam
 a canonicorum collegio, quàm a reliquis ci-
 uibus valde expetitus, ac desideratus perue-
 nit, ad quos cum animum beneuolum, & vere
 paternum attulisset, multa ac præclara ope-
 ra statim edidit, quibus illorum expectatio-
 nem non solum non fefellit, sed etiam lon-
 ge superauit. Synodum enim paucis inter-
 iectis mensibus coegit, in qua nihil præter-
 misit, quod ad communem totius dioceseos
 curam, vtilitatemque pertinere videretur.
 Nec multo post, constitutiones editas ab an-
 terioribus episcopis, quæ propter temporû,
 rerumq. vicissitudines fere in desuetudinem
 abierant, in optimam formam redactas, ty-
 pis

pis excudendas curauit. Diuino cultui, sacrisq. carimonijs rite, solenniterq. peragens in primis studuit, templorum ædificiis reficiendis, nouisq. ecclesijs ædificandis, sicubi id necessitas exigebat, maximam operam adhibuit; prouinciam suam assidue peragravit, cauens non mediocri sollicitudine, ne cui oneri, aut sumptui esset. Quinimmo ab aliquo hospitio exceptus, aut munusculis donatus, illico cumulationi munere, aut alio beneficentia genere, gratiam referre satagebat. Erat enim ut diximus, minime tenax, & ab omni auaritia, ac sordium specie abhorrrens, idq. per omne vitæ tempus, tam verbis, quam factis aperte declarauit, sed præcipue in Pontificio munere exercendo, in quo sibi egenorum, & pauperum curam præcipue delegit: adeo ut in illis subleuandis, alendis, iuuandisq. non solum opes, & facultates suas, sed etiam omne studium, operamque consumeret. Accidit autem, non raro ut fame, in ea regione ob agrorum sterilitatem eius tempore inopes laborarent, quorum inopiæ promptissime subuenit, non sine magna hominum admiratione, qui non solum Lusitaniam, sed vicinas etiam prouincias, miris præconijs, & laudibus, ob eas, ac ceteras eius virtutes complauerunt, tantaq. apud omnes pietatis fama floruit, ut ad illum tamquam ad communem egenorum parentem, inopes vndique con-

confluerent. In vrbe Vifensi omnium viduarum, & pupillorum, qui egeſtate laborarent, curam gerebat: idque ita occulte, vt excepto quodam canonico, vitæ integritate inſigni, qui eius confeſſiones audiebat, nemo id reſcire ante eius obitum potuerit. Eiufdem vero canonici opera vtebatur in ceteris pijs operibus, quæ occultare ſatagebat, ne ob inanes hominum rumuſculos, cæleſti præmio, & propoſita à Deo optim. Max. bonorum operum mercede, fraudaretur. Ciuium nobilium liberos, præſertim eorum, quibus tenuiores eſſent facultates, in familiam ſuam admiſſos, liberaliter educauit, & bonis moribus, ac literis imbui, erudiriq. curauit, ex quibus complures ad ſacerdotia promouit. In hoſpitibus excipiendis, colendisq. adeo comis, ac liberalis fuit, vt eius domus non propria ipſius, ſed commune quoddam omnium hoſpitium eſſe videretur. Cumq. plurimis gratus, & charus eſſet, vix vlla dies præteriit, qua non ab aliquo externo hoſpite adiretur, præter quotidianam canonicorum, & reliquorum ciuium turbam, qui ab eo frequenter menſæ adhibebantur. Vt vero in ijs, quæ ad humanitatis officia pertinent, leni, & pacato erat ingenio, moribusq. ſuauiffimis, ita in corrigendis, caſtigandisq. vitijs ſeuerus, & vehemens, citra vllam tamen iracundiæ & malevolentia notam. Cumq. omnes ſibi perſuaſum

sum haberent, non illi homines, sed vitia, &
 crimina displicere, tanta animi æquitate,
 eius admonitiones, & saluberrima consilia,
 admittebant, vt etiam seuerissime correpti,
 illum parentem indulgentissimum, & beni-
 gnissimum prædicarent. Multos etiam cer-
 tum est ipsius auctoritate, & grauitate, qua
 plurimum pollebat, impulsos, ad meliorem
 frugem peruenisse. Quodq. alij nonnumquã,
 vinculis, carceribus, & exilio vix assequun-
 tur, ille solo exemplo, & naturæ bonitate ef-
 fecit. Hinc communis erga illum omnium
 amor, incredibilisq. beneuolentia, hinc mi-
 ræ laudes, mira præconia, adeo vt certatim
 omnes illius nomen ad cælum attollere co-
 narentur. Quæ hominum studia, & amoris
 argumenta, aduersa eius valetudo, ita accen-
 dit, vt in eius vita omnium salus, & fortunæ
 periclitari viderentur. Morbum autem gra-
 uem, & molestum contraxit ex renum cal-
 culo, & stomachi imbecillitate, quæ tandem
 in cibi tædium & virium defectum conuersa,
 mortem denique illi attulit, quam æquo, ac
 sedato animo agnoscens, ex hac caduca vi-
 ta, ad illam æternam, felicemq. discessit, non
 sine ingenti, ac prope incredibili omnium lu-
 ctu, qui eius funeri interfuerunt. Nec solum
 qui aderant, sed omnia Visensis prouinciæ
 oppida, illum vt communem parentem &
 pium Pontificem diu luxerunt. Nec minori
 prope

prope dolore affecti sunt, audito illius obitu, qui procul, & magno terrarum interuallo disiuncti, eius virtutes & vitæ sanctimoniam magnis laudibus efferri, semper audierant. Quorum omnium communis fuit, & iusta querimonia, indignantium eripi reip. talem, tantumq. virum, eo præsertim tempore, quo & ob teneram Sebastiani regis ætatem, & propter impendentia quædam pericula, quæ bonorum animi iamdiu præagitabant, magni omnium intererat, illum, & omnes illius similes, quàm diutissime viuere. Obijt mense Nouembris anno 1567. ætatis vero suæ septuagesimo septimo. Statura fuit procera, & recta, corpore aliquantulum obeso, sed agili, & compacto, atque omnium membrorū æqua proportionē conspicuo, latis humeris, extento pectore, firmis lateribus, necnon brachijs, cruribus, manibus, pedibusque, quadam insita vi, ac venusto motu, decentibus. Iam vero in vultu, orisq. lineamentis, tanta inerat grauitas, blanda quadam lenitate, & hilaritate condita, vt omnes quantumuis extraneos, & ignotos, ad se amandū, suspiciendumq. solo aspectu alliceret. Oculi pro modo capitis, & faciei, aliquantulum exigui, sed viuidi, & præfulgentes. Veneranda omnino, atque etiam in maxima hominum turba, conspicua, & decora facies, cuique canities plurimum auctoritatis adderet.

deret. Valetudine vsus est prospera, toto fere vitæ cursu, exceptis aliquot leuioribus morbis, & oculorum ægritudine, qua in Gallia aliquandiu laborauit. Sed temperantia, & cura omnia naturæ incommoda facile vincebat. Erat etiam supra modum medicorum consilijs addictus, idque illi mortem aliquantulum accelerasse affirmant. Dum enim se omnino renum vitijs mederi posse confidit, medicis ita se tradidit, vt medicamentorum copia, & vehementia stomacho debilitato, letalem illum morbum contraxerit. Vir fuit constantia, & humanarum rerum despicientia admirabilis, & cuius vultum neque secundæ, neque aduersæ fortunæ vicissitudo facile mutaret. Vix vmquam, etiam cum ætas vigeret, illum aliquis subiratum esse sensit, etiam cum in domesticos suos animaduerteteret, quod seuerè, sed sedato animo facere solebat. Nemo ipsum vmquam iurantem, nemo alicui detrahentem audiuit. Inter cetera, verborum iactantiam, & inanem ostentationem ita vitauit, vt cum plurima negotia apud regem, tam in Lusitania, quàm in Gallia semper habuerit, nemo vmquam aliquid eorum, quæ gessisset commemorantem audierit. Quod morum asperitati minime adscribi debet: fuit enim humanissimus, & amicorum consuetudine in primis delectabatur, sed potius constantiæ, & singulari cui-

dam taciturnitati, qua res serias, & magni momenti, penitus occultandas esse iudicauit. Campo, & deambulationibus præcipue oblectari, & vires reficere solebat, existimâs exercitationibus moderatis bonam valetudinem plurimum conseruari. Quod illi abunde præstitit suburbana villa, quæ à mœnibus Visensis ciuitatis, quingentis circiter passibus distans, episcopis satis commodum, & amœnum hospitium præbet, quam ille magnis sumptibus, ad meliorem culturam redactam, ecclesiæ valde frugiferam, atque utilem effecit. Sunt ibi complures aquarum fontes, à quibus etiam nomen traxit, Fontellium enim vulgo dicitur. Hæc illi villa tutissimus portus, hæc requies, hæc curarum, laborumq. medela: hîc quicquid à publicis, serijsq. negotijs, temporis supererat, insumebatur. Hîc ab amicis salutabatur. Hîc ad illum omnes semper faciles aditus habebant, vtpote in publico, & subdio semper deambulanti, & temporis tædium, senectutisq. molestias, iucundissimi loci amœnitate fallentem. Nusquam aberant libri sacri, quinimmo in omnibus fere mansiunculis, quas in diuersis villæ diuerticulis, ad quietē captandam dispositas habebat, quoties deambulando lassitudinem contraxisset, aut Sæti Basilij, aut Hieronymi, aut alterius eiusdem classis auctoris volumen aliquod prom-
ptum,

prum, & paratum semper habebat, & iuxta
 librum sedilia, in quibus non tantum cōquie-
 scere, & corporis vires reficere, sed etiam le-
 gendo, animum oblectare, & ad cælestium bo-
 norum spem erigere posset. Præstiti tibi ò
 charissime auuncule, immo indulgentissime
 parens, præstiti inquam, si non id, quod tua
 virtus, ac summa in me merita exigere vide-
 bantur: saltem id, quod incredibilis meus
 erga te amor, vel potius pietas persolvere,
 coegit, merito enim ingratus haberi possem,
 si hanc qualemcunque tui memoriam, veluti
 quoddam meæ erga te observantiæ, & necessi-
 tudinis pignus, posteritati tradere dubitas-
 sem.

DE SVO EX EBORA DISCESSV

Anno M. D. LXXVII.



*Q*VI semel infidi expertus discrimina
ponti,
Pertulit Ionias iactata naue procellas:
Si dubijs iterum committere carbasa
ventis

Cogitet, & portum, dulcesq. relinquere terras:
Cuncta prius cælo circumspicit astra sereno,
Consuluit & Phæbi iubar, & nascentia Luna
Cornua rimatur, pelagusq. explorat, & auras,
Ne toties lacera discedat ab equore puppi.
Sic ego, quem docuit longa experientia rerum,
Quàm fallax hominum mens, quàm mutabile vulgi
Iudicium, quantis sit vita obiecta periclis,
Quàm levis humanos agitet discordia sensus,
Quos soleat fortuna ferox miscere tumultus:
Otia diuitijs Arabum potiora sequutus,
Dulciaq. amplexus priuatæ commoda vitæ,
Exiguas Eboræ latebras, & sordida rura,
Prætuleram tumida titulis, & honoribus aula.
Hæc mihi grata quies, hæc meta aptata laborum,
Quos patriæ vera pro religione, sacrisq.
Legibus, impigri bis septem impendimus annos,
Hinc neque me precibus chari valuerè propinqui
Hactenus assiduè abducere, nulla Cabedi

Iusta

Iusta querela mei, dulcis nec cura sororis,
 Tauora nec vita nobis incundior ipsa,
 Tauora pieridum turbæ gratissimus heros,
 Quem genuit clarus toto Laurentius orbe.
 Quid? quoties fidi me corripuistis amici,
 Lenta quod obscura tererem piger otia terra,
 Mœnia nec peterem felici condita Graijs
 Omine, Tarpeias æquantia culmine turres:
 Qua Tagus auriferas diues conuoluit arenas,
 Et pater Oceanus placidis allabitur vndis.
 Desinat ergo pijs vestra indulgere querelis
 Pagina, nec verbis absentem pulset amaris,
 O mihi Thesæo iunctissima pectora nodo,
 Pectora Cephœiæ studijs addicta Minervæ,
 Optime Castilli, tuq. ô dulcissime Sanci,
 Quique animi Cycnos Noni candore ninales
 Vincis, & antiquis Aegnati equande poetis.
 En adsum, victusq. manus do, meque fideli
 Permitto arbitrio, vestris seruire paratus
 Consilijs, rupi retinacula dulcia, Sylvas
 Liquimus, & solitos memet mihi reddere campos:
 Illecebras urbs alma tuas, quam mœnibus altis
 Cinxit, & ingenti ductu exornauit aquarum,
 Magnanimus quondam Sertorius, exul ad oras
 Occiduas veniens, populos cum exciuit Iberos,
 Signaq. Romanis circumtulit obuia signis.
 Hic illum certos fama est habuisse penates,
 Et proprios coluisse lares, hic dulcia fixit
 Limina, quæ rapido belli cessante tumultu,
 Incoleret, positis & saepe reuiferet armis.

Siue loci genio captus, seu gentis amore,
 Vel quia ad euentus dubios, bellumq. parandum
 Apta foret regio, delectæ robore pubis,
 Et virtute virum, vario quos Marte probarat.
 Salve magna parens frugum, fecunda virorum,
 Salve altrix, nobis vrbs ò gratissima salve,
 Principibus dilecta viris, adamataq. magnis
 Regibus antiqui retinens monumenta decoris.
 Maximus ille ducum, Romanæ gloria gentis,
 Iulus à Phrygio deducens nomen Iulo,
 Cum quateret terras armis, cum sidera fama
 Completeret, solusq. orbis tractaret habenas:
 Te titulis, ciuesq. tuos decorauit opimis
 Muneribus, largaq. manu largitus honores
 Eximios, Latij tribuit tibi iura vetusti.
 Cæsaris hinc tibi creuit amor, cui marmora quondam
 In medio mansere foro, testantia laudes,
 Egregiumq. viri decus, a quo Iulia dici
 Gaudes, occiduas inter memorabilis vrbes.
 Septima nunc agitur nobis trieteris ab illo
 Tempore, quo mystas inter numerandus, & aris
 Admissus superum, ritè tua templa sacerdos
 Ingredior, seruoq. tuas vrbs inclyta sedes,
 Nec nos indecores, nec mollis inertia tempus
 Exhaustit, fidei commissa est publica sacræ
 Cura mihi, sanctiq. vigil custodia iuris.
 Munere quo (liceat per te mihi vera profari)
 Nec meliori animo fungi, nec purius vlli
 Contigit, id norunt populi, quos Bætis, & Anas,
 Quos Tagus, & Minius, quos ingens Durius ambit.
 Nunc

Nunc mihi lustra decem iuncta trieteride complet
 Canities, tardumq. subit iam grandior etas.
 Iam tibi florentes vitæ concessimus annos,
 Iam tibi pars nostri consumpta est lætior æui:
 Da veniam (precor) extremum si vendicat actum
 Ipsa senecta sibi, si me pia cura meorum
 Auocat vrbs dilecta tuis a mænibus, arcto
 Herentem amplexu, ceu blandæ altricis alumnum.
 Me non ambitio stimulat, nec turpis habendi
 Torquet amor, non inuidia mihi pectus edaci
 Carpitur, aut agitat mentem vesana cupido,
 Sed patriæ pietas, & magni iussa Sebasti
 Ad maiora vocant. Geticis truculentior vr̄sis
 Sæuior Hircana sit Tigride, Cinctaq. duro
 Corda adamante gerat, qui te fortissime regum,
 Non colat, ac tua facta probet, miretur, ametq.
 O lux Hesperia, ò seculi spes vnica nostri,
 Lysiadumq. insigne decus, columenq. tuorum:
 Regni amor, ò vera pietate insignis, & armis.
 Sidera dum cælo stabunt, dumq. aurea Phæbe
 Noctiuago liquidum circundabit æthera curru,
 Et Sol flammiferis terras lustrabit habenis:
 Semper honos, nomenq. tuum, laudesq. manebunt.
 O illam mihi si tribuant pia numina lucem
 Cernere, cum Libycis victor remeabis ab oris,
 Celsaq. Laurigeris properans ad templa quadrigis,
 Debita supremo persolues vota tonanti.
 Tunc me Pierij nemoris lustrare recessus,
 Castaliosq. auide latices haurire iuuabit,
 Audiat ut claros patriæ me vate triumphos

*Gens, quaecunque iacet gemino porrecta sub axe :
 Qua Tarthesiacas Titan se condit in undas ,
 Qua rubet orta dies, & qua sub sidere Cancri ,
 Aestuat ardenti tellus damnata vapore .
 Interea precibus diuum pulsabimus aras ,
 Ut tibi felices summi moderator olympi
 Annuat, & latis plenos successibus annos :
 Aurea labenti rursus qui secula mundo
 Restituant, Pylîj superent & Nestoris æuum .*

H*Aec cecini quondam leta modulante Thalia,
 Integra cum regni staret fortuna, decusq.
 Antiquum nulla violatum clade vigeret ,
 Deuictiq. Arabes, Persæ, Garamantes, & Indi ,
 Innumeræq. aliæ gentes, ad sidera nomen
 Aurea Lysiadum ferrent rumore secundo .
 Tempore quo classem festino milite complens ,
 Fortia, sed consulta parum rex strenuus arma
 In Libycos fines, magnumq. Atlanta parabat .
 Accessi, & patriæ (cœli pia numina testor)
 Consulere, ac dubijs volui succurrere rebus .
 Nam regem admonui, leuibus ne credere Mauris ,
 Vellet, & infidæ sese committere genti :
 Armaq. mandaret ducibus, quos grandior ætas ,
 Gestaq. per varios decorarent bella triumphos .
 Quin etiam insolitas ausus depromere voces ,
 Inclyte rex, dixi, quo te rapit ardor, & alto
 Insita vis animo ? quæ belli tanta cupido ?
 Ut dulci sine prole, velis iuuenilibus annis ,
 Ambiguæ tantum sorti committere regnum ?*

Nec

Nec pius obnixis precibus te flectere princeps
 Henricus, nec fida tui consulta senatus
 Exorare queant, auia nec mixta querelis
 Vox miseranda tuæ, populi nec clamor ad auras
 Sublatus, nec signa mali præsaga futuri?
 Immo age si firma tibi stat sententia mente,
 Inuitisq. paras cunctis, tentare potentes
 Ductores Libya, Numidisq. ferocibus arma,
 Inferre, ac tantis caput obiectare periclis.
 Explicet ingentes tua Lusitania vires,
 Impleat, & Libycos numerofo milite campos.
 Signa canant, validæ coeant in prælia gentes,
 Qua Minius secat arua vadis, per Limica rura
 In mare Lethæas Belion, qua fundit arenas,
 Et rapidas conuoluit aquas qua Tamaca præceps.
 Bracara cur cessat veteres angusta colonos
 Mittere? Calensis densas armare cohortes
 Vrbs paret; insigni portu quæ nobile regno
 Nomen, & auspiciū sceptris donauit auitis.
 Contia, cæruleis quam Durius abluit undis,
 Et Sicula certans vicina Brigantia messi,
 Agmina certatim mittant, descendat ab altis
 Montibus indomitus procero corpore miles,
 Qui densas Amaranthe tuas indagine siluas
 Cingere, & informes prosternere cominus vrsos
 Gaudet, fulmineosq. agitare in saltibus apros.
 Qui iuga Medulij scandit saxosa niuosi,
 Callaicos nostris populos quæ finibus arcent.
 Nobilis inuictas iungat Lameca cohortes,
 Lanciæq. Aemilij quondam defensa fauore.

Arma

*Arma ferat, populiq. ruant in bella feroces,
 Qui Vacuam, Seliamaq. bibunt, Cudamaq. sonantem.
 Et per quas pulchro sinuosus flumine Munda
 Transít, ubi virides excelsa Conimbrica campos
 Despicit, Aonijs sedes gratissima musis.
 Assuetam pelago generosa Talabrica pubem,
 Aeminiúmque vetus, necnon Lancobrica mittant.
 Adsit & Herminij durissimus accola montis,
 Igedetaeq. duces, & cui Caua Iulia nomen
 Indidit, innumeræq. vrbes, quas Zeccarus ambit,
 Et Tagus auriferis circumfluit undiq. ripis.
 Scallabis extractos campo, & venatibus armet
 Mille viros, ac iungat equis pernicibus alas,
 Qui rapidos cursu Zephyros, aurasque laceßant.
 Hos Moro callaici monumentum nobile Bruti,
 Fraxineæq. manus, & Arabica signa sequantur,
 Quique Eburobritij campos, quique arua beata
 Colliponis arant, & cœlia rura iuuencis.
 Quique tenent Mindi nimbose cacumina, quique
 Anfidianæos saltus, Lunæq. peragrant.
 Adde tot egregias vrbes, quæ littoris oras,
 Oceaniq. tenent portus, qua Munda, Tagusque.
 Aequoreo dulces confundunt gurgite lymphas:
 Quas inter profugi sublimi vertice Vlyssis
 Mœnia consurgunt, septenis æmula Romæ
 Collibus, & priscis Nili certantia Thebis.
 Vnde tibi varijs exercitus integer armis
 Conscribi (tanta est numerosæ copia gentis)
 Possit, & innumeris consterni nauibus æquor.
 Arma, virosque ferox ratibus Cetobrica mittat
 Quam*

Quam rutila cingit constructus Iaspide murus ,
 Raraq. nobilitant piscosi stagna profundī :
 Callipodis vasto miscentur ubi ostia ponto .
 Huic vetus Aritium, & vicina Salacia iungant
 Agmina, Meroarigæq. viri, & qui herbosa patentis
 Orichij multo tondet grege Turdulus arua .
 Oppida quid referam sacro contermina monti ?
 Unde patet Libycas facilis traiectus in oras :
 Fortis ubi pelago , Martiq. assueta iuuentus
 Infestos arcet patrijs a finibus hostes .
 Balsa potens equitum mittat, peditumq. maniplos .
 Et Pharus Ossonobæ veteris ditata ruinis .
 Clarus & Annibalis portus, Lacobrigaq. audax :
 Et populi, quos pulcher aquis perlabitur Anas .
 Quos inter, ducat bellacem Iulia gentem
 Myrtilis, armet equis densas atque ære cateruas
 Iulia Pax , quam Serpa ferox, & Aruccia diues ,
 Vicinaq. vrbes aliæ , quæ vomere putres
 Proscindunt glebas, & pinguia rura, sequantur .
 Quid tibi felices Eboræ rex maxime ciues ,
 Et validas memorem gentes , quas continet amplo
 Vrbs populosa sinu , atque excultis educat agris ?
 Cuius & innumera victricia signa sequentur
 Vicinæ iunctis inter se viribus vrbes ,
 Heluiæq. ante omnes vrbs insuperabilis armis ,
 Agmen aget , fortes ducens in prælia gentes ,
 Qui pictis volitant in equis, & cuspide gaudent
 Hostilem Mauri, Numidæq. haurire cruorem .
 Hæc Vetonum terris, atque Anæ proxima, quondam
 Celtica gens dicta est , contingens iure propinqui

Sanguinis *Arrotebras*, qui *Nœria* rura colebant
 Obliti à socijs, *Limæi* ad gurgitis undas :
 Præde nouo flumini dixerunt nomine *Lethem*.
 Parte alia mittet validas *Amæa* cohortes,
 Claraq. plumbiferis antiqua *Medobrica* venis,
 Qua medium spectant frondosa cacumina solem
 Montis *Arameni*, varias qui vertice gentes
 Circuit, & claras gremio complectitur vrbes.
Hermimum dixere prius, mox sæcula nobis
 Proxima, in *Armenium* nomen vertere vetustum.
 En tibi *Lysiadum* regia deuota tuorum,
 Terra armis, opibusq. potens, atque vberem glebæ,
 Clara viris, clara in superos pietate, fideq.
 Hinc delecta manus iuuenum, per cœrula ponti,
 Littore ab occiduo soluens penetrauit ad ortus
Phæbaos, *Gangemq.* Tago seruire coegit.
 Hæc quondam *Alphonso* (felicia nomina) reges
 Protulit, atque alios, factis qui ingentibus orbem
 Complerunt, hæc te regum fortissime nobis
 Edidit, auspicijs cuius, victricia signa,
 Ultra anni, caliq. vias, ultra æquora *Nerei*
 Proferet, & *Libycis* late dominabitur oris.
 Tu modo consilij animum submittere celsum,
 Ne dubita, populosq. tibi seruire paratos
 Duc tecum, & regum sectare exempla priorum,
 Qui quoties *Libycos* ferro petiere penates,
 Innumeras secum peditumq. equitumq. catervas
 In castris duxere suis, cur agmine paruo,
 Et paucis comitatus abis? cur plena relinquis
 Oppida clara viris? qui te bellante, recusant
Ignaro

Ignauo torpere situ ? legionibus auge
 Agmina , densentur magnis equitatibus ala .
 Non est cum modica bellum tibi gente gerendum ,
 Punica regna petis , vrbes , populosq. potentes ,
 Fluminaq. , & latis dispersa magalia campis ,
 Vndiq. frondoso quæ vertice maximus Atlas
 Cingit , & Oceanus rapidis circumtonat vndis .
 Illic infrenes Numidæ , Mauriq. feroces ,
 Barcæiq. truces habitant , Getulaq. bello
 Gens assueta , auidos vincens feritate leones .
 Mille tibi occurrent acies , mille agmina campis
 Discurrent , ferientq. altis vlulatibus astra ,
 Totaq. cornipedum fremitu tremet Aphrica tellus .
 Finieram : cum blanda mihi responsa , sereno
 Ille refert vultu , ac placido sic incipit ore .
 Grata quidem semper mihi sunt tua dicta fideli
 Deprompta ex animo , sed stat sententia , classem
 Soluere , & in Libyam ventis dare vela secundis :
 Inq. fidem nostram regi , gremiumq. recepto ,
 Promere opem , regno qui nunc spoliatus auito
 Exulat , & nostras supplex confugit ad vrbes ,
 Herculei cingunt quas claustra angusta profundî .
 Adde quòd innumeras Maurorum inuadere turmas
 Cũ paucis , nostrum est , sic prælia plurima quondam
 Maiores gessere mei , spretisq. periclis ,
 Lysidum claris decorarunt sceptrâ trophæis :
 Dum pia bella gerunt pro Christi nomine , & aris .
 Nil formidandũ est Christo duce , et auspice Christo .
 Sic ait : at patria mihi mens ardebat amore ,
 Et dubios casus , ac certa pericula cernens ,
Anxia

*Anxia sollicitis cruciabar pectora curis ,
 Et magnum exitium regno , regi. timebam .
 Quare iterum monitis , iterum tentare precando
 Aggredior, dictisq. animum mulcere ferocem .
 Sed Deus omnipotens, mundi qui sidera torquet ,
 Offensus nimia scelerum grauitate , luenda
 Decevit commissa illo sub principe gentis
 Lysiadum, & meritis sumpsit pro crimine pœnas .*

IN LAVDEM CLARISS.
 Ciuitatis Olyssipponensis
 Hendecasyllabi .

Anno M. D. LXXV.



*Alue vrbs occidui orbis imperatrix,
 Regina Oceani procul sonantis ,
 Verè vrbs regia , regibusq. grata ,
 Salue huius columen, caputq. regni,
 Magnarum decus vrbiumq. salue .
 Illustris Tagus aureis arenis ,
 Bæti nobilior , simulq. Ibero ,
 Atque Ana , Minoq. Durioq.
 Aegæo similis Tagus profundo ,
 Certans Ionio Tagus patenti ,
 Nec cedens Tagus Adriæ sonanti ,
 Per tot magnificas vagatus vrbes ,
 Claris amnibus hinc , & inde raptis ,
 Se totum gremio tuo recondens ,*

Te ripis beat, atque agro feraci
 Fruges undique conuehit salubres,
 Portu nobilitat sinum capaci,
 Ingentes gerit alueo carinas,
 Quæ ponto dominantur, & per undas
 Immensi Oceani vagantur, oras
 Eoasq. petunt, bibuntq. Gangem:
 Quas & sol oriens videt, cadensq.
 Et cum se medio sub axe librat,
 Miraturq. parem suis quadrigis
 Cursum conficere, ut tibi potentes
 Submittant Arabum, Indiaq. reges.
 Salue vrbs maxima, quæ fones benigno
 Complexu, ad tu a tecta commeantes,
 Diuerso innumeras ab orbe gentes.
 Te Germanus amat, petit Britannus,
 Hybernus colit, & lari paterno
 Præfert Gallica natio, tuisq.
 Sedes figere mœnibus laborat.
 Te multa rate Cantaber frequenter
 Effossum chalybem ferens, & altas
 Siluas Astur alit tuos in vsus,
 Et Callæcia portuosa nudis
 Gaudet montibus, ut tuis onustas
 Puppes nauita mercibus reportet.
 Diues Bætica nobili metallo
 Te cunctas veneratur inter vrbes.
 Miratur Venetæ ratis magister,
 Etruscus, Siculus, Ligurq. complent
 Portum classibus, & beatiorem

Terris omnibus esse te fatentur.
 Quis præconia, quis queat tuarum
 Dicendo cumulum explicare laudum?
 Haud nostræ genius valet Thalia
 Tantæ pondera sustinere molis.
 Id præstare tibi mei Cabedi
 Felix musa potest, parem vetustis
 Quem Cetobrica protulit poetis,
 Felices ubi Iaspidum colonos
 Piscosi sinus alluit profundi.
 Huic altam tribuit Minerva mentem,
 Dulci pectora condiens lepore,
 Excultum eloquium dedere musæ
 Miscentes Latij sales Pelasgos:
 Phæbus plectra dedit, quibus Maronem
 Donarat, Colophoniumq. vatem.
 Hausit Cæsarei fluentia iuris
 Puris fontibus, omniumq. nodos
 Legum soluere, vel Papiniano
 Nouit rectius, elegantiusq.
 His ad purpurei gradum senatus
 Euectus meritis, proboq. magni
 Regis iudicio, diuq. claro
 Functus munere, clariore fama:
 Nunc inter celebres honore patres
 Versatur, populis tuis regendis,
 Quos ipsa auspicio bono creasti,
 Priscis Romulidum pares tribunis.

C V M P A T R I A M

longo tempore a se non vi-
sam adiret.

Anno M. D. LXX X.



*Aspicione tuas tellus dulcissima sedes ?
Dilectos uideo campos, adamataq. rura ?
Agnosco vitreos fontes, riuosq. pe-
rennes ?*

Nosco domũ antiquam, & cunabula chara saluto ?

An mihi sese offert fallax, & inanis imago,

Quæ velut in somnis rerum simulacra figuris

Effingit varijs, mentemq. eludit, & alto

Membra sopore madent curis agitata diurnis ?

An vigil, & vero discernens omnia sensu,

Aspicio natale solum, dulcesq. penates

Cerno oculis, qui medias in luminis auras

Excepere, & vagitus mihi conscia primi

Tecta libens subeo, teneris ubi lusimus annis.

O felix, niueoq. mihi signanda lapillo

Lux optata diu, reliquo incundior æuo,

Carminibus celebranda meis, redituraq. fausto

Omne, quæ nobis tot gaudia contulit vno

Tempore, confectum curis, ægrumq., senemq.,

Cum post lustra decem, bina trieteride iuncta

Dulcis amor subiit patriæ, nec nostra fefellit

Vota, sed optata simul ac vestigia terra

Fiximus, & cæli sese obtulit aura benigni:

A a

Con-

Continuo membris redijt vigor, illaq. mentis
 Abscessit nubes, nec iam amplius vlla fatigat
 Corda dolor, curaq. graues gemitusq. recedunt.
 Ipse loci genius, patriaq. aspectus amœna,
 Tristia depellunt animo suspiria nostro.
 Vt iuuat oblitos longo iam tempore fines,
 Mutatosq. videre locos, vbi dulcia quondam
 Paruulus innocuæ capiebam gaudia vitæ.
 Salue ò cœlicolum nutu mihi debita tellus,
 Vosq. iterum chari nobis saluete penates.
 Salue nobilium nutrix sæcunda virorum,
 Clara armis, clara ingenijs, & fortibus ausis.
 Non ego te cunctis dubitem præponere terris,
 Sit licet exiguus populus tibi, lætaq. curuo
 Vomere non multi proscindant arua coloni.
 Fallitur egregias quisquis sibi vendicat vrbes,
 Vt tenuem falso patriam permutet honore.
 Omne solum fortes producit, paruaq. claros
 Oppida sæpe viros generant, nec manibus amplis
 Fidite, nam scelerum faultrix ibi regnat Erynnis.
 Ambitione, dolis, turpiq. libidine, & ira
 Magnificos intra muros peccatur, & istæ
 Rarius exigua pestes dominantur in vrbe.
 Quid? quod cæca vices mutat fortuna, ruuntq.
 Imperia, & regnis veniunt sua fata, nec vrbes
 Certa sede manent, sed quas modo læta benigno
 Sors complexa sinu fouet, olim obscura fuerunt
 Oppida, vel tenues vlllo sine nomine terræ.
 Quas vero quondam fortunæ ad sidera flatus
 Extulit, & totum vulgauit fama per orbem,
Nunc

Nunc sine honore iacent, aut illas densa tenebris
 Nox tegit, & veterum premit alta obliuio rerum,
 Tu neque præteritis iacuiſti ignobilis annis,
 Nec modo poſtremaſ inter numeraberis vrbes,
 Felix ſorte bona, medium cui contigit omni
 Tempore ferre locum, magnis licet impar, at imis
 Maior, & aduerſis vix vnquam obnoxia fatiſ,
 Seditiōe carens, ſeruatrix iuriſ, & equi,
 Ciuibuſ innocuiſ floreſ, probitateq. morum,
 Sponte ſua populum, non vinclo, aut legibuſ æquum
 Diligiſ, & priſco veterum ſe more tenentem.
 Te colit alma Cereſ, curuiſ tibi ſudat aratriſ,
 Non ignara operum, campoq. aſſueta iuuentuſ.
 Luxuriat ſæcunduſ ager, tum paſcua leta
 Mille greges ouium tondent, molliſſima quarum
 Vellera Mileſiuiſ fama eſt vix cedere lanis.
 Te Bromiuſ, te Pallaſ amat, tibi dulcia frugum
 Munera inexhauſto diſſundit copia cornu.
 Fontibuſ irriguiſ, & amœniſ nobiliſ hortiſ,
 Præ cunâtiſ, quaiſ pulcher Anaſ, quaiſ aurea cingit
 Vnda Tagi, tibi vicino qui labitur amne.
 Quid memorem geniumq. loci, molemq. ſuperbam,
 Arciſ, & excelſaſ valido fundamine turreſ?
 Quarum quæ radijſ Phæbi eſt obiecta cadentiſ,
 Ardua in aeriâ tendit ſic vertice nubeſ,
 Vt plano conſtructa loco licet, aurea pulſet
 Sidera, & æthereâſ intrent faſtigia ſedeſ.
 Tempſa quid, & poſitaſ dijſ immortalibuſ araſ?
 Spirituſ alme tibi, nec non tibi regia Virgo,
 Quaiſ vera pietate colunt, celebrantq. nepoteſ,

Immotaq. manent in religione parentum.
 Sed quid ego ingratas tacito tibi nomine laudes
 Ingero? & antiqui dubito monumenta decoris
 Promere, nec vulgata prius, nec cognita multis,
 Arcanumq. aperire decus, longaeva vetustas
 Quod tibi Romano sub Principe contulit, omnes
 Qui terræ tractus, vrbesq. situsq. locorum
 Describens, totum tabulis complectitur orbem:
 Qua Latij fines regni produxerat armis
 Gens animosa sui seruans præcepta Quirini.
 Proh dolor, ah quantum damnosa licentia iuris
 Vendicat in veterum libros, antiquaq. rerum
 Nomina, præcipue verò tuus undiq. Caesar
 Innumeris maculis scatet Antonine Libellus.
 Atque utinam nostro quisquam exoriat in æuo,
 Qui priscum tibi restituat, reddatq. nitorem.
 Ergo ubi ad Emeritæ clarissima mœnia quondam,
 Tres ab Vlysseis diuerso tramite muris
 Afferit esse vias, varias quibus adijcit vrbes:
 Ex illis vnam Caesar vocat ELTERI, quæ nunc
 Antiqui retinens vestigia nominis, ALTER
 Dicitur, atque suo dictum quoque nomine, cernit
 Non procul oppidulum, saxosi in vertice montis.
 Hæc domus, hæc patria est, hæc incunabula nostra,
 Hoc natale solum, prima hic exordia vitæ
 Sumpsimus, & superas vagitu excepimus auras.
 Sed post Matusarum recta ratione locari
 Debuit, Aritio, Emeritam properantibus amplam.
 Aritium vulgo Beneuentum dicimus, vnde
 Per mare Vlysseam brevis est traiectus ad urbem.

Matusarum reor esse amnis quod Suboris vnda
 Alluit oppidulum, Sori modo nomine pontis
 Nobile, Romani vestigia tramitis alto
 Aggere, & inuentis seruans per rura columnis.
 Sed collapsa iacent veterum monumenta ruinis
 Obruta perpetuis, dumisq., & sentibus altis
 Obsita, confractisq. notis, & torrida flammis.
 Multa tamen noster Resendius abdita profert
 In lucem, & vigili vestigans singula cura,
 Antiquum decus, & priscos tibi reddit honores
 Lysiadum gens clara, viro quam debita tanto
 Præmia, vix reor exhaustis persolvere arenis
 Posse Tagi, aut vectis eo ab littore gemmis.
 Sed grauis inuidit fati inclementia cæptis
 Resendi præclare tuis, & funere quamuis
 Non immaturo raperis, post longa senectæ
 Tempora, & exactos sæclis melioribus annos:
 Attamen & patriæ, & charis lugendus amicis
 Semper eris, mihi præsertim, qui principis olim
 Henrici iussu, & precibus, tua scripta lituris
 Illita, & extremam limæ poscentia curam
 Excepi, ne tot frustra perijssæ labores
 Ingemeret studiosa cohors, cui voluere curæ est,
 Antiquam gentis seriem, monumentaq. nostræ.
 Sed quis Apellæ Veneris depingere vultum
 Audeat, atque rudi tabulam contingere dextra?
 Difficile est, fateor, spem tantâ haud fallere vulgo
 De te conceptam, longe cum viribus impar
 Ingenij, tanta vi ponderis ipse fatiscam.
 Si tamen annuerint nostris pia numina votis,

*Quid patriæ pietas , chari quid possit amici
Verus amor, (nobis maneat modo vita superstes)
Ostendent tua scripta , meo seruata labore .*

DE AENE O SERPENTE

*aquam ore eiaculante in hortis Michæ-
lis Cabedij senatoris regij , & ciui-
tatis Olysipponensis guber-
nandæ III. viri mihi
multis nomini-
bus coniun-
ctissimi.*



*Rboris amplexu iussit me docta Cabedi
Cura frui , & liquidis ora rigauit a-
quis .*

*Sic neque frigoribus , nimio nec lador
ab æstu ,*

Grataq. sunt omni hæc tempore rura mihi .

Aliud .

N*ulla hic insidiæ , gressû quid cõtrahis hospes?
Tactaque sunt subito cur tibi corda metu?*

Me licet erecto minitantem vulnera collo ,

Finxerit artificis ingeniosa manus ,

Eripuit tamen ingenium , viresq. nocendi ,

Fundere & innocuas gutture iussit aquas .

Aliud.

Aliud.

PErnigil Hesperidum vetitis errabat in hortis,
 Inq. omni serpens arbore terror erat.
 Fundit inexhausto noster tibi gutture lymphas,
 Letaq. fecundis imbribus arua rigat.
 Illic dura graui crepitabat silua metallo,
 Malaq. ditabant ambitiosa nemus.
 Hinc faciles tibi ruris opes, hinc mitia poma,
 Hinc licet intrepida pocula ferre manu.

EX GRÆCIS EPITAPHIVM
 feminae cuiusdam in modum dialogi.

Quod nomen tibi, quæ latitas sub marmore?
 Præxo.
 Quo patre? Callitele. qua patria orta? Samo.
 Cuius sponsa? Viri, cui me iungere parentes.
 Quæ mortem inuexit causa? Puerperium.
 Quod vitæ spatium? Lustris si quattuor, annos
 Addideris binos, hæc mihi meta fuit.
 An ne etiam dulce raperis sine prole? reliqui
 Filiolum trimum, nomine Callitelem.
 Crescat, & optatos feliciter exigit annos.
 Et tibi dent superi prospera cuncta precor.

HECTORIS TROIANI
 Epitaphium ex Græcis.

Vra patrē, patriamq. refer, nomenq. sepulti:
 His genūs & causam funeris adijcito.

Huic Priamus pater est, domus Ilion, Hec̃tōra dicūt.
pro patriæ pugnans mœnibus occubuit.

IN LAVDEM BALNEI
ex Græcis.

LOtophagos haud est vatum mentita priorum
Fabula, nam faciunt balneola ista fidem.
Si quis enim semel hic liquida se asperserit vnda,
Non patris, aut patriæ languet amore suæ.

IN FEMINAM SPARTANAM
ex Græcis.

DVM genitrix, medios quos ipsa immiserat ho-
stēs,
Octo vno natos conderet in tumulo.
Haud fundens lacrymas, gemitumue in funere, solū
Dixit, Io, hæc peperit pignora Sparta tibi.

EPITAPHIUM CVIVSDAM
ex Græcis.

NE mea qui transis, accuses fata viator,
Nil etiam moriens dignum habeo lacrymis.
Natorum liqui natos, æquæua mihi vxor
Una fuit, natas tres thalamo pepigi.
Ex quibus ipse sinu gestavi sæpe nepotes,
Nullum agrum, nullum luximus exanimem.
Quorum opera illæsus, dum somnus blanda foueret
Lumina, sum sedes missus ad Elysias.

IN

IN PVGILES EX GRAECIS.

Hic qui nūc pugil est insignis Olympicus, olim
 Auriculas, nasum, mentum, oculos habuit.
 At postquam factus pugil est, hæc perdidit armis,
 Et bona defuncti nulla parentis habet.
 Namque eius certat dum frater imagine, iudex
 Dissimilem atque alium credidit esse virum.

Aliud.

Est tibi Apollopheanes par cribro, imisq. papyri
 Partibus, exedit, quas pigra blatta caput,
 Formicæq. foraminibus, Lyricisq. figuris,
 Lydiâ quos olim, quas habuere Phryges.
 Nunc ergo intrepide nudum caput obiice ferro,
 Haud ullum inueniet iam nona plaga locum.

PRO FORIBVS XENODOCHII

ex Græcis.

Charus uterque mihi cuiusque hospesque, rogare
 Unde? quis? aut cuius? lex uetat hospitij.

AD SERENISSIMUM

Principem subalpinæ regionis Carolum
 Emmanuelem, cum ei tabellas expuncto-
 rias, & alia munuscula dono mitterem
 anno M D L X X V I I I.

Accipe nunc uacuas Princeps auguste tabellas
 Pignus amicitie, mnemosynonq. meæ.

Forſitan

Forſitan & ſcriptas (ſaucant modo numina cæptis)

Accipies, & te pagina noſtra canet.

Inuidaq. heu quoniam rapuerunt fata Sebaſtum,

Dulce decus muſæ, præſidiumq. meæ.

Tu mihi Mæcenâs, & eris mihi Carole Caſar,

Seruet & laudi noſtra Thalia tuæ.

Interæa magni uestigia celsa parentis.

Ingrederere, atque atauum fortia facta refer.

CARMINA VLTIMA DIONYSII

de ſitu orbis Latine reddita.

Tot nempe inſignes populos latiffima tellus
 Continet, aſt alij innumeri ſunt, nomina quorū
 Scire, nec humani eſt facti, nec dicere promptum:
 Sed ſoli ſas noſſe Deo, cui cuncta uolenti
 Perfeciſſe datur, qui prima exordia mundi
 Componens more artificis, pugnancia ſoluit
 Semina, diſtinxitq. ſuis elementa figuris.
 Ille maris monſtrauit iter, pelagiq. negatas
 Scire vias, ſecuitq. canis liquida æquora nelis,
 Vnde tot humanæ manarent commoda uitæ.
 Sidera quin etiam cæli partitiſ in omnes
 Ipſe plagas, quibus arbitrium terræq. mariſq.
 Sorte datum, propriasq. habeant ut ſingula formas.
 Vnde ſit, ut uarijs colluceat ignibus æther,
 Nec facies eadem ſit ſtellis omnibus, album
 Sed referant aliæ radiis, reddantq. colorem,
 Hæc nigris maculis obuſior, illa rubenti
 Lumine flammiferos ſubfunditur aurea vultus.

Vtq.

*Vtq. inter sese uariant, sic turbine cæco
 Fluctuat incertis & casibus anxia uita.
 At tu terra uale, seu longe dissita ponto,
 Seu pelago uicina iaces, seu cingeris undis
 Vndique, uos fluuij, uos Oceanitides auræ,
 Littoraque, & liquidi fontes, saltusq. ualete.
 Iam maris undosi uastum percurrimus æquor,
 Vidimus & clausos dubia tellure recessus,
 Restat ut a superis pro carmine præmia nobis
 Proueniant, erit ipse Deus mihi maxima merces.*

**IN QVIBVS LOCIS IPSE
 Auctor degere cupiebat.**

S*int hiberna mihi dilecta prædia uille,
 Cetobris æstiuo tempore certa quies.
 Felices Eboræ campos, adamataq. nobis
 Autumnus primis mœnia reddat aquis.
 Vere nouo liceat diuersas uisere terras,
 Et loca Romanis olim habitata uiris
 Plurima, quæ nostra sunt in regione, uetustis
 Quæ passim ostentant marmora scripta notis.
 Hæc mihi si tribuant superi, non Lydia sceptrâ
 Optarim, aut Tyrj Pygmalionis opes.*

IN PIGRVM EX GRAECIS.

S*iluanus geminos natos, somnumque, merumq.
 Diligit, amplexu perpetuoq. fouet.
 Præ quibus & fidos demens contemnit amicos,
 Dese-*

Deferit & Phæbi, Pieridumq. chorum.
 Horum alter largo patrem, dulciq. liquore
 Implet, inexhaustis exhilarans cyathis.
 Mollibus in stratis alter, thalamoq. iacentem
 Detinet, & blando membra sopore grauat.

EPITAPHIUM CHRISTOPHORI

Gamij, qui in Aethiopia supra Aegy-
 ptum pugnando occubuit.

E Oi domitor genuit me Gamius orbis,
 Sed non uirtuti fama paterna satis.
 Me iuuenem patrijs pugnantem uidit in armis
 India, cum fratri paruit illa meo.
 Vnde per ignotas gentes, cum milite, rubrum
 Trans mare, christicolis missus in auxilium,
 Aethiopum populos Christi, qui numen adorant,
 Quiq. bibunt fontes inclyte Nile tuos:
 Eripui Turcis, Arabumq. tyrannide pulsa,
 Restitui regi regna paterna pio.
 Max ubi clara tuli denicto ex hoste trophæa,
 Cæsaq. sunt parua millia multa manu,
 Occubui multis confossus pectora telis,
 Sed bene quod comites non cecidere mei.
 Cetera cognoscès ex hostibus, illa licebat
 De se Christophoro dicere, plura nefas.

CAROLO EMMANVELI
 potentissimo Allobro-
 gum Duci,

Iacobus Menætius Vasconcellus P. F. exoptat.


NON patitur meus erga te amor,
 Dux præstâtissime, tam diuturnum
 silentium, tamq. obfirmatam scri-
 bendi verecundiam, hoc tuo in
 Hispaniam aduentu non interrompi. Quam-
 vis enim post obitum inuictissimi ducis Em-
 manuelis Philiberti patris tui, qui me sum-
 ma diligentia prosecutus fuerat, ita animum
 despondi, vt crederem nihil iam accidere
 posse, quod conceptum a me dolorem aliqua
 ex parte mitigaret. Perlata tamen nunc au-
 spicatissimi coniugij tui fama, animû resum-
 pti, & aliquid ad te litterarum dare constitui,
 quibus tibi gratulari, & obortam ex tam iu-
 cundo nuncio tristitiam significare possem.
 Gratulor itaque tibi dux serenissime, & vere,
 atque ex animo gratulor, idq. multis de cau-
 sis, sed præcipue, quòd hæc mea gratulatio
 cum totius reipublice Christianæ gaudio con-
 iuncta est. Nulla enim natio, nulla gens re-
 perietur, quæ modo nomini Christiano fa-
 ueat, quæ ex his nuptiis non summû gaudium
 perci-

percipiat. Vendicat sibi primas partes, iure quodam suo huius gratulationis, & publicæ lætitiæ, felix illa subalpina ora, quæ te aluit, & nobilissima Allobrogum gens tua: sed non cedit illi vnanimis totius Galliæ, atque Italiæ in te amando, colendo, obseruandoq. consensus. Quorum omnium studia, & alacritatem superare contendunt Hispaniæ, tui visendi incredibili quodam amore succensæ. O beatum, felicemq. Principem, quem totius orbis delicias merito dicere, & prædicare possumus! O faustas, fortunatasq. nuptias, quas vniuersa Christiana respublica celebrare gratulabunda gestit! O vere sapientem, & immortali gloria dignum Philippum regem, qui cum sanguinis necessitudine tibi sit coniunctissimus, coniunctior esse voluit hoc tam arcto affinitatis vinculo, in quo & amoris erga te suo vere paterno, & omnium bonorum votis, atque expectationi satisfecit. Quicumque enim rempublicam saluam, & incolumē cupiunt, arctissimas inter Christianos principes necessitudines contrahi, firmissima fœdera, & inuiolabiles amicitias conciliari desiderant, vt eo firmissimo propugnaculo, communium hostium rabies cōtundi, debilitariq. possit. Igitur ipsi reipub. gratulandum, quæ per te voti sui cōpos effecta, videt Christianos Principes ex diuersis orbis terrarum partibus in vnum locum conuenire, non vt odijs certent,

certent, aut armis decernant, sed vt sanctissimo fœdere coniungatur. Videt illa ex vna parte, tibi obuiam euntem Philippum Regē, vnā cum dulcissima filia Catharina, sponsa tua, secum ducentem totius aulæ, & Hispaniæ nobilitatis florem. Ex altera parte te aduenientem conspicit, cum lectissima tuorum manu, & ornatissimo cœtu, in quo complures viri, sanguinis claritate, opum magnitudine, atq; omnium virtutum ornamentis insignes eminent. Quis non gestiat tam celebri pompæ immisceri? Quis talem hymenæum absens decantari sustineat? Quis non properet, etiam si longo terrarum intervallo disiunctus sit, vt te præsens videre, & salutare queat? Quod ipse libētissime fecissem, & velis, ac remis, vt aiūt, ad te venire contendissem, si per ætatem, & valetudinem mihi licuisset. Sed quoniam mihi eam felicitatem non æqua fors inuidet, hos adolescentes consanguineos meos ad te mitto, vt tibi meo nomine, coram gratulari, & tuo iucundissimo conspectu frui possint. Eos autem tibi multis verbis commendarem, nisi vereretur, nimio commendandi studio, aliquid de tua pristina in me voluntate dubitasse, non nullis videri posse. Deus Opt. Max. Dux serenissime, te reipublicæ Christianæ saluum, & incolumem perpetuo seruet. Eboræ mense Aprilis M. D. LXXXV.

ILLVSTRISSIMO, ET
Reuerendiss. D. Matthæo Con
tarello S.R.E.Card.

Iacobus Menætius Vasconcellus S. P. D.



INCREDIBILI lætitia sum affe-
ctus, cum te in Cardinalium nume-
rum adscriptum, & ad amplissimā
istam dignitatem euectum esse in-
tellexi, quam tuis meritis, tuæq. virtuti de-
beri omnes intelligunt, quicumque sibi per-
suadent, nullum esse tam amplum honoris gra-
dum, qui viris industrijs, sapientibus, & re-
rum experientia claris, ac de repub. Christia-
na benemeritis non debeatur. Quare tibi gra-
tulator, non tam quòd is tibi honos obuenerit,
qui semper maximus est habitus, quàm quòd
eum virtute, prudentia, industria, & summa,
in sacrosanctam Sedem Apostolicam fide sis
consecutus. Ea enim vera sunt præmia, quæ
vitæ integritati, & exhaustis pro reipub. salu-
te laboribus, non autem fortunæ debentur.
Sæpe enim accidere videmus, vt qui casu ali-
quo, non autem vera virtute subnixi, ad di-
gnitatum culmen, atque etiam ad regiam po-
tentiam euehuntur, mutato repente rerum
statu, & cessante inani popularis auræ flatu,
in

in maximas calamitates præcipites deuoluantur. Quod his contingere minimè solet, qui ad iuuādos mortales nati, in sola virtute, & honestis disciplinis spem suam collocant. In quos nullum ius habet temporū vicissitudo, neque humanarum rerum inconstantia. Quocumque enim fors cadat, perpetuò stables; & suorum bonorū securi permanent: velut ex alto cernentes aliorum miseranda naufragia. Meritò igitur summum Pontificem Gregorium quis laudauerit, qui fidem tuam, & industriam, ceterasq. animi virtutes, primum amplissimo Datarij munere, nunc verò tam excelso honoris fastigio dignas indicauerit. Quod iam diu meus præfagiebat animus. præfagiebat dixi? immo si memoria tenes, cum apud me olim diuertisses, tibi hinc proficiscenti, dexteram tuam prensans, constantissime asserui. Vnde te facile intelligere potuisse credo, quale fuerit nostrum de tua virtute perpetuò indicium, atque etiam modo me quoque tacente, minime puto dubitare, nemini ex amplissima ista tua dignitate, maius gaudium contigisse, quàm mihi. Quæ vt tibi fausta, atque diuturna sit, vehementer cupio. Vale Eboræ quarto Kalend. Octobr. 1581.

ILLVSTRI ET ADMODVM
reuerendo domino Iacobo Me-
noetio Vasconcello Cano-
nico Eborenſi.


Ittēre dominationis veſtræ, quibus
mihi de hac noua dignitate, quam
in me Sanctiſſimi Domini noſtri
benignitas contulit, peramanter
gratulatur; gratiſſimæ mihi fuerunt; non
quod animus in me ſuus ignotus fuiſſet: ſed
quod video illam in amore erga me ſuo per-
ſeuerare, meiq. ſingularem præſtare memo-
riam. Quod me mutuo facere velim ſciat. Et ſi
enim id illi hucusq. non ſum litterarum fre-
quentia teſtificatus, non defui tamen ſemper
optare; quod & nunc facio, vt occaſio mihi
dêtur, quæ meam illi beneuolentiam, ac ſtu-
dium probare poſſim: cui omnia, quæ cupit
proſpera opto, meq. illi etiam atque etiam
commendo. Romæ die 5. Kalen. Februarij
M. D. LXXXII.

Dominationis Veſtræ.

Obſequijs addiſtiſſimus
M. Card. S. Stephani.

LVDOVICVS PYRRHVS

Vasconcello suo.



AEpius in laudes raperet mea plectra,

Thalia

Vascontelle tuas, mage ni minuisse
timeret

Ingenij culpa tenuis, quam auxisse merentes

Maonio angi plectro, musaq. Maronis.

Sed mihi cura domus grauis, & morosa senectus

Apta parum Phæbo, pulchrisq. sororibus obstant,

Ne tua digna alio celebrem praetonia saclo,

Orbe alio, & priscis quoque Mæcenatibus illis.

Adde quod Hippocrates quoque Pergamensq. Gale-

Artis pæonia procures, veriq. magistri, (nus,

Quorum castra sequor multis iam miles ab annis,

Te laudare vetant, & nos Helicone laborant

Deturbare sacro, Phæboq. arcere canoro,

Pierioq. choro, ne quas tu pectore condis

Virtutes animi egregias, ego promere possim

Carmine grandiloquo, musis, & Apolline digno.

Attamen, ut mentis quæ sit sententia nostræ

Eloquar: Aonides viridi tua tempora lauro

Cinxere, & teneris admorunt vbera labris.

Attica præceptis Sophia tua pectora Pallas


Imbuit, Arpinas quoque sacundissimus ille,

Et pater eloquij, dicendi contulit artem:

Quippe parem inuenias nullum, vix nempe secundū,

Qui conferre pædem valeat, seu carmina culta,

Scribere seu cupis historias sermone soluto :
 Seu terrarum orbem radio describere malis :
 Quis rogo te melius terræ , pontiq. recessus
 Eruit è tenebris ? alta quæ mersa ruina
 Tempore deleuit penitus longæua vetustas .
 Quis sacra pontificum melius decreta , patrumq.
 Rectius explicuit nodos ? sacrataq. iura ?
 Quid de stirpe tua referam generose Menæti ?
 Stemmata qui longo decoras cunabula gentis
 Clara tuæ , qua non toto iactantior vlla
 Orbe quidem fuerit , tanto pro muncre , felix
 Nobilitate tua , sed tu felicior illa ,
 Nomine quando tuo est seclis noscenda futuris .
 Nam veluti stellas obscurat Luna minores
 Lumine clara suo , sic tu dignissime præsul
 Obtenebras alios animi candore corusco .
 Denique nostrâ tuis vigilando Musa fatiscit
 Laudibus , & portum iam quærit anhelâ quietum .
 Hinc te magnanimus dignatur nosse Sebastus ,
 Insinuare suam quoque te conatur in aulam ,
 Vt calamo celebres inuicti gesta sonoro ,
 Regis , & antiquos disponas ordine fastos
 Auspicijs Iacobe tuis , atque alite fausto .



AD PETRVM SANCIVM
virum virtute, & eruditione
clarum.



*Pyrrhus noster amor, tuiq. Sancti
Absentis memor, intimo, pioq.
In te pectore nemini secundus.*

Pyrrhus Castalidum decus sororum,

Pyrrhus Pæcniæ decorus arte.

Gratam nomine mi tuo salutem

Reddens, dulciloquum simul venuste

A te compositum obtulit poema.

Quo vix dulcius, elegantiusve

Quicquam pangere, vel queant Camæna.

Nam dilemmata pulchra sic figuris

Exornata nitent, ut arte mira

Eois rutilat monile baccis

Distinctum, aut viridi hinc & inde gemma.

Rebus consona verba sponte manant:

Queis tantus ruis, ut fluente vena,

Admiscens Latio Atticos lepores,

In morem rapidi vageris amnis,

Imbres cum bibit, & nives solutas.

Vnum sed queror, & subinde damno.

In tam splendidulis, venustulisq.

Sancti versiculis: quod infacetum

Sæclum hoc, insipiensq. & inuenustum

Laudant, quod meritis tuis referre

Nescit præmia digna, nec disertis
Secernit stupidos, & imperitos.

DE NATALI SVO DIE
qui Kalendis Maij contigit.

Salue lata dies, qua primum luminis auras
Hauimus, & vitæ sumpsimus auspiciū.
Pulchra dies toto qua nulla est pulchrior anno,
Diuorum gemino fulta patrociniū.
Sis felix, & fausta mihi, multosq. per annos
Maiori semper lætitiā redeas.
Per te lata viret tellus, & lucidus æther
Ridet, blandisonis luxurians Zephyris.
Frigora mitescunt, placidum silet æquor, & auræ
Leniter impellunt linthea Tbreiciæ.
Gramine rura virent, & gemmea prata colores
Mille trahunt, montes frondea silua tegit.
Dulce susurrat avis, ludunt in vallibus agni,
Mugitus edunt lata per arua boues,
Lata viget rerum facies, animosq. iacentes
Excitat, & curas mæstitiamq. fugat.
O me felicem, nasci cui contigit illo
Tempore, quo nullum pulchrius annus habet.
Sed vere est felix sapiens, qui tempora vitæ
Dirigit ad summi numinis obsequium.

DE VSV DIVITIARVM
ex Græcis.

Vtere diuitijs tamquam moriturus, eisdem
Parce, velut vitæ sit mora longa tuæ.
Ille sapit vere, qui cum hæc cognouerit, æquum
Inter utrumq. potest constitui modum.

IN AVARVM EX GRAECIS.

Mrem Asclepiades in tectis vidit auarus.
Musq. quid in nostris ædibus inquit agis?
Cui mus subridens respondit, amice timere
Desine, non victum hic quæro, sed hospitium.

Aliud in eundem.

Sunt tibi diuitiæ multæ, sed pauperis est mens:
O successor diues, inopsq. tibi.

LAVS ET GLORIA.

Deo Opt. Max.

V I T A
CLARISSIMI VIRI
MICHAELIS CABEDII
SENATORIS REGII,

Et Olyssipponensis ciuitatis guber-
nandæ, triumuii.



LN Lusitanix ora maritima, iuxta radices Barbarij Promontorij, situm est nobile quoddam, & opulentum Oppidum, quod vulgo, *Cetunal* dicitur, olim vero à Geographis Cetobrica, & Cetobrix dicebatur, vt constat ex Pomponio Mela, Ptolemæo, & itinerario Antonini.

Tanta autem eius situs est amœnitas, ac pulchritudo, vt illum natura ipsa velut penicillo depinxisse videatur. nam ab Occidentali plaga mare habet Oceanum nobilium piscium omnis generis, & præcipue Mullorum, Solearumq. copia redundans. Ab Orientali autem, Callipodem fluuium, *Sadenum* hodie dictum, non solum lintrium, sed etiam nauigiorum vsque ad quinquaginta fere millia passuum capacem: quo fertilissimus ager irrigatur, optimi tritici, & omnium, quas terra
pro-

producit, frugum feracissimus : præterea incredibili Salinarum prouentu celebris, ex quibus ingens candidi salis copia, onerarijs Belgicis, ac Germanicis in Septentrionales regiones quotannis asportari solet.

Oppidum ipsum flumine iam mari permixto, & ostio vicino alluitur a Meridionali parte, vbi æstu recedente spatiosum, & iucundum aspectu littus efficitur, arena tenui, & solida, nec vestigio cedente, ita firmum, vt & pediti, & equiti commodissima, ac gratissima existat deambulatio.

Ex opposita vero mœnium parte, oppido egredientibus occurrit pratum amœnissimū, octingentis circiter passibus in longitudinem, ac totidem in latitudinem patens irriguis aquarum alueis, innumeris præterea hortis, pomarijs, siluis, vineis vndique cinctum.

Ager autem altissimis montibus clauditur, in quorum vertice Palmella conspicitur, oppidum haud contemnendum, quod a copia mellis Polymellam olim dictum fuisse suspicor. Horum montium aspectus suauissimus est & maris prospectui æquiparari potest. distant enim a muris sex tantummodo passuum millibus : multis villarum ædificijs, & amœnissimis hortis, fontiumq. multitudine nobiles, præterea pinetis atque alijs arboribus confiti. Arbuti etiam genus quoddam

dam passim producant, ex quo coccus colligitur ad tingendam purpuram, Emeritenſi, quem Plinius laudat, non inferior. Vnde non mediocre lucrū tenuioribus obuenire solet.

Cædūtur etiam in omnibus illius promontorij iugis lapides, quos vulgus propter admirabilem pulchritudinem, colorumque varietatem, iaspides appellat, ex quibus muri ipsius vr̄bis maiori ex parte constant: quorum ambitus quadrata forma, tria fere passuum millia amplectitur, præter duo suburbia, in quibus non exigua hominum multitudo degit.

Vrbis ædificia tam vrbana, quàm suburbana pulchra, ac solida structura constant, inter quæ multæ sunt potentiorum ædes magnifice extructæ: sed peculiari quodam splendore eminet nobilis, & antiqua Cabediorum domus, versus septentrionem, iuxta vr̄bis murum, & in ipsis mœnibus sumptuose ædificata.

In hac domo natus est Michael Cabedius, anno salutis millesimo quingentesimo vigesimo quinto. Patrem habuit Georgium Cabedium virum nobilissimum filium Iacobi Cabedij, ex nobilissima Cabediorum familia.

Matrem vero Terasiam Pinariam, sororem clarissimi viri Gondigalui Pinarij Episcopi Visensis, matronam omnium virtutum
gene-

genere ornata, sub cuius tutela mansit, cum patrem amisisset annos natus plus minus decem.

Literas humaniores discere cœpit Olyssipone, quæ Cetobrica distat viginti quattuor passuum millibus, id est sex nostratibus leucis, quæ quadrant cum numero ab Antonino assignato.

Cum vero annum ageret decimum tertium, una cum Ioanne Pinario fratre suo (qui postea diui Dominici religionem ingressus, cum magnus Theologus esset, missus ad Conciliū Tridentinum à Rege Sebastiano Romæ obiit) in Galliam ab auunculo accersitus, Bayonam Aquitanix urbem, & deinde Burdigalam peruenit: vbi biennij spatio in politioribus litteris multum profecit. Postea vero in Academia Tolosana Ioannem Corasium, Ferdinandum Berengarium, Ferrerium, Monsabracum, & complures alios insignes vtriusque iuris interpretes summo studio coluit, quibus ob ingenij acumen & morum probitatem, charus, & gratus in primis exitit.

Deinde in Lusitaniam reuersus anno millesimo quingentesimo quadragesimo secundo, Conimbricæ, Antonium Soarium Olyssipponensem, & Martinum Azpilcuetam Nauarrum, & nonnullos alios Pontificij, & ciuilibus iuris professores diligenter audiuit.

Cum-

Cumq. iterum in Galliã rediisset, Aurelianensem Academia, ac deinde celebre illud Parisiense Gymnasium omniũ scientiarũ domicilium adiit; ibiq. cum vigesimum secundum ætatis annum vix attigisset comœdiam primam Aristophanis, quæ Plutus inscribitur, e græca in latinam linguam eleganter conuersam, in lucem edidit, auunculo nuncupatam, qui eo tempore apud Franciscum Gallorum Regem legationeungebatur, ad ea tandem properemus, quæ gessit in magistratibus ob-eundis, quos fere omnes gradatim ac summa cum omnium bonorum propensione, & applausu consequutus est.

Primum igitur ad senatoriam dignitatem admissus in suprema illa curia, quæ Supplicationis vulgo dicitur, magnam apud omnes integritatis, & doctrinæ famam sibi comparauit. Nec multo post criminum Auditor (vt vocant) creatus, incredibili animi moderatione, & æquitate, munus illud, & reliqua omnia, quæ gessit, administrauit.

Permotus itaque serenissimus Rex Sebastianus eius virtutum, & eruditionis fama, cum per diuersas Lusitanix provincias certũ Senatorum numerum cum suprema potestate mittere decreuisset, illum honorificentissimo munere ornatum ad Cistaganam regionem delegauit, cui præerat Petrus a Cugna vir summo loco natus, quo post paucos menses

ses a Rege, ad quædam belli munia subeunda reuocato, ipse in eius locum suffectus est, & Præsidis officium suscepit. In quo ita se gessit, vt purgata maleficis hominibus prouincia, & optime vbique ordinato reipublicæ statu, maximum decus & celebrem nominis famam inde reportauerit.

Mox vero cum Regi visum e Republica fuisset, tres grauissimos viros ex Senatorio ordine, Olyssipponensi ciuitati gubernandæ præficere, ipse inter primos nominatus est, qui ad eum triumuiratum assumeretur, in quo munere tanta nominis celebritate floruit, vt audito obitus eius nuntio, populus Olyssipponensis illum publice lugeret, vt communem parentem, & egregium libertatis suæ defenforem.

Idque Christophorus Tauoræ vir nobilissimus, qui tunc gratia apud Regem plurimū poterat, se vidisse narravit, cum ob conceptum ex illius obitu mœrorem filios consolaretur. Quin etiam cū post luctus tempus, ipsi Regem adissent, deque eius meritis verba facerent benignissimus Princeps vix lacrymas comprimens, & ingemiscens, in eius laudes prorupit.

Quod etiam illis contigit apud pijsimam, atque sapientissimam Reginam Catherinam Regis auiam, & apud Henricum Cardinalem, qui Sebastiano in Regno successit, & apud
reli-

reliquos principes . Omnes enim illum ut virum pium , & optime de Republica meritum , præterea singulari eruditione præditum , & vehementer amabant , & tam integra adhuc ætate e vita decedere ægre ferebant .

Nam quinquagesimum secundum annum agebat , cum graui morbo correptus , intra paucos dies obiit , compositis prius omnibus rebus , tam quæ ad animæ salutem , cuius illi semper præcipua cura fuit , quàm ad sepulturæ locum , liberorumq. tutelam , & bonorum successionem pertinebant . Quæ omnia aliquot annis antea , in tabulas testamenti redacta , occulteque semper apud se asseruata reliquit .

Tam manifesta autem signa pietatis dedit , vsque ad vltimum vitæ spiritum , ut & religiosi , qui aderant , & reliqui amici , qui funeri interfuerunt , magnopere illius animi constantiam admirarentur .

Obiit Olysippone mense Aprilis anno millesimo quingentesimo , septuagesimo septimo , in ea vrbis regione , vbi arx editissima sita est . Corpus suum in vicina Sanctæ Crucis Ecclesia deponi voluit , vnde postea Cæto-bricam translatus & in sepulchro anito collocatus fuit , in celebri & magnifico sacratissimæ Virginis Mariæ templo , in capella maiori , in cuius parœcia domus Cabedia sita est .

Vxorem vnicam habuit Leonoram Pinariam

riam de Vasconcellos, consanguineam suā, ex qua septem liberos superstites reliquit, quinque videlicet filios, & filias duas.

Ex filijs natus maximus Georgius Cabedius de Vasconcellos, varijs amoris, & pietatis argumentis, erga Patris memoriam editis, tam in eius exequijs procurandis, quam in transferendo corpore, & legatis adimplendis, eandem etiam pietatem erga matrem, & reliquos fratres exercens, magnam apud omnes virtutis, & probitatis famam consequutus est: ac paterna vestigia ingressus, in Senatoris munere obeundo, atque alijs arduis negotijs ab inuictissimo Rege nostro Philippo, & à Serenissimo Principe Alberto, ipsius fidei commissis, cum summa integritatis, & doctrinæ laude versatur. Qui tandem ad consilium status Lusitaniæ, quod apud Regem Madriti residet, euocatus est. Filium secundo genitum habuit Gonçallum Mendez de Vasconcellos: is sacris insignitus in Collegium Sancti Pauli Academiae Conimbricensis cooptatus est: in qua ex mandato Regis per aliquot annos publice legit, quem munere Inquisitorio functum, & ad Senatuum supplicationis euectum Rex noster Philippus Romam misit, ut apud Summum Pontificem negotia ipsius tanquam Regis Lusitaniæ ageret, ubi à Sanctissimo D.N. Clemente VIII. Referendarius utriusque signaturæ crea-

creatus est. Quo tempore adeptus occasionem in lucē edidit aliquot sua opera, quæ ad ius canonicum & ciuile pertinebant, scilicet tres libros diuersorum iuris argumentorum, ac tractatum de sententijs Inquisitionis: recognouit & emendauit librum de antiquitatibus Lusitaniæ & alia opuscula optimi & doctissimi parentis, & consanguineorū, quæ Typis Vaticanis magna industria, & suis sumptibus mandare curauit.

Superest vt de eius scriptis, deque studiorum ratione aliquid dicamus. Et quod ad iuris ciuilis disciplinam attinet, multa scribere, & in lucem edere potuisset, nisi persuasum haberet, parum ex ea re vtilitatis reipublicæ prouenire, propter innumerabilem prope librorum copiam, ex quibus tantum abest, vt aliqua lux legum obscuritati afferatur, vt potius maiores in dies ex illis tenebras, atque ambages oriri videamus; vt non immeritò Imperator Iustinianus celeberrimo vetuerit edicto, ne quis in posterum commentarios in ius ciuile scribere auderet, idq. etiam Summis Pontificibus curę fuit: sed auida hominum mens ad ea semper audēda, quæ vetita & prohibita sibi, aut indignatur, aut dolet, effecit, vt hodie collidentibus se inuicem doctorum opinionibus, difficillimum sit, quicquam certi in iure asserere: cum sententiæ non pondere, aut æquitate, sed numero præ-

praualeant. His ergo rationibus adductus, cum plurima in libris Iurisconsultorum diligenter obseruasset, quæ acutè, & copiosè interpretari potuisset, omnino sibi ab ea scriptione abstinendum indicauit.

Animum igitur appulit ad ea tantum conscribenda, quibus grauiora studia remittere, & cum musis in gratiã redire posset, quæ meditari solebat, cum à serijs negotijs aliquid temporis supererat, vel cum iter faceret, aut ruri esset. nunquam enim minus erat otiosus, quam cum otium nactus fuerat.

Scripsit libenter heroica carmina, quibus Ioannis Principis epithalamion, deinde Sebastiani Regis Genethliacon celebravit: cum verò idem Rex vigesimum tertium ætatis annū ageret, cum eius natali die ciuitas Olyssipponensis publicum votum pro eius incolumitate susceptum, solenni supplicatione exoluisset, ipse pro iniuncto sibi munere (nam triumphatum gerebat) vt erat in Regem, & in eius laudes propensissimus communem lætitiã, peculiari quoque amoris, & obseruantię argumento cumulare cupiens, poema illud composuit quod inscribitur (vota vigesima tertia) idque paucis horis, & quasi ex tempore, vt ciuitatis nomine pro natalitio munere Regi offerri posset.

Circa stemma suum, & insignia gentilitia, in aulæis, duo elogia scripta gerebat, alterum

Græce, quod ad verbum sic habet: Hoc speculum progenitores nostri posteris suis reliquerunt, honoris & virtutis ergo. Alterum latinè in hunc modum: Gloria nostra, testimonium conscientiae nostræ.

Græcis litteris assiduam operam semper impendit, in quibus adeò profecit ut eas non minus exactè, quàm latinas calleret, & felicissime plurima ex Græcis auctoribus in latinum sermonem conuerteret, quæ in lucem edere minimè curavit. Villas suas & ædes versiculis, & ingeniosis inscriptionibus decorare studuit.

Prudentia fuit singulari, memoria tenaci, peracuto ingenio, acri iudicio, & suapte natura ad res difficiles, & obscuras in antiquorum libris peruestigandas, valde propensus.

Opera Sidonij Apollinaris, quæ librariorū incuria penitus corrupta, ac deprauata circumferuntur, nactò Parisijs, in bibliotheca Victoriana, codice manuscripto, restituere conatus est. Nec minorem diligentiam adhibuit in elucidandis varijs veterum auctorum locis difficilioribus. Statura fuit nec breui, nec nimis procera, flauo capillo, hilari vultu, sed innata quadam grauitate decoro, & cuius aspectum, tam domestici, quàm extranei non minus amabant, quàm reueriebantur.

Clarissimi viri Michaelis Cabedij
Epitaphium per Ignatium
de Moraes.

Ossa Michaelis sunt hic tumultata Cabedi,
Quem legum, & iuris docta caterua gemit.
Florentem studijs, genere, haud ætate labantem
Mors tulit humanis inuidiosa bonis.
Causarum iudex, inter quos regia honorat
Curia, præclarum nomen adeptus erat.
Cingebat gemina (quod rarum est) tempora lauro,
Inque forum Phæbum, Castalidasq. tulit.
Gloria sed maior morum est, & vita probata,
Quæ numquam a recto deuia iure fuit.
Ergo cadauer humo requiescit, ad astra volauit
Mens iusta, & iusti iudicis ora videt.

In laudem Michaelis Cabedij Regij
quondam Senatoris, Au-
ctoris patris.

Emmanuel Pimenta Societatis I E S V.

Sedes Vlyssis, qui lauit aureas
Tagus fluentis aurifer aureis
Fulvosque thesauros profundit
Gemmifera pretiosus urna:

Fuluo decorus tegmine sustulit :
 Aurata fuluo tempora gurgite ,
 Interque Nympharum cateruas
 Ora suo lita soluit auro .

Heroa nostis nobilis ingeni ,
 Qui nos Hydaspi prætulit Indico ,
 Niloque , famosoq. Gangi ,
 Eridano , latioque Tibri :
 Nymphæ superbi gloria fluminis
 Non vsitatis tollite laudibus
 Insigne Kebedi per ortus
 Nomen , Hyperboreosq. campos .

Virtus inertī pressa silentio
 Patrum sepultæ distat inertiae ,
 Heroes a musis sepulti
 Ad superas reuocantur auras .

Oblitiones non ego liuidas
 Sinam labores capere , maximi
 Et facta Kebedi superba
 Ingenuis cumulata palmis .

Aequum merenti reddere gratias ,
 Quo gloriosus ciue superbio ,
 Dum frenat insignem per annum
 Iure domos Ithaci beatas

Præses seueræ iure potentiae
 Dum regna lustrat proxima Duriae
 Vel flore , vel Lympha fugaci
 Elysias imitata sylvas ,


Seu consulentis Regia Curiae
 Consulta , lingua prouehit aurea

Prudens futuri, vel per usus
 Dotibus ingeni superbus:
 Seu clara profert lumina patriæ,
 Claros decoro nomine liberos
 Queis ardor in morem leonum
 Ense sacro lacerare Turcas,
 Queis sacra cordi, queis bene Principis
 Commissa magni cura negotij,
 Queis cura nuptarum decus, vel
 Virgineam capere ante palmam.
 Heroa Nymphæ dicite, plausibus
 Permista letis carmina: non volo
 Cessent per Europam, per Afros,
 Perque Asiæ locupletis oras:
 Donec decoris parta laboribus
 Conuexa mundi gloria transuolet,
 Noritq. præclaros honores
 Posteritas venientis æui.
 Sic fatus undis mergitur aureis,
 Nymphæ coronas vertice detrahunt,
 Ex hisq. Kebedo coronam
 Flore parant pretiosiore.
 Cui nec procellæ, nec fuga temporum,
 Mauorsque, vel mors Marte potentior,
 Non ira cæli fulminantis
 Excutient meritos honores.

Épigramma ad eundem Michaelé Cabediū.

S Tirps genus egregium dedit inclyta, docta Mi-
 neruam.

Iura tibi , linguam gratia , Musa chelim .
 Vtiliter patriæ vixisti , mortuus illi ,
 Vtilis es natis , post tua fata , tuis .
 Non moritur moriens , qui pignora clara relinquit ,
 Clara sibi , patriæ non minus illa suæ .
 Te nata coluere duæ , nam etate trophæis
 Illustri in campis maxima iuncta viro est .
 Altera dulce iugum mundanæ nescia vitæ
 Sustinet , hanc refouet religionis amor :
 Troq. fide sacro præbes duo fulmina Marti
 Dissimiles fratres tempore , Marte pares .
 Hic sacri Antistes iuris , sacer additus aris ,
 Et mundum sacris , ingenioq. iuuat .
 Alter ius callens angusta negotia curat
 Iustitiæ Regi gratus honore suæ .
 Mortuus in natis vniuis post fata , tibiq.
 Longior efficitur , quàm data vita fuit .
 Non habet etatem , sed numinis æmula virtus
 Omnia transcendens sæcula fine caret .



PLVTVS ARISTOPHANIS

Comœdia in Latinum conuerſa
ſermonem, Auctore Michaele
Cabedio Senatore Regio, dum
Parifijs eſſet anno M. D. XLVII.

D. GONDIALVO PINARIO,

Viſenſi Epifcopo Ioannis tertij Luſitaniæ

Regis in Gallia Legato auunculo

ſuo, M. Cabedius. S.



ONVERTI Domine, per eos dies
quibus paucis, iuris ſtudia, mo-
re maiorum, intermitti ſolent,
vnam de Ariſtophanis Comœdijs
in Latinum ſermonem, Plutum, quam inter
ceteras eius Auctoris in primis tibi probari
intellexeram. Eam igitur qualem qualem
lucubrationculam mihi perire cum nollem,
tibi dicatam emiſi, ratus opellæ nihili, plu-
rimum momenti nomen tuum facturum.
Conſeruet Deus digniſſimam perſonam tuâ.
Vale. Parifijs. Kal. Octob. M. D. XLVII.

FABVLAE ARGVMENTVM.

SENEX quidam Chremylus pauper, ad deum venit, consulitque quì ad splendidam lautamq. possit vitam transire. Spondet oraculum, imperatq. e templo exeunti, qui primus obuiam fiat, sequi. In cæcum igitur & senem incidens, dum Deo paret, sequitur: (is Plutus erat) qui cum collocutus, ad Aesculapij ducit, eum oculorum valetudine liberaturus. Sic nimirum diues fit. Quod ægreferens Inopia, eius consilij auctoribus conuilians, accedit: cum qua dialogus non iniucundus intercedit, malis Inopiæ cum Pluti bonis collatis a Blepsidemo & Chremylo, multisq. alijs influentibus in Mineruæ sacratio, Pluti consecratæ sunt statux.

P E R S O N A E.

Kario feruus Dicæus.
 Chremylus herus. Sycophanta.
 Plutis. Anus adolescētis amica.
 Chorus agrestium. Adolescens.
 Blepsidemus. Mercurius.
 Inopia. Sacerdos Iouis.
 Vxor Chremyli.

ARISTOPHANIS PLUTVS.

K. **R**oh Iuppiter, dijq., quàm res est grauis
 Seruo, parum cordatum herum nanti-
 scier?

Nā consulat si forte quæ salubria sunt,
 Illiq. diuersa sedeat sententia,
 Mali necesse herilis vt sit particeps.
 Nec enim finit Fortuna dominum corpori
 Suo dominarier, sed illum qui emerit.

Atque hæc ita ædepol se habent. sed quæ velim
 Huic verbis flectæ dicta, qui aureo è tripode

Pandit futura: quippe qui cum sit medicus,
 Sagaxq. vates, vulgus hominum vt prædicat,
 Dimisit atra bile meum herum percitum,
 Qui caci hominis vestigia a tergo legit.

Contrarium eius quod facere eum couenit.

Cæcos enim, nos qui videmus, ducimus:

At iste contra sequitur, & me ipsum simul.

Subigit, reclamantemq. adeo ne gry quidem.

At ni prius dixis mihi, quid hoc fiet,

Cur curioso ita hunc sequimur, non desinam:

Facefferoq. tibi vsque, & vsque negotium.

Nec enim coronatum timeo ne verberes.

Ch. Sane quidem, sed laurea dempta, modo

Si me molestes, fecero vt doleas magis.

K. Nugas agis, non finem ego faciam prius,

Quàm tu illud expedias quis hic homo fiet,

Interrogo namque id, animo perbeneuolo.

Ch. At te hoc latere haud volo, meorum quod sciam

Ser-

Seruum, & fidelem maxime te, & callidum.

*Quum iustus essem vir ego, & in Deos pius,
Per inopiam vitam trahebam ægre. K. scio.*

Ch. *At alij abundabant, sacrilegi, & rhetores,
Calumniatoresque, & id genus homines.*

K. *Certe. Ch. rogaturus igitur veni Deum.
Vitam quidem meam ipsius miser videns
Multa die exhaustam, magis ne e re mei
Olim, mihi unus qui obtigit, nati fuit,
Ex integro si moribus inuersis fiet,
Iniquus, & versutus, & sani nihil*

Vitæ illud apprime utile, quæ nunc est, ratus,

K. *Quid ergo Phæbus ex coronis rettulit?*

Ch. *Audi, locutus ille mihi apertissime,
Ne quo modo conspectu abiret e meo,
Iussit cauere, qui veniret obuiam
Primus: domum quin usque perstarem sequi.*

K. *Hic primus est vero obuiam factus tibi?*

Ch. *Sane. K. nec ipsum intelligebas dum deum:
Tibi imperantem stulte quam clarissima,
Qui filium mores videlicet tuum
Iussit doceres patrios? Cæ. censent ita?*

K. *Quin plane & ex luci sit hoc cernere facile,
Nil utile mage nunc, prout sunt tempora,
Quàm quæ bona sunt, omnino habere in ultimis.*

Ch. *Isthuc nequaquam tendit hoc oraculum.
Maius quid est: at arbitror nobis suum
Si nomen hic memoret modo, narretq. quid,
Et quem rogaturus simul introiuerit,
Denique fore, obscurum ut pateat vaticinium.*

Age,

- K.** *Age, eloquere illud, quis fies tu homo nisi
Quæ ad hæc solent, mauis tibi fieri Ch. ocyns
Id expediendum est. P. flere nuncio ego tibi.*
- K.** *Suscipe hominem, Deiq. faustum oraculum.*
- Ch.** *Eccere equidem non amplius letabere.
Te namque, ni dicis, malum perdam male.*
- P.** *A me hinc, amabo. Ch. numquam id obtineas ho-*
- K.** *Quin est here illud optimum, quod consulo. (die.
Hominem enecem, quo pessime isthunc pessimum
Statum relinquam in eminenti quopiam
Præcipitio, ut excolietur inde prouidens.*
- Ch.** *At arripe ætutum, P. minime. Ch. ain ergo tu?*
- P.** *Verum timeo, ne ubi qui ego sim dixerò,
Nec dum liceat abire, & affecto male.*
- Ch.** *Deos tibi iuratos an hanc rem omnes habe
Licet, modo velis. P. me ergo primum mittite.*
- Ch.** *Mittimus. P. animum date, video necesse eloqui
Celare quæ vos statueram, Plutus sum ego.*
- Ch.** *O omnium mortalium turpissime,
Cum Plutus esses, tu tacebas siccine?*
- K.** *Hem, Plutus es tu? isthoccine affectus modo?
O Phæbe Apollo? o & dii? o & daemones?
O Iuppiter? quid audio? tu ne ille? Pl. sum.*
- Ch.** *Ille ipse? P. vere ipsissimus. Ch. vnde igitur, cedo.
Sic scaldus prodis? P. venio e Patrocleæ,
Qui balneum non vidit, ex quo natus est.*
- Ch.** *At istud vnde tibi mali? dic obsecro.*
- P.** *Mulctauit hoc me Iuppiter malo, inuidens
Rebus hominum, olim quod puer iactauerim
Solos adiuturum me bonos: id vero eo,*

- Vt cæcus ex his neminem dignoscerem ,
Adeo usque iustis, & bonis ille inuidet .*
- Ch.** *At per bonos ille colitur tantummodo ,
Iustosq. P. nullus inficior . Ch. quin age modo ,
Si pristinum tibi lumen esset redditum ,
Fugeres malosne exinde ? P. ego vel maxime .
Nam ab hoc genere longo absui iam tempore .*
- Ch.** *Mirum nihil , cum ipse & ego video qui probe .*
- P.** *Me mittite iam , de me tenetis omnia .*
- Ch.** *Quin per Fidium retinebimus tenacius .*
- P.** *An non ego prædixi negotium mihi
Vos esse facturos ? Ch. at animum da obsecro ,
Nec deserat per tantulum me , quare licet ,
Usquam virum alium gentium non reperias ,
Qui moribus sit præditus melioribus .*
- P.** *Omnes id ipsum iactitant : verum ubi me habent ,
Vbi sunt abunde farti , ubi denique diuites ,
Impendio sunt pessimi tunc scilicet .*
- Ch.** *Sic res habet : at omnes tamen non sunt mali .*
- P.** *Immo Hercule omnes . K. quærit hic malum sibi .*
- Ch.** *At vt experimento , si maneas , ipse videas ,
Fient quæ apud nos bona , mihi fac sis moriger .
Etenim (superis auctoribus dictum velim)
Hoc spero oculorum te malo sanauero ,
Lumenq. reddidero : P. minime isthuc efficies .
Nec enim volo videre rursum . K. quid tu ais ?
Est natus ingenio egregie hic ad miseriam homo .
His persuaso stultiloquijs Iuppiter
Daret , scio , malum mihi . Ch. num non malum
Dat , obsecro , qui cespitantem errare sinat ?*

P. Id nescio, ego illum timeo tamen, quàm maxime.

Ch. Verene ais? demum o timidissime omnium,
 Ipsumne famigerati aliquid Iouis imperium
 Et fulmina esse credis hemidrachmij?
 Modo liceat videre vel momentulum?

P. Haud profer isthac pessime tu. Ch. pauca obsecro,
 Ostendam enim tuo esse te multo Ioue
 Potentio rem. P. tu ne me? Ch. per cælum utique.
 Primum ergo per quēnam imperat djs ille? K. per
 Pecuniam, huius grandis illi copia est.

Ch. Age hanc, quis illi? K. hic scilicet. Ch. quid?
 non etiam

Illi per hunc sacrificia? K. hercule oppido,
 Precarioq. diuitias plane petunt.

Ch. Horum igitur auctor vnus hic est omnium,
 Et ista cessabunt velit hic modo omnia.

P. Quinam hoc? Ch. quia nullus nempe debina sa-
 cra faciet,

Neque boue, neque libo, neque alio quopiam,
 Nolente te. P. qui inquam istud? Ch. hem, qui
 interrogas?

Quia non habebunt vnde comparent, nisi ipse suf-
 ficias, adeo ut molestus si siet

Vnquam tibi, totum queas euertere

Facile eius imperium. P. quid ais? per me Ioui

Sacra? Ch. aio, quin si splendidum, pulchrum ve
 quid est,

Aut quod hominibus arrideat, per te omne id est.

Vni omnia sunt pecunie obedientia.

K. Tantilla & ipse raptus in seruitium ego

Fui

Fui pecuniæ, quia mihi illa deerat.

Ch. *Quin & meretriculas ferunt Corinthias,
Si forte quispiam roget diues parum,
Aliam rem agere, verum ubi quis accedat probe
Nummatus, ex verbo statim tergum dare.*

K. *Ipsum facere illud pusiones, inquit,
Ne minimum amatorum morati gratiam,
Sed nummulos. Ch. meritorios narras, boni,
Et ingenui non hoc. K. quid ergo? Ch. alius equū,
Molossū alius rogat, K. veriti pecuniam
Sane, pro amore petere mercenario,
Absurdam honesto palliant rem nomine.*

Ch. *Omnes & artes, omnis & scientia.
Te propter vnum inter homines inuenta se-
dentarius corium ille concidit, alius
Exercet æs, tractat alius fabrilia:
Ille excolit, quod cæpit e te, aurum, vacat
Ille spolio, compendium ille ædificio
Querit: alius fullonicam facit, lauat
Vellera alius, polit alius corium, alius
Diuenditat capam, glabram per te haud timet
Adulter. P. o me horum omnium quondā inscium.*

Ch. *Rex nonne propter hunc superbit maximus?*

K. *Nunc propter hunc concilia habentur omnia?*

Ch. *Non tu Triremes vnus, obsecro, apparas?*

K. *Non militem hic alit Corinthi extrarium?*

Ch. *Non lacrymas excutiet iste Pamphilo?*

K. *Quin, pisciendæ nonne simul cum Pamphilo?*

Ch. *Et nonne pedit propter hunc Argyrius?*

K. *Nonne ob te etiam sunt fabulæ Philepsij?*

- Ch. *Belli socios non concilias tu Aegyptijs?*
 K. *Laisne, non propter te amat Philoniden?*
 Ch. *Turris Timothei? K. corruat in caput tibi.*
 Ch. *Age, & reliqua non per te aguntur omnia.*
Nempe vnicus tu rerum es auctor omnium,
Pro certo habe, velis malas, velis bonas.
 K. *Hi pro quibus stas ipse, vbique gentium.*
In omnibus sunt fortiores praelijs.
 P. *Ego vt tot vnus possim obire munia?*
 Ch. *Quin hisce multo plura per Fidium Iouem:*
Vt non fuerit te fartus vnquam quispiam.
Est ceterarum namque modus, & satietas
Rerum, est amoris. K. panis est. Ch. & musices,
 K. *Bellariorum. Ch. honoris est. K. & pultium.*
 Ch. *Virtutis est. K. est Caricarum. Ch. & glorie.*
 K. *Est crustulorum. Ch. & imperij. K. lentis etiam.*
 Ch. *At non fuit te fartus vnquam quispiam:*
Vt cui talenta modo obuenant decem & tria,
Habere iam ex eo cupiat sex & decem:
Rursum ista vbi nactus est, quadraginta expetit,
Necdum sibi vitam esse vitalem asserit.
 P. *Narrare vera iam mihi videmini.*
Vnum tamen timeo. Ch. quid est illud cedo?
 P. *Ne posse quem vos tanta dicitis modo:*
Opinione postmodum fallar mea.
 Ch. *Hercle minime, quin illud omnes dictitant,*
Timidissimum Plutum esse. P. nil vero minus:
Effractor hoc mihi quispiam calumniae
Intendit, aliquo forsitan irrumpens, vbi
Nil ad manum videt, bene conclusa omnia,

Meam

Meam timoris insimulat prudentiam.

Ch. *Ne quicquam tibi fiet curatio.*

*Huic si modo rei promptus animum intenderis,
Te oculatiorem reddam, & ipso lynceo.*

P. *Mortalis isthæc qui potis præstare tu?*

Ch. *Innata spes est nescio quæ mihi, Apollinis
Laurum mouentis nuper ex oraculo.*

P. *Horum ille conscius est etiam.* **Ch.** *sane quidem.*

P. *Videte quam vos rem geratis.* **Ch.** *impera
O bone tibi otium: istud ego effectum tibi
Vitæ & periculo dabo.* **K.** *quin sis & ego.*

Ch. *Plurimi aderunt commilitones insuper.*

*Nobis quibus victus perinde suppetit
Iustis.* **P.** *pape, ais commilitones pauperes?*

Ch. *Aio ego, ubi per te nempe fient diuites.*

Sed heus tu, age, propera. **K.** *quid est quod me ve-*

Ch. *Accersere confines agricolas, quos, puto, (lis)
Agrestibus intentos reperies operibus.*

Huic arbitri adsient negotio, bonis

Nobiscum ut æque participant presentibus.

K. *Dicto obsequor: sed hanc carunculam iube
Per familiarium introferri quempiam.*

Ch. *Istud ego curabo: tu age illud ocyus.*

*At tu deorum Plute maxime omnium,
Ingredere mecum huc intro: namque hæc est domus,
Quam tu pecunijs hodie offertissimam*

Reddas opus est: quo iure, quaque iniuria.

P. *Verum molestum est illud, ac graue admodum
Mihî, passim alienas familias adire. sci
licet quia nil inde redit ad me commodi.*

Etenim

*Etenim incidam si in quempiam parcum nimis,
 Terra sub ima me recondit illico.
 Tum forte si accedat quis amicus, vel probus,
 Vel tantulam qui corroget pecuniam,
 Vidisse se me vñquam negat. si in prodigum,
 Obiectus & meretricibus, & talis miser
 Nudus foras protrudor, intra temporis
 Spatium breuissimum. Ch. modestum ut qui virũ
 Non nactus vñquam es: at id adeo est mihi inge-
 Parcissimus sum nempe, si quis est alius. (nũ.
 Sum prodigus itidem, cum id ipsum postulat
 Res. sed age, eamus intro: volo quoque videant
 Et vxor, & quem vnicum habeo, te filius:
 Quem ego magnopere vnum, a te modo vno
 amo. P. audio.*

Ch. Namque tibi cur ipsam rem aperte non loquar.

*K. O cæpam eandem sæpius, compransi hero sodales
 Viri, populares, & laboriosi: agite, accelerate
 Vestigiũ. cunctandi etenim non vlla copia, in ipso
 Est tempus articulo, quò adesse auxilio oportuit.*

*Ch. Iam nos diu viam vides instare concitato (vos.
 Quã possumus gradu, senio viri utpote debilitati.
 Ne vero opinere, haud hodie mehercule prius ego
 curram,
 Quàm tu illud efferas, quid est quod nos tuus ve-
 lit herus.*

*K. At ego id tibi pridem recenseo, nec ipse me audis.
 Iucundam herus de cetero denunciat, & beatam
 Vitam omnibus vobis misera hac, & in labo-
 riosa*

D d

Abie-

*Abiecta. Cho. At isthuc unde nunc prodijt, ama-
bo, rerum?*

*K. Ingressus est nunc nunc domum, nescio quem agēs
senem una*

*Secum, rigentem, incuruicercuicum, ore caricato,
Edentulum, glabrum, miserum, per calum, &
apellam opinor.*

Ch. O nuncium aureū? istud obsecro de integro renarra.

Nam significas illum attulisse copiam pecuni-

æ. k. inquam ego senilium attulisse copiam malorū,

*Ch. Num forsitan te impune abiturum furcifer arbi-
traris.*

Si quid fefelleris, hunc modo me tenente scipionē?

*K. Hominem putatis ingenion' me semper esse eodem
Ad omnia? neque dicere sane quidpiam, vel un-
quam?*

*Ch. Ut verbero est grauis: at tui inclamant pedes hui
præ*

Desiderio, videlicet, cyppos pedicasq. inbiantes.

K. Tua nempe iudicare sorte littera affecuta est:

*Quid adire cessas, symbolum cum porrigat tibi
Charon?*

*Ch. Male pereas, ut ingenio falsus animi es: mihi qui
Illudis hoc modo. Sed id non prorsus es locutus
Quidnam siet, propter quod, inquam, accersimur
negoti*

Multo labore qui graues, cum etiam minime va-

*K. Accurrimus, bulbū illico radicibus relictis. (caret.
At iam amplius celare nequeo vos: domum ille
Plutum,*

*Duxit, opera cuius erimus omnes diuites hodie
omnes.*

Ch. Verene ais? diuitibus omnibus licet esse nobis?

*K. Quin & Midis, per calites, modo si auriculæ asini
adsint.*

*Ch. Quàm lætor & recreor animi, ductare libet cho-
ream*

Præ gaudio, sane siquidem tu serio ista narras.

*K. Volo & ipse ego, Threptanelo in morem Cyclopi
olim*

*In hunc modum pedes agitans tripudium mouēdo
Vos agere: sequimini ergo chara pignora, occinen-
Subinde ouium balantium, & (tes
Caprarum olentium melos.*

Et penis exerti hirci apellæ extrema lingitote.

*Ch. Queremus & nos Threptanelo rursū Cyclopa balā
te, scaldum, te scilicet, & perigerulum pre-
hendemus, agrestia olera crapula madentia
euomentem, ouibusq. præeuntem ducem,*

Somno solutum ex crapula.

Passim adorientes torre conterebrabimus præusto.

*K. Rursum & ego Circen, noxio quæ poculo Corinthi,
Mirum reformatos hominum ex facie in suos re-
Fimo coegit sordido (pente*

A se subactō vescier, Philonide sodales,

Imitabor omnibus modis

Vos grunientes ergo præ lasciuiā,

Insequimini parentem.

Ch. Te deinde Circen, noxias miscere potiones

Solitam, & reformatam in suos præstigijs sodales

- Vlyssis exemplo prehen-*
sum testibus, appendemus e lasciuia, caprorum
que, vt asolent, merdabimus
Nares: tu Aristillus subhianti ore occines,
Insequimini parentem.
- K.** *Verum, agite ridicularijs adinuicem iam omisiss,*
Aliam rem agite de cetero: hinc
Ego me intro confero, carniū,
Et panis, vt si hero queam
Quid clanculum expiscarier,
Id mandam, eoque me subinde exerceam labore.
- Ch.** *Saluere vos iubere, populares viri,*
Merito esset oppido absoletum, & putidum.
Saluto vero rite vos, recto ordine
Qui pote alacres in tempore adestis: vt mihi
Hucusque qui consocij vbique in omnibus,
Seruando etiam nunc sitis auxilio, deo.
- Ch.** *Bono animo es. ipsum te videre putes vide*
Me, Martem. ain? Plutum pateremur cui rapi?
Tantas qui ob vnicum mouemus publica
In concione triobolum, tragædias.
- Ch.** *Et video recta Blepsidemum huc tendere,*
Qui quantum ego ex gestu, atque adeo gressu pro-
pero
Coniicio, de re non dubium est, quin rescierit.
- Bl.** *Quid hoc negotij sit, vnde, & quomodo,*
Sic de repente Chremylus, inquam, diues est
Factus, sat intelligere nequeo, næ tamen
Multus de eo sedentium ad Kuræa erat
Iam sermo: ditatum repente videlicet

*Quendam; sed & mirum id mihi est (factum bene)
Quod olim amicos diues accersit suos.*

Facit ille sane more minime patrio.

Ch. *Rem totam aperiā, nec dolo dicā tibi.*

O Blepsideme, viuimus melius quā heri;

Licetq. participes, amicus ut pote.

B. *Factusq. ne vere, ut fertur, es diues Chremyle?*

Ch. *Equidem fore iam iam spero, si deus velit.*

Sane nam inest, in re, inquam, inest periculum.

B. *Quod? Ch. quod rogas? B. at effer id, age, per-*
ficce.

Ch. *Nam gesserimus si bene nos, nobis bene erit.*

Quoque: sin minus, maetabimur infortunio.

B. *Id onus minime probum videtur, nec mihi.*

Sane placet, post namque tantas tam subito

Natas opes, animo esse rursum ita puido,

Prodit facinoris, nescio quid, sani parum.

Ch. *Hem, quid tu ais sani parum? B. quid si dei*

Post forte fanum depeculatum, modo

Admissi agit te conscientia sceleris?

Ch. *Malorum Apollo auersor? haud quidquā horum*
ego.

B. *Agape o bone nugas, rem teneo equidem omnem*
ego.

Ch. *Nil quaeso suspicere de me tale. B. vah,*

Ut ne inuenire prorsus est bonum virum,

Omnes sed vni inseruiunt misere lucro.

Ch. *Sanus equidem sat esse non videre mihi.*

B. *Quā a pristinis mutatus olim moribus?*

Ch. *Tu minime es apud te homo satis. B. verum vide,*

*Vt ipse nec aspectus loco maneat suo ,
Et facinus admissum manifeste comprobet .*

Ch. Scio quam rem agas , quasi quidpiam furatus ego
Te participem vis faciam . **B.** ego men' tu ut par-
ticipem ?

Ch. Longe alia alia hæc res est , secus ac putas habet .

B. Furatus haud es , at rapuisti . **Ch.** inquam furis .

B. At neque quidem quemquam spoliasti , te obsecro ?

Ch. Minime aio ego . **B.** o magne Hercules , quo te igi-
tur age

Veritas rogo ? verum obstinate qui abnegas ?

Ch. Me namque criminis vocas , rei inscius .

B. Amice , ego hoc a minimo adeo expediam tibi ,
Fiat priusquam ciuitati propalam ,
Nummo , videlicet , ora rhetorum obstruens .

Ch. Isthoc mihi videre amicus oppido ,
Minas ubi erogaueris tres , duodecim
Dixis . **B.** Tribunal iam hinc ego te ad publicum
Cum uxore liberisq. sisti supplicem
Prouideo . quales Herculis olim liberi
Populo dedere supplicium , apud Pamphilum .

Ch. Erras homo miser : optimos quin quosque ego

Comes , modestos quosque fecero viros

Ad facietatem diuites vsque . **B.** quid ais ?

Adeone grande , quaeso , furtum est ? **Ch.** Heu mali .

Impendio peribis . **B.** immo tu hercule ,

Ipse arbitror . **Ch.** vero minime scelus habeo

Nam Plutū ego . **B.** tu Plutum ? age quem tandē ?

Ch. deum ?

Ipsū ipsum . **B.** ubi ille ? **Ch.** intus . **B.** vbinam ? **Ch.**

apud

apud me. B. apud te? Ch. equidem.

B. Non ad Koracas? Plutusne apud te? Ch. per deos Omnes. B. ain tu? Ch. aio, inquam, ego. B. per Cere rem ais?

Ch. Magnum immo Neptunum. B. marinum deieras?

Ch. Quin, si quis alius est adhuc Neptunus, alium. B. deinde non mittes amicos ad tuos?

Ch. Non est in isto dum negotium. B. quid ais, Non dare potest? Ch. sane minime. nã enim prius.

B. Quid? Ch. lumen oportet restituamus. B. cui cedo?

Ch. Pluto, quod erat, videlicet, illi pristinum.

B. Num est cæcus obsecro? Ch. per Iouẽ Fidiũ utique.

B. Mirum nihil, si ad me ille numquam venerit.

Ch. Verum, modo si dii voluerint, nunc venerit.

B. Medicum igitur introducere quempiam est opus.

Ch. Age, quis in vrbe medicus est hoc tempore?

Merces nam ubi nulla est, nulla nimirum quoque ars.

B. Isthuc agamus. Ch. nullus est. B. ita arbitror.

Ch. At certe ea demum sanior sententia est, Quam verso iam dudum, illum ad ædem Asclepij Deducere, scilicet. B. sapienter consulis, Nil des morã amplius: propere vnum hoc expedi.

Ch. Eo. B. gradũ quàm pote moue. Ch. hoc ipsum facio.

I. O facinus insolens, callidum inceptum, & nefas, Homunculi audent quod miserrimi duo. Quo. quo fugitis? quin sistitis? Ch. magne Hercules?

I. Deperdam ego vos pessimos hodie male, Qui audetis ausum non ferendum: quale non

*Umquam est hominum ausus, aut deorum quispia
Antehac, ut ut scelera perijstis oppido.*

Ch. *Quæ tu mulier es? nam videre pallida.*

B. *Erinnys est fortassis ex tragædia.*

Ut quæ furiosum quid tuetur, & tragicum.

Ch. *At non habet vero faces. B. flebit igitur.*

I. *Quam vos putatis esse me? Ch. stabulariam*

Næ ego, ouiuendiamve: non alioqui enim

Sic eiulasses læsa nulla iniuria.

I. *Veron? an hoc non est facinus grauissimum,
Me, scilicet, orbe velle toto expellere?*

Ch. *Ergo reliquum fiet barathrum sane tibi:*

At dixit dudum oportuit quis tu fies.

I. *Quæ fecero dignum dare supplicium hodie*

Vos hoc studio, qui me hinc studetis abigere.

B. *Caupona num hæc è proxima est vicinia?*

Quæ me pusillis usque fugit heminis?

I. *Inopia ego sum, olim quæ ab annis plurimis*

Conuino vobiscum. B. di, Apollo summe, quo

Fugias? Ch. quid agis hem meticulosa bellua?

Non tu resistis? B. oppido non. Ch. non manes

Inquam? duo viri fugimus vnâ feminam?

B. *Quia est inopia, quæ miserrime uspiam*

Est procreatum perniciosius nihil.

Ch. *Siste obsecro, siste. B. haud ego per Diem Fidium.*

Ch. *Isthuc sic aio facinus enimvero facino-*

rosissimum, omnia ut facinora non sient

Adeo, deum arrepta fuga relinquere,

Nec istius timore pugnam insistere.

B. *Id nos quibus armis? quoque freti robore?*

Nam

- Nam quem illa clypeum pignori fœdissima,
 Thoraca quem non noxium dat pignori?
 Ch. Bono es animo, huius, sat scio, de moribus
 Insigne trophæum hic vnus excitauerit.
 I. Hiscere etiam nūm audetis ò piacula?
 In ipso in ipso deprehensi crimine?
 Ch. Verum scelesta, sedit vnde tibi hisce nos
 Conuictys incesseres iniuria?
 I. An non, amabo, iniuriam arbitramini
 Mibi facere vos, dum Plutus vt rursum videat,
 Agitis? Ch. tibi tu iniurium fieri id putas?
 Quod omnium mortalium facimus bono?
 I. Quid vos queatis iuuenire boni? Ch. quid ais?
 Te nempe primum exterminare Græcia.
 I. Me exterminare? at quodnam hominibus creditis
 Posse grauius malum dari? Ch. quodnam rogas?
 Si nempe quod facere instituimus, efflueret.
 I. Eius rei primum rationem reddere
 Volo, siquidemq; permanifeste ostendero,
 Vobis bonorum vnā esse me causam omnium,
 Vos viuere per me, mittite hoc. quod si minus,
 Fuerit quod animo collubatum vestro facite.
 Ch. Proferre tu audes istud ò fœdissima?
 I. Audi obsecro, mihi fuerit facillimum,
 Errorem in hac re tibi facere palam tuum.
 At, si bonos facturum ais te diuites,
 B. O tympana, o Æ compedes, non vestram opem?
 I. Minime eiulare decet, priusquam rem teneas.
 B. Quis continerē se queat mortalium,
 Hæc si audiat, quin eboet? I. modo qui sapiet.

Quæ

Ch. *Quæ pœna vis fiet tibi, si criminis
Conuicero? I. Quæ? quæ videbitur. Ch. æquum ais.*

I. *Nam victi eandem vos rei subibitis.*

B. *Sat esse viginti putas mortes, rogo?*

Ch. *Isthuc puto: at nobis duæ multæ fuant.*

I. *Non his minis effeceritis quo modo,*

Quin, quod habeat de iurè quis dicat suo.

Ch. *Quin vos, quod oportuit dudum, stringens quid
dicite, quo isthanc*

Dicto certâtes conuincatis, nec quid prodite molle.

Ch. *Arbitror ego sane, pernotum illud penitus omni-
bus esse:*

*Æque nihil esse æquum, quàm iustis suppetere
omnia abunde,*

*Hominum qui & impij, & mali sint, agre viuere
contra.*

*Illud igitur affectantes nos, vix tandem inueni-
mus, apte*

*Qui consilium pulchrum, atque insigne, atque uti-
mule ad omnia perstet.*

*Etenim si iterum videat Plutus, nec cæcus am-
plius erret,*

*Futurum, ut quosque bonos frequentet, illisq. assi-
duus sit,*

*Fugiatq. malos de cetero, & impios, subindeq.
fiant*

*Boni omnes, omnes diuites, & numinum reue-
rentes.*

*Ast hoc quis mâius inueniat bonum mortalibus
vumquam?*

Nullus

B. Nullus equidem, nemo hanc roga. hoc ipsum, in
primis ego testor.

Ch. Nam quis non furys, aut si mauis, quopiam inau-
spice casu

Res mortalium agier dicat, quæ nunc sunt, cum vi-
deat, qui

Horum sint pessimi, abundare opibus, hisq. scilicet
vndecunque, & quacunque immensis contra-

Etis: horumq. sient qui

Boni, quibuscū vt plurimum verseris, ducere vitā

In summa inopia. esse aio igitur qua hæc cessent
omnia, Plutus

Si rursum videat, beneficium quàm maximum ho-
minibus, inquam.

I. O duo, queis insanire adeo nihili est, silicernia,
queisq.

Deliramenta partiario placent, socinugi.

Equidem si id quod agitis obtineat, non è re ego
fore vestra

Predico vobis. nam si videat, seq. præstet eundem
Hic omnibus, non artem vllam vllus, sed nec vl-
lam homo curet

Scientiam dehinc: queis demptis duobus, quis co-
rium, aut æs

Exerceat, qui naues? quis rotas fabricet? faciat
quis

Fullonicam? quis sarciat de eo? quis ædificet? quis
Pelles poliat? cultisq. ex agris legat in tempore
fruges?

Vobis si diuitibus vinere licet horum sollicitis nil.

Nugas.

Ch. Nugas. expedit famulitium hæc, quæ narras omnia nobis.

I. At ipsum isthuc vero nobis obsecro famulitium vnde?

Ch. Pecunia sane suggeret. I. ac quis quæso huiusmodi det

Operam mercaturæ, perinde dives? Ch. lucrum animo cui

Sit, nimirum a plagiarijs quis nactus Thessalicis.

I. at

Hercle argumento hoc vestro nec mercaturam faciat, nec

Plagiariam quis posthac: nam quis tam eximens fuit homo, qui cum

Domus habeat satis, isthuc velit factu periculum adire Capitis? cogere ut tandem ipse fodere, ipse arare, subire

Ipse reliqua tu munia: ita ut acerbior longetibi vita hac,

Sit illa futura. Ch. tuum in caput omen eat.

I. iam lectuli erunt, in

Quibus cubes nulli, non stragula: nam quis texere dives

Velit illa? non unguenta, quibus sponsam cum duxeris, ungas

Non ulli uariæ uestis sumptuosi denique cultus.

Quæ uero sunt diuitiæ, isthæc cum desint omnia? uobis

Tamen horum est, quæ usui sunt, omnium abundans copia per me.

Ego namq. desidem, veluti imperio, cogo artificem per

Inopiam, & egestatem, quopote pacto sibi quaerere victum.

B. Quid tu queas præstare boni? sane oppido maculas ex

Thermis, subesurientum puerorum, atque adeo vetularum

Rixas: adde pedum præterea, atque pulicum, culicumque

Numerum innumerum, moleste qui caput circumstreperi vsque

Infestant, & subinde esuries occinunt, age, surge.

Quin etiam ad hæc pro pallio centunculum, cimicibus pro lecto refertum iunceum thorum, somnium excutiat qui

Vel dormienti, putrem pro stragulo insuper storem, pro

Puluinari ad caput, pergrande saxum: frondibus uti,

Malvæ pro pane: tum pro crustulo, folijs raphani: pro

Scamno vero, fractæ uti capite urnæ: fracti insuper uti

Pro matra latere dolij. bonorum vero age multorum ostendon' auctorem te ego mortalibus omnibus esse?

I. Mendici narrasti vitam: facit ad meam nihil horum.

Ch. Nos inopiæ mendicitatem dicimus esse sororem.

I. Vos

I. Vos hoc nimirum, qui & similem Dionysium Thra-
sibulo.

Non talem unquam vixi ego vitam, nec spero
per Fidium unquam

Vitam: mendici est, quem narras, proprium,
prorsus ut habeat nil.

Eius, qui siet inops, contra operi intentum vivere
parce:

Cui desit ad communem usum nil, cui supersit utē
nil.

Ch. Beatam hominis narras vitam, post fraudatum
genium, post

Labores tantos, sibi nil demum qui ad iusta re-
linquat.

I. Studes cauillo, & scōmatis, nec rē ipsam expendere
vis serio, qui ignoras quā Plutum viros lon-
ge meliores

Me facere, & specie, & ingenio. per illum nam-
que podagri

Fiunt, & ventricosi, suripingues, & nimio plus
Obesi: ego iunceos reddo, reddo acres, hostibus
inensos. Ch. illos nil mirum si longa iunceos
fame reddis.

I. Quin de modestia mea iam vobis expediam, ostē-
deroq. adeo, mihi conuiuere honestum, contra-
ria Pluto.

Ch. Furari sane, honestum est, parietes effringere, ho-
nestum.

B. Perhonestum vero est facinus hercle, lateas ob
quod oportet

I. Hoc age, vides in publicis passim ut rebus tenui
dum,

Re oratores quæ factio optima sunt, consulunt po-
pulo :

Qui ditati e publico, cum remores repente
prios

Mutant, & ciuibus non secus ac hostes, insi-
diantur.

Ch. Horum omnino nil mentita es, quamq. nequam in
genio sis.

At nec minus flebis, ne eo superbias mage : quæ
isthuc

Nobis coneris suadere, inopiam, præstare opulen-
tiæ. I. verum tu de eo nondum me coarguere
potuisti.

At garris oppido, gesticularisq. Ch. Cur igi-
tur te

Euitant omnes obsecro? I. quia scilicet meliores
Reddo, idq. vel in pueris uideas, licet optima quæ-
que docentes

Qui patres fugiunt. odiosum est adeò dignoscere
rectum.

Ch. Isthucne Iouem tu nosse neges rectum quæso? ille
tamen diuitias habet in primis, istamq. nobis
mandat habere.

I. Onimium veteribus excæcati fabulis, homines :
iam

Iouem ipsum egere maxime, vobis fecero ego pa-
lam. Cur

Dives ita ille, instituturus certamē olympicū, quo
Quin-

Quinto quoque anno ex tota congregaret bellade
mortales, victorem proclamari iussit athletic
oleastrum?

At qui in abundantia tanta, aurum potius oportuit, inquam.

Ch. Hoc magnopere ipso ostendit, quanti diuitias facit ille,

Olympiacam qui dignatus victoriam nihili re,
Illas sibi quàm parcissime sanctas, subinde resequat.

I. Multo sane quia inopem, est hoc compellare turpius illum

Qui diuitem usque adeo dicas illiberalem, & auarum.

Ch. At te Iuppiter isthic coronans oleastro male perdat.

I. Immo vestram hanc audaciam, negare qui bona cuncta

Per unam esse inopiam vobis audetis. Ch. hoc doceat vel

Hecate: præstet utrum illorum diuitem magis, an inopem esse.

Nam diuitibus per menses singulos proponere cænam

Iubet illa, inopesq. qui sint, vix apposita absumere contra.

At iam peri, ne quid muti

Vel tantulum.

Nam & si suasis, non persuasis.

I. Argui, obsecro, quæ isthic profert?

- B. *Conuictorem Pauſona inuoca .*
- I. *Quid agam miſera ?*
- Ch. *Ad Koracas quamprimum a nobis .*
- I. *Quo me gentium ?*
- Ch. *Hinc ad Kyphonem : at ne differ ,*
Quin propera ocyus .
- I. *Vos certe rurſum me huc ſcio*
accerſetis .
- Ch. *Tunc redeas licet , at diſperi*
Nunc : ſedet hercle mage diteſcere
Mihi , & tibi fletum mandare .
- B. *Id volo ego , nimirum diues*
Cum liberis & vxore
Comeſſari , lotuſq. probe
A balneo nitidis rediens .
Operarijs ,
Paupertatiq. oppedere duræ
- Ch. *Abit illa condigna affici a nobis male .*
Nos ambo rite ipſum ocyus porro deum
Ducamus acclinatum ad ædem Aſclepij .
- B. *Quin nil moremur , obuiam ne quis fuat*
Rurſum impedimento forte , quo hæc fiant mi-
nus .
- Ch. *Heus tu kario , iſthæc ſtragula huc foras opus ,*
Ceteraq. quæ intus ſunt parata , efferrier :
Ipſumq. Plutum , vt moris eſt , deducier .
- K. *O o beatos vos ſenes impendio ,*
Qui pulte conuiuariet panis inopia ,
Theſea ſoliti dum celebrantur ſacra ,
Omneſq. adeo qui moribus ſient probis .

Ch. *Quid id est cedo amicorum o tuorum tu optime?*
Nam nuneij quid nescio præfers boni,

K. *Bene prospereq. res hero cessit hodie,*
Plutoq. multo melius, ex cæco vt pote qui
Est exoculatus in nitidissima lumina:
Asclepium Pæonæ nactus beneuolum.

Ch. *Ain gaudeam tu? ain tu eiulem?*

K. *Latitia nolitis velitis sane adest.*

Ch. *Celebrabo magnis ingenuum entomijs,*
Et grande hominibus lumen Asclepium.

Mu. *Quis clamor hic est? ecquid apportat boni?*
Hoc nanque auido iam dudum ego desidero,
Huc intus expectans sedentaria animo.

K. *Age ocyus, vinum affer hera, vt & tu bibas.*
Nanque est, scio, id valde ingenitum inge-
nium tibi.

Vnus bona affero simul tibi omnia.

Mu. *Vbi illa quæso? K ex his scies quæ dixero.*

Mu. *Ea igitur actutum istud effer, quidquid est.*

K. *Audi ergo: totam totam ego rem, est acta vt i,*
Aedibus in caput vsque deducam tibi.

Mu. *Apage in caput mihi. K. ain? amabo, non bona*
Quæ nuncio euenisse? Mu. at ego malam aio
rem.

K. *Primum omnium ergo ad ædem vbi ventum*
est dei,

Virum quidem tunc temporis miserrimum,

At iam beatum, si quis alius est homo,

Quicumque ducebamus, ac mare appulimus,

Ibi lauimus. Mu. nimis ædepol felicem ais,

Qui

- Qui frigida narres hominem lotum senem.
- K. Post inde ad ædem redijmus rursus dei:
 Vbi & placentæ, & liba ad altera omnia:
 Et igne consecrata mola est Vulcanio:
 Plutum, ut fuit par, omnium acclinauimus
 Primum, reliqui vnde pote stoream sibi consuit
 Quisque. Mu. fuit & ad vos quispiam, qui numen?
 K. &
 Cæcus aderat quidam Neocledes, quo tamen
 Oculatus ad furtum magis nemo fuit.
 Multi insuper morbis aderant, omni genere,
 Affecti: ubi extinxisset ergo lampadas,
 Denunciat de cetero somnum omnibus
 Dei sacerdos, admonens silentium,
 Ut audiat quis strepitum, ita rite omnes cubamus:
 ego pacto lumina somno euincier.
 Nullo poteram, olla me excitabat pultium,
 Cuiusdam anus a capite non longe adiacens,
 Obrepere gestibam ad quam ego mirum in modum.
 Cum respiciens subinde, sacrificulum video
 Placentulas subcolligentem, libaq.
 Videlicet a mensa sacra, quin ex eo
 Altaria circuncirca oberrantem omnia,
 Sicubi reliquisset placentam quampiam,
 Quæ in sacculum demum sacrauit omnia.
 Isthuc licere mihi perinde existimans,
 In illam ego ollam pultium insurgo quoque.
 Mu. Hominum miserrime, obsecra, non tu deum?
 K. Quin per deos illud timebam maxime,

- Ne praeueniret forte ad ollam me deus.
 Praemonitus ab eius ante fueram sacrificulo.
 Sane igitur ipsa ubi strepitum persensit anus,
 Profert manum: ast ego sublato sibilo,
 Prehendo mordicus. anguis ac si essem Parei-
 ias, illico iterum complicat illa dexteram.
 Deinde insonam continuit usque praemetu.
 Et acre, mustella ut minime aequae, subcrepuit.
 De cetero me pulte ego probe exercui.
 Stetiq. tandem fartus ex sententia.
- Mu. Quid? ipse nondum ad vos deus? K. minime
 dum, at illud ridiculum multo magis, quod
 feci ex eo,
 Ipso deo aduentante pepedi grandius.
 Meus intumuerat, scilicet, venter mihi.
- Mu. Non te ille factum ob istud aduersatus il-
 lico? K. nihil minus. suberubuit tamen,
 Quae aderat Iaso, auersa nares pressit &
 Panacea. nec mirum id utique, sane thura non
 Pedo. Mu. quid ille? K. ne minimum curauit her-
 cle. Mu. ain tu inurbanum deum? K. minime
 equidem:
 At merdinorum aio. Mu. va tibi misero ho-
 mini.
- K. Ego me subinde pallio cooperui,
 Mihimetuens, iam scilicet: omnes ex eo
 Circum ille morbos, ordine curiosius
 Rimat lapideum interea ei mortarium,
 Et coeleare, & thecium apponit puer.
- Mu. Isthuc lapideum ais? K. minime, inquam, thecium.
 At

Mu. *At tu videre qui pote isthac o scelus?*
 Narras qui ad opertum pallio te? K. lumi-
 num.
 In pallio probe fenestrato satis.
 Primum ergo pharmacum Neocledi omphium
 Emplastrium occipit: aliorum Tenuum
 Iniecta pote in mortarium capitula tria
 Contundit, indit in super lentiscinum
 que, Silphicumq. liquorem aceto diluit
 Hæc Sphettio inuensas, eo quin amplius
 Inducit ei quod mage doleret, palpebras
 Graue ineiulans ille, effugit, obridens, deus,
 Isthic ego, inquit, oblitus sed eas iubeo
 In concionibus sis abstemius
 Periurio ut de hac. Mu. quam sapiens Et pro-
 pitium
 Numen? K. tum, ab hoc Plutonem ad ipsum de-
 uenit.
 Illius ergo primum ubi attigit caput
 Sudarium pactus ibi purum, commodum,
 Elixat inde palpebras, nubet caput
 Totamq. adeo faciem Panacea fascia
 Purpurea ab ipsius dei poppismate,
 Cum ecce e penetralibus duo, immensum, exeunt
 Magni dracones. Medium amica numina?
 K. Qui Et fasciam sensim subeunt, palpebras
 Hi rursum oblamberunt, meo ut tu iudicio
 Vini decem vix dum ebibisses heminas
 Cum oculatus ille denuo exurxat probe
 Applaudo manibus ego illico præ gaudio

Et hero excutio somnum : dracones , ipseq.
 Penetralia templi in ima concessit deus ,
 At qui iacebant propter , amplexarier
 Mirum in modum Plutum : vigilatumq. ex eo
 Est , usque clarum donec illuxit dies .
 Merito ergo cumulatissime unum Asclepium
 Tunc extuli , Pluto qui ita lumina reddiderit .
 Digneq. Neocli di tenebras offuderit .

Mu. *Vah* , quanta , summe rex , potentia est tua ?
 Verum cedo , ipse Plutus ubi nunc ? K. Iam
 hic aderit .

Turba esse quanta maxima potest , circum eum ,
 Vitam trahebant qui miserrimam , probis
 Tamen viri olim moribus amplexarier , &
 Prae gaudio omnes copulare dexteras .
 Quae contra abunde supererat rei antea ,
 Quod undecunque iniuria congesserant :
 Ferre grauius , superciliaq. contrahere .
 Plutum insecuti illi redimiti floribus ,
 Latum occinebant , insonabat & senum
 Collisa musicis solea progressibus .
 Sed ea agite , vna omnes simul sententia
 Saltate , & exultate , choreas ducite ,
 Esse otiosis quaeis licet , ingressis domum
 Ne dehinc quis haustum nunciet panarium .
 Mu. Eccere equidem te isthoc lepidum ego ob nun-
 cium .

Donare torque clibanarium volo ,
 K. Fac igitur illhuic nulla sit rei mora :
 En ipsa nostras turba propinquat iam fores .

- Mu. Ego introeo hinc, ut efferam bellaria,
Veluti noue emptis quæ refundam luminibus.
 K. Procedo ego aduenientibus illis obuiam.

C H O R.

- P. Primo nitentem Thæbi adoro lampada,
 Casta subinde Palladis clarum solum.
 Excepit & quæ me, regionem Cecropis:
 Olimq. me pudet meorum errorum, hominum
 Qui tale frequentabam genus, quique assiduum
 Queis me esse par erat, fugiebam maxime:
 Id, omnium ante prorsus insecius miser.
 Ut horum, & horum, sane ego nil quidpiam:
 At deintegro inuersis penitus his omnibus,
 Omnes deinceps faxo homines intelligant,
 Errore factum quod malos quondam adierim.
- Ch. Vale in malam. importuni amici quàm, obsecro,
 Sunt, qui repente, cum re oboriuntur tibi,
 Usque obterunt, franguntq. genua, gestiunt,
 Dum quisque beneuolum affatim se ostendere.
 Nam quis me apud forum, genus quoduis, homo
 Nunc non salutauit? senum circumstetit
 Quæ turba? Mu. hominum amicissimi saluete duo
 Concede, amabo, te his ego bellarijs
 De more perfundam. P. minime isthuc gentium.
 Nam primum oculato me ingrediente familiam,
 Decet equidem nil minus, quàm efferrier
 Quidquam domo, nil magis, quàm inferrier.
- Mu. Non tu igitur isthac excipies bellaria?

- P. De more, ut assolet, domi hoc fiet melius.
 Tum certum, adhæc, effugerimus opprobrium.
 Nam Comico nihil magistro indignius
 Sit, a theatro quàm graui risum elcere
 Bellariorum velle congiario.
- Mu. Verum ædepol? recte mones: at ut hic citus
 Exurgat hospes oppido ad bellaria.
- K. O quàm est suaue diuitem esse, maxime
 Paruo rei si sit tuæ dispendio.
 Grandis bonorum influxit in nostram domum
 Aceruus, vlla vllius haud iniuria.
 Isthocce demum sunt modo pergratæ opes.
 Polline redundat copiosum arthecium:
 Sunt amphoræ vino graues anthosmio:
 Argento, & auro vascula nobis omnia,
 Mirere ut adeo, plena passim proiacent.
 Plenus oleo est puteus, scatentq. lecythi
 Unguento, inundat contabulatum caricis:
 Omnes & olla, & ollula, & cetabula
 Facta ærea: piscinarias olim putres
 Quadrulas, operæ precium est videre argenteas:
 Ex cornea subito laterna eburnea:
 Seruis abunde suppetunt ludo aurei
 Stateres, olim qui lapide, durum, soliti:
 De cetero, volupe, alijs iam tergimus.
 Redimitus interea quidem corona herus
 Sacrificat intus arietem, caprum, & suem.
 Me fumus abegit, haud manere ibi potui.
 Male vellicabat palpebras meas mihi.

D I C A E V S.

Heus sequere me puerule, age eamus ad deum.

K. Heo? quis est homo iste, qui huc profert gradum?

D. Vir nunc beatus, antè qui fui miser.

K. Vnus bonorum es e numero videlicet.

D. Sum nempe. K. quid vero petis nunc? D. ad deum.

Contendo, fecit innumera qui in me bona.

Ego namque bona, quæ acceperam à patre plurima,

Inopes in amicos erogabam commodum.

K. Ete illa defecere nimirum illico.

D. Sane quidem K. tuq. ex eo factus miser.

D. Factum utique: putabam stultus ego, quos beneficijs

Deninxeram meis, fore amicos similibus.

In casibus fidos mihi, at hi me podice

Ne dicere dignum, quem aspicerent quidem, dato.

K. Ridere te, inquam, illi insuper. D. dubio procul.

Me reddiderat nullum suppellex arida.

K. Inversa ceterum omnia isthac. D. deo igitur

Vt pro hisce dignas gratias meritis agam.

Huc propero. P. Verum pallium quid vult sibi,

Isthic puer quod portat a tergo, cedo?

D. Et hoc venio donarium ponere Deo.

K. Num, quaeso, eo initiatus es maioribus?

D. Immo oppido totos decem & tres obrigui

Annos. K. quid & crepida? D. cohiemabant

simul.

k. Isthac-

K. *Isthaecce tu vt reponere? D. sane quidem.*

K. *Perpulchra porro affers Deo donaria.*

Sy. *O me quater, o me quinquies, o me duo-*
deciesq., milliesq. hominum infelicem: io.
Vt vt perij miser, malas res plurimas
Fortuna in exitium astruit meum, malis.

K. *Apollo fautor, propitia diuum numina?*
Quid illud est, quod ille passus est mali?

Sy. *An non scelera ego pertuli nefaria?*
Cui totam adeo deus hic familiam exhauferit:
Qui faxo iam siet oculos cæcus iterum.
Sicubi mihi lites modo in mundo sient.

D. *Ego prorsus ipsam rem tenere mihi videor:*
Hic mercis, arbitror, malæ vir quispiam
Est, cui minime affatim domi res suppetit.

K. *Suo merito ille maximo ergo perditur.*

Sy. *Vbi ille? qui statim omnes diuites*
Nos pollicebatur per unum se fore,
Ex integro lumen redhiberet si suum?
Qui plurimos potius eo ipse perdidit.

K. *Quos ille perdidit obsecro? Sy. me scilicet.*

K. *Effossor hercle parietum eras ex improbis.*

Sy. *Est nullius vestrum nihil sanum hercule,*
Certoq. totam vos tenetis rem meam.

K. *Amabo, vt vt superbus animi prodijt*
Huc sycophanta? D. illa oppido, arbitror, esurit.

Sy. *Sublimis hunc faxo ad forum rapiare ego.*
Ibi alligatus ad rotam vt probe, palam
Flagitia facias tu tua K. fleas impero.

D. *Ita sospitator Iuppiter me amet, vt bene*

- Hic meritus est de Græcia tota deus ,
Qui sycophantas disperimet omnes male .*
- Sy. Væ mihi misero, men' & tu etiam ludos facis .
Fur partiario? at vnde tibi isthuc pallium?*
- Quem semiamictum vidi ego centunclo, & heri .*
- D. Apage, facio te tanti ego, quanti nihil ,
Ut qui drachma, gesto anulum hunc ab Eudama .*
- k. Ictus at hic ad sycophanticos nihil .*
- Sy. Hæc summa non iniuria est? sic luditis?*
- At dum haud locuti estis, quid isthic vos rei ;
Non sistere, aio, vos boni hic cuiuspiam
Causa . K. minime Hercle, certo habe minimè tui .*
- Sy. Sane, quia per Iouem ex meo cænabitis .*
- D. Faxint vtinam dij repente cum tuo
Rumpare teste, ventrem & exhaustus adeo .*
- Sy. Audetis hoc negare vos fædissimi?*
- Quæis piscium tanta intus, atque carnum
Est copia? hy hy hy hy hy hy hy hy hy .*
- k. Num quid suboles miserrime? D. trigus forsitan,
Indutus isthoc nempe qui sit pallij*
- Sy. Hæcine ferenda flagitia sunt Iuppiter,
Dijq. alij? hæc conuitia in me, quàm doleo
Probum hisce hominem, & politicon accipi modis*
- D. Ain? Probus tu, & politicus? Sy. nullus magis
Est homo . D. age, respondere mihi, quod rogo,
potin?*
- Sy. Quid tandem? D. agricola es tu? Sy. me adeo in-
sanum putas?*
- D. Mercator? Sy. id, si quando commodum est, si-
mulo .*

D. Ve-

D. Verum quid igitur? num artem aliquam tenes?

Sy. minime.

D. Sic otiosus videnam ergo victitas?

Sy. Negotia scilicet ego curo publica,

Privataq. omnia. D. tu? quid edoctus? Sy. mihi
ita

Lubet. D. qui igitur, effractor, esse bonus po-
te tu?

Qui ex rebus, ad te quæ nihil, conflas odium.

Tibi. Sy. illud ad me, te obsecro, nihil lare? de-
mererier, queis maxime possim officijs,

Patriam meam. D. calumnias ain officia?

Sy. Positas inuare civium leges ego,
Impune adhuc peccata nulli sint facere.

D. Ab re admodum ergo, iudices sibi ciuitas
Constituit? Sy. at quis persequetur crimina?

D. Quicumque volet. Sy. videlicet ipse ille ego
sum.

Ea urbis ad me cura nimirum redit.

D. Hercle illa curatorem habet quàm pessimum,
Potin cedo illud? otiosus vivere
Vitam in silentio. Sy. ratio isthac est pesudis.

Cui nulla penitus adsit humana actio.

D. Non hosce mores quomodo? Sy. non des si etiam

Plutum mihi ipsum, ipsumq. Batti silphium.

D. Depone pallium istud actutum. K. heus? tibi

Dicit. D. subinde & calceos. K. isthac tibi,

Inquam, omnia. Sy. e vobis eodum accedito

Huc quis, fuaat qui mage volet. K. ipse ille ego
sum.

Sy. Heu

Sy. Heu me miserum, qui dispolior luci arbitra.

k. Aequum te alienis viuere ex negotijs?

Sy. Vide quid agas, istud ego testatum volo.

k. At testis ipse aufugit, quem adduxeras.

Sy. Hei mihi, teneor miser manifesto. k. scilicet
Nunc eiulas? Sy. inquam, hei mihi. k. isthunc
mihi, cedo,

Quo scycophantam hunc induam centunculum.

D. Pluto ille dudum consecratus est, agape.

k. Donarium illud censeo dignum magis
Deo esse ego, quam operculum pessimo homini,
Ornare pulchris vestibus Plutum decet.

D. At cui fuant, dic quaeso, calcei vsui?

k. Quin praeterea & hos, ad faciem iamiam oppido
Huic, id quod oleastro solent, suspendero.

Sy. Abeo, sat utpote qui videam, non esse me
Vobis duobus, auxiliarem, ceterum

Si quempiam asciuerō, deus ficulnus hic

Et praepotens, pœnas hodie faxo duit,

Vnus rei qui publicæ totum statum

Dissoluit, auctore neque senatu ciuium,

Quin ipsa fiat cum nec auctor concio.

D. Accinctus armatura agendum iam qui sies
Mea, adpropera hinc ad balneum, statusq. ibi

Tu ceteros inter Coryphæus concalc,

Namque olim & hæc erat mihi quoque statio.

k. Verum prehensum testibus, domo foras
Subinde durus balneator extrahet,

De commate esse prauo ubi cognouerit.

Nos hinc eamus intro adores ut deum.

An. Cer-

An. Certe iam amici consenes in familiam

Deuentum oportet huius esse noui dei,

Aut sane aberrasse penitus tota via.

Ch. Venisse ad ipsas te scias certo fores

Mea pupula, quæ ita interrogasti in tempore.

An. Nunc ergo ego intus euocabo quempiam.

Ch. Minime opus est, en ipse exeo tibi.

Verum quid isthuc sit cedo, cur huc veneris.

An. Sum grauiam passa amice ego, atque iniuria,

Isthocce cui nouo deus cum lumine

Vitam peracerbam effecerit meam mihi.

Ch. Amabo, num & tu Sycophantia mulier

Eras mulieres inter? An. adepol minime.

Ch. At hercule isthac sorte non tibi inopia.

An. Me ludis, at ego virgine misera vellicor.

Ch. Quin igitur effers id quid est virginis?

An. Da operam. erat adolescentulus quidam mihi

Pauperculus, alioqui honestis moribus,

Et facie honesta: is, ad aliquam si quando rem

Fortasse opus fuisset, aderat præsto mihi,

Illiq. abunde suppetebant omnia

Per me. Ch. quid ille a te expetebat maxime?

An. Non multa vero. namque me supra modum

Reuererier solitus, drachmas in pallium

Viginti, & octo corrogasset insuper

In calceos, sororibus subuculam

Emerem, suæ & matri subinde operculum,

Tum forte tritici medimnas quattuor.

Ch. Minime per Apollinem refers multa admodum,

Manifeste ut ipso quàm fiet te reueritus.

*Prodat . An. nec illud dictitabat se quidem
Propter coitum petere , sed amoris gratia
Gestaret vt mei memoriam , pallium .*

Ch. Narras amantem perditissime hercle hominem .

*A. At non eodem & nunc animo in me est pessimus :
Sed sunt ab olim penitus inuersa omnia .*

*Cum nuper illi hanc mitterem placentulam ,
Nonnullaq. , ad hæc , quæ quadrulæ imposueram
alia ,*

*Venturam item sub vesperum mandarem . Ch.
age*

*Quid ille ? A. remisit , ad mea illa , crustulum
Hoc amplius mihi , neve quando ad se ex eo
Venirem ego , tum & illud ad hæc auctarium .
Fuisse quondam strenuos Milesios .*

*Ch. Significat haud vulgare eo ipso ille ingenium ,
Cui diuiti lens displicet , promiscue
Cibos cum haberet pauper omnes antea .*

*An. Atqui adepol solitus erat , antehac ostium
Adire , meum ille quotidie . Ch. vt quid extra-
heret*

*Sane . A. minime Medius Fidius : mire ast meam
Gestibat ad vocem . Ch. ipsum & hoc vt acci-
peret*

*Videlicet . A. tum conspiceret siquando me
Tristem , batium occinebat , & Nitarium .*

Ch. Atque inde nimirum erogabat calceos .

*A. Maiora quin me nuper ad mysteria
Vectam essedo , quidam quod inuidisset , vn-
am vapulaui ego misera solidam diem ,*

Erat

Erat usque adeo Zelotypus adolescentulus.

Ch. *Volebat, ut videtur, unus omnia.*

A. *Me aiebat habere subinde perpulchras manus.*

Ch. *Cum nempe viginti sibi porgerent drachmas.*

A. *Odorem etiam suauem cutis aiebat mea.*

Ch. *Merito illud ille Pol, Thasium cum funderes.*

A. *Tum & esse pulchrum, & molliculum aspectum mihi.*

Ch. *Næ homo haud erat bardus, qui ita exugere vetulæ*

Virginose nouerat peculium.

A. *Hoc factum ab illo non bene, qui promiserit Cuiquam, nihil quidquam fore per se iniurium.*

Ch. *Dic tu modo, quidnam vis fieri, factum dabo,*

A. *Puto optimum, atque æquissimum esse, cogere A me bene affectum, rependere gratiam, Nec æquum alioqui, ut ei rei quidquam fuat.*

Ch. *Hanc singulis tibi noctibus ille gratiam.*

A. *At affore mihi sponponderat, quoad viuerem.*

Ch. *Probe, at ille te minime putat iam viuere.*

A. *Ut quæ dolore scilicet contabui.*

Ch. *Immo oppido Hercle emarcuisti, ut arbitror.*

A. *Ita ut per anulum facile me traxeris.*

Ch. *Incernicula fuat anulus si isthic modo.*

A. *Sed optime, eccum ad me ipsus incedit iuuenis, Quem accuso iamdudum tibi, ad conuiuium Videtur ire ceterum.* Ch. *sane oppido, Progreditur ut qui cum corona, & lampade.*

Ad. *Saluto plurimum.* A. *quid ait?* Ad. *canos equidem,*

Contraxti amasia nimio tu celerius.

A. Hei mihi misera, quibus afficior iniurijs.

Ch. Longo, arbitror, te haud vidit ille a tempore.

A. Hem, quid tu ais longo? qui apud me & heri fuit.

Ch. Huic forte secus, ac vulgo hominibus accidit, Cui & ebrio adeo, rectius vident oculi.

A. Minime, sed est ita ingenio procax homo.

Ad. Neptune magne? senum auxiliaria numina? Quot illa rugis complicatam habet faciem?

A. Hau hau

A me hinc procul tadam obsecro. Ch. recte monet.

In hanc enim fauilla si minima incidat, Perinde sit, ac si in æres ionen aridam.

Ad. Tantisper agedum ludere mecum vin? A. ubi nam?

Ad. Ist hac, nuces nacta modo. A. quem ludum, rogo?

Ad. Quot sunt tibi dentes? Ch. & ipsum experiar ego

Quoque, illi igitur esse aio, tres, aut quattuor.

Ad. Hercle oppido amisti, vnicum molarem habet.

A. Miserrime hominum, sanus haud es, qui lotio Me vilio rem, tot viris coram, efficias.

Ad. Iuuaret at si te ellueret nunc quispiam.

Ch. Immo minime. nam cui facies offucijs Mentita sit, si nempe cerussam elluas, Sint vitia vultus caricati propalam.

A. Tu pol sapis minus, quàm hominem deceat senem,

Ad. Pertentat ille forte te, me clam ratus,
Papillulas subinde contrectans tibi.

A. Ita me Venus alma, ut iste nil quidquam mei.

Ch. Eccere minime, namque furerem sane oppido.

At vero adolescens hanc odio numquam patiar
Habere te puellulam. Ad. amo ego illam unice.

Ch. At qui illa de te conqueritur. Ad. qui vero ita?

Ch. Te iniuriosum, illudq. dictitare, ait:

Fuisse quondam strenuos Milesios.

Ad. Tecum nihil contendero de illa. Ch. cur ita?

Ad. Reueritus aetatem, videlicet tuam,

Quod non homini, te excepto, ego unquam cui-
quam alij

Latus igitur iam abi, tibiq. puellam habe.

Ch. At at scio quid mente agas, iam displicet

Consortium illius. A. eius haud sino fiet

Id arbitrato. Ad. colloqui haud quirem cum anu,

Per millies mille exfututa secula.

Ch. At concedet facem ebibas ipsam quoque,

Cui gratum & olim scilicet fuit merum.

Ad. Verum est enimvero vetus hac, & rancida.

Ch. Curabit ista ceterum colum omnia,

Ad. Sed iam ingredi intro: isthasce corollas nam
volo,

Quas attuli, donarium ponere deo.

A. Est & mihi quid nescio, quod illum velim

Ad. Haud quaquam ego Pol ingrediar. Ch. nil time,
animo es

Bono, satis promitto, nullam illa tibi vim.

Ad. Ais probe, ut quam supplicabam olim affatim.

Ego

- Ego. A. ea igitur præi, te ingredientem subsequar.
- Ch. Ut ut tenaciter, bone Iuppicer, vetula
Tamquam patella, adhæret adolescentulo.
- K. Nostras quis hic pulsat fores? quid hoc rei est?
Non usquam homo quisquam est, at hercule in-
crepuit.
- Pulsata ianua. Me. tibi dico, tibi kario
Dico resiste paululum. K. heus? isthascenunc
Tun' obsecro, tam vasto impete pulsabas fores?
- Me. Id scilicet, facturuseram, ni tu meum
Factum anteuenisses. at herum, quantum potest,
Accerse, & uxorem, subinde & liberos,
Totumq. adeo famulitium, quin & canem
Ipsum, te & ipsum cum sue denique. K. quid
cedo
Subest negotij? M. stabile illud est Ioui,
Vos nempe consutos, quot estis, culeo
Omnes simul, omnes in barathrum trudere.
- K. Huiusmodi præconibus linguam solent?
Amabo, cur in nos id illi consilium
Nunc cessit? Me. ut quia facinus grauissimum
Ausu estis omnium facinorum, ex quo videt
Plutus, neque thura quis, neque quis offert daph-
nem,
Non hostiam quis amplius, neque libum, aliud-
ue quidpiam nobis sacrificat. K. neque faciet
Hercle ut quibus olim & nos fuimus cura parum.
- M. Et ceteros ego ne minimum quidem moror
Deos, at oppido ipse perij. k. utique sapis.
- M. Antehac mihi summo mane statim reponere

*Caupona genus omne, mendicatum crustulum,
Mel, caricæ, & quæ decent Mercurium alia,
Nunc præ fame obiaceo resupinus in caput.*

*K. Merito id tuo, qui damnum & his, qui isthuc
tibi,
Inferre nonnumquam solitus. M. heu me mise-
rum.*

Subit quaternaria animo placentula.

K. Desideras absentem & in cassum vocas.

*M. Inquam, hei mihi ab armis, queis ergo rescier
solitus.*

K. Nunc sub dio hic te exerceas, quantum libet,

M. Vbi talida nunc quæ edebam ego tomacula?

K. Te habet male intestinus, arbitror, dolor.

M. Me miserum, ubi illa temperata pocula?

K. Ne quo amplius illa consequere, sat scio.

M. At vero, amicum num iuuare quid potes?

k. Sane, modo isthuc, quod roges in me fuat.

M. Panis mihi, videlicet, quid sufficere,

Et carniū recentium nonnil etiam

Ex sacrificio. k. non illa fas efferrier.

M. At tua ego furta clam faciebam essent herum,

Si quando quid fortasse conuasaueras.

k. Isthoc tu vt esses nempe particeps, scelus,

Ad quem inde nimirum redibat crustulum,

M. Quod tu subinde deuorabas attamen.

k. Sane hercule, vt quia nec mea partiario

*Tibi verbera erant, cum in crimine deprehen-
derer.*

M. Ne præterita refrices mala, iam Phylen tenes,

At

At me, obsecro, confamiliarem recipite.

Vobis. k. ain? deis relictis hic maneat?

M. Utique ego, habent nam vestra, quàm illorum melius.

k. Civile videtur, quæso, trasfugere tibi?

M. Ubique patria est, agas modo ubi bene.

k. At, aio, nobis cui suat vsui opera tua?

M. Ego scilicet versator astabo ostio.

k. Versator, ais? haud dehinc opus versutij.

M. Negociator ero. k. at nequæ isthoc est opus,

Diuitibus utpote nihili institorem alere.

M. Sin a dolis manis. k. dolis nihil, inquam, opus, De hac simplicibus tantummodo agendum est moribus.

M. Ducis officio fungar. k. videt at Plutus probe, Ut illi opus nihil amplius fiet duce.

M. Certaminibus præero, an quid etiam adhuc habes?

At diuitibus incumbit hercle maxime, Certamina instituere musica, gymnicaq.

k. Quàm commodum, denominatio varia.

Hoc aio ideo, hic inuenit unde viueret.

Næ iure fit, quod iudices vulgo solent,

Ambire littora magistratum varia.

M. Iamne ingredi tandem licet? k. eodum ad puteū

Primum extra lixa isthæcce, mihi ministerij

Ut præbeas vel iam tui specimen aliquod.

Sac. Quis nunc mihi certum faciet, Chremylus ubi nam sit. K. quid id vero rei est? S. malum oppido.

- Est namque lumen perspicuum postquam deo
Isthucce, dispereo fame, nec quod edam habeo,
Ego sospitatoris sacrificulus Iouis,
Inquam . K. quid in causa est per ego te oro deos?*
- Sa. Quia nempe curat nemo iam sacrificia .*
- K. Quid isthuc ita ? S. quia res abunde est omnibus .
At olim in inopia, immolabat hostiam
Mercator incolumis, & ille effugerat
Qui iudicium, litabat & quisquam sacer-
dotemq. participabat: at de cetero
Nihil penitus nullus, nec accedit quidem,
Sane cacatum grandis influit numerus .*
- K. Horum ergo tu, videlicet, iusta accipis .*
- Sac. Næ ego satius duco Ioui suspendium
Mandare, vobiscumq. commorari .*
- K. Bono es animo, bene omnia erunt, si dijs placet .
Est sospitator ipse apud nos Iuppiter
Et inuocatus adeo . S. benefacta omnia .*
- K. Verum mane, ipsum collocemus Plutum opus,
Solemnis olim ubi illi erat statio deæ,
Penetralis imi perpetuam custodiam .*
- K. Huc intro succensas faces afferto aliquis,
Quas ipse luceas deo . S. ita factum est opus .*
- K. Agite foras Plutum euocate quispiam .*
- A. Ceterum ego quid agam . L. tu ollulas, quæ cum
deo
De more præferentur, impositas capiti
Fer commodum quæ veneris induta varie .*
- A. Quid de meis ? K. fient tibi ex sententia,
Inuiset adolescentulus te vesperi .*

- A. Spondes futurum sed siquidem certo mihi,
 Ille ut adeat me hodie, id subeo oneris lubens.
- x. Secus accidit ollis hisce, quàm quod assolet
 Vulgo. in alijs videmus etenim, ut plurimum,
 Summo recrementum ollæ in ore insidere.
 His attamen illud subsidet contrario.
- Ch. Nos vero haud amplius condecet hic immorari.
 illos
 Sed insequamur a tergo festum subinde canentes.
-

AD IOACHIMVM HOPPERIVM

M. Cabedius.


MORES nescio quos mihi sinistros
 Saculi commemorans subinde nostri
 Nasos, auriculas, ciconiasque,
 Et vulgus rude, lubricamq. famam,
 Solos viuere qui latent fateris,
 Nec immittere tam macrum libellum,
 Nec vere mea dicta continentem
 Nobis tutius Hopperi suades,
 Sunt hæc, sunt ita, quis queat negare?
 Sed rhonchos hominum maligniorum,
 Nasi terriculum, cachinulosq.,
 Et morsus auidos ciconiarum
 Non assis facit Hopperi poeta,
 Qui quærit dare verba, non libellum.

MICHAEL CABEDIUS
SENATOR REGIVS

In nuptias serenissimorum principum
IOANNIS ET IOANNAE

Regis Sebastiani primi, parentum.

AD INVICTISSIMUM IOANNEM III.
Augustum Lusitanorum Regem.



OTERAT, Ioannes Auguste, mea ab hoc munere se excusare Musa, & iuris studium prætere, cuius in incultis tequis, a suis amœnissimis saltibus, iam dudum exulat: quin & vereri, ne velut rustica, & pagana, longo iam intervallo ad urbem accedens, pueris, quod fieri solet, esset ioco, & astutorum nasum incurreret. Verum in tanta omnium ordinum lætitia, reipublicæ tuæ, quæ, tuo maximo merito, Cæsaris Ioannis filij tui nuptias has, multis retro annis, effusissimis studijs, & expectatione prosequitur, vacationem donauit, &, vt verius dicam, non potuit sibi temperare. De illo nihil sollicita, si inter sapientiores, paulo audacior videretur, dum, quod proposuerat, nutu,

nutu, saltem, vel gestu, mutorum more, pro-
 deret, quo in te esset animo, tuaq. omnia.
 Haud ignara, etiam inter doctiores deos, si
 quando raucis faucibus Sylenus in conuiuio
 crocitet, hilaritatem, & lætitiā augere.
 Scio, minimum esse locum Musis, vixq. exau-
 diri citharam inter tubas, & aulæ strepitus:
 magisq. ad regalem paratum facere Cata-
 phractorum exercitationes, velitumq. discursus,
 & taurorum spectacula: sed, vt hæc ma-
 xime vera sint, tamen par est, vt in tanta re-
 rum celebritate, aliquid etiam sonent Musæ,
 quarum, tu primus in his regionibus, magni-
 ficentia tua inflasti calamos. Vellem equi-
 dem, Rex inuictissime, materiæ opus respon-
 deret: haberemus vtique dignam lectione,
 pœsim, quæ dicendi suppetit leges. Sed quan-
 do infra tantarum rerum molem, omnia sunt
 omnino ingenia, facimus quod dijs mortales
 solebant, qui thure, & farre vilissimis rebus,
 optima maxima colebant (vt ipsi putabant)
 numina. Reliquum est, Deum omnipoten-
 tem precemur, faustum, & felix hoc sit con-
 iugium serenissimis Principibus, tibiq. & Au-
 gustæ vxori, regni dulcissimos det successo-
 res, natos natorum, & qui nascentur ab illis.
 Vlix. b. iiij. Calend. Octobr. Anno Domini
 M. D. LII.

In nuptias serenissimorum principum
IOANNIS ET IOANNAE.

Romanos fasces, decantatumq. curulis
Sedis ebur, Latioq. orbem servire co-
atum, (reges,
Atque triumphatos alta ad Capitolia
Quosque dedit mundo dominos Byzantia tellus,
Et Macedum quaesita alio sub sidere regna,
Magniloquumq. adeo quidquid mentita priorū est
Vatum musa loquax, mirari desine, quisquis
Providus exacti renouas obliuia secli.
En noua, coniugio, coeunt in fœdera gentes,
Quæ Rhenum, Eridanumq. bibunt, Gangisq. liquorē
Hpotant, Nilīq. ortum, pallentiaq. auro
Flumina, cognatum præter labentia Iberum :
Fitq. vnum imperium, qua nigros lampade prima
Illustrat populos, & qua iam fessus anhelos
Oceano sol mergit equos, qua cardine cælum
Vertitur ignoto : non istis fabula verbis
Luditur, historias quisquam, figmenta q. vatum,
Vanaq. mendacis credat ludibria linguae.
Marta Romani Germania nominis heres,
Matte viris, opibusq. potens : sibi vendicat huius
Imperij, primas, sacro numine, partes.
Cuius in arbitrium rigide cum iure securis
Augustus concessit bonos, mandandaq. fastis
Nomina Cesareis titulos Hispana superbos
Addunt regna, suis euictaq. mœnia Mauris :
Atque amandatas gentes longe Herculis ultra

Amphitryoniade metas : chalibysq. metallo
Imperium durat : non est fecundior auri ,
Argenti non ulla magis, non ulla virorum ,
Armentive ferax regio . Subit Itala tellus
Continuo diuisa iugo, & quo spectat in æquor
Tyrrhenum, quoque Hadriacis se fluctibus infert
Adseruit latere . illa licet data gentibus olim
Iura canat, iacetq. suo se Roma senatu :
Roma sacerdotij moderatrix, sidere magno
In totum fatata æuum , præscribere mundo
Parenti leges . Hinc longo Gallia tractu
In partem accedit, quæ canas transiacet Alpes
Putris gleba soli, mercesq. accersere suetus
Toto Belga mari . Siculis cum messibus adde
Sardiniam, & quæ multa iacet lato insula ponto ,
Quin & barbarici sitientem littoris oram
Vltima quid mundi referam ? testata vetustis
Quæ quondam reor esse libris, quos docta Platonis
Pagina commendat regio latissima, vtrumque
Ad cæli deducta polum, iacet, æquore magno
Seiuncta, Hesperiam contra nimioq. calentes
Sole plagas Libyæ, priscis incognita sæclis.
Hic auro constare solum, mirabile dictu,
Argentoq. ferunt, & viles gentis in usus
Indigenæ, nobis sanctum, prostare metallum :
Mutariq. adeo ferro, quod scilicet aptum
Esse magis credunt, humanæ ad commoda vitæ .
Felices animi, quos tot per sæcula, mendax
Non tetigit splendor, non sollicitauit habendi
Auri sacra fames , quæ vos afflauit anhelos

Ore,

Ore, simul mundi, nostis commercia nostri,
 Augustus quæ, iure suo, tenet omnia Cæsar
 Carolus, Arctoæ rarissima gloria gentis,
 Parte alia, magni se Lusitania iungit
 Oceani domitrix, & toto clara colonis
 Orbe suis, alienigeno depauperat auro
 Te Tage, & extremo deuectis mercibus Indo
 Natiuas obscurat opes, licet obuia passim
 Vena sequax auri, multo vertatur aratro:
 Seq. nitor glebæ prædat, stat, scilicet, olim
 Propositi, dum fama tenax, a fontibus ipsis
 Ditiæ flauentem deuoluere flumina limum,
 Historiæ nec vana fides, a flante parente,
 Quadrupedum volitare greges, & iura beatos,
 Mollia, felici producere cespite fructus.
 Non tamen his opibus virtus contenta, suiq.
 Prodigæ, non Boream, nimbosumq. horruit Austrum,
 Non ponti, calivæ minas, dum fortibus ausis
 Attestata suæ clareret gloria gentis.
 Ausaq. ab ignoto commercia quærere mundo,
 Suppositisque, manu, terris dare iura, parentis
 Auspicijs, Auguste, tui, vestigia cuius,
 Tu gressu maiore premens, victricibus orbem
 Lustrasti signis. Nam quid tua sub iuga missos
 Tot referam reges, & facta, tyrannide pulsa,
 Arbitrij, tot regna, tui? quid barbara, parua
 Profligata manu, narrem tot millia, & illos
 Turcarum ad Diu congestos mœnia acervos?
 Quæ terra, quæ gesta mari sol luce iacere
 Non patitur priuata sua, sed nescia noctis,

*A*ssiduis donat flammis, & milite cernit
*O*mnia plena tuo, quocumque libretur ab axe.
O telluris inops, & nostris inuida fatis
*P*arca nimis *N*atura sui, quæ finibus arctans
*A*ngustis terras, sua desperare coegit
*P*ræmia virtutem. tanti ergo pondera regni
*D*iuino commissa tibi se numine credunt,
*I*oannes inuicte, ligas qui patis vtrumque
*L*egibus imperium, priuatis publica tædis
*C*ommoda concilians, primis quas *C*æsar in annis,
*I*oannes, spes nostra, tuus præluceat, & alto
*C*onjugij varias connectit fœdere gentes.
*D*ic *E*rato quis tanta deus connubia terris
*M*andauit? geminos fasces quæ causa maritat?
*M*agna peto, scis ipsa tamen, quæ carmine blando
*F*ouisti teneros ignes, dum iussa parentis
*E*xequeris chari, iuuenumq. accendis amores.
*V*ere nouo canis tellus nudata pruinis,
*E*t pigro resoluta gelu, noua gramina campis,
*A*tque suos pratis induxerat alma colores,
*A*d solitos ridens, *Z*ephyris spirantibus, æther
*I*nuitabat aues cantus, austroq. tumentis
*H*yberno fluuij, lenis successerat aruis
*L*entus aquæ, venis tractus sitientibus, humor.
*V*nde agris natiuus honos, pede *G*ratia nudo
*S*urgentes calcare herbas, ductare choreas
*E*t usa, leui saltu, torpentia frigore membra
*E*xcutit, atque hiemis sordes, & prouocat omnes
*A*d nectar geniale deos. id nescia fræni,
*I*llic, & laxis volat indulgentia habenis.

*I*pse

Ipse deum genitor, vultus gravitate verendi
 Seposita, læta discussit nubila fronte.
 Ire diem Phæbus flamma meliore serenum
 Iussit, & auratis emollit aera pennis
 Auctori natura suo. Tunc Iupiter aureo
 Desiliens solio, traxit subsellia diuum
 Cetera magnorum, lætoq. ex ore cachinans,
 Ad Venerem properemus, ait, lasciuaq. Cypri
 Numina, & assiduas subeamus amoribus umbras.
 Non ullus genio toto est, magis aptus in orbe,
 Lætitiæq. locus, votis, ea templa, voluptas
 Delegit secura suis, sic fatus, ab alto
 Progreditur tota superum comitante caterua.
 Et super herbosas valles, molliq. virentes
 Gramine, diuorum sistit socia agmina, campos.
 Venerat, interea, Cyllenius ab Ioue missus
 Ad Venerem mandata ferens, sua regna pararet
 Cælicolum hospitio, pennatum ad classica amorum
 Illa ministerium ciet, & sua munera cuique
 Distribuit, tunc turba procax factura parentis
 Imperium volat, ille thoros è gramine molles
 Componit certis spatijs, hic aggerat herbas
 In tumulum mensis, & olenti nectit amomo,
 Ille solum violis, & multo flore coronat,
 At virides alius siluam contorquet in arcus,
 Distinguens connexa rosis, atque arboris altæ
 Quærit adoptiuas, proprijs superaddere, frondes,
 Et ditare nemus, riuos hic flumen in vnum
 Cogit, & aspectum præterlabentibus vndis
 Exhilarare loci, naturamq. arte decorans,

Et studet adpositis, immurmuret unda, salebris,
 Solliciti certant studio, dum sedulus ambit.
 Quisque deæ placuisse magis, queis rite peractis,
 Illa iubet, quæ quisque valet, se formet in artem.
 Subsultim sudat Rîsus, blandisq. voluptas
 Pertentet digitis animos, confidat in omni
 Arbore Amor, dulcesq. super destillet amores,
 Mellitisq. Lepos euentilet aera pennis.
 Ipsa Venus multo comitata Cupidine, patris
 Obuia se genibus prouoluit, ad oscula natæ
 Iupiter inclinat sese, tum pectine doctus
 Ad Citharam admoto, festos præludit Apollo
 Congressus, duxere choros ad carmina diui,
 Ausus & alterno iactare tripudia gressu
 Lemnius. Aeternis posthæc conuiuia mensis
 Imperat induci Saturnius, illicet, aurum
 Immortale dapes onerant, fœcunda refundit
 Quas largo Natura sinu, quas Copia pleno
 Cornu infert, quin & Satyri, rurisq. beati
 Numina textilibus calathis sua munera portant,
 Officijsq. colunt caelestia numina priscis.
 Hic iocus, & Rîsus regnant, innoxia grati
 Acquirunt cauilla Sales, multusq. liæum
 Circum miscet amor. niueisq. ad pocula palmis
 Nympha suas præsentat aquas, magnoq. Tonanti
 Dat puer Iliacus, vorantem nectare gemmam,
 Applaudit sua turba Ioui, sequiturq. bibentem
 Festiuo clamore deum. conduplicat Echo
 Emissas voces, auditaq. verba retorquet.
 Excipit omne nemus diualis gaudia Pompæ.

At

*At Paphie obstipo defigens lumine terram
 Sola tacet, tristisq. suos suspirat amores,
 Totaq. demisso damnat conuiuia vultu,
 Mars aberat, dum Pannonico pro limite certat
 In diros hostes, & forti pectore curat.
 Austriacæ inconcussa domus stent sceptræ, suoq.
 Imperium constet Charlo, communibus vnum
 Quem simul ac mensis, sensit Cytheræa deesse,
 Deposuit latos vultus, & lumine toruo
 Triste supercilium contraxit, causa Tonantem
 Non latet, ergo citas Cyllenion ire per auras
 Imperat, Arctoo qui Martem accersat ab orbe,
 Adsit, & umbrosæ subeat iuga nota Cythæres,
 Impleat & diuum numerum, sua gaudia reddat
 Offensæ veneri, positisq. interferat armis,
 Mutua quæ fractas confirment otia vires.
 Peruolat ille Argos, Agamemnoniasq. Mycenæ,
 Et bellatricis claras Tritonidos arces,
 Transit & Illyricos fines, celeriq. volatu.
 Dannubij supra virides vestigia ripas
 Sistit, vbi inuento reddit mandata Gradiuo.
 Scallentes sudore manus, galeamq. cruore
 Fædatam diro, puro tum forte lauabat
 Flumine Bellipotens, ergo opportuna Tonantis
 Imperia excipiens, etiamnum a cæde madentem
 Deponit thoraca humeris, & casside crines
 Liberat impexos, validos non hasta lacertos
 Aggrauat, at pulchris, pro pilo, pampinus uvis
 Sumitur, & Paphies armat sua tempora flore,
 Ab se bellifremos longe iubet ire Furores,*

Mæror abest, absunt miscentes prælia diræ,
 Scenæque sanguinem quatiens Bellona flagellum,
 Et Pavor, & dubio trepidans insania vultu.
 Sic placido Cypriæ subit ore palatia diuæ,
 Conuictumq. deum, festiuo tota tumultu
 Assurgit cognata cohors: Venus ipsa serenum
 Erubuit, trucibus dum figitur undiq. diuum
 Luminibus, claudoque procax suspecta marito
 Soluitur in risum, cæli quo temperat æthram.
 Hic post sermones, & post libata vicissim
 Pocula, post crebros diuini nectaris haustus,
 Per ludum, alternis studijs, dictæria plausus
 Insequitur, festoque diem clamore celebrat.
 Ut nimia tandem subiere silentia voces:
 Mars stetit ante Iouem, maiestatisq. verendæ
 Numine adorato, tales dedit ore querelas:
 Magne parens superum, cuius sua stamina voluunt
 Ad nutum Parcæ, series seque explicat æui,
 Factorumque ordo: memini cum fidera Charli
 Exciperent ortum, mandasti ingenia nostri,
 Et totus primis, seruiret partibus æther
 Ioannæ: tunc effusis dotauit Olympus
 Nascentem studijs Charlum, suæque astra benigna
 Luce dedit fulgere uni, mortalia supra
 Ingenia, & Solyma felicem ex vrbe triumphum.
 Promisit quondam, libertatisq. futurum
 Auctorem Græcæ fatali incidit in auro.
 Illum ego in his vlnis, angusta a matre rubentem
 Excipiens, pueri tractavi mollia dura
 Membra manu, & primas formam ad classica voces

Durauitq. ad bella animos, Et robore vires
 Germano pepigi patrias comes vnguibus vsque
 A teneris, rerum semper felice tenore
 Continuans annos, dubiæ discrimina; Et omnes
 Vitæ una subiij casus. Sub pellibus iisdem
 Heu quoties transactæ hientes, anniq. rigentis
 Frigora, quæ clausus non ullis Sarmata tectis,
 Non Scythia ferre queat: gelida cui creta pruina
 Canities, nudosq. pedes nix, verberat alta
 Perpetuum, quoties nullus dum militis usus,
 Vixq. alij admotis, animarent ignibus artus,
 Me comite, ille super frænata binominis Histri
 Flumina, Et astrictum brumali frigore Rhenum
 Raptus equo, spatium solidarum emensus aquarum
 Terruit hostiles oculos. a fluctibus illum:
 Ipse ego barbaricis, iratoq. Aeno figeo
 Eripui ad Zelan, Et nostri numinis, undis
 Opposuit fatum tandem ergo parta tot armis
 Post decora, atque actos tot iam sub pellibus annos,
 Tempus adesse suum rebar, quo numine certo
 Præclarum erigeret Charlus, solyma arce trophæum
 Et fœdo, Græcas vrbes, Thracenq. tyranni
 Seruitio assereret: quæ versis lapsa referri
 Cuncta vides retro factis nam Turcica vastant
 Agmina Pannonicos fines, lateq. minantur
 Imperij iuga seua sui: sub cassibus æquor
 Tirrhenum, siculumq. latet: feralia tristem:
 Insultant vellixa mari, tendentia Phæben.
 Quin Et ciuili flagrat Germania flamma,
 Atque intestino, tellus tremit Itala, motu.

Aeter.

Aeterni si stat leges infringere fati.
Summe pater, si iura poli, quid stultus, inanem
Curam alo? quid tantos iuuat exhaurire labores
In cassum? & vano intentas eludere vires
Conatu? quod si dum eadem sententia durat,
Atque operis tanti est, tot regna inuenire, & istud
Transigere imperium, magnoq. aeterna paratur
Gloria, quæ pennis, victura, immunibus æui
Orbe volet toto, quanam ratione, docebo,
Id possis, numenq. suis absolvere votis,
Atque oblucentes rerum componere causas.
Est tibi Lysiadum, Ioannes Cæsar, in aula,
Vnica spes regni: matris, patrisq. Ioannes
Augustum pignus, quo se plaga iactat alumno
Vltima terrarum, flammæ, dum nescia primo
Ludit flore ætas, voti. ignara tenacis
Mens fluitat: sed & Hesperijs nutritur in oris,
Pulchra mei Charli soboles, Ioanna, marito
Apta dari, sua maturum connubia tempus
Poscit, & angustæ patitur dispendia prolis.
Quam licet hinc Hister, Rhenusq. hinc iure paterno
Vendicet, Arctoos repetens ab origine reges,
Communes sed Iberus, auos, dat matris ab ortu
Ambobus: quos cum series iunctissima nectat
Sanguiuus, adde iugum, maioraq. vincula vtrumq.
Fac regnum, iuuenesq. ligent, fac surgat vt vnum.
Viribus imperium iunctis, quod Charlus, & orbis
Clara quod occidui moderantur sceptrâ Ioannis
Hos mihi coniugio, si das committere fasces,
Obstabit nil inde meis conatibus, Vllas

Accipient non fata moras : quis robora stare
 Tanta queat contra ? coeāt cum regna tot, unum
 In regnum, pugnetq. mihi coniunctus Eo
 Hesperus, & gelidam regio diffusa sub Arcton.
 Dicentem audierat prompta Saturnius aure.
 Ergo ubi consedit Mauors, finemq. loquendi
 Fecit consilij certus, sermone Cytheram
 Hec ultro aggreditur: non has tibi nata futuras
 Ingratas tēdas, atque hęc connubia credo,
 Quę tuus, ingenti studio, Mars anxius ambit,
 Nec tua me fallit, tacito vt suffragia voto
 Hærebant dictis, & mens ardebat easdem
 Voce iuuare preces, sed noti iusta pudoris
 Causa vetat, Lemniq. decens reuerentia vultus,
 Quę tamen ille petit, patronę haud indiga vocis
 Stant mundo promissa olim, nec torquet inanis
 Vos labor iste, Themis dudum hoc consulta manere
 Dixerat antiqua fatorum in lege repostum,
 Et venisse diem, thalamis quo talibus, astri
 Explicet obscuri nodos, & limina pandat
 Venturo tandem auspicijs melioribus, auro,
 Hocq. adeo eiusdem doceat vel nominis omen.
 Quare age, festinus Hymenæum mitte per auras,
 Qui iuuenum casto, perfundens pectora, amore
 Nectat, & aeterno firmet connubia vinclo.
 Mutuaq. absentes pictura infundat amores,
 Gratia quam geminis coniuncta sororibus, auro
 Lineet, & veros ab imaginē concitet ignes.
 Accedes tu sola thori, tēdaq. iugalis
 Diua potens, clarosq. animos amoribus indes,
 Totaq.

Plena metus, mæsto temera solemnia vultu,
 Vosq. mei comites, latum componite carmen,
 Quale Iouis summi thalamis coeuntibus olim
 Mnemosynes cecinit soboles arguta, datisq.
 Instaurate choros manibus, citharæq. canoræ
 Ad numeros, festæ procedant agmina pompæ.
 Ducitur augusto augurio Ioanna Ioanni.
 Desine iam longi suspiria ducere voti
 Lysiadum spes, vota diem meruere: videbis
 Mox oculis, quam mente prius, totosq. per artus
 Præsens ibit amor titulis insignis auorum
 In thalamos noua nupta tuos deducitur. olim
 Hos quoque magnorum series exornat auorum,
 Hic tibi barbarico viuunt annalia in auro,
 Phidiæq. manus referunt ex ordine reges.
 Limina prima tenet, qui fortibus expulit armis
 Hispanum ceruice iugum, regnoq. parentis
 Priuatas, mutauit opes, & regibus vnus
 Tot simul est ausus campo conflagrare aperto.
 Nominis inde tui stant primæ exordia, regni
 Certa salus, nostras impune aliena per vrbes,
 Qui ferri non sceptrâ tulit, qui primus, adepta
 Pace domi bellum Lybiæ traduxit in oras,
 Infidoq. fretum Mauro, Septæq. tributis
 Aseruit. Subit Emmanuel, ad proxima lecti,
 Qui noto ante polo victricia signa
 Intulit, & nostras in leges ire coegit
 Oceanum, mora sit totum numerare tenorem
 Gentis, & ornatos multo diademate postes.
 Quæ tibi maiorum præclara exempla reponit

Docta manus, falsis generosum accendere fucis
 Ad virtutem animum, variosq. animare colores,
 Argumenta cui, celsæ quod acumine mentis
 Cum tu percurres facies, intelligat orbis,
 Accessisse tibi cumulum virtutis auitæ.
 O virgo, quam tanta viri fortuna manebat,
 Vire diu felix, & cum felice marito
 Imperij rege frena ampli, da publica vota,
 Da dulces patri natos, socerisq. nepotes,
 Occiduo dominos orbi, qui regibus olim
 Cum consanguineis, regnorum mutua sacris
 Fœdera coniugis, in sæcula longa propagent.


MICHAEL CABEDIVS

SENATOR REGIVS

In partum Ioannæ serenissimæ Lusitaniæ Prin-
 cipis, Sororis potentissimi & inuictissimi
 Catholici Philippi, Lusitaniæ Regis.

AD INVICTISSIMUM IOANNEM III.

Lusitanorum Regem.



AXIME, Rex Auguste, Deo
 immortali habendæ sunt gra-
 tiæ, quòd & successore tibi, &
 populo Lusitano regni herede
 cauerit, a quo certe hæc pu-
 blici infortunij solatia, tuæ solius pietati do-
 nata credimus: vt etiam priuatis populi cri-

minibus spem regni vnica, & omnium oculos Ioannem tuum ereptum nobis deflemus: cuius eo vsque omnium animis præsens habebit memoria, donec familiam istam ab vna illius stirpe numerosis nepotibus auctam videamus: (quod ille omnium potens faciet eo magis, quo minus non id meremur miseri.) Sum equidem persecutus, Rex Auguste, publicam meo carmine lætitiā, nullam sane partem eo assecutus, eius gaudij, quod mihi cum omnibus commune fuit, qua die post-humam hanc prolem, regniq. securitatem suscepimus: sed iacentem recenti calamitate, & quodammodo torpentem animum ita excitauit optatissimus hic partus, vt mihi satis non fuerit tantum non intra priuatos parietes gaudio insanire, nisi etiam in vulgus raptim conscriptum carmen publicarem. Haud ignarus de re tanta non nisi valde seria, & a præstantissimis componi debere. Scripsi tamen, vt idem mihi de prosperis tuis scribendi tenor constaret: argumenti dignitate fretus, quod non dubitabam nemini non placiturum, licet omnibus carmen ipsum displiceret. Et si exultantibus nimia lætitia animis siquid excidat minus circumspecte dictum ignoscimus, non vereor ne quid auctori in tam effuso omnium gaudio detrahatur, si quid in carmine minus apte positum sit. Certe si in eo cuiquam fortasse aliquid in au-

re bene sonabit argumenti felicitati debebitur. Faciat, Rex Auguste, Deus, Opt. Max. ut huius nepotis tui nuptiæ, & plurimorum filiorum natales magno cum tuo, populiq. Lusitani gaudio, multorum doctorum ingenia, & eruditionem varie olim exerceant. Vlix. VII. Kalend. Februa. Anno Domini. M.D. LIIII.

MICHAEL CABEDIVS

In partum Ioannæ serenissimæ Lusitaniæ Principis.



*II, quibus imperium hoc semper stetit,
orta q. paruis*

*Principijs victo se Lusitania Gangi
Imposuit, domitoq. polum per utrūq.*

profundo

*Signa tulit, postquam Hesperias Eoa carinas
Littora, Pelei prolem indignata tyranni,
Ignotis vexere vadis, Lusiq. potentem
Progeniem per tot, qua venerat, aspera ponti
Aequora gemmiferum tandem duxistis ad Indum:
Qui res Lysiadum nunc, & fundata tot annis
Regna, armis, opibusq. suo sancire paratis
Herede, & magnos Augusta munere prolis
Continuatis auos, clarumq. in secula nomen,
Dicite Ioannæ faustum, quæ sidera partum*

Exce-

Excepere nouum, vel qua Lucina resoluit
 Lege puerperium, celsi cui tota laboret
 Aula poli, magniq. domus desudet Olympi,
 Et septem gemini numen deseruiat orbis.
 Nam si uestra humiles hominum se fundit in ortus,
 Cura nec exiguos est aspernata penates,
 Priuatiq. lares nonnumquam uestra fatigant.
 Numina, par certe est coluisse frequentibus omnes.
 Certatim studijs hæc incunabula diuos.
 O felix, niueoq. dies signanda lapillo!
 Occiduis quæ tot populis, tot gaudia mundo
 Contulit Eoo, medioq. iacentibus axe
 Gentibus, imperij fines qua sidera tanti,
 Et phæbus, cælumq. regunt, pars optima nostri,
 Vna dies sæcli, quæ longum fulsit in æuum
 Nutantes herede domos, nostriq. malignæ
 Eripit arbitrium sorti, nec casibus ullum
 Fortunæ dedit esse locum, maturaq. regum
 Consilia asseruit vulgi a sermonibus olim,
 Et sacra priuatis quid distent pectora curis
 Edocet Hesperiaë geminis innixa columnis.
 Aula domus stabat, Lysi fundauerat orbem
 Prole Deus bina, sexu complexus utroque,
 Et regnum firmare suis heredibus orbi,
 Et dare venturas in publica commoda tædas,
 Quas alias donaret opes, aut munera Olympus
 Pro meritis Auguste tuis? en contulit æther
 Quod fuit in primis tibi rex sanctissime curis.
 Nempe affectatis, non tu ambitiosa superbi
 Imperij monumenta paras, non crimina regum

In populum tædis, nec triste minantia factis
 Præsidia accersis crudelibus, at tua postquam
 Regna Deo pietas sat commendasset, & alti
 Relligio secura animi, dare fœdera terris,
 Et proprijs statuisti etiam firmare quietem
 Pignoribus nostram, mundoq. reponere pacem
 Per consanguinei commercia mutua iuris,
 Infremit, & tacito connubia murmure damnat
 Vulgus, & imperium thalamis peregrina subire
 Sceptra nouis clamat, nataq. in dote locatæ
 Occidua ius isse domus, & pignore ab uno
 Iam prope casuri pendere cacumina regni:
 At tibi fixa Deo constat sententia recti,
 Quæ valido fundata pie munimine mentis
 Securos nos esse iubet, quo pectore cumque
 Inclines tractura deos, votiq. potentem
 Te factura tui: plebis non vana moratus
 Quo sit ut incantæ deliria, fœdera mundi
 Muneris esse tui velles, natamq. docares
 Externam in gentem, nato spei certus ab uno
 Innumeram sobolem dominos in regna daturam.
 Continuos, tua qui digni diademata quondam
 Excipiant, tradentq. nepotibus aucta nepotes.
 Viderat ex alto Saturnius æthere quondam
 Res hominum, postquam Hesperijs cessere carinis
 Aequora, nascentem quæ primum Hyperiona tor-
 Et dominas sensere rates, quæ numina tanti (quêt,
 Imperij rubrum nabant secura profundum:
 Scilicet occiduas Ganges felice cohortes
 Flumine, & a primis potauit fontibus Indus:

Gemmiferis exinde vadis Orientis ab vsque
 Vecta plagis solem ditauit gaza cadentem :
 Mollia pacifica donarunt vellera dextra
 Sères, odoriferas felix Panchaia nubes
 Contulit, & nostros pretioso cortice Ganges
 Irriguis arbuta vndis confouit in vsus.
 Cinnamma miserunt Arabes, & thura Sabai,
 Diuitias misere suas, Cilicumq. remoto
 Limite nota dromas portauit vela camelus,
 Et rude Idumæ sudauit balsama vitis
 Vulnus, & ignotas nobis ventura medellas.
 Macæ animi Emmanuel, & tanti muneris auctor
 Gentibus, Eoos cui fas vulgare recessus :
 Qui dum Lysiadum seruire pericula mundo,
 Atque orbis statuis communes omnibus vsus
 Asseruit te fama polo, quæ gesta per orbem
 Virtutis testata tuæ venerabile tandem,
 Ardua quod decuit nomen super astra locauit,
 Viderat & regno, Rex inuictissime, per te
 Addita regna tua tot barbara, totque per orbem
 Commoda tantum non patris superantia curas :
 Tum reputans quanta in primis incesserit vno
 Te pietas regnante homines, quo numina cultu
 Exemplis edocta tuis obseruet, & ætas
 Quos templis arisq. deum tua reddat honores :
 Cogat vt infandæ gentis ludibria ritus,
 Et proprios nescire deos, verumq. secutas
 Numen sponte sua pro libertate pacisci
 Doctores diuum dominos. Quæ commoda vestris
 Auspitijs quæsitæ orbi, Saturnius æquq.

Consi-

Consilij putat esse Deum quo munere penset.
 Eraternum depasta iubar se lætior ergo
 Lysiadum genti partus prænuntia magni
 Cynthia protulerat, cornu non ante sereno
 Illa magis luxit mortalibus, astraq. pressit.
 Insueto signans nona gaudia lumine, quam cum
 Augustum Ioannæ vterum iam nona gravaret.
 Signa polo factura, diem venisse beatum
 Qua studijs cumularet onus, conceptaq. quondam
 Munere pro tanto qua vota reponeret orbis.
 Tunc ad se superos proprijs e sedibus omnes
 Iuppiter Atlantis iubet accersire nepotem:
 Esse quod in medium communi restet agendum
 Consilio, & tanto dignam rem consule cætu.
 Est locus in medio cæli pellucidus axe,
 Perpetuo qui sole nitet, Zephyroque perennis
 Flante tepet verum: non illic frigida cogit
 Bruma niues, gelidoue rigent Aquilone pruina
 Et vicina licet nimio tamen ipse calori
 Frena tenet Phæbus, molliq. attemperat astro
 Aethera flammiferis illustrans cteera habenis
 Sidera: diuorum gemmata palatia parte
 Ex omni fulgent, proprijsq. accensa coruscant
 Luminibus: multa athereas hinc inde frequentat
 Stella domos passim, postesq. domesticus ignis
 Distinguit sacros, hominum præluce Olympus
 Quem factis, cuiusq. deos ut mandet in ortum.
 At in secessu magni meliore metallo
 Stat sedes augusta Iouis, quam plurimus ambit
 Circum adamas, totusq. suis quam ditat Hydaspes
 Diui-

Diuitijs, cui donat opes prælargus Eoas.
 Indus, & Oceani spumant vada rubra Pyropum.
 Quin & adoptiui peregrinam emblematis artem
 Natiuus commendat honos, numenq. benigni
 Sideris, & toto non æthere mitius astrum.
 Hanc primo Natura parens fabricauit ab æuo
 Arte sua rectori orbis, stant atria cætu
 Digna deum, & princeps nitet æthere curia toto.
 Excitos Atlantiades huc duxit ab omni
 Parte poli superos: solio consedit eburno
 Altitonans, varijs quod secula multa figuris
 Distinxere patri: violatus Iaspide candor
 Assiduo niueus, flammamq. æquante Pyropo
 Intentos in honorem oculos præstringit, & ora
 Aduersi feriunt radij, numenq. sedentis
 Defendit vis multa loci: pater ipse laborat
 Lumina sæpe loquens in se conuertere diuum,
 Nec potis interdum sese minor esse, suaq.
 Maiestate cupit, disponitur ordine deinde
 Cetera turba Deum, stataq. ab honore curuli
 Quisque sedet: vario sermone immurmurat aula,
 Inque vicem quæerunt dubij tractanda repente.
 Quæ tanti res arbitrij? quæ postulat omnes
 Causa deos? magni num. decernenda triumphi
 Pompa siet regum meritis ingentibus ulli?
 Rursum alius, grandisne rei num. causa feratur
 Iudicio cessura deum? quique impius orbem
 Communiq. simul qui crimine læserit astra.
 An noua iura paret terris imponere mundi
 Rector, & effereus hominum comescere motus?

Non

Non alias fas ob causas indicere Olympo
 Concilium toti, tantumq. excire senatum,
 Non nisi magnarum fas est ob pondera rerum.
 Dum dubij fluitant animi, sic ore locutus
 Dimouit toto Saturnius aethere nubes:
 Si mea vulgares versarent pectora cura,
 O superi, si res animum priuata subiret
 Cuiusuis de plebe hominum, defungier ipse
 Arbitrio potui nostro, vilemque cateruam
 Solus, & obscuræ tractare negocia turbæ.
 Nunc quia sollicitam grauioribus anxia mentem
 Cura tenet, sacrosq. lares, maioraq. pulsat
 Limina, de magnis vos consultatio rebus
 In partem vocat, & toto deducit Olympo.
 Scitis vt immensi lustratis finibus orbis
 Lysiadum rex Emmanuel sua sidera mundo
 Reddidit, & rubris pia signa infixit arenis.
 Primus ab occiduo permensus littore, quidquid
 Fluctibus Eoum lambit spumantibus æquor,
 Europæq. dedit septem nescire Triones
 Atque alium spectare diem, vulgataq. seui
 Oceani post iura orbi peregrina per astra
 Insuetum direxit iter, quo mutua rerum
 Transigerent inter sese commercia gentes,
 Nauitaq. indigenas accerseret vndiq. merces,
 Cumq. foret rerum, statuit quas optima nasci
 Diuerso Natura solo, mortalibus agris
 Vfus inops, multa inter se tellure remotis,
 Nec dum notus honos alieni cespitis esset,
 Hesperias hic primus opes commisit Eois

Quæ matutinis enutrit roribus Eos
 Cassama, quos nardi, messis concinnat odores
 Vesper habet, mittit Costumq., & Xylon amomi
 Gentibus Arctoïis vicina ad frigora Ganges,
 Et piper, & patria permutat Cinnama veste.
 Atria quin totis hebeni suffulta columnis,
 Atque opera illustrat rutili quæ massa metalli
 A medio deuecta die, & quos tessela conchæ
 Sectilis artificii distinguit fœdera postes.
 Obstupet extremo Phœbus dum mergitur axe,
 Lysiadumq. iugis eductum Parthica Bacchum
 Pensat, & infecto Babylonia vellere pellis,
 Et fluidæ Persæ gentiles vestis in vsus,
 Itala Carbaseis mutant holoserica peplis.
 Quid notum sibi sero orbem, qui sidera cæli
 Altera ab antiquis æui fulsisse tenebris.
 Totaq. quid referam tandem mortalibus, huius
 Auspicijs, nostri patuisse palatia regni,
 Et totos vix tanta deos post sæcula demum
 Scire homines? nec vos castæ reuerentia mentis
 Ioannis latet in superos, qui regna paternis
 Atque suis quamuis sudata laboribus olim
 Ampla tenet per vos, late sparsumq. per orbem
 Possidet imperium, celsi tamen ille sagaci
 Despectant ex arce animi mortalia cura
 Non vano populi plausu, non sanguine auorum
 Tot supra regum, blandis luxusue profusi
 Intumet illecebris, toto famulantibus orbe
 Diuitijs, sed mente Deum complexus, in omne
 Numinis obsequium regnat non limite moto

Longius imperium censens, sed finibus illud
 Terrarum cessisse suis ratus, asserit omne
 Religio quod vera Dei, meliore nefandos
 Permutans cultu ritus, & adultera sacra,
 Degeneresq. deos, hæc nos data gentibus æquum est
 Cœlicolæ, digno pensemus munere, nostra est
 Causa orbis: date meritis æqualia tantis
 Præmia, quo regnum (si fas est dicere) facta
 Ad maiora animos tam grata exempla fatigent.
 Horum me certe memorem res ipsa coegit
 Vos toto concire polo, nam tempus in ipso
 Articulo, & vestrum præcepto occasio munus
 Deposcit, quo non aliud condignius ullum
 Tot mundo penset regum benefacta piorum.
 Iam pridem occiduo vobis auctoribus erbis
 Ioannæ dedimus thalamos, & fœdera rursum
 Icimus Hesperia gentis per mutua regum
 Pignora: quos populis motus, quæ gaudia Iberis
 Lux dedit illa, Tagus qua nullo ditior ævo
 Excepit dominum fluuius pallente phasellum,
 Augustamq. urbi flauescens diuite limo
 Intulit unda nurum: tunc maxima scilicet illud
 Cura fuit Lysi dominis implere curules,
 Et totas ditare domos heredibus olim.
 Quæ rata vel primis iuuenum congressibus, vno
 Felici Lucina manu præstabit in anno:
 Totq. vna, quondam factura ex prole nepotes
 Iam nono Ioanna uterum fert mense, suamq.
 In lucem iam gessit onus, quo pondera regni
 Nituntur, gentisq. salus, & gaudia (quando

Delicias orbis superi voluistis acerbo
 Funere, & occidua tenebris spem condere gentis)
 Illa marem gestat, quem vos communibus æuam.
 In longum studijs educite, certa q. mundo
 Pignora, & hoc meritis seruare parentibus: huius
 Omne vacet numen fatis, vacet omnis Olympus.
 Ipse ego nascenti studium, nostriq. benignum
 Sideris infundam numen, quod regna secundet
 Illius, & factis quondam maioribus adsit.
 Dixerat assurgens dictis Natura loquentem
 Talibus excepit (nutant subsellia tantæ
 Maiestate deæ) Pater ò Saturnie diuum
 Atque hominum, dudum toto te figere vultu
 Me video, & causæ nostrum deposcere nutu
 Velle patrocinium. fateor non dignior vnquam
 In medium, pro qua stare res venit, & huius
 Haud superum incumbit meriti mage gratia cuiquā
 Scilicet ipsa minus quondam mihi commoda mūdi
 Per varias dispersa plagas ignota manebam
 Tot populis, dum quisque mei sibi sumeret vsus,
 Natiui quam culta soli modo patria partem
 Gleba daret, nec terrarum de corpore tanto
 Mutua cognatis seruirent munia membris,
 Inque vicem primi nulla esset gratia mundi,
 Nesciret cum sese orbis, terrorque minacis
 Oceani, nec certa poli lex vlla notati
 Sisteret audendos peregrina ad climata cursus:
 Nunc post annorum tot secula tota per omnes
 Nota mei partes feror, & mihi reddita, vanum
 Efficiam Emmanuel meritum id non auferat: ergo
 Si

Si superi annuitis (te quando auctore monemur
 O pater) est animus Ioannæ numine magno
 Augustum dotare vterum, mea constet auiti
 Gratia cui meriti, partumq. ex omnibus unum
 Eximium præstare orbi: fingam ipsa futurum
 Ad regnum molli regalia membra decoro,
 Totaque in Augusto componam sidera vultu.
 Præterea candorem animi, prælargaq. quantum
 Ingenium mortale feret dabo: vos iubar astri
 Quisque sui magnis superi prætendite fatis.
 Dixerat. assensu nunquam maiore senatus
 Lectæ stellati sonuerunt atria cæli.
 Illicet exultant animis, suffragia primus
 In pueri dum quisque cupit permittere fetum,
 Et numen conferre suum: tamen ordine vinci
 Cogit honos, meliorq. animos reuerentia frenat,
 Prima Deum ridens vultu regina sereno
 Hoc, inquit, quondam fas sit regnante metallum,
 Gentis in Hesperia deuoluere commoda, Gangem
 Ditius, & medio sæcundius axe sequaces
 Ire auri venas, alioq. sub orbe sepultas
 Esse palam populis, rutiloq. tumescere tractu,
 Præsidium imperio, nervosq. in bella daturas.
 Hos neque diuitiæ Cræsi, non Lydia toto
 Flumine, & aurifico scallentia balnea rege
 Exuperent, vt sit vulgi quoque fabula quondam,
 Aurea Saturni regnante hoc sæcla redisse.
 Flaua Ceres læto se tunc interferit ore,
 Felices nimium, queis hoc sub principe nasci
 Continget, dabitur terris quod nulla tulerunt

Tempora, quod nullis etiam, ventura videbit
 Post etas annis sterilis non chasmate tellus,
 Aut vlla maiore poli vi laesa negabit
 Reddere mandatum semen, vitiove peribunt
 Educta segetes, sed messibus horrea deerunt,
 Luxuriabit ager quaecumque in semina cultus,
 Et Flora mandante meus per prata feretur
 Aeternum Zephyrus, molli qui germina flatu
 Pelliciens glebae cogat iuuenescere honorem
 Putris, & inducto tellurem gramine condant,
 Mellaq. incundos superexudantia rores
 Aluea destituent, ibuntq. per arua fluenti
 In morem, quin Palladios non uncta trapeta
 Accipient fructus, & toto copia cornu
 Maior erit, lac sponte fluet, faecundaq. leti
 Armenti pingues distendent ubera pastus.
 Candida tunc hedera redimitus tempora Liber
 Excipit assueto iactantior, & mihi Lysi
 Gens, ait, o superi, cura est, priuataq. gentis
 Contingunt me iura etiam, felicia cuius
 Sceptra olim cerno toto clarescere in orbe,
 Huic puero possessa, mei si numinis vlla
 Sunt vires: namque Ego cur cardine cessi
 Gentibus occiduis, premeret victoria nomen
 Cur aliena meum volui? nostrosq. triumphos
 Obscuraturam cur Gangis ad ostia gentem,
 Atque Indi penetrare sinus sum passus in imos?
 Scilicet hoc nobis duxi accessisse, quod vsquam
 Lysiadum sceptris accederet, illa tueri
 Ergo mihi cura, penitusq. imponere Eois

Rebus . ut omittam qualis vindemia per me
 Istius imperio fluet , ut nec vina tenebunt
 Se lacubus , nec prouentus urnalia magnos
 Dolia non capient , calcandis non satis uis
 Totus ut Autumnus fiet , & vindemia ab anno
 Vix tandem decimo , populi promatur in usum .
 Regibus inseruit quavis regione feratur ,
 Phœbus ait , mea flamma pijs dudumq. trophæis
 Luximus Eois , & cum pia signa per axem
 Duceret occasus medium , maiore refulsit
 Luce polus , totaq. dedi tunc libera nube
 Lumina : nunc cali quacumque in parte laborem
 Lysiadum per regna feror , quæ purior olim
 Hoc domino per me fax illustrabit , ut igne
 Aeris infusi vitium depacta salubri
 Seruet io magnis populos (sic fata) triumphis .
 Præterea ingenium varium , pueroq. sagacem
 In commune bonum fingam , quondamq. regendis .
 Tot terris aptam mentem lex sideris esto
 Hæc nostri Mars deinde fero sic ore profatur :
 Huius ego imperio Lybiæ post vasta perusta
 Arua nobis Arabum dudum possessa colonis ,
 Atque vagos Nomadas , vetiti sacraria Nili
 Adiungam , quin Caucaseis obstructa pruinis
 Claustra Asiæ vincam , medijsq. in viscera mundi
 Hac figam pia signa manu , non fabula Pori
 Mendaces prætexet opes , nec postera vano
 Sæcula Lysiadum ludent annalia versu ,
 Sed pueri auspicijs huius , nostroq. secundo
 Sidere , Caucaseo male defensata rigore

(Virtutem quis enim murus quæ mœnia contra?)
 Occiduis magnos reges diademata signis
 Submisisse canent, ut vi cessere negato
 Gentibus hospitio Synæ, belliq. potentes
 Altera ut Hesperios agnouit Iberia Iberos,
 Utque peregrini dominos plaga sideris ullos
 Accepit tandem: (prisco pars ultima mundo
 Reddita) durabo pueri nascentis in usus
 Ipse meos artus, & membra, animosq. futura
 Audaces in bella dabo, quos nubilus Auster,
 Quosque cadens phœbus, primoq. exhorreat ortu.
 Finierat. Iungunt votis se turba fauentum
 Cetera cælicolum, letoq. in fata feruntur
 Carmine, & ingenti resonant subsellia plausu.
 At superum consulta iubet rata Iuppiter esse,
 Aeternisq. Themim de more incisa tabellis
 In tempus mandare suum, comitataq. parcis,
 Et toto petat Augustum Lucina cubile
 Aucta polo: varium comitantum munus in vno
 Cernere erat partu. meliora hic tempora promptis
 Prætendit manibus, præfert hic spicea lassa
 Serta manu, huic pulchras promittit pāpinus vuas
 Atque suas parcas agitatur labor, illius auri
 Massa humeros lassat, captiua hæc flumina, & olim
 Mille expugnatas ferat vrbes, pensa laborat
 Illa volubilibus connectere gaudia fusis,
 Nullaq. tot comitum vacua est a munere dextra.
 Felicis mactæ arbitrij regum optime, & idem
 Maxime Ioannes non tu præsaga secutus
 Fulmina, non vanos auium captante volatus
Angu-

*Augurio tua das fatis, non omine iniqui
Tardatus vulgi, vinclis nec victima ruptis
Si fugiat, iecoriq. caput neget hostia sacro,
Heres ambiguus rerum, verum auspice mentis
Imperio rectæ statuis dijs nostra secundis
Commoda, & euentus audes spondere futuros.*

V O T A X V I I.


Auctore Michaelē Cabedio Regio
senatore, & ciuitatis Olyssip-
ponensis gubernandæ
triumuiro.

*INVICTISSIMO, ATQVE
potentissimo Lusitaniæ regi Sebastiano, hu-
ius nominis primo, Africo, Aethiopico, Ara-
bico, Persico, Indico, S.P.Q. Olyssipponensis
perpetuam felicitatem exoptat.*



VOTA pro felicissimo natali tuo
die libenter suscepta, liben-
tioribus animis, incredibili
totius vrbis alacritate, Deo
optimo maximo, & diuo Se-
bastiano, sacratissimo eius martyri persol-

uimus, Rex inuictissime, & tibi votiue pom-
pæ, publicæq. lætitiæ signa mittimus: sed &
carmen in id argumentum conscriptum, in
quo si quid minus apte dictum (vt pote nimia
lætitiæ exultantibus animis) exciderit, tem-
pori condonabis. Faxit Deus opt. max. vt
eadem vota complures per annos, te incolu-
mi, persoluantur.



*Annua votiue redeunt spectacula pōpæ,
Lætæq. solemnes aris vrbs reddit ho-
nores,
Vrbs antiqua, potens, Graio fundata
colono,*

*Quæ caput occiduis tollit venerabile terris,
Hic ubi se rapidis ponti Tagus inserit undis,
Publica lætitiæ funduntur signa per omnem
Late urbem, merito, socia cum plebe, senatus
Vota coronati soluunt iustissima patres.
Dic Erato, quæ caussa sacri, cum gaudia festis
Exhilarata choris, celebrant iuuenesq., senesque?
Vnica Lysiadum sceptri, & spes unica gentis
Hesperia, nulli legum pietate secundus,
Ioannes princeps fuit his dilectus in oris,
Quem (licet inuitis fati) clementia summi
Per tria lustra Dei, totidem & seruauerat annos,
Dum bona coniugio, proli dumq. apta parandæ
Ex vno, magnam in gentem cōtingeret ætas.
Hunc pater, & patriæ, & nati deuinctus amore,*
Ad

Ad regnum cura studuit formare sagaci ,
 Ipse suo exemplo cupiens componere mentem ,
 Quæ regere imperio populos , quæ lenibus vrbes
 Legibus , in tanta quæque æquo viuere iure ,
 Fortuna sciret , nec duceret vlla licere ,
 Omnia cum posset , quàm quæ suasisset honesti ,
 Et virtutis amor . queis altæ munia pacis
 Artibus , & belli tractaret iura , foretq.
 Tam ciui charus , quàm formidabilis hosti .
 Talis eras pater o patriæ , rex gloria regum ,
 Ioannes tibi non elusa fugacibus hisce
 Imperijs , oblita sui , non Gangis , & Indi
 Diuitijs mens intumuit , nec fluxit inertem
 In luxum , blandita sibi , tu pectore Olympum
 Complexus placido , curis in regna vacabas
 Prouidus , hostilis modo ne quis forte tumultus
 Ingrueret , modo ne piratica signa rapinis
 Assueta , auderent nostrum volitare per æquor .
 Adde forum , legesq. tuas te iudice sanctas ,
 Arbitrij secura sui , cum libera patres
 Iudicia , atque sacer sciret consulta senatus .
 Qualis eras populis , tumidi quem nulla moueret
 Tempestas animi , qui nullis cederet iræ
 Fluctibus , haud quisquam melius te iuris , & equi
 Nosse modum , in pœnas tardus , legumq. seuerus ,
 Publica si quando causâ id deposceret , ultor .
 Largus opum , rectiq. tenax , largitor honorum .
 Improba non gestu , nec erat simulata minaci
 Terrore imperij species , amor ora , simulq.
 Commendabat honos , his ergo adolesceret heres .

Mori-

Moribus, ad regnum natus, curarat, & orbi
 Per consanguineas sua fœdera reddere tadas
 Occiduo: Arctoi namque ingens gloria Rheni
 Carolus, alterno firmarat pignora pacis
 Coniugio, ut stabilis multos duraret in annos
 Fœdus amicitiae, & concordia mutua binos
 Vinciret populos, serosq. ea cura nepotes
 Tangeret, unanimes ut semper publica rectis
 Commoda consilijs agerent. heu nescia veri,
 Nescia venturæ mortalia pectora sortis.
 Mutavit pia vota Deus, natoq. parentes,
 Ioannamq. viro, patriam priuavit amico
 Principe, sic fontis populi scelera ultus, in vno
 Infantis capite, & regni spem sustulit omnem,
 Nostraq. confudit tenebrosa lumina nocte,
 Complentur clamore viæ, totaq. vagatur
 Vrbe furens populus, cælumq. ululatus implet,
 Femineos auræ quæstus, geminataq. planctu
 Lamenta horrifono reddunt tum pectora luctu,
 Victus vterq. parens, stupet, haud sua pignora tantū,
 Quantum urbis casum flentes, regniq. ruinam.
 Quæ facies tunc urbis erat? cum plena tumultu
 Per fora lugubri mixta plebe, iret amictu
 Nobilitas, cultuq. omnes censeret eodem
 Mœsta dies, totis templis triste æra sonarent.
 Luctifico æra sono casus testantia nostros,
 Attonitum huc, illum populum, luctuq. furentem
 Cernere erat, cælo indignas iactare querelas,
 Priuatos cuiusq. lares, totamq. videres
 Misceri ante oculos magnis clamoribus urbem.

Quin

Quin etiam ipsa comam, vultum & laniata decorū,
 Et laceros conuulsa sinus, ad sidera fertur
 Mærenti tales fudisse e pectore voces :
 Summe parens hominū, rerum inuiolata potestas,
 Qui mare, qui terras, qui cælum numine comples,
 Perque suas statuis (tua dum feret vltima fati
 Lex) mundum durare vices, hæc esse futuro,
 Si stabilem imperio voluisti mænia sedem,
 Quæ tot ab infidis tetro possessa per annos
 Hostibus, Alphonso tandem assertore nefandi
 Mutauere tuis ritus, deliria sacris,
 Vnde inuicta manus, pulsus trans æquora Mauris,
 Herculeiq. angusta freti, fœcunda coegit
 Cedere Lysiadum melioribus arua colonis,
 Et parere tuis Bocchi penetralia signis.
 Si ponti dominis statuisti has gentibus arces
 Esse locum, quæ vera polo sub vtroque docerent
 Numina, quæ populis, quos Sol primo imbuuit ortu,
 Iura darent, Libycis ereptaq. sceptrâ tyrannis,
 Lysiadum claris regum ditata trophæis,
 Si placuit Gangi, rebusq. imponere Eois,
 Quem tanto heredem imperio, Lysiq. potentem
 Continuare paras queis successoribus aulam?
 Principe de tali spem funere tollere acerbo
 Sic visum nostram? pietas id, vota. patris
 Ioannis meruere? fides, reuerentiaq. æqui
 Hoc meruit? Quin tu dignis si crimina pœnis
 Vlcisci stat nostra, pios solare parentes
 Instantis partus successu, & munere prolis,
 Vnius ob meritum insontis qui mænia seruas

Iudicio damnata tuo . sic fata perennes
 Effudit lacrymas , rumpens vaga sidera questu ,
 Auxilioq. vocans , cœlestia numina , diuos .
 Quos inter surgens , cælo gratissimus Heros ,
 Dira Sebastianus prætendens spicula , flexis
 Ante Deum genibus , procumbit , & ore precatur .
 Aeterni genitor nati , qui damna parentum ,
 Diuinaq. hominum reparasti prole ruinam ,
 Prole domum reparata labentem , & culmina regni
 Cum sceptris , herede suo nutantia fulci ,
 Si scelus hoc gentis , populiq. hoc crimina forte
 Demeruere , pijs concede parentibus , oro
 Spem saltem hanc vnâ , miseris solatia rebus .
 Hoc mihi da , si sæua , tuis dum seruiro iussis ,
 Intrepidus tormenta tuli , cum membra sagittis
 Confoderet miseri (quas conspicias) ira tyranni .
 Scis pater (omnia enim tibi nota) vt verus in illa
 Vrbe tui vigeat cultus , quo numina ritu ,
 Quàm colat ardenti studio , quos pendat honores
 Cœlitibus , dum te , omnipotens , veneratur in illis :
 Vnde fit , vt nostros cineres , atque ossa Quiritum
 Mœnibus exportata , pio amplectatur amore ,
 Teque sibi nostro deuinctum pignore credat .
 Hic ait , adiiciunt similes socia agmina Voces ,
 Coniunctisq. fauent meritis , flectuntq. tonantem .
 Annuit ille pijs precibus , sparsitq. serena
 Luce polum , casus vrbis miseratus acerbos ,
 At Ioanna vterum nono iam mense gerebat ,
 Incideratq. dies natali festa Sebaſti :
 Tunc aras , & templa adeunt , & numina fufis
 Solli-

Sollicitant lacrymis ciues, totamq. per urbem
 It clamor, diuiq. sacris penetralibus effert
 Ossa, pijs manibus, castus veneranda sacerdos,
 Et canit ostenso diuinis pignore laudes.
 Agmine composito certatim in verba sequuntur
 Cum senibus iuuenes, patribus plebs anxia mistis,
 Vno chara vouent patriæ pro pignore cuncti,
 Pignora, tunc vnus toto spondente senatu,
 Nuncupat ex omni mansurum in sæcula votum,
 Si tua felici soluant suffragia partu,
 Augustum Ioannæ vterum, fortissime Christi
 Miles, & optatam per te Deus annuat urbi
 Sollicitæ sobolem, sacra ad delubra quotannis
 Natalem celebrare diem, festisq. frequentes
 Indulgere choris, patres, populusq. vouemus.
 Dixerat: ecce hilari accurrens Lucina tumultu
 Regia tecta subit parcis comitata benignis,
 Quas operi intentas tanto iubet esse ministras,
 Fausta q. nascenti puero qua sede morentur
 Sidera, quo felix Getici se stella receptet
 Martis, & astringeros Iouis indulgentia vultus
 Conuertat, vel quos Cyllenius erret in orbes
 Obseruent, donec cæli sublimior axis
 Prospera promittat, dum spondeat optima Phæbus,
 Et Phæbi soror, atque astro Cytherea decoro,
 Iussa deæ faciunt, fixosq. ad sidera vultus
 Intendunt, ergo apta videns iam tempora Iuno,
 Pertentans facili felicia pondera dextra
 In lucem diffundit onus, roseo ore cadentem
 Excipiant puerum parca, cælumq. benigni

Conti-

Continuo inspirat vim sideris, illicet auri
 Visuram Lysi regnante hoc secula gentem,
 Tum fore, qui Lybiæ gentes, quas maximus Atlas,
 Ambit, & Oceanus rapidis circumtonat vndis,
 Marte premat duro, cuius victricia signa
 Campestres metuant Numidæ, Mauriq. feroces,
 Quiq. etiam placida populos in pace gubernet,
 Et rabidos iustis concedere legibus enses
 Cogat, & antiquo sua secula vinere more,
 Securo ut maneant connubia casta marito,
 Nec mala virginei deceptus damna pudoris
 Sentiat, ad thalamos veniens cum coniuge primos.
 Cumq. fide pietas, virtus, concordia, & alta
 Religio sincera Dei, ceruice vagentur.
 Quod simul ac tota rumor vulgavit in vrbe,
 Omnia cœlicolum fusi per templa, per aras
 Letitiæ dant signa nouæ, populusq., patresque,
 Protinus vrbana stipatur curia turba,
 Et procerum quod in vrbe fuit, conuenit in vnum,
 Seq. reos voti statuunt, festosq. frequentes
 Instaurant cœtus, quæ pompa nepotibus olim
 Solemnis maneat, sua quisque ad signa recurrunt
 Artificum numerosa cohors, prælataq. longis
 Ordinibus, de more, omnes vexilla sequuntur.
 Demulcent teneras vario modulamine mentes.
 Hinc tuba concentu rauco, non qualis ad arma
 Instructas acuit turmas, sed mollis, & inter
 Quæ deceat ludos, grata & spectacula Circi.
 Inde choros iuuenum mediato fistula cantu
 Excitat, alterno respondet tibia flatu,


Tibia,

Tibia, quæ superum templis, & amica theatris,
 Nec lautis regum, procerumq. incognita mensis,
 Permissos amat ære sonos, cantusq. tubarum
 Pronocat, æratasq. ciet toto æquore classes.
 Parte alia gemmis, & molli stamine Serum
 Ornatas ducit mater studiosa puellas,
 Et monet ad citharam, pulsataq. cymbala gressus
 Compositis glomerare modis, superantia fulgent
 Colla nives, auro inclusæ spectantur Eoi
 Diuitiæ maris, hic Adamas pretiosus, & ignes
 Ardentes referens Opalus, viridiaq. Smaragdus,
 Gaudet Onyx maculis, niveæ prælata colori
 Sardonychis, reddit violas Amethystus, & auri
 Pallores Hyacinthus amat, miscetur in unum
 Quidquid Erythreis Arabes misistis ab oris,
 Decolor aurifera quod colligit Indus arena,
 Quærit & extremis Gangeticus accola ripis.
 Flore viæ, viridiaq. fores, & limina Myrto
 Velantur, surgunt extructæ floribus aræ.
 Mascula thura focis adolent, & nube Sabæa
 Caligat confusa dies, sparguntur odores,
 Quos Oriens, quos Auster habet, quos Ultima mûdi
 Nutrit odoratis regio ditissima lucis.
 Feminæ quæ vela labor varia arte figurat,
 Parietibus tendunt, & molli retia textu.
 Hinc, atque hinc actus veterum referentia patrum.
 Bellica continuo postes aulea tenore
 Obducunt, celsis pendent depicta fenestris
 Stragula, quæ Babylon mittit, quæ Persia diues.
 Visendi cupidæ matres, e turribus altis

Prospectant, funduntq. Citri de flore liquorem.
 Hinc deuota Deo sequitur manus, vndiq. sacri
 Conuenere viri, iungit sub paupere tecto,
 Quos veræ pietatis amor, quos legibus arctis
 Astrinxit curis cælestibus æmula virtus,
 Scire nec humanæ patitur contagia vite,
 Quisque salutiferæ crucis aurea signa sequentes,
 Alternis recinunt modulatos vocibus hymnos.
 Emicat aurata, niueaq. in veste sacerdos,
 Et pia pontificum turba, stipante senatu.
 Prograditur, fertis redimiti tempora ciues,
 Reliquias bone Diue tuas, venerabile pignus,
 Presidiumq. vrbis certum, nostræq. salutis,
 Antiqui ad templi veneranda sacraria sistunt.
 Non aliter quondam latos duxere triumphos
 Romulide, cum post captas Carthaginis arces,
 Aut post edomitos, superato Tygride, Parthos,
 Gentibus aut victis, quas flauus perluit Ister,
 Laurigera peterent Capitolia celsa quadrigæ,
 Postq. ducem fremeret geniali carmine miles,
 Martiaq. insolito resonarent mœnia plausu.
 Macte Dei nobis date munere, rex date diuum
 Macte patrocínio, cui mollis inertia primos,
 Nec luxus deles, nec mentis praua libido,
 Sed studium veri, virtusq. exercuit annos,
 Cui nec per segnes horas transacta fugaci
 Decursu, nec per somnos eluditur ætas,
 Noxia non vires hebetant, non otia sensus,
 Sed vel in armorum lustris, vel horrida sæuis
 Tesqua feris, durum firmat patientia corpus,

Ne defueta graui concedant membra labori,
 Vel prisca impendis doctis annalibus æui,
 Quæ curis erepta vacant momenta, legendis,
 Vnde, vel antiquos exemplo iudice mores
 Induis, aut fluidæ depromis frena iuuentæ,
 Doctus, ut arbitrij permissa procacibus, altum
 Caligat mens cæca sui, fucisq. malignæ
 Capta voluptatis, Circæis certus herbis,
 Horrendas facies, & tetra in monstra fatiscit.
 Vive diu felix, & auis da sera nepotes
 Natorum natos, stirpemq. in secula longam.
 O o si liceat thalamis præcludere carmen
 Connubiale tuis, quales per compita plausus
 Maiestatem patres, socia cum plebe, remissa,
 Attollent? pulchra faciet te prole subinde
 Tanto digna thoro, cum virgo augusta parentem,
 Gaudia quis lætæ, quis motus temperet urbis?
 Munera tunc alacres, noua tunc spectacula, regni
 Securi ciues, votis maioribus edent.

Ad Senatores collegas, Michael
 Cabedius de tempore feriarum.


 Gimus o longum decursi pulueris annū,
 Et quos læta graues duxit arena dies.
 Namq. prius nostris male depulsata la-
 cernis,

Pertulimus Brumæ frigora sæua pigre.
 Verè nouo mox cum lætos lasciuia per agros
 Indulget. festis cetera turba iocis,

Nos populi ad lites, trepidorum ad iura reorum
Detinuit tristes Curia clausa patres.

Nunc fureret totis cum sæua canicula campis
Tectaq., & urbanas vreret ardor arquas,

Palluit obstipō defixus ad acta Senator
Ore, & anhelantes pulueris vsque moras,

Et simul ardenti nos vssit Syrius astro.

Actaq. & athæo, quæ magis igne calent.

Vix demum exangues & censos ære molesto

Autumnus soluit lætifer officio:

At vos o socij tantillæ carpite lucis

gaudia, & hos hilari ducite fronte dies.

Quos, nec Hydaspæo, digne de gurgite, sed nec

digne ab Erythræo littore gemma notet.

Nam mox litifero velox redit orbe November,

Atque eadem rursum damna mouent miseros,

Queis Pelopis genitor sua non mutauerit, aut quem

Iam lapsura super territat atra si lex

Quæ neque Sisyphij superent incommoda saxi,

Vanaq. non Danaï qua piat vrna scelus.

AD STAGNVM AQV ARVM

in villa Michaelis Cabedij Regij senatoris,

quæ ad radices montis Palmellæ sita est.

Hæc agite o Nymphæ de monte ad stagna
Dianam

Ducite, nulla dea balnea digna magis.

Hic faciunt virides, & arundo, & populus vmbra,

Et tener in molli piscis oberrat aqua.

DE SERPENTE AENE O

Arbori adhærente & ore aquam eiacu-
lante, in eadem villa.

Non fallax auctoræ mali, velut antea, serpens
Ore, sed hic gratas præbet amicus aquas.

DE VIRIDARIO EIVSDEM

villæ vitibus cooperto, vbi depictus est
Bacchus requiescens curru deposito.

Hic dat, & hibernos nudato palmite soles
Vitis, & æstiuos frondibus aucta negat.
*Queis Semeles fruitur lasa iam Tygride natus,
Et geniale iubet numen habere locum.*

AD CLARISSIMUM VIRVM

Michaelem Cabedium iuris vtriusq.
consultissimum, Regij Vlysseiq. Se-
natus senatorum grauißimum Gute-
rij carmen.



*Vsa bonis anibus Michaelis tecta Ca-
bedi,*

*I, pete, vade volans, & celer inde
veni.*

*Quamuis multa tibi pateat domus hospita, nusquã
Hospitio tamen est aptior vlla tuo.*

Hic colitur vario sæcunda poetica vultu,


Hac nitor elloquij priscus in aede viget.
 Ambulat hic recto pede ius, nec claudicat vnquam,
 Cui comes est pura religionis amor.
 Cum tamen illius limen penetraueris adis
 Tum loca totius cuncta require domus.
 Occurret Michael clarissimus ille Cabedus
 Gloria vlysssei magna, decusq. soli.
 Cui tulit esse parem nullum natura, bonis q.
 Artibus excoluit diues alumna suis.
 Ingenium cui grande dedit dea vertice patris
 Orta, fouet castus quem chorus ille tuus,
 Quique regit clauum nostra sapienter, agitq.
 Urbis, onusq. humeris sustinet ille suis.
 Multa geri mandata caue, quodq. expedit illi
 Pande, nec in dictis fit mora longa tuis.
 Cumq. introgressæ fuerit data copia fandi,
 Sola tibi noster cura libelus erit.
 Quo petimus recte taxari munera Bacchi,
 Temporis ut ratio, conditioq. finit.
 Ignoscatq. roga si quid peccauimus, error
 Si fuit, at menti crimen inesse nega.
 Nec prestare velit confictis vocibus aures
 Cuncta sciat falsis esse relata viris.
 Ut solet ille animo componere cuncta benigno,
 Sic conferre velit verba, precesq. tuas.
 Sic tibi Nestoreæ finem superare senectæ
 Dent superi, longos, & sine labe dies.
 Hæc illi tandem referes notissima cunctis
 Carmina, quæ fertur Naso tulisse tuus.
 Iudicis officium est, ut res, ita tempora rerum

Quæ-

Quærere, quæsito tempore certus erit.
 Sic quidquam refert contra, sat iuris & æqui
 Satq. bonam causam, quam tuearis, habes.
 Denique ne nimium longis ambagibus utar,
 Proxima mandati summa sit ista mei,
 Nunc prece, vel monitis, seu qua potes arte Thalia,
 (Nec gravis hic labor est) conciliare para,
 Scilicet est facilis, nec inexorabilis ulli,
 Non cadit in mores torua repulsa suos,
 Hoc age, quod fuerit magni mihi muneris instar,
 Quod tamen ut perages, officiosa redi.

ANTONIVS PINARIVS
 Episcopus Mirandensis, Michaeli
 Cabedio regio senatori. S.

SCRIPTA EST HAEC EPISTOLA
 anno 1571. quo tempore Michael Cabedius,
 cum alijs senatoribus iussu regis Sebastiani,
 cum suprema iurisdictione, Cistaganam
 regionem visitarunt.


 ENEOR incredibili desiderio
 tui Michael mi. sed distineor Pastoralis huius
 oneris sarcinis, & ita impe-
 dior, ut nisi illis utcumq. com-
 positis hinc me explicare non possim, sed ve-
 reor nedum occasionem visendi tui capto, ea

euolet ex manibus, & ea me cura angit, & di-
 strahit. Non audeo esse auctor tibi, & colle-
 gis, vt hoc æstu prope intolerabili, & immi-
 nente canicula isthinc huc demigretis, non si-
 ne magno valetudinis incommodo, quam ti-
 bi ceterisq. summæ curæ esse cupio. Non dee-
 runt isthic oppidula arboribus opaca, fonti-
 bus scaturientia, aquis irrigua, commeatu
 abunde instructa, domicilijs pro regionis cō-
 ditione satis ornata, vbi per hos æstiuos men-
 ses Quintilem, & Sextilem satis commode
 degere possitis, cuiusmodi ego vnum Kacinū
 esse existimo, quod Sintræ cōpares, nec enim
 illi cedit amœnitate, vbertate, cæli clemen-
 tia, nec ad rem parum facit, quòd inde ad om-
 nia huius prouincię oppida, & pagos pari cō-
 pendio itineris par est, idque exiguum inter-
 stitium. Illuc si collectis, & conclamatis va-
 sis, militari more, (quoniam sagatos, non to-
 gatos vos esse audio) properetis, non dubitē-
 te celeriter inuisere: quòd si vel isthic vos ne-
 gotia huius vrbs, priuatis magis dissensionibus,
 quā ciuiū offensionibus, afflictæ, diutius
 detinebunt, nō potero ipse me cōtinere, quin
 illuc me conferam, partim vt nostro desiderio
 satisfaciam, partim vt in obducendis, curan-
 disq. huius ægræ Reipublicę vulneribus, qua-
 lem qualem operam vobis offeram. Neque
 enim sapientior fuit Ietro quàm Moyse, sed
 quia regionis anfractus, & viarum compen-
 dia

dia melius nouerat, vt pote, indigena, ideo
 cum Moyſes ducem ſui eſſe itineris voluit, ſic
 ego vt vos medicinam adhibere exulceratæ
 prouinciæ melius poſſitis, fortasſe ero vobis
 non ſpernendus monitor, quem & ætas, & af-
 ſidua cum ouibus conſuetudo diu exercuit,
 & docuit. Sed quid ego te ſus Mineruam, aut
 quid ego hæc ad vos? nempe *γλαδίας εἰς Αδρίας*.
 Vale.

ANTONIO PINARIO EPISCOPO
Mirandensi Michael Cabedius. S.

DICI non poteſt, quantopere me tuæ
 delectarunt litteræ, Pontifex obſer-
 uandiſſime, vir amiciſſime, præſer-
 tim in hoc genere ſcriptæ, quas vel
 de elegantiâ tuas eſſe quis intelligat, qui vel
 inter Callaicos Scythas, Athenas colis, & pō-
 tificales curas muſarum otio attemperas, &
 me quidem Bartolis, Baldiſq. iam pridem af-
 ſuetum, & fori puluere ſquallentem, ad anti-
 quum ludum tuæ litteræ excitarunt, vt quo-
 quo modo poſſem iſthoc me genere etiam
 nunc delectari tibi ſignificarem. Quod mo-
 nes de minus commoda iſthinc, per hoc tem-
 pus habitatione, & Kacini vmbriſ, mihi col-
 legisq. gratiſſimum fuit, tantiq. valetudinem
 eſſe ſuam, vt tibi curæ ſit, ceterum & id nobis
 cōſilium erat, ſimul ac per negotia liceret, ad

aquas flauias mouere, ibiq. Iunio transacto
 ad Interamnem regionē contendere, Vima-
 riq. & alijs opportunis locis, caniculam & il-
 los duos graues menses agere: at sub Autum-
 num inde, ad vestram istam Scythiethiopiam
 (sic enim vere licet vocare, cui tanta frigoris
 & æstus sit intemperies) redeamus, nā ad Ka-
 cini umbras desiderare, nec nostri muneris ra-
 tio, nec oppiduli tenuitas patitur, quibus id
 in mandatis sit, vt totam oppidatim circūea-
 mus Prouinciā, quanta maximā possimus di-
 ligentia, nec nisi in maioribus oppidis conue-
 tum faciamus. Sed Deus bone, vt ego hos pau-
 cos, quibus a te abero menses, annū Saturni-
 num putabo, & quæ mei desiderij tam longas
 moras vsura tui sarciet? Nec enim etiā si cen-
 tessimā præstes homini tui auarissimo facies
 satis, nec verē or ne agentē meo in eam rem
 tecum iure; tu tuo, me insolētis vocabulis dā-
 nēs, agnoscis, & rides verba forensia, in quæ
 me etiam inuitum mala fori consuetudo tra-
 hit: Quod scribis de afflictā priuatis inimi-
 citijs vrbe, curatum id summo studio a Cy-
 priano tuo, vt compositis nonnullorum ci-
 uium dissensionibus, de abolitione delatio-
 num, & criminum quorundam priuatorum
 remissione, cum principe ageretur, idq. hoc
 auctore senatu, a præside actum per litteras
 est, vt spes sit eo facto multum profecturum
 iri in his vrbs negotijs, quæ te pro pastora-
 lis

lis muneris officio merito angunt, qua te molestia liberatum summopere gaudeo, tibi que gratulor. Vale.

HIERONYMO OSORIO

Episcopo Siluensi doctissimo

Michael Cabedius.S.



Omnis, Præful amicissime, tam in iuris ciuilibus libris, quam alijs latinæ linguæ auctoribus honorarium magistratum, siue alium quæuis actum, ab ordinario eo differre, quod honorarius, nomen tantum quodammodo inane præferat, sine ullo muneris exercitio, aut actus, de quo agitur reali, vt ita dicam, significatione. Vlpianus de administratione & periculo tutorum: Si parens quem velit tutelam administrare declarauit, ille solus administret, ceteri ergo tutores non administrabunt, sed erunt hi, quos vulgo honorarios appellamus. Adeo vt in tutore Papinianus, de testamentaria tutela dicat: Honoris causa tutorem datum non videri, quem pater a ceteris tutoribus, quibus negotia gerenda mandauit, rationes accipere noluit, quod huic non honorarium tantum tutoris nomen sed rei publicæ gerendæ munus sit impositum. Vlpianus

L. si plures
in princ. ff.
de adm. &
per tuto.

L. iure nostro §. i. ff.
de testam.
tutel.

L. quod si
forte. §. 1.
ff. de solut.

L. 3. C. de
consulibus
lib. 12.


pianus de solutionibus: Sunt quidam (inquit)
tutores qui honorarij appellantur, sunt qui
rei notitiæ gratia dantur, sunt qui ad hoc dā-
tur, vt gerant. Iustinianus de Consulibus in
Codice lib. duodecimo: Vniuersos, qui post-
hac honorarij consulatus insignibus, princi-
pali munificentia decorantur. Et recte Cice-
ro de optimo genere oratorum, dum de tri-
bus orationis muneribus loquitur (delectare
scilicet) honorarium dicit, quòd ad oratio-
nis ornamentum tantummodo faciat, non
quòd vllò in oratione necessario munere fun-
gatur. Idem Cicero de Fato: Honorarius ar-
biter accessit Chrysippus: Et eo quem citasti
loco, quinto Tusculanarum quæstionũ: Quo-
rum controuersiam solebat tanquam hono-
rarius arbiter iudicare Carneades. Quo loco
non de iuris controuersi arbitrio agit, sed de
eo, qui per honorem quasi arbiter sermoni-
bus adhibetur. controuersi enim iuris arbi-
trum, si quis honorarium dixerit, non bene
dixerit. Apud Seruium in tertium Aeneidos
de honorario Polydoro sepulchro videre est,
quod his ponitur, quibus alioqui mortuis iu-
sta aut persoluta non sunt, aut anniuersarij
honoris gratia erigitur. Quos postea ait Mœ-
stos, & mortis honore carentes: qualem tu-
mulum Andromacha Hectori ponebat ter-
tio Aeneidos, Et Suetonius, Druso positum
ab exercitu ait in Germania. Is in Claudio

ita ait : Ceterum exercitus honorarium ei
tumulum excitauit, circa quem deinceps sta-
to die quotannis miles decurreret, Gallia-
rumq. ciuitates supplicarent. Hæc ego ita ac-
cipio, nisi tu aliud velis doceasq. cuius aucto-
ritati tantum tribuo, vt quod modo tu dixe-
ris, satis sit. Vale.

E P I S T O L A

AD PIVM V. PONT. MAX.

*Henrici Cardinalis Portugallie in com-
mendationem cuiusdam Episcopi Hiberni :
quam conscripsit Michael Cabedius iussu
prædicti Cardinalis Henrici.*



Beatissime Pater, Aldensis apud
Hibernos Episcopus Ortho-
doxæ fidei, ac proinde Eccle-
siæ Romanæ sedisq. istius san-
ctissimæ probatissimus cultor,
irruente Hæreticorum hominum tempesta-
te perculsus, Diœceseos suæ finibus fuga-
tus, nostram hanc Lusitaniæ oram appulit ab
hinc annos plus minus duos, simul primum
per rationes suas valitudinemq. (quam sæ-
pius toto hoc tempore aduersam sensit) lice-
ret ad sanctitatis tuæ pedes debitiq. præstan-
di obsequij officium perrecturus, in quo ob-
eundo ne quid segnius fecisse videretur, præ-
mise-

miserat ad sanctitatem tuam fugæ suæ sociū,
 eius Ecclesiæ canonicum, per quem & exilij
 sui, & moræ causas significabat, sed illum in
 itinere morbo correptū mors impediit, quo-
 minus Episcopum suum officio apud te sol-
 ueret, id quod homini (sat scio) & aposto-
 licæ sedis studioso, & in officio apprimè di-
 ligenti perquam moleste accidit, cui simul
 huc appulit illud in primis fuit, vt negotij, re-
 rumq. suarum pro eo ac debuit tibi omnino
 ratio constaret. Inui ego toto hoc tempore,
 quo hic moratus est, hominis sumptus, & nūc
 ad te proficiscentē sum viatico profecutus,
 eo magis quòd & erga apostolicam Sedem
 & sanctitatis tuæ studium eximie propenso
 esse animo intellexerim. Dignus est de fidei
 constantia, & Romanæ catholicæq. Ecclesiæ
 studio, vitæq. ac morum inculpatorū dum
 apud nos fuit haud dubia significatione, qui
 sanctitatis tuæ fauorem sentiat, omniumq.
 qui recta fide censentur, id ego de homine ad
 te scribere satis esse duxi, vt eum (quæ tuæ
 sanctitatis est cura) ea benignitate, excipias,
 foveasq. qua similes omnes soles: cuius san-
 ctissimam personam Deus optimus maxi-
 mus, quam diutissime Ecclesiæ suæ, nobisq.
 conseruet.

IN RIVVM, QVO AQVA
in Pomarium ducitur.



*Iuule frigidulis Nympharum e fonti-
bus orte,*

*Qui properas liquido per nemora al-
ta pede*

Si formose venis formosum ad phillidis hortum

Arentiq. leuis aurea mala siti.

Illa tibi centum dabit oscula, queis tua fiet

Dulcior Hyblæis vnda beata fauis.

IN VMBRAM OLIVAE IN
medio Pomarij, Vinetiq.



*Anc Nymphis Pallas doctisq. sororibus um-
bram,*

Quæque legant circum dulcia poma dedit.

IN VITEM, QVAE PRO FORIBVS
est domus Cabediæ.



*Anc vitem, maiorum opus, atque insigne
reperitum*


*Cuius adhuc frondes, umbraque limen amant,
Kebedius, Lenæ pater, tibi consecrat, at tu,*

Perpetuo decora frondis honore, fores.

AD SEBASTIANVM
Lusitanorum Regem Augustum .

*De libro legum extrauagantium Senatus sup-
plicationis collecto , ab Eduardo no-
nio de Leão .*

MICHAEL CABEDIUS
Regius Senator .

 *Indigesta olim, multisq. incognita iuris
Scita sacri, in varios exoluere libros ,
Quæ non Urbani , quæ non provincia
norant*

*Vtraque nec totis curia cum patribus
Indoluit Rector Laurentius , ipsa senatus
Consulta, & medio iura latere foro.
Antiquata ergo chartis oracula priscis
Eruit , atque sua luce nitere dedit,
Inque vnum congesta librum, Rex magne reponit,
Et vetera oblitis iura refert patribus
Composuit Docte Nonius , Rectore quidem illo
Digna , sed o omnium tempore digna tuo ,
Quo non Cimmerijs virtus offunditur umbris
Nec ratio obscuro delitet æqua loco .
Sed tecum elato regnant securius ore
Metatæ in medio castra uerenda foro .*

AD CLARISSIMUM VIRVM

D. Gregoriũ Cabedium Regium
senatorem , Michaelis Cabedij
quondam Regij etiam senatoris
filium, Petri Mendez Cetobricen-
sis publici Grammaticæ profes-
soris , Carmen .



*Vid me, Cabedi, rapis in Pæana ? quid
arma*

*Prisca iterum Phæbæa peto ? Quisnam
furor hic est ?*

*Quis nouus hic ardor nobis ? desueta reliqui
Tymbæ delubra chori , dulcesq. recessus ,
Antiquasq. domos Musarum, & Apollinis arces,
Sponte ego iam pridem fastidio, vel quia sæua
Paupertate premor, vel quòd de millibus vnum
Felicem nunquam potui reperire Poetam
Hæc antiqua lues, & crambe inimica per annos,
Continuo mihi bella gerit, qui nocte dieq.
Errantæ Musas, agitataq. numina Phæbi
Ipse veho mecum, & magno comitatus Homero,
Vix possum pulsare famem, cui plebe laboro
Indomita , ignarosq. animos, & rustica Musis
Pectora compono, & fingo meliore Minerua,
Sic tandem implacitas sine fine exerceo curas,
Tamq. diu id patiar, donec augusta Philippi*

Ma-

*Maiestas mihi demat onus, seuumq. laborem,
Imminuat, curisq. meis sua præmia reddat.*

*At nunc annorum post tempora lapsa meorum
(Iam pridem musis postquam suspendimus arma)*

*Tu me quippe rapis nolentem siue volentem
Inclyte Cabedi? quo non præstantior alter,*

Aspera nodosi dissolvere iura Lycurgi,

*Nec quisquam melior causas tractare senatu
Regifico, aut patriæ, aut hominum servire saluti.*

Hu c etiam accedit pietas morumq. tuorum.

Blandities: quæ te sublimem ad sidera tollit.

Hæc tua pietas penitus, stimulante minerva,

In Phæbum trahit. Agnosco vestigia prisca.

Ergo tu tennes, quos ludimus accipe versus.

Ne te pœniteat leuibus descendere donis.

Tu quoque Pierios cætus & amœna vireta

Sæpe frequentasti quondam, qua gurgite docto

Munda fluit, haustuq. suos fœcundat alumnos.

Hic namque ante alios dulci tua tempora lauro

Cingebas, hederaq. comas redimere solebas.

Inter palladias choreas, interq. palestras

Doctorum insignes. tu doctæ frontis honorem

Ausus eras rapere, & laudem tibi marte parabas,

Hos ego non miror titulos, non has ego laudes.

Suspicio, quoniam nativo iure patrissas

Antiquos animos genitoris, & inclyta auorum

Præ te facta geris, quorum pulcherrima fama

Letheas ignorat aquas, non vlla vetustas

Delere, aut vllis poterit sepelire tenebris.

Tu tanti, & talis genitoris imagine fretus

Ad

*Ad summa tandem venisti insignia laudis.
 Hic ille est Michael, quondam qui rostra Togati
 Ordinis, & claros qui primus obibat honores.
 Ille erat hic Michael, Musarum gloria, Phæbi
 Grande decus, Patriæ lampas, dilecta Tonanti
 Progenies, cuius nomen per sæcula semper
 Vivet, & æternos sine fine virescet in annos.
 Huius tu monitis, huius tu imbutus amica
 Laude, per insignes cumulos ad claustra togata
 Clarus anbelasti, summoq. euectus honore
 Regia conspiciu sustentas iura Theatri.
 Nec tamen idcirco ad fallacia munera sæcli
 Tu mentem appellis, nec inania gaudia captas,
 Inferiora putans, animo quacumque volutat
 Præcipiti Fortuna rota. Sed pectore toto
 Virtutem, & virtutis opes amplecteris: una
 Hac te nobilitat virtus, hac vincis auiti
 Sanguinis insignes titulos, hac Regis honorem
 Concilias, hac summa petis stellantia celi
 Sidera, laude potens, atque auctus honore superbo
 Inter doctores magnos, Regniq. ministros,
 Lusitanorum, sustentas claustra senatus.*



D. SYGEVS TOLETANVS
 Michaeli Cabedio Regio sen-
 natori, salutem.



I procrastinatae responsionis
 nunc studeam purgare culpā
 mihi ipsi certe sim iniurius
 vtpote bene conscio per me
 non stetisse, quominus officio
 fecerim satis: nam nec minus
 meis obruor mihijs, quam tuorum tute ra-
 bularum technis. Dedit tamen hodie velut
 & foro vestro iustitium, Carnispriuij luper-
 cal, simulq. lienteria, quæ me lumen videre
 non passa est, vt hæc possem scribere. Com-
 monstravi sanè principibus meis ex præscri-
 pto tuo, eo ipso die quo ad me misisti, Latina
 & Græca tua carmina, in quibus & ingenij,
 & eruditionis, & inuenti rarum specimen de-
 mirati sunt. Quòd si ex clamoso prætorio,
 hæc, inquit, dare potis est? quid si ex mu-
 sæo? quid si vmbrosa tempe incolat, aut A-
 scræos latices epotus cānat? imperarunt e
 vestigio carminum sibi copiam fieri, quæ a
 me ipso fuerunt mox exscripta Græcorum
 etiam, apposita versione Latina. Ego nec ma-
 iore studio, nec diligentiore tibi morem
 gerere valui, gesturus vbi, voles, quantum-
 cum-

cumque potero , optime ergo vale his.
 Dat. Olysiippoen. iij. Idus Febr. ann. salut.
 M. D. L XII.

D. GONDISALVO PINARIO
 Episcopo Visiensi .

Antonius Cabedius. S. P. D.



Vm profecutus , Domine publicam meo carmine calamitatem , sic enim immaturum tanti Principis obitum non immerito appellari posse arbitror . Id cum ex amicis quamplurimi , vt in publicum emitterem , consulissent , nefas esse duxi , si tibi cui quidquid id est , debeo , tanquam mearum Camanarum primitias non dedicarem . Accipe igitur exiles neque tanto debito pares meorum laborum vsuras , quas & si adhuc neque expectas , neque repetis , aliquam tamen ex illis voluptatem , quæ tua in nos beneuolentia est , te percepturum existimo . Vale .

IN INTERITVM

D. Ioannis Lusitaniæ prin-
cipis Epicedium.



Unde repentino tacuerunt gaudia luctu?
Irrepsitq. comes funesta cupressus, &
albam (taxis?)
Mæstificis hederam video concedere
Cui musæ noua plectra, nouosq. haurire paratis
Lugentum de fonte modos? non hæc tua læti
Calliope regina chori prouincia, non his
Carminibus tanti deflenda iniuria damni.
Te tamen hoc, si qua vlla fides, magis omnibus unæ.
Tangit onus, tuus iste dolor, tua cura Ioannes
Illius infaustos thalamos, tu sola, diuq.
Non duraturas cecinisti carmine tædas.
Ergo age lugubres mecum hac sub rupe querelas
Alcionum meditare: nouam quibus impia prolem
Non expectati maris obruit vnda, gementes
Per scopulos illæ, per saxa, & littora mæstis
Omnia collustrant oculis, sua pignora, si fors
Aut laceri tantum ostendat vestigia nidi.
Nusquã alibi lacrymis locus aptior: hic tibi tristes,
Reliquiæ, nostriq. iacent monumenta doloris.
Huc Tagus auratos non comptus, ut antea, crines
Fert populi, pariterq. suos in funera fletus,
Mâioresque inuoluit aquas, ut tristia iungit
Murmura, commiscetq. suos cum marmore questus.
Ipse resonfant rupes, lacrymabile plangunt
Littora, & horrendis assibilat vnda cauernis.

Non

Non facies erat ista loci, non gaudia quondā hæc,
 Nō strepitus populi, nō hic sonus: hei mihi quantū,
 Temporibus distant illis hæc tempora: cunctas
 Cum terras, magniq. potens regina profundi
 Vrbs ostendit opes, socerumq. vnaq. sedentem
 Puppe murum pulchra diues Tagus attulit undis
 Quæ nunc (tanta adeo rerum inconstantia) mæstas,
 Vix subeunt mentes, vix somnia credimus, & quæ
 Sopitos ludunt vana sub imagine sensus
 Gaudia: quodq. animos magis asperat, illius olim,
 Lætitiæ meminisse datum. Si tristia nobis
 Inconstans fortuna dabas, sentire negasses.
 Non tanti (obijcias nobis licet illa) fuerunt
 Gaudia. prætereunt cito nempe, breuemq. relinquunt
 Lata sui fructum: dolet, aeternumq. dolebit
 Quod nocuit. perit exiguo sic tempore rara
 Gratia, sed nullis iniuria tollitur annis.
 Certa tamen iam tunc (si mens elata secundis
 Nosceret ambiguos rerum prædiscere casus)
 Signa mali, grandisq. olim prænuncia cladis
 Præbebant ostenta Dei, tantoq. cadente
 Principe, non dubijs terrebant numina monstris
 Attonitas hominum mentes, nostrisque vacarunt
 Venturis prius astra malis, atque omnia certas
 Turbarunt elementa vices. Quid fulmina toto
 Commemorem dimissa polo? tot millia nunquam
 Crediderim torsisse Iouem, cum Phlegra deorum
 Armauit seuos in bella nefanda gigantes.
 Ipsa caput quondam regni, domus vnicæ regum
 Infensos experta deos Conimbrica, missis

Nusquam alias plures ex aethere pertulit ignes
 Quid vatum responsa, deumq. oracula nulli
 Intellecta canam? non tu Conimbrica vastos
 (Fecisses potius) pateris telluris hiatus.
 Scilet ille salus, regni caput ille, per illum
 Ceperunt obscura fidem præsagia, quid nunc
 Aeris infectos tractus, hominumq. vagatam
 Ingenti cum strage luem, qua Vacca profundo
 Redditur, & domino summittit flumina ponto.
 Ergo non pecudum fibræ, cæloq. micantes
 Obliquæ per inane faces, non dira ferorum
 Urbibus in medijs noctu exaudita luporum
 Murmura, pacatos nusquam velut antea nobis
 Ostendere deos. Quid cladis fata pararent,
 Clade palam factum est, ideo ter marte sinistro
 Pugnatum, tres Lysiadum maurusia pubes
 Contudit ingentes getulo in pulvere turmas.
 Nusquā alias magis infensos tulit India Rumes
 Hellepontiaco toties repetita tyranno.
 Horret adhuc animus, mæstoq. in pectore, mentem
 Attonitam subit illa dies, cum tacta profana
 Sacra manu, verumq. & non violabile Christi
 Corpus ab infando lacerum tulit aula Britanno.
 Quæ cunctis quamuis essent incognita, mæstis
 Ominibus timuere tamen mortalia iam tunc
 Pectora, postremumq. orbi, rebusq. putarunt
 Humanis venisse diem, quo terra fretumq.
 Ceteraq. antiquam caperent elementa figuram.
 Euentus portenta suos habuere, Deumq.
 Non vana patuere minæ, manifesta. tandem
Signa

Signa dedit tantæ mundus prænuncia cladis.
 Ergo quod in primis tibi Lusitania votis
 Debit æternum vixisse, tulere maligna
 Fata manu. Seu sic nimium caelestibus olim
 Visa potens, mansura tibi hæc, si fata dedissent.
 Dona diu : Seu sunt mortalibus inuida semper
 Numina, fallacis damnosa Prometheos ex quo
 Furta haud ignarum circumuenere tonantem
 Lysides, utcunque tamen, tunc nemo negaret
 Inensos habuisse deos, qui tempore tali
 Cerneret hanc solam patriæ cecidisse columnam.
 Quod nisi fixa animo staret sententia, diuum
 Consilio, non sorte regi mortalia, nunquam
 Iure magis licuit superos, & nulla putare
 Numina, & incerto nobis fluere omnia casu.
 Scilicet illa senem, vilemque, & sæcula multa
 Indignantem animam, longæuæ tædia vitæ
 Ferre adigent : hoc seu caput Proserpina primis
 Hei mihi, tot columen populis, abscindet in annis?
 Ergo non virtus illi, non profuit ingens
 Lusitanorum claro de sanguine regum
 Nobilitas, non Cæsaribus deducta superbis
 Stemmata, non magni pietas augustæ parentis,
 Aspectuque iras solo mulcere ferarum
 Forma potens : iacet ille decor, venerandaque pul-
 Maieestas oris, dulciq. admixta lepori, (chri
 Iamq. decens grauitas, sanctæque simillima menti
 Siderei species vultus. Huc illa redacta est
 Gratia, & imperio vasti dignissimus orbis
 Frõtis honos? nec adhuc sua comouet ultima cunctos

Hora? repentinis nihil impenetrabile telis
 Cum videant, mors saeva tuis, humilesq. superbis
 Diuitibusq. addas inopes, ingentiaq. audax
 Deicias vno rerum momenta sub ictu.
 Heu spes fallaces, heu magnæ tempora numquam
 Virtuti data læta diu, summisq. negata
 In terris mora longa viris, seu fraude maligna
 Fatorum, seu maturis velocior annis
 Crescendi finem probitas, citiusq. peregit
 Aetatem, implevitq. brevis statura tempora vite.
 Non secus extinctum primo sub flore iuuentæ
 Nereidum comitata choris sigeia propter
 Littora, magnanimum genitrix Dea fleuit Achille.
 Sic Nasamoniacum Babylon famosa tyrannum
 Ante diem mæstas descendere vidit ad umbras.
 Te quoque, Lysiadum spes, & lux unica gentis
 Ioannes, primis & adhuc florentibus annis
 Aequales agitantem alto sub pectore curas
 Festino nimium gressu, mors inuida rebus
 Eripuit nostris. O si tibi fata parentis
 Donassent æquare dies, non Africa nostris
 Lætata exuijs, pia Lusi impune tulisset
 Signa diu, ratibusq. obsessam barbarus Ormum
 Turca olim toto lueret deiectus Eoo.
 Scilicet id præcox iam tunc, & fortior annis
 Vis teneris, paruoq. graues sub pectore sensus,
 Imperijq. capax virtus sperare iubebant.
 Non tibi desidiæ cordi, non mollia luxu
 Otia, nil animo puerile, nihilq. caducum
 Voluere, maiorum sed enim cognoscere tantum

Facta

Facta virum, pulso queis Lusitania Mauro
 Creuit, & Hispano tandem victricia soluit
 Colla iugo, quibus ignoto sub cardine genti
 Magna peragrato statuit commercia ponto.
 Iam tunc Nisæo quantum distaret Hydaspe
 Cura fuit Gangem inquirere, quantus in æquor
 Gemmiferis fluat Indus aquis, Erythræaq. magnis
 Oppida Lysiadum numquam pacata carinis
 Ludus erat, belli effigiem, simulataq. veris
 Cernere cum paribus certamina, qualia ripis
 Vidisti Francisce tuis, immania sortem
 Lysiadum pubem, medias cum monstra per undas
 Armato vexere utero, fuluoq. micantes
 Expauit Tagus ære viros. Quàm pectore tristis,
 Quosue dabas gemitus? quoties sine marte, sine ullo
 Sanguine, quæsitâs tantis sudoribus olim
 Barbarus intrasset (Lusi prob dedecus) arces?
 Nempe tibi, Antæi memorat quæ longa vetustas,
 Mœnia Lysiades debent, errore, malisq.
 Proditâ consilijs. Patriam tutore carentem
 Excipis, ignavisq. in prælia sedulus enses
 Restituis, regnumq. tuum, terrasq. tueris
 Qua licet, & nostris auertis sedibus hostem.
 Hi tibi erant mores, primis hæc semper ab annis
 Cura fuit. Tanta donassent indole dignam
 Hisq. animis vitam superi, quod mente parabas
 Fecisses: tua Gangaridum, Nomadumq. rebelles
 Sceptra perhorrerent posito diademate reges.
 Inuidit fortuna tibi, nostrasq. sub vno
 Vulnere fregit opes, in te minus aspera, quamuis
 Eri-

Eripuit vitæ crescentia tempora , nobis
 Plus æquo instabilis nocuit rota , & inuida magnis
 Fata viris , cœptisq. ingentibus obuia semper ,
 Et tantum Mors fera malis , te Sidera , & ingens
 Securum tenet aula Dei , melioraq. nostris
 Illic sceptrâ gerens , fastus & inania letus
 Regna hominum , & fragilis rides ludibria sortis .
 Forsitan & proceres illic longo ordine nostros
 Perlustrans oculis , priscos per amœna vireta
 Lysiadum numerans reges , teq. alta virorum
 Maiestas trahit attonitum , gremioq. recentem
 Excipit Emmanuel , & cetera turba nepotis
 Exultantem animâ , patruosque , & maxima fratrum
 Nomina demonstrant , quos primo in limine vitæ
 Abstulit immatura quies , & forsâ amorem
 Et desiderium sponse solantur amatæ .
 Inde polo quocumq. tuos agnoscis ab alto
 Lysiadâs , tua regna vides , infensa q. nobis
 Numina concilias , natiq. in pectora confers
 Ingenium , moresq. tuos , tristemq. Ioannam
 Solaris , quoties terras humentibus umbris
 Nox operit , non porta pios , non vincula manes
 Vlla tenent , solis patet exorata puellis
 Aspera , difficilis leti via , nocte vagari
 Permissum , tristes lux inuida soluit amantes .
 Da breue solamen miseræ , da mentis inanem
 Lætitiâ , prohibe lacrymas , blandoq. soporem
 Alloquio refoue , te viuere cogitet illa
 Et perijsse neget , tantiq. oblita doloris
 Transigat optatas dulci sub imagine noctes .

Vosq.

Vosq. malis hominum iam parcite numina, dignas
 Iamdudum luimus pœnas, bacchata sit in nos
 Hæc fortuna tenus, nonq. olim nostra pudendo
 Servitio insontes tollerent delicta nepotes.
 Quod si magnorum nondum res funditus omnes
 Lysiadum, gentisq. decus, partumq. tot annis
 Imperium, & notos utroq. sub axe triumphos
 Destruere est animus, nec adhuc sententia vobis
 Versa retro, si nos promissa parentibus olim
 Pacta implere iuvat, diuturnum in sæcula nobis
 Hoc reliquum servate caput, tantoq. labantes
 Principe res nostras extollite, quæq. parenti
 Dempssistis, nato date tempora. Libera semper
 Aeternumq. potens gens Lusitana subactis
 Gentibus, & toti victrix det iura profundo.

Epitaphium.

Externis quicumq. venis peregrinus ab oris
 Auriferiq. intras ostia magna Tagi,
 Siste ratem, mæstiq. vide monumenta doloris,
 Si vacat, & nostris fletibus adde tuos,
 Hic iacet ereptus primævo in flore iuventæ
 Ioannes, regni cura dolorq. sui
 Si faciem, & mores si quis consideret annos,
 Dignior æternum vivere nemo fuit.
 Visum aliter superis, quos plus iuvat ardua semper
 Casibus, & subitis implicuisse malis.
 Si quid amas, nolis nimium placuisse senectam,
 Vix unquam summis fata dedere viris.

Aliud.

Hic ubi consurgit Solymo de nomine templum,
 Et medio attollit turris in amne caput,
 Progenies iacet inuicti praelara Ioannis,
 Ille nepos magni Caesaris atque gener.
 Vix decimum ætatis, sextumq. explenerat annum
 Vix pubertatis tempora transierat.
 Iniecit mors saeva manus, tantoq. repente
 Priuauit miseros principe Lysiades

Epicedium in milites ad septam
 occisos.

Antonius Cabedius.



T merito, nec enim geminas sine numine clades
 Vidimus, atque vno duo funera fleuimus anno.

Hesperiae sunt hæc delicta nocentis, Et olim
 Grande patrum proauumq. nefas, læsura nepotes
 Vltoris vindicta Iouis. Sic pertulit ætas
 Postera Tantaleæ commissa piacula mensæ.
 Laomedontæ mala sic periuria fraudis,
 Non semel euerse sensistis mœnia Troiæ.
 Ergo hæc conditio, sæclis hæc debita nostris
 Sors erat, ut post tot terraq. mariq. trophæa
 Parta, tot ignoto domitas sub sidere gentes.

Lusi-

Lusitana freto & terris gens nata regendis
 Proh dolor hanc Lybicus cladem pateretur in oris?
 Scilicet idcirco per utrumq. cucurrimus axem,
 Oceaniq. caput, vetitiq. exordia Nili
 Vidimus, atque Tago servire coegimus Indum.
 Plus virtus spectata nocet. Sors ultima nostra est,
 Quo toties rerum semper felice tenore
 Extulit, & totum sparsit fortuna per orbem,
 Romanos sic nulla duces infamia maior
 Afflixit, quàm quæ deniçto iam probe mundo
 Ausonio infaustas maculavit sanguine Carrhas.
 Haçtenus hæc de te sors impia, tristia quando
 Fata, & tantorum stimulat iactura virorum.
 Nos alios hinc ad questus oppressa dolose
 Aonij reuocat pubes fortissima Lusi.
 Heu dolor, heu gemitus? ubi nunc manus illa tro-
 Barbaris toties decorata? ubi nobilis illa (phæis
 Turma ducum? nec enim illorum mandare cohortes
 Cuilibet ingentes dubitasses optime regum
 Ioannes Auguste tuas, seu fortibus armis
 Turca ferox toto velut olim abigendus ab Indo
 Esset, Erythræi seu per vada cærulea ponti
 Classis Idumæas iterum tua tendat ad arces.
 Nempe iacent, quos nulla manus, non cõminus ipsa
 Pallas, & armisoni premeret vis horrida maris.
 Vincunt insidiæ? nec enim licet obuia totis
 Viribus, aduersum consurgeret Africa damno
 Docta suo, sic continuis expulsa duellis
 A proavis tota sua viderat agmina nostris
 Hesperia, septemq. simul procumbere reges.

Sic

Sic captas *Antæi* arces, sic denique nostra
 Viderat *Herculeis* fulgentia signa columnis.
 Non multum *Lybiæ*, quod sub iuga nostra veniret
 Deerat adhuc, illata etiam maioribus olim
 Damna satis bona posteritas erat ulta, suisq.
 Finibus, & toto concesserat *Africa* ponto.
 Adiuvit fortuna dolos, quosq. improba adire
 Expauit coram, bello est aggressa latenti.
 Nullus terga dedit, turpissima vulnera nullus
 Pertulit, immotis acies stetit inclyta signis,
 Seq. probat moriēs, nec tam, quāquam omnis acerba
 Conditio leti, dolet interiſſe dolosi
 Fraude loci, quā quod meminit post terga potētis
Europæ infidis patefacta repagula *Mauris*.
 Ingenuo sed enim virtus admista pudori
 Perualuit, licet ante oculos sua pignora cuique,
 Et deserta domus, suspirandiq. penates,
 Emeritusq. parens, & amata coniugis ardor.
 Non aliter (tot enim fuerant) venientibus una
 Occurrit cognata *Phalanx*, bellum urbis, onusq.
 Susceptura suæ, & simili quoque fraude, doloque,
 Nobile funestas fœdavit sanguine ripas.
 Non tamen obsessos veluti si turba leones
 Pœnorum premat, & telis petat undiq.; inulti
 Occubuere viri, iuuat alta in strage superbos
 Victores vultu spectare, suoq. gravare
 Pondere marmaricæ duo mille cadauera turmae.
 Sed non vlla magis clarorum in cæde virorum,
 Quā ducis eminuit virtus, illum agmina passim
 Barbara formidant, illum fugiuntq. tremuntq.

Hortantem socios , strictoq. per arma ruentem
 Ense, vnum circa bellum ingruit, omniaq. vnum
 Tela vouent. talis gelidę prope flumina thraces
 Armipotens sęua populos pater incitat hasta.
 Sed quis virtuti locus inter millia? vicit
 Quippe dolus, fessusq. magis quàm læsus ab hoste
 Occidis Heroum fortissime Petre, tuęq.
 Gentis & Hesperie decus & tutela caternę.
 Heu spes fallaces, heu magnę tempora numquam
 Virtuti data leta diu. Sic fraude maligna
 Occubuit primis soboles Ammonis in annis.
 Sic & magnanimum genitrix Dea fleuit Achillem.
 O diram Hesperie lucem, męstisq. notandam
 Omnibus fastisq. diem: grauis illa, nec vllō
 Ictu vnquam fraudata manus, Mauroq. rebelli
 Nota nimis, Lybicas iacuit (dolor) inter arenas.
 Nec fuit indignum vobis o numina, tanti
 (Nobilior nec enim tanti Lusitania sanguis)
 Effudisse viri getula per arua cruorem?
 Non te igitur tua nobilitas, non maxima certe
 Subduxit sęuis virtus dux inclyte fatis.
 Nempe iaces, sed qualis adhuc virtute retenta
 Horridus, & vultus non maiestate remissa.
 Obrutus ingenti muralis pondere saxi,
 Inter Canensis conferta cadauera cladis,
 Nobilior Paulus iacuit Varrone: rigenti
 Terribiles leto vultus, metuendaq. nondum
 Ora viri spectare audent, oculisq., sibiq.
 Vix credunt, molemque, & membra ingentia, verũ
 Eminus excelso mirantur ab aggere. Postquam
 Longa

Longa tamen repulit fœdum assuetudo timorem,
 Paulatim accedunt, Ut quisq. audacior, ille
 Formidata sibi ducis ora laceffit, & illud
 (Dedecus heu Gradiue tuum) per saxa rubosq.
 Nobile corpus agit, generoso in sanguine tela
 Inficit hic, natis immania membra, viriq.
 Reliquias seruant illi, & madefacta cruore
 Spicula coniugibus, senibusq. ostendere charis
 Ut possint. iacet ille graues in funere vultus
 Toruus adhuc, ceu bella gerat, ceu cuspide sæua
 Cædat anhelantes getulo in puluere turmas.
 Non secus immanes rictus, & vasta leonis
 Ora recludit iners vulgus, quem punica propter
 Rura diu, clausiq. greges inclusaq. longo
 Torpuerant castella metu. Si forsitan olim
 Securum Lybicæ debellauere cohortes
 Insidijs, exultat ager, magnoq. per arua
 Turba minor clamore ruit, rigidaq. verenda
 Præcepit cernice iubas, pax reddita tandem
 Montibus, & fessi respirauere coloni.
 Talis erat facies ducis, hæc ludibria magno
 Seruabat fortuna viro, seu præside tanto
 Visa potens nimium dijs Lusitania, dona hæc
 Inuidere tibi, seu quòd rear, æthera supra
 Ipsa suum emeritum rapuerunt numina ciuem.

Mors felix utcumq. tamen fuit ista decoris
 Tantum magne tibi Dux allatura, Latino
 Quantum Marcello peperit sua, flebilis illa,
 Et lugenda nimis prima fraudate iuuenta
 Antoni, tua nempe fuit, qui pulchra secutus

Ingen-

Ingentis patrui vestigia (proh dolor) iisdem
 Auspicijs in bella ruis, quibus inclytus olim
 Magnanimum Aeneam Pallas comitatus ouantes
 Itala Teucrorum deduxit in arua cateruas:
 Sic duro florem ferro succidit arator
 Imprudens. Sic getulam comitata leenam
 Progenies, cui frontis honos, & gloria nondum
 Assurgunt ceruice iuba, non aqua parenti
 Robora, sufficiens nec adhuc venatibus ætas,
 Exanimis Lybicos iacuit cum matre per agros.
 Heu miserande puer, sinerent modo tristia priscos
 Fata duces, magnos & transgressure parentes,
 Lysiadum nec enim antiquo de sanguine quisquam
 In tantam spem erexit auos. Præpostera verum
 Et festina nimis virtus, diuturna q. numquam
 Maior ubi, & teneris probitas maturior annis
 Argumenta dabant tanti non uana doloris.
 Quin etiam ingenui mores, animosaq. semper
 Nobilitas, & prima licet, non mollibus ætas
 Fulta rudimentis, veterumq. ingentia patrum
 Facta, infelicem, magniq. cupidine leti
 Accensum puerum dudum hæc in bella trahebant.
 Ergo satis quamquam proauum virtutibus, atque
 Nobilitate potens esset, licet inclytus ipse
 Duceret antiquo genus altum a sanguine regum,
 Noluit æquales tamen inter carpere primum
 Florem aui, & teneros agitare inglorius annos.
 Macte animi non tu primæuo in tempore inanem
 Effigiem pugnae, simulataq. praelia veris
 Lufisti infelix, sed protinus arma, tubasque,

Mauortemq. ciere callens, metuenda subiisti
 Bella viris, patriaq. procul getula petisti
 Mœnia, & hostili numquam sine sanguine arenas.
 Parrhasium sic nempe nemus, sic roscida liquit
 Mœnala, & æstiu puer Arcas grata Lyçæi.
 Nobilis aonio mutauit iugera campo.
 Te tamen ignaram belli siue impia fata,
 Siue egressa modum virtus extinxit, at illum
 Detinuit forsan tua mors, euadere namq.
 Cum posset sine te puduit miserande reuerti.
 Ita decus patriæ, sæcli laus maxima nostri,
 Ite piæ fortesq. animæ, loca debita vobis
 Elysium, immensiq. implete sedilia cæli.
 Non vos horribilis Phlegeton, non atra videbunt
 Tartara. sed domus emeritos stellantis Olympi
 Excipiet, magnis patet ille Heroibus, & qui
 Fuderunt sancta pro relligione cruorem.
 Tempus erit (nec enim miseris mortalibus vno
 Stat semper fortuna loco) cum sceptrâ iugumq.
 Lysiadum, hæc vestro loca nobilitate cruore
 Accipient, tunc busta sacris imponere templis.
 Hic colere, & sanctos manes sacrare licebit.
 Ipsa quoque antiquæ speciem virtutis adorans
 Posteritas, qui magnus honos, ingentia vestris
 Ornabit telis superum delubra, suisq.
 Maiores clypeos, galeasq. & grandia voluens
 Arma manu, angustis venerabitur ossa sepulchris.
 Interea (dudum nobis contraria quando
 Numina dignantur minus exaudire nocentes)
 Sanguine quæsitâ vestro defendite terras.

Quòd

*Quòd si prisca luunt olim delicta minores
 Maiorum, immeritosq. premunt aliena nepotes
 Crimina, sunt superi nobis, sunt oppida mille
 Capta manu, sunt Eoo sub cardine, quamquam
 Ipsa etiam multo sudore & sanguine parta
 Mœnia, sunt inuenta nouo modo regna sub orbe,
 Regna armis, opibusq. virum florentia, cuncta hæc
 Tollite, Lysidas tanto de culmine quando
 Deicere est animus, liceat retinere potentis
 Imperium Lybiæ nobis, & claustra tueri
 Hesperia, liceat (nihil vltra oramus) auita
 Herculis oppositis defendere tecta columnis.
 Hac iter est bellis, scitis, perpeffa furorem
 Barbaricum infelix quoties Hispania, sædum,
 Seruitium, & sæuos intra sua pertulit hostes
 Tecta, diu certe iura intoleranda, iugumq.
 Aeneadum, satis heu miseri tot sæcula diros
 Gotthorum tulimus fastus, intraq. penates
 Sexcentos dominum Maurum tolerauimus annos.*

D. Gondisaluo Pinario Episcopo Visiensi
 Antonius Cabedius. S. P. D.



VM superiori anno in spelun-
 cam Deiparæ Virgini conse-
 cratam, (vulgo de Lapa vocât)
 ex voto, cui iam diu me astri-
 xeram proficiscerer, diuerti
 domine apud tuos in Fontellum, sic enim in-
 colæ vocant amœnissimam, & meo quidem

iudicio pulcherrimam villam. Quamquam multa ex parte incuria & negligentia hominum incultam & deformem tunc dicerent, qui aliquando florentē vigentemq. viderant. Quantum tamen ex forma regionis & loci specie conijcere licet, affirmare ausim nihil perfectius, & absolutius ab ipsa rerum natura effingi potuisse. Hanc ego admirationem statim in poeseos argumentum conuerti. Et quia me & tempus, & loci opportunitas, alioqui natura ipsa procliuem ad hoc scribendi genus inuitabant, hoc ex tempore Epigrāma, olim si per otium licuisset, maius aliquid daturus composui.

O Nemus, o fontes, o quæ viret atria iuxta
 Non indigna pijs insula semideis?
 Vos ne infelices potuere relinquere vestri,
 Vos ne ullis domini postposuere bonis?
 O sæclum insipiens, o nescia pectora veri,
 Non latium tanti, totaq. Roma fuit.
 Rusticus hæc tam culta noualia vinitor, hos ne
 Agricola immensos solus habebat agros?
 Vsque adeo cernas præpostera cuncta, parantur
 Hæc dominis, parent villice rura tibi.

Hæc tunc quidem, postea vero
 mense Augusto & Septembri quo
 tempore demore studia nostra re-
 laxari solent, statui succisuiis ho-
 ris hoc ipsum latius prosequi. Quod quidem
 lem-

lemma eo libentius sumpsi, quo iucundius tibi fore existimabam. In quo non tam carminis grauitati, quam materiæ, quæ tractabatur, inferniendum putauī. Et ideo multa incompte & sine cultu huic operi inferui. Non alia præcipue de causa, quam vt obscuritatem vitarem, quam cum in omnibus, tum maxime in descriptionibus fugiendam semper existimaui. Nec enim alia magis lucē & nitore indigent, quam quæ demonstrare, & quodammodo oculis subijcere conamur. Ceterum in tanta rerum varietate, vt omnia persequi vix poteram, sic aliqua quæ non videram, audieram tamen fuisse, descripsi. Absurdum enim mihi visum est, in eo statu villam celebrare, qui non omni ex parte perfectissimus esset: præsertim cum plurimi essent, qui talem vidissent, & ego talem, & multo etiam perfectiorem breui sperarem. Nec opinione mea deceptus sum, nam & multa correctæ, & pleraq. in melius mutata audio: quod & paucis versiculis, quos in fine istius epistolæ posui, testatus sum. Reliquum est, vt Deum Opt. Max. precemur, vt te istius villæ delicjjs diu multumq. frui velit.

Hoc nemus, hi fontes, hæc culta rosaria, quæq.
 Ingens in medijs insula vernat aquis,
 Atriaq. antiquas regum vincentia moles,
 Et quæ mille domus clausa tuetur aues,

*Omnia corruerant, & vix vestigia tanti,
 Quid non longa terunt sæcula? ruris erant.
 Gonçallus vigil hæc Pinarius arua refecit,
 Addidit, & priscis plurima dona locis.*

Fontellum.

Hortorum, memorumq. potens Pomona, beatas
 Quæ dudum has sedes, & leta vireta relicta
 Incolis Ausonia: vosq. o quæ rore perenni
 Iugera proluitis viua de rupe Napæ.
 Tuq. adeo regina Venus, mitissima frugum
 Atque hominum fœcunda parens, cui roscida cordi
 Germina, quam diues longo licet obsitus æuo
 Spirat adhuc locus, & tanti vestigia ruris,
 Testantur spreta quondam incoluisse Cythera.
 Huc agite, & studio dum mens vacat, ardua diuum,
 Naturæq. mihi miracula pandite, nec vos
 Cuncta domus, magniq. decus mirabile luci,
 Atque omnes mecum pigeat lustrare recessus.
 Vestrum opus hoc diuæ, nec enim iucundius ullum
 Parte alias fessas recreat nemus, inter opacos
 Seu locos inuat Ambrosios in gramine somnos
 Carpere, seu gelido cælestia membra fouere
 Flumine, seu roseis capita exornare corollis,
 Et legere æternos per prata virentia flores.
 Ergo siue situm spectes, seu munera, nulli
 Plus dices natura loco dedit, inuida quamuis
 Miratrixq. sui, nimiumq. superba vetustas

Alci-

Alcinoûm, & veteres Phœacum concinat hortos.
 Quippe soli non bis duo tantum iugera, verum
 Dorsum immane iugis complectitur undique, tales
 Hortorum celebres moles, & rura Neronis
 Fama canit, cum Reginam, mundi. q. capacem
 Vna domus miseris exhaustit ciuibus urbem.
 Tanta adeo nemorum maiestas, tanta locorum
 Gratia. priuata non hoc opulencia sortis,
 Multorum sed enim series longo ordine ducta
 Pontificum decorauit opus. Quos arte Michael
 Syluius, ingenio. q. omnes superauit, & alta
 Ingens innumeris struxit prætoria donis.
 Felix ille quidem, si re contentus auita,
 His. q. opibus, maiorum expers vixisset, eum. q.
 Ambitus, & nimij spes non rapuisset honoris.
 Quàm vellet natale solum coluisse, nec v. m. quam
 Nobile purpureo caput exornasse galero.
 Heu qualem amisit campum, quæ iugera, quales
 Delicias! Non virginibus bacchata lacanis
 Taugeta, æstiu melior non vmbra Lycæi.
 Nunc age fama prior pendentes aere lucos
 Persarum miretur opus, vestita. q. multa
 Fronde semiramidæ stupeat fastigia molis.
 Nil manus, hic dices, nihil hic solertia gessit
 Artificum, cunctarum opifex, rerum. q. magistra
 Quid posset tandem cupiens ostendere, vires
 Experta est natura suas, vni. q. vacauit
 Tota loco. Sic magna nimis, sic omnia vasta,
 Sic aptis extructa locis, sic deniq. mira
 Cuncta sagax fecit, maiestatem. q. decori

Addidit, & varijs dotauit iugera donis.
 Haud alios miranda inter primordia mundi,
 Ante nefas, primæq. scelus letale parentis,
 (Parua nimis magnis componere, sacra profanis
 Si licet) æternos nostris genitoribus hortos
 Crediderim fecisse Deum, cum quidquid in orbe
 Egregium toto sapiens formarat, in vnâ
 Congessit pariter diuina potentia sedem.
 Vsq̃ adeo rerum plena omnia, quidquid vbique
 Gignitur, inuenies ibi, seu legisse salubres
 Seu tibi odoriferos placeat mage carpere flores.
 Non plures facunda tibi suffecerit Aetna,
 Aetna parens florum, non Attica dulcis Hymethi
 Gleba, neque Ausonio quæ subiacet ora Vesæuo.
 Hic & pallantes violæ, cyprioq. cruore
 Purpureæ per prata rosæ, nigrantia florent,
 Parte alia niueis vaccinia mista ligustris.
 Hic pueri defleti olim, lugenda deorum
 Crimina, nunc veris gratissima germina, mæstis
 Infelix Iacynthe notis, proprijsq. decoris
 Mirator Narcissæ iaces, Salaminius heros
 Hic gemit, & tragicis suspiria nota cothurnis.
 Parte alia mollis consurgit Amaracus, & quæ
 Exuperant alios candenti vertice flores
 Lilia, tot numquam variata coloribus imbris,
 Haud vana exoritur prænuncia, talia propter
 Oceanum dites texunt aulæa Britanni.
 Quantus honos operis, tanto virgulta decore
 Pubescunt, omnisq. in flores, omnis in herbas
 Turget humus, varioq. exulta non alia fetu

Luxu-

Luxuriant. Sed enim tanto haud assurgit honori
 Vtilitas. Nec enim bacca magis arboris ullus
 Palladiæ se vestit ager, Tritonide multa,
 Quamuis Cecropijs Conimbrica certet Athenis.
 Facundum licet, ac vinctis insigne trapetis
 Exuperet Cabili Betis iuga pingua castrum.
 Quid totos referam vestitos palmite colles
 Lenæo? nullo spatiosius æquore Bacchus
 Creuit, & immensos sese diffudit in agros.
 Non illum, quem ripa Tagi, quem nobile mittit
 Urbis Vlyssææ littus, non vincat odore
 Quem dat Cetobricis vicina salacia prælis.
 Adde etiam quæ dona Ceres dedit, adde beati
 Delicias ruris, pruna, & genus omne pyrorum,
 Castaneasq. nuces, succosq. oblita priores
 Persica, defuerint non hic tibi Coctona, non quæ
 Cecropio gaudent saturata sydonia melle.
 Strata iacent passim sua quisque sub arbore, nec te
 Deficient totum mitissima poma per annum.
 Scilicet in ficu ficus, malumq. senescit
 In malo, totidemq. tibi, si millia carpas,
 Non deerunt: simul hæc crescunt, simul illa senescunt.
 Talia perpetuo nitidus iuga Corduba fluxu
 Humectat, minimus fluuiorum Corduba, sed quo
 Pulchrior haud alius, purisque decentior undis.
 Inuideant Tubalis quæ nos genuere vetusti
 Mœnia, diuorum hospitium, quæ florida pleno
 Facundat Pomona sinu, largeq. decoras
 Muneribus Vertune tuis, ornatq. superba
 Irriguis Omnena iugis: quæ nectare multum
 Hyblæo,

Hybleo, pinguiq. beat Polymella Minerua
 Assurgens utroque ferax a vertice, seu qua
 Conspicuos fulua prospectat, iaspide muros,
 Seu qua pulchra Tagi longe videt ostia, seu qua
 Mœnia Romuleas æquantia prospicit arces.
 Tale decus faciesq. loci. Neque dispare cultu
 Surgit opus, maiori etiam (vera eloquar) illic
 Chara domus quamuis, quāuis mihi patria, quāuis
 Affectus habet illa meos. Hæc miror, at illam
 Et colui a primis annis, Et semper amavi.
 Cum multis sed enim hæc cōmunia, singula quæque
 Nempe alibi quamuis, pariter tamen omnia nusquā
 Inuenies, verum mira illa, supraq. capacem
 Humani captum ingenij, vix postera credent
 Sæcula, vix seri poterunt firmare nepotes.
 Hæret adhuc perplexa loci dulcedine, nec se
 Mens iterum quamuis, iterumq. hæc ipsa reuifat
 Aspexisse putat, inuat vno a colle fluentes
 Tot colles vidisse, tibi decus vnde perenne
 Fontellum, egregiumq. æterna in sæcula nomen.
 Nempe alias inter Deus has sitientibus aruis
 Præsertim donauit opes, multoq. rigauit
 Imbre solū. Credes pressas sub pondere Nymphas
 Mille sibi quæsisse vias, studioq. videndi
 Excisa pulchras de saxo exisse Napæas.
 Hic etiam, quanquam diuersa ab sede profectas,
 Congestasq. vno pariter sub fornice Nymphas
 Aspicias. Hic dulce sonant, hic dulce susurrant,
 Hinc blandos strepitus, & pene loquentia miscet
 Murmura, quoque valent se se sermone salutant.

Non

Non alibi faciles, ambrosiosq. sopores
 Elicias, non leta magis, non frigida Tempe-
 Thessala, non alibi melius Iouis igne calentem,
 Et patrio multum flagrantem fulmine Bacchum
 Reslinguas. Non hic iubar exitiale Cometae
 Sanguinei, non astra sitim minitantiâ, non hic
 Pulverea Nemees rabidum experiere leonem.
 His fauit natura bonis, hæc nobile docti
 Protulit ingenium domini, solersq. sagacis
 Formavit manus artificis, passimq. cauato
 Marmore, palantes per amœna vireta Napæas
 Excepit, saxoq. simul conclusit eodem,
 Vnde vel excelsos perrupta aspergine ramos
 Verberat, & quamvis teneat se culmine, multo
 Imbre tamen Dryadas salientes petit vnda, proculque
 Urget Amadryades credas certare Napæis.
 Hæc eadem in cælum iaculatus excipit vndas,
 Et cæco rursum percolat turbine moles.
 Par operi lapidum maiestas. Non ego saxa
 Viribus hæc excisa hominum, non robore credam
 Mortali non acta manu. Vix singula gestent
 Magnorum iuga mille bouum, vix illa mouere
 Posset, Auentinum magno conamine montem
 Qui repulit, rupeq. auulsit sedibus imis.
 Ergo magna nimis sint hæc licet, ardua quanquam
 Et per se cunctis satis admiranda, reducunt,
 Attamen attonitos alio stagnantia visus
 Flumina, quæque decens medijs consurgit in vndis
 Insula, Nympharum domus opportuna, suavit
 Aestus, & ardentis quoties iniuria Solis.

Huc

Huc trepide (festina cohors) adnare Napææ
 Dicuntur. Satyrum quoties lasciuiæ gratis
 Exagitat male sana locis . Hic mollia tritæ
 Orta, & ambrosios carpunt in gramine somnos .
 Stat montana procul pubes, reuocatq. & agrestes
 Nequicquam calamos inflant, nec amantia cessant,
 Carmina, & immeritis conuitia fundere ripis .
 Crispantur tenui Zephyro vada læta, nec alto
 Vnda immota lacu torpet. Sic prima tumescit
 Ira maris blandis quoties attollitur Euris .
 Hic ego conspexi laceri fragmenta Phaselli .
 Siue illum senium, siue olim soluit amœni
 Vis inimica lacus , dominis hæc insula quondam
 Puppe petebatur , quoties confugerat illuc,
 Seq. suis madidus per stagna cuniculus antris
 Abdiderat , si quando greges fallacibus escis
 Cæruleos , tremulaq. iuuaret arundine pisces
 Fallere, captiuasq. ad littora voluere prædas.
 Tales Hesperiam iuxta, solemq. cadentem
 Heroium campos , & fortunata piorum
 Iugera , fluctifono circumuallata profundo ,
 Semidei Manes habitant . Hic ducere vitam
 Mallet postpositis alijs Aetias, & quæ
 Post infelicem pariter dilexit Vlysssem.
 Parte alia cantus animum mirabere, nec tam
 Solamen, quàm pinguis opes, neque futile ruris
 Subsidium, mensq. decus, volucrumq. capacem
 Cunctarum caueam. Nusquam toto orbe vagandi ,
 Tanta quibus data libertas, non claustra, sed altis
 Esse putes regum pallatia nixa columnis .

Vnde

Vnde neque immensi fastidia carceris horret,
 Nec graue sentit onus volucrum grex, seq. teneri
 Cum sciat, ingentes euadere nollet in agros.
 Tantus amor cauea, tam dulcia vincla. Sub alis
 Implumes fouet hæc natos, nidum illa domumq.
 Aedificat, dulces semen hæc suspirat amores,
 Ereptumq. gemit comitem viduata, falacem
 Illa marem eludit metuens, seseq. sequenti
 Surripit, & celeres fallit lasciuia volatus.
 Incassum studio plures, & amore lauandi
 Obiectant vndis humeros, multoq. fluentes
 Perturbant fontes, & stagna liquentia lusu.
 Cuncta patent, & rara licet sint retia, passim
 Admittunt faciles visus, cumq. omnia cernas
 Vix species numerare queas, vix nomina, non tot
 Ionio fluctus voluuntur in æquore, non tot
 Memnonis exequias celebrant, nō Strymona plures
 Delectant clangere graues, tot millia nunquam
 Ille senex, cui sunt perituri tradita mundi
 Semina, fluctuaga prudens seruauit in arca.
 Par operis facies, cauea neque maxima surgunt
 Dissimili tabulata modo. Licet ergo volantum
 Intereat simul omne genus, dispendia rursus
 Sarciet hinc natura parens, cunctisq. peremptis,
 Tot tibi viuentes reddet domus ista volucres.
 Longa quidem series cuncta enumerare, vel ingens
 Lucorum senium, vel regum æquantia turres
 Atria, dispositaq. vt consitus arbore multa
 Præbet Hippodromus gratas currentibus umbras.
 Quid vos auricomæ diuæ, quæ limine primo,
 Ve-

*Vestibulū ante ipsum , certis properantia semper
Tempora digeritis spatijs? quid quæ super alta
(Credere quis posset) residet testudo columna?
Peruia sunt dices mortalibus omnia, quæque
Vix fieri potuisse putes, voluentibus annis
Improbis hæc hominum labor, & solertia fecit.*

*Sis felix, longumq. bonis his vtere, gentis
Laus ingens Goncalles tuæ, quem diues alumnis
Magnanimis domus agnoscit Pinaria, non te
Diuersum rapiant alio maiora, secundas
Res quamuis fortuna tibi promittat, & olim
Turpureo mitram permutet Roma galero,
Vile decus capitis, & inanem frontis honorem
Ignarum quæ vulgus amat, procul effuge, teq.
Inuidia, & lucem minuentibus eripe curis.
Hic melius tranquillus ages, & pectore magno
Fortunæ bona despicias fallacia, non te
Auersum trahet ambitio, non luxus, & alta
Præcipue regum penetrans pallatia fastus.
Quodque olim meditaris opus, dissueta reuises
Musarum, iurisq. tui penetralia, cumque
Tithoni, Pyliq. senis superaueris annos,
Debita virtuti conscendens sidera, teq.
Emeritum, varijs functumq. laboribus, inter
Pontifices, quos sæcla pios antiqua tulerunt,
Accipient celsi pretiosa sedilia cæli.*

Labor omnia vincit.

Quid valeant pariter labor, & sollertia?
quantum

Sudor,

Sudor, & æternis virtus infracta duellis
 Aeneadum superis æquata potentia, & armis
 Roma potens, belloq. docent tot parta vicissim
 Imperia, ac tantis olim superaddita regnis
 Regna, & Romulidum tot utroq. sub axe trophæa?
 Illa rudem primum vicino exercuit hoste
 Tironem, ac victrix paulatim creuit, & omnes
 Finitimas in se quas vicit, transtulit vrbes.
 Auctior Hetruscos domat, & caput impetit olim
 Ausonia: & iustis Danaos ulciscitur armis.
 Continuo Siculis bellum manet, inde sagacem
 Sidonium iam iam veteranum ducit in hostem.
 Hic dudum dubijs victoria substitit alis,
 Ambegitq. diu, qua tandem poneret arce
 Terrarum fortuna caput. Carthagine demum
 Euerfa, supplex Hispania, & Africa longum
 Aeneadum subiere iugum. Mora nulla Philippo
 Tot populos armis victricibus eripit, atque
 In libertatem tot Graias asserit vrbes.
 Huc assuefactum veteranum Marte superbum,
 Antiochum petit, ac regnis deturbat auitis
 Nec requieuit enim, donec ter Marte subactum
 Mithridatem Asia, totoq. oriente Tigranem
 Expulit, & vita pariter spoliauit, & armis.
 Romanum vario postrema Numantia Marte
 Diruta bis denos bellis exercuit annos.
 Omnia continuus labor, & vigilantia Romæ
 Subdiderat, nec sol præter Romana videbat
 Quicquam aliud, neque parta tandem ciuilia bella
 Continuere diu, spretoq. labore subactum
 Amisit

*Amisit totum Romana potentia mundum .
 Namq. vt opes nimias fors vexit, & otia mores
 Fregerunt, luxusq. homines inuasit, & illa
 Priscorum cessit superis laudata parentum
 Virtus, paulatim ex illo Romana referri
 Res retro, fractæ vires, partumq. tot annis
 Roma breui mundum, rerumq. amisit habenas.
 Ergo quàm clarum genus armipotentis Achilli
 Pyrrhus, & immanis nequijt deuincere Pænus,
 Orbis Reginam delerunt otia Romam :
 Et quæ totius mundi caput omnibus olim
 Gentibus in Tanaim a Gadibus imperitabat,
 Proditā barbaricis (proh dedecus) ignibus arsit :
 Et Romana ferus bis cepit mænia Gotthus,
 Dardanaq. Hispanæ popularunt tecta cohortes .
 Nunc etiam (tanta est rerum inconstantia) nemo
 Iam sibi non audet captam promittere Romam.
 Proh dolor & Turcus (quod Diij prius omē in ipsum
 Conuertant) flammās vrbi, excidiumq. minatur .
 At vos o superi, quibus Itala mænia, nec non
 Ausonius pater, & Romana palatia curæ
 Has prohibete minas, pestemq. ac dedecus istud
 Vltra anni solisq. vias, vltraq. niualet
 Caucasum, Europa procul olim auertite tota .
 Sit satis (heu proauum pudor ingēs, atque nepotū)
 Mænia a quod dudum Romanis arcibus olim
 Aemula, Achæmenioq. undantes sanguine cāpos,
 Tecta q. Barbaricis toties decorata trophæis,
 Et Lacedæmonias premit aduena barbarus arces .
 Sit satis ò superi, quod tot decora alta, tot olim
 Lusit-*

Lusitanorum regumq. ducumq. labores,
 Tot partas urbes veterum sudore, tot annos
 Defensum imperium Lybiæ, tantoq. cruore
 Quæsitæ Antæi arces, num Marte Sine vlllo
 Possidet imbellis (proh Lusi dedecus) hostis.
 Causa eadem luxus, comites ignobilis otii
 Diuitia fortes Lusi fregere nepotes.
 Ipsa suis etenim dum Lusitania metis
 Contenta est modicis, & quas natura negabat
 Non ausit tentare vias, Indiq. nocentes
 Imbellis contempsit opes, coluitq. virorum
 Fœcundam, ac rigida semper virtutis amicam
 Pauperiem, pressum caput olim erexit, & armis
 Sæpius audacem victrix afflixit Iberum:
 Antæasq. arces subiit, Lybiamq. potentem
 Fregit, & herculeis posuit sua signa columnis.
 At postquam vetitas remis compescuit undas
 Oceani, Gangemq. Tago seruire coegit,
 Et mollem placidis Indum frenauit habenis,
 Pellæoq. simul sese intulit ardua dio,
 Confestim veterum mores abiire, relicta est
 Paupertas, cælum virtus petit, improba luxus
 Otia, & obscenas pariter suasere rapinas.
 Victaq. victorem vinci dedit India Lusum
 Delicijs blandita suis. Quos ergo nec audax
 Celtiber, aut magnis tulit Africa diues alumnis,
 Illecebris, patrioq. emollit India luxu,
 Et Lusitanum viles conuertit ad artes,
 Ac mercatorem de milite reddidit, atque
 Nexuit auratis dominorum colla catenis.

Denique quæ toties bello vexauit Iberum,
 Oceanumq. ultra Maurum expulit, atque potentem
 Quondam armis Lybiam, maiores ulta subegit
 (O pudor) ultro vrbes nunc Lusitania victis
 Exhibet, vnde suis vix iam confidit, & illam
 Hinc lacerant, (pudet heu) Celtæ, grauis imminet
 Africa, dulichijsq. ignem exitumq. minatur (inde
 Arcibus, & nostros ait ista manere nepotes.
 vos o dij, quorum auspicijs per cæcula vectus
 Lusus in extremis sedem sibi legit Iberis,
 Aeternamq. suo dedit de nomine gentem,
 Quorum Ithacus monitis, actus, qua nobilis æquor
 Intrat, & Oceanum flauis Tagus excipit undis.
 Magna pererrato statuit sibi mœnia ponto.
 Dedecus Hesperia procul hoc arcete, minasq.
 Has prohibete, satis iam pridem iura iugumq.
 Aeneadum, nec non miseri tot sæcula, diros
 Gottorum tulimus fastus, intraq. penates
 Sexcentos dominum Maurum tolerauimus annos.

Ad Prosperam valetudinem.

INter tot generi humano concessa deorum
 Munera, nil homini melius tribuere benigni
 Celicolæ, sanam quàm mentem in corpore sano.
 Quàmuis in fuluum redeant vetera illa metallum,
 Sæcula, & antiquo nunc palleat orbis ab auro.
 Nam cui magnanimo nulli sub corpore morbi,
 Siue armis omnis bellisq. exardeat orbis,
 Impia seu miseros fallant sua rura colonos,

Ipsæ

Ipse sibi ac natis victum parat, atque laborem
 Exercens, totis exterminat ædibus ægram
 Pauperiem: modo pro patria, pro coniuge, & ipsa
 Progenie, aduersos fert pectora fortis in hostes.
 Venatu nunc inuigilat, nunc alta ferarum
 Magnanimo tacitus scrutatur lustra molosso.
 At cui vis morbi corpus corrumpit, inerti
 Affligens membra æternum torpentia lecto,
 Otia non illum, non lusus, nulla voluptas
 Demulcent ægrum, nec vina falerna palatum
 Oblectant, totove cibus quæsitus in orbe,
 Sed mala ieiunas vrgent fastidia fauces,
 Et Tyrias vestes, atque æra Corynthia, nec non
 Phidiacæ monumenta manus, doctiq. Myronis
 Negligit, & magni Polycleti signa, tuumq.
 Admirande opus æternum contemnit Apelles.
 Quin etiam ad cantus surdas accommodet aures.
 Ingratum quicquid Panchaia diues, & ipsa
 Assyria, & molles mittunt de more Sabæi.
 Interea decor & formæ, vultusq. venustas
 Languescit, veluti flos interceptus aratro.
 Attenuat macies artus, color occupat ora
 Buxeus, & vires abeunt, vox nulla per arctas
 Infirmaſq. exit fauces, magnoq. labore
 Diuitias partas in nullos possidet vsus.
 Ergo calicolas cum placas thure, salutem
 Imprimis supplex votis venerare, tibiq.
 Præ cunctis mitem hanc, siquidem sapis, effice diuã.
 Nil etenim genus humanum, nil nostra sine illa
 Vita potest, nil terra boni, nil vtile totus

Orbis habet, quicquid miseri sumus, hæc dedit. At tu
 Magna salus, mentis vigor, ærumnæq. leuamen.
 Grata quies rerum, placidissima diua dearum
 Magna parens hominum, vitæ decus unica sortem
 Humanam miserata, ades huc, seu sidera, seu te
 Aerij campi, seu fortunata piorum,
 Rura tenent, nullis hominum damnata querelis
 Huc ades, & tristes procul o dea pelle dolores.

Αντίοχος, ἢ δὲ ἀμέριμνος.

Quid iuuat æternis animum fregisse minorem
 Artibus, & paucos diminuisse dies?
 Iuris consultis maior licet vsque vetustis
 Emineas, mortem non tamen effugies.
 Iura quidem nescit, canonas ignorat, & ipsos
 Eripuit summos Mors quoque pontifices.
 Eripuit vitam primis tibi Nerua sub annis,
 Nec studium, nec ius profuit, arsue tibi.
 Hæc quoque prudentem sub tartara Papinianum
 Misit, quosque mora est longa referre viros.
 Non fora, non leges hos protexere, sed omnes
 Communi secum mors tulit atra via.
 Hæc quoque si nescis quondam tibi meta terenda est,
 Sed felix, quem mors sera nimis tulerit.
 Felix ille etiam, qui cum hæc cognouerit, annos
 Non sinet incassum præterisse suos.
 Ergo procul tristes curæ, procul ite labores,
 Et quicquid vacuos, non sinit esse animos.

Mæstities procul hinc, procul hinc mortalia quic-
Sincera priuat pectora lætitia. (quid
Vna mihi nox hæc curis vacet, vna seueris
Imponat studijs frena, modumq. meis.
Omnibus in rebus dulcissima: mellis
Est etiam satias scilicet & Veneris,
O potius pereant artes, scuiq. Promethei
Inuenta, & tantis vnica causa malis,
Flamma nimis seros, nimis heu læsura nepotes,
Læsura auctorem perniciofa suum.
Atque illam merito mortalibus æthere summo
Prouidus exitium Iuppiter occulerat.
Perniciem donec generiq. sibiq. futuram
Antiqui soboles repperit Iapeti.
Scilicet hoc studium mortales perdidit, hoc nos,
Hoc genus humanum funditus interiit.
Hæc male prudentem mala cura Promethea læsit,
Artificis caput hæc perdidit vnà sui.
Et merito: quid enim attinuit turbare quietos
Et tantis homines implicuisse malis?
Sic pereat quicumque nouas excogitat artes,
Dum cineri quærit nomen inane suo,
Tranquillumq. nihil finit esse, quietaq. mæstis
Inuentis hominum pectora sollicitat.
Quàm bene maiora firmo degebat in æuo
Illà nimis prudens, & bona simplicitas,
Vita quibus tantum præsens lux, & scelus vnum
Vltra quicquam animis enoluisse diem.
Vita recens lux orta fuit, præsentia quisquis
Carpebat sortis nescius ambiguae.

Curae aberant, aberat dolor, ærumnaeq. laborq.

Nulla diu terris visa senecta fuit.

Tranquillis bona cuncta aderant, bona cuncta ferebat

Terra parens, nullis saucia vomeribus

Aurea tunc ætas vere fuit, aurea vita

Maiorum (si quid credimus) illa fuit.

Ferrea nunc hominum sunt sæcula. Namq. labores,

Nec curas fas est deposuisse graues.

Causa mali tanti, summi contempta Tonantis

Imperia, atque ingens artis & ignis amor.

Nonne fuit satius nil scire? scientia tantis

Si curis nobis vna paranda fuit.

Scire nihil certe dulcissima vita, doloris

Expers simplicitas, atque suaue malum est.

Simplicibus pueris quis non inuidit, & annos

Ad primos cupit sæpe redire suos?

Prouida nos lædit mens vna. Viatica canis

Hæc docuit primis querere ab vnguiculis.

Hæc nos præsentis male certos lucis in annos

Mille, iubet vitæ querere subsidium.

Hæc pueros premit, & blandum nutricibus æuum

Demit, & ætatis optima queque rapit.

Hæc intempesta miseros sub nocte molestis

Mortales cogit inuigilare libris.

Hic canonas voluit, legum ius ille, quietos

Hic altercando non finit esse deos.

Ille potestates herbarum querit, hic astris

Inuigilat, summo iura dat ille polo.

Hic animo terras pariter metitur, & æquor,

Mensuræ cum sit nescius ipse suæ.

Ergo

Ergo qui nequeat sese cognoscere, qui nec
 Metiri exiguam possit ubi hortus humum.
 Quæ nostris genitrix oculis natura negavit,
 Humano demens subijcit arbitrio.
 Quò non mens audax hominũ processit? hoc ipsum
 Iratum nobis reddidit ante Iouem,
 Hoc mel decussit folijs, lactisq: repressit
 Flumina, & ingratum compulit esse solum.
 Aureaq. in sæuum mutauit sæcula ferrum,
 Hinc scatet innumeris terra fretumq. malis.
 Pauca malis tamen his bona cõmiscentur, & aurũ,
 Sola refert priscum gentibus una dies
 Hæc est illa dies, quæ magni conscia partus,
 Et patrem nobis reddidit, & dominum,
 Cernere veridicæ quam tot cupiere sibyllæ,
 Optauit vates nobilis Asera, tuus.
 Optarunt veteres & sola mente prophetæ
 Viderunt nostro pollicitam generi.
 Ergo procul fastus, procul hinc mala gaudia, luxus
 Ite, nimis dulce, nil nimium esse potest.
 Humanum paucis viuit genus. O procul omnis
 Ebrietas, hostis maxima lætitiæ,
 Et vos o tristes curæ. Mihi sæcula nox hæc
 Aurea, & antiquos sola reducat auos.
 Sit facilis mihi conuictus, sit mensa sine vlla
 Arte, sit exiguus & sine lite cibus.
 Sit secura quies, cura semota metuq.
 Mens agat, & veris gaudeat illecebris.
 Rideat interdum magnũ Sophos, & bona quicquid
 Aetatis nostræ tempora prima rapit.

Quidquid abest, spernat, praesentia captet in horam
 Ne referat, si quid fors dedit & superi,
 Tempora labuntur, sensim fluit hora, renasci
 Non datur, elapsos nec reparare dies.

Ecclesiastes. Cap. I.

Hanc occupationem pessimam dedit Deus
 Filijs hominum, ut occuparentur in ea.

Ex Horatio.

Felix, qui curis veluti gens prisca solutus
 Exercet bobus rura paterna suis,
 Quem neque tranquillo proturbant classica somno,
 Dirae nec irati commouet ira freti.
 Quique forum vitat, rabiosaq. iurgia, quique
 Non assis regum limen, opesq. facit:
 Ergo aut proceras adiungit vitibus alnos,
 Aut placidos spectat lata per arua boues.
 Ille malos ramos secat, & meliora reponit
 Germina, & agrestes mella recondit opes:
 Aut cum purpureis pomis redimitus ab aruis
 Extulit Autumnus ora decora suis.
 Ut pyra, purpureosq. iuuat legisse racemos,
 Gratia nimis templis dona Priape tuis.
 Nunc libet antiqua iacuisse sub ilice molli.

Gra-

Gramine nunc lætos præterisse dies .
 Hæc inter ripis vnde labuntur ab altis ,
 Arguto teneræ rure queruntur aues .
 Fons alio lymphis manantibus obstrepit, & quod
 Inuitet somnos murmurat vnda leues .
 At cum tristificos Iouis amnis comparat imbres ,
 Et pater hybernas fundit ab axe niues ,
 Sæpius hinc atque hinc multo cane callidus apros
 Trudit in obstantes , præcipitatq. plagas .
 Nunc leporem, laqueoque gruem, dulcissima captat
 Præmia, nunc turdis apparat ille dolos .
 Quem non hæc inter curarum obliuia sument ,
 Quas ferit in nostro pectore sæuus amor ?
 Quod si casta domum mulier iuuet , Appula qualis
 Quæq. viro iratum conciliauit auum ,
 Quæ sacrum antiquis paret ignem sedula lignis ,
 Aduentum lassæ coniugis opperiens ,
 Quæq. pecus cratibus textis includat, & ipsa
 Plena suis manibus vbera lacte premat ,
 Dulce viro vinum cellis depromat, inemptas
 Et faciles nulla præparet arte dapes .
 Non scarus, & rhombus, non me pretiosa iuuabit
 Quæ de Lucrino littore concha venit .
 Non quis est nobis incundior Africa, quàm quæ
 Electa est ramis pinguis oliua suis ,
 Quàm quæ salubres maluæ mortalibus agris ,
 Prataq. amans nimium roscida Lopathium .
 Agnæ vel agrestis Syluano cæsa, vel hædus ,
 Quem sæuo eripuit rustica turba lupo .
 Has epulas inter pastum iuuat vsque videre

*Vt repetat noctu tecta domumq. pecus.
 Aut vt aratra iugo referant inuersa iuenci,
 Collaq. Vix multo fessa labore trahant,
 Vtq. lares circum vernarum turba quiescat,
 Examen ditis præsidiumq. Laris,
 Hæc ego vix dixi, captator sanoris ecce
 Alphius extemplo rusticus esse parat,
 Idibus ergo omnes relegit, rursumq. Calendis
 Sollicitus quærit ponere diuitias.*

**Ad Campegiū Sanctæ Romanæ
 Ecclesiæ in Lusitania Legatum,
 Bononiensem Episcopum.**

Q *Vid iuuat exiguos nimio fregisse Labore
 Et curis annos vitæ, dignissime tanto
 Munere Campegi? pretij mortalibus ecquid
 Tantum erit, æternis condant vt pectora curis,
 Hisq. adeo inuigilēt noctes, has explicet inde
 Alma dies referens miseris opera atque labores?
 Numquid opes tanti, num vitæ prodiga tanti
 Sollicitudo rei est? Et personatus honoris
 Vultus, Et heu vanos deludens gloria sensus?*
 Eccles. 1. *Vanus homo, vanæq. opes, vana omnia, nam quid
 Amplius humanū assequitur genus. Hoc homini dāt
 Haud intermissi noctesq. diesq. labores,
 Vtq. vicem subeant populi gentesq. tenacem
 Immotamq. suo semper sub pondere terram.*

Aspi-

*Aspicias exoritur sol & simul occidit, inde
Rursus ad auroram contendit, ibiq. renascens
Flectit iter, mediumq. diem petit, inde citatus
Oblique septem contendit ad usque Triones,
Seq. ipsum assequitur, dum circuit omnia Ventus,
In pelagus fluuij voluuntur, vasta redundant
Nec maria: hinc fontes hinc exoriuntur, eodem
Mutato rursus redeunt torrentia cursu.*

*Ardua cognitio est longa experientia rerum,
Quarum difficile est verbis comprehendere causas.
Non satis est oculis, sed nec satis auribus umquam
Est aliquid dum scire volunt. Sed nil fore certo
Norint, quod iam non fuerit, faciendaq. quondam
Quæ nostri multo fecerunt antea patres.*

*Nempe nihil sub sole nouum, nec dicere quisquam
Esse recens aliquis potis est, abiere tot olim*

*Facta, nec antiqui quisquam reminiscitur. Ergo
Et nostræ quondam vix ultima posteritatis.*

Secula, vix veterum poterunt meminisse parentum.

Olim is, cui Solymæ commissa potentia gentis,

Optauit quæcumq. capax complectitur orbis

Nosse animo, & rerum penitus cognoscere causas.

(Namq. hunc pestiferum mortalibus auxit amorē

Altitonans olim curasq.) intendit in orbe

*Quidquid erat, vidit, vana omnia scilicet, & quæ
Innumeris premerent mortalia pectora curis.*

Difficile prauum flectas, stultisq. refertus

Orbis, & immensi scatet ingens machina mundi. ex Hom.

Idem honos est, eadem prauis lex atque modestis. & 2. Ec-

Et piger interiit & sedulus, omnia miscent clesiast.

Fata,

Fata, ac magnanimis pariter mors aequat inertes.
 Ille sapit vere, qui cum hæc cognouerit, altum
 Suspicit, & certa melioris commoda vitæ
 Spe signat, sceleris purus, complexus & vnum
 Mente Deum, tacitos iucunde transigit annos.
 Hoc tu etiam doctus Campegi, dogmate dudum
 Tereuocent quamuis, teneantq. ingentia curæ
 Pectora, falle animum, vitæq. ad commoda pelle
 Otiaq. ingratis interfere mutua curis.

Henrico Lusitaniæ Cardinali S.

VErane magna Iouis Soboles, clarissima diuum
 Fama refers? videt ipse suum iam maximus
 Pontificem videt? & tacitis sua vota susurris (orbis
 Testatur? magnarum in te molimina rerum
 Exonerans Henrice, tibi iam tradit habenas
 Orbis, desertaq. iubet succedere puppi.
 Parua loquor, Deus hæc lato Deus omine mundo
 Insinuat, tacitisq. suum rumoribus orbi
 Conciliat vigilem, nec non de millibus vni
 Imperat afflictis hominum succurrere rebus.
 Non aliter subitos magni post vatis hiatus
 Insignem, sanctumq. aris. præfecit Apollo.
 Thiodamanta suis, terramq. atque astra, sacrosq.
 Commisit tripodas, nec vatem. Argiua peremptum
 Vitta, nec argolicus sensit dispendia rector.
 Nil fucus, nihil ambitio, nihil egit in istis.
 Vis aurumue, procul terrarum in fine latentem
 Inuictumq. trahit mundi fauor, Impia quando

Ter-

Terrarum delicta, & bella minantia nullo
 Posse videt melius finire praeside. Nam quis
 Dignior euersum fuerit qui protegat orbem?
 Cuncta licet vertat, stimuletq. ad dira sorores
 Tisiphone, licet Enceladus, ruptaq. Typhaeus
 Mole ruant, visuq. polum, terrasq. nefando
 Inficiant, licet insidijs & fraudibus anguis
 Humanum genus exagitet, te protinus ista
 Opposito custode cadent, tantiq. tumultus
 Molliā securae traducent otia gentes.
 Non secus Eugino sacrae commissae carinae
 Cura metu Mynias soluit, tantiq. profundi
 Securi fortes somno pelagoq. furenti
 Mandauere animas, celsaq. in puppe magister
 Peruigil Arcadio solus pendebat ab Astro.
 Summe parens hominūq. sator, qui sidera & vndas
 Qui terras, & cuncta tuo sub numine torques,
 Hunc saltem euerso iuuenem succurrere mundo
 Ne prohibe, satis exhausto satis impius orbe
 Dux Erebi, tot regna sibi, tot fida sequentes
 Signa, tot heu miseras tulit in sua iura cohortes.
 Pars quota terrarum capta est Germania, nec non
 Diuisit penitus iustoq. pioq. Britannos,
 Imminet Ausoniae, Romaeq., orbiq. minatur
 Hellepontiacae dominus (proh dedecus) ora
 Dulichias petit inde arces, animoq. superba
 Concipit herculeas inuadere saepe columnas.

In templo antiquissimo fortunæ.

T*V* quæ Tarpeio coleris vicina Tonanti
 Votorum vindex semper fortuna meorum
 Accipe quæ pietas ponit tibi dona merenti
 Effigiem nostri conseruatura parentis,
 Cuius ne taceat memorandum littera nomen
 Cæsius hic idemq. Titus, primusq. vocatur
 Qui largæ Cereris messes, fructusq. renatos
 Dirigit in pretium. Cui constat fama fidesque,
 Et qui diuitias vincit pudor, ire per illos
 Consuetus portus cura studioq. laboris
 Littora qui præstant fessis tutissima nautis,
 Notus in vrbe sacra, notus quoque finibus illis,
 Quos Vmber sulcare solet, quos Thuscus arator
 Omnibus his annis votorum more suorum,
 Contentas addit numero crescente coronas,
 Fortunæ simulacra colens, & Apollinis aras.
 Arcanumq. Iouem, quorum consensit in illo
 Maestas longe promittens tempora vitæ.
 Accipe posteritas quod per tua secula narres,
 Taurinus chari iussus pietate parentis
 Hoc posuit donum, quod nec sententia mortis
 Vincere, nec poterit fatorum summa potestas,
 Sed populi saluo semper rumore manebit

Ægnatio Morali.

Si meritis donare tuis aqualia vellem
 Munera, si donis vellem aperire meis,
 Quantum te nostro iam dudum in pectore fixi
 Pars animæ Ægnati, dimidiumq. meæ.
 Non desiderio quidquid gerit India nostro.
 Sufficeret, non quod voluit arena Tagi.
 Non mihi Pactolus, non si flat Indus & Hermus
 Et si aliud fulvis flumen abundat aquis.
 Non si surda meis sors & contraria votis
 Donet quas habuit Cræsus auarus opes,
 Omnia si dederit, cuncta & tibi largiar, in me
 Vix videar meritis digna dedisse tuis.
 At nunc quando aliud nil suppetit, accipe versus.
 Hæ vatum, hæ sterilis sunt Heliconis opes.
 Dona dabunt dites: errant qui mittere vatem
 Quidquam aliud præter carmina posse putant.

Aliud.

Longa sed inuito cunctis Ægnatius optat,
 Nil profecturus secula Mercurio.
 Vos superi ingratis quæcumque rogauerat, illi
 Donate, & vati reddite vota suo.

Charissimi ac dulcissimi parentis,
nec non fratrum mihi am-
cissimorum.

Sancta mihi tellus, tumuloq. sacratioꝝ omni,
Exoptata domus ossibus vna meis.

Tu mihi perpetuo venerandas contegis vmbꝛas
Charo germano cum Genitore duos.

Tu mihi si quid erat, propter quod viuere vellem
Omnia tu nostra gaudia lucis habes.

Ergo age, rumpe moras, meq. excipe, redde parenti
Hæc mea, redde etiam fratribus ossa meis.

O quam grata quies, o quam iucunda voluptas,
Cum sibi chara idem continet ossa lapis.

Securitati perpetuæ.



AMICA tellus charissimorum mihi
fratrum, & dilectissimi parentis
perpetuum hospitium: cui lassum
istius infelicitis vitæ spiritum red-
dere iamdudum gestio, dum mea cum illis
ossa confundere, & afflicti corporis reliquias
miscere non licet, has lacrymas interim &
gemitus benigne excipe, meq. velim scias,
nihil magis nunc in votis habere, quam vt in
te hanc defessi corporis sarcinam deponere
aliquando liceat. Quid enim petendum, cu-
pien.

piendumue magis est, quàm ibi membra & ossa collocare, vbi sita sunt ea, quæ in vita tibi amantissima & delideratissima fuere?

EMMANVELI CABEDIO
charissimo & amantissimo fra-
tri posuit.

Antonius Cabedius.

H O S P E S seu virtuti & ætati, diuitijsq. confidis, seu generi & fortitudini, animiq. tui dotibus nimiũ arrogas, alta, & certa instabilis vitæ documēta perdisce. Hic situs est Emmanuel, qui vt virtute & genere nemini suorum municipalium cedebat, ita fortitudine, diuitijs, & ætate quamplurimis præstabat: vix annum quadragesimum agentem mors eripuit. De tot ac tantis bonis exiguo contentus puluere, benefacta tantum secum detulit, cetera repetenti fortunæ restituit.

Lachrymæ.

H *Eu crudele nefas, heu importuna, nec vñquã
Inuida mors vlli, nec violenta magis.
Ante diem nobis florentibus occidit annis,
Spes ingens nostri sanguinis Emanuel.*

N n Ema-

Emanuel mihi mente parens, & sanguine frater,
 Subsidium vitæ præsidiumq. mee.
 Ille vices, animumq. Patris, post fata parentis
 Continuo, curas gesserat ille pias.
 Ille Camænarum fuerat tutela mearum:
 Meq. opibus dudum fouerat ille suis.
 Quæ nunc, proh votis semper contraria nostris
 Fata, repentino mors tulit atra gradu.
 Et dubitem chari solatia vestra sodales
 Respuere, & monitis non obedisse pijs?
 Maius enim accepi, maius medicamine vulnus
 Plaga Machaonias non feret ista manus.
 Obducenda recens non est cito plaga, medellam
 Paulatim & priscam suscipit illa cutem.
 De mærore aliquid forsân longissima tollent
 Tempora, nunc nouus est & sine fine dolor.
 Ne fletus, & sæpe graues mulcentia curas
 Lamenta, & questus ne prohibete meos.
 Difficile est animo iustum cohibere dolorem,
 Difficile est lachrymas continuisse pias.
 Torrentem prius, & properantia flumina sistas,
 Quàm miserum flere tristia damna vetes.
 Huc agedum luctus, huc o lamenta meisq.
 Perpetui fletus, continuiq. malis
 Vos lachrymæ, quibus hæc nullo non tēpore abundāt
 Lumina, tristitiæ semper apertā mee.
 Iliadum largos imbres, sudataq. truncis
 Germina, & æternas vincite frondis aquas.
 Par consanguinitas, dolor idem, & casus vterque,
 Fratris vterq. sui tristia fata dolet.

Causa

*Causa mea est potior, quanto dum lumina vitæ
 Cerneret, utilior pluribus ille fuit.
 Debuerant triplices, nec erat iactura, sorores
 Fila prius vitæ diminuisse meæ.
 Me miserum, nec te suprema affarier hora,
 Supremum licuit nec retulisse vale.
 Nec tibi cum mæstis germanis iusta parare,
 Tristiaq. officij reddere dona mei.
 Debita erat nostris hæc pœna miserrima fatis,
 Debita peccatis sors erat ista meis.
 Scilicet huc vitæ perueni, ut fratre cadente
 Maiore inciperem parte carere mei.
 O vtinam pensare animas crudelia nobis
 Fata darent, fluxos & reparare dies.
 Quantulacumq. essent pro te charissime frater,
 Pensassem vitæ tempora longa meæ:
 At nunc quando pijs nescit mansuescere parca
 Fletibus, & rata quæ fecerat illa, manent,
 Triste æuū, tristem hanc peragā, dum vixero, lucem,
 Mixtaq. dum tua sint ossibus ossa meis.*



QUISVIS hæc legeris, lachrymas
 te memento legere: in quibus or-
 dinem & modum seruare non do-
 lētis potius existimauerim, quàm
 suam tristitiam & mœrorem ostendentis: non
 fletui sed ingenio indulgentis, cui vix potest
 esse locus, vbi mentem dolor & tristitia oc-
 cupauit. Quid enim altum, aut egregium
 tantis calamitatibus depressa vis animi ex-

cogitare, moliriq. potest? Satisfecisse videri debet, qui suam tristitiam testari quoquo modo potuit.

Vita grauis, vitam si fas est dicere, mortem
Quæ superas, vitæ nec nisi nomen habes.
In terris quid adhuc perstas, & lenta moraris?
An nondum tantis es satiata malis?
Te tot iamdudum decuit fugisse dolores,
Et finem Lachrymis imposuisse tuis.
Nonne mori satius semel est, quàm sæpe timere
Crudelem toties in tua damna necem?
In lucro est periisse, errat qui viuere vitam
Aestimât. est ipsis vita carere malis.



QUID lamentaris, & continuo fletu frustra cõsumeris? nullus mortalium fata, mortemue exorare lachrymis potuit. Vnumquemq. dies & inuitabilis fati necessitas manet, hæc tibi charissima ademit, hæc eadem reddet. Quò plures & amantiores animas illic habueris, eò libentius morieris. Vnum ora, vnum tantum votis omnibus exposce, vt quàm cito fieri possit, eò peruenias. Hoc si impetraueris, nihil melius tibi a Deo Opt. Max. donari potuisse existima.

In cassum nostros nitor lenire dolores,
In cassum lachrymas combibere ipse meas.

Stat

*Stat sua cuiq. dies, fateor, nulli impia cedunt
 Fata: malis prosunt quid ista meis tamen?
 Finiet hæc rerum mors vltima, quæ mihi tanto est
 Grata minus, quanto serior illa venit.*

Aliud.

Hic pater, hic teneris raptus Custodius annis,
 Hic etiam frater conditur Emanuel.
 Supremos cum grata mihi mors finiet annos,
 Accipiat cineres hæc quoque terra meos.

Aliud.

Emanuel, quem sæua mihi mors abstulit, & nunc
 Frigida dilecto cum patre velat humus
 Accipe fastosi non saxa superba sepulchri,
 Marmoraq. indoctum qualia vulgus amat.
 Sed fletus, & scripta meos testantia questus,
 Quæq. madent lachrymis carmina mæsta meis.
 Hæc tibi sint nostri monimētum & pignus amoris,
 Hæc tibi sint fratris vltima dona tui.
 Nec diuturna manent, nec prosunt cetera, nec sunt
 Pyramidum magnis præmia digna viris.

INFELIX anima multis calamita-
 tibus afflicta sæpe, sed numquam
 victa, tempus erat hanc molem,
 & tristem corporis carcerem re-
 linquere, & aliquam, si qua tibi parata est,
 requiem præoccupare. Diu istius vitæ flu-

ſtibus ac procellis agitata es: diu nihil tran-
 quillum, & pacatum vidisti: diu fœdas & in-
 tolerabiles humanæ conditionis tempeſtates
 pertuliſti: contrahe vela, portum occupa,
 quietem & placidæ telluris gremium ample-
 ctere. Illa patrem, & fratrem, illa tuas ille-
 cebras, & vitæ retinacula poſſidet. Ibi has
 exuias & ſpolia depone, vt & in ſua primor-
 dia redigantur, & cognati pulueris confor-
 tio fruantur: quod multi optant, pauci vero
 & felices tantum conſequuntur.

Sanctæ Iſabellæ Reginæ Antonij Cabedij Carmen.

Diva decus cali, magniq. Iſabella pudoris
 Exemplar, cui regali de ſanguine quamquã
 Nobilitas, & rara æuo concordia noſtro
 Forma decens utriuſque, & quæ teterrima peſtis
 Corruptis noſtros damnoſa pecunia mores,
 Non ideo tibi deſidiæ, faſtoſaq. cordi
 Gloria, non regum luxus, aulaq. nocentes,
 Et mundi peioris opes, manſuraq. numquam
 Sortis dona diu: ſed maiestate remiſſa
 Imperij, maiora alio ſub rege latura
 Sceptra manu, chari poſt fata ſuprema mariti
 Mentem animumq. Deo vouiſti, exutaq. primo
 Fœdere, dilecto ſacraſti pectora Chriſto,

Et

Et nunc ille quidem multo cum fœnore, pro se
 Depositæ tibi reddit opes, alioq. decoros
 Numquam casuro cingit diademate crines.
 Salve feminei generis decus, ardua quando
 Sidera, cælestesq. choros, ipsumq. Tonantem
 Totius quæ summa boni, considerare iuxta
 Diuinoq. frui vultu tibi contigit, illic
 Errores quos ægra hominum mens numina contra,
 Auctoremq. suum Satana instigante patrauit
 Excusa, & veniam peccatis exige nostris

Epitaphium eiusdem Reginæ.

Nobilitate ingens, probitate ingentior, isto
 Regina in tumultu conditur Helisabeth.

In puellam, cuius labia pun-
 xit apes.

Quod tua purpureos vincentia Cynthia flores
 Labra nimis felix, sed mala punxit apes.
 Parce illi, causas prætendit hic error honestas,
 Crediderat veras, scilicet illa, rosas.

In interitum Antonij Gabedij ce-
lebrissimi poetæ, Ignatij
Moralis Elegia.

SUppremum ergo diem Antoni doctissime obisti?
Præsecuitq. annos parca seuera tuos?
Et vix permisit primam excessisse iuventam,
Laudiq. inuidit nominis illa tui.
Atque hoc illud erat, quod tanto ardore cupisti
Dulcia materni visere tecta poli.
Nec miser enalui dictis te auertere amicis,
Suscepta ut velles abstinuisses vna.
Sic inhiat rebus pretiosis semper auara
Mors, atque insidians optima quæq. rapit.
Nam te quis primum vixit moderatior alter?
Quis te candidior, simpliciæ fuit?
Cura tibi in studijs consumere tempora doctis,
Querereq. eximium lingua ab utraq. decus.
Et tua grandiloquum musa est imitata Maronem,
Felixq. ingenij, venaq. diues erat.
Sacraq. obumbrabat canonum tua tempora laurus,
Signabatq. sacrum te coma tonsa virum,
Me tibi iunxerunt communi fœdere Musæ,
Et faciles mores, magna fidesq. tua.
Sic amor accreuit paulatim, ut charior alter
Nemo esset proisus te mihi, meq. tibi.
Qualis enim Pyladem, sociumq. tenebat Orestem,
Talis nos pariter conciliabat amor.
Ipse meos lusus miscebam, & seria tecum,

Tu mecum lusus, seria & ipse tua.
 Ipse legenda tibi mea carmina sæpe ferebam,
 Tuq. etiam nobis sæpe legenda tua.
 Ferreq. opem lapsis gaudebas rebus amici,
 Nec tantum curas voce leuare meas.
 Nec tibi opes deerant, sed quanta habuisse decebat
 Fortunæ extabant munera lauta tuæ.
 De grege paucorum fueras, quibus inclyta virtus
 Ipsa sui est pretium, gloriaq. ipsa sui.
 Nulla tibi ambitio, nullum captare solebas
 Plausum, sed grata delituisse domo.
 Felix, si plures annos tibi fata dedissent,
 Inficeretq. tuas alba senectæ comas.
 Tollere pennigeris nuper te cæperat alis,
 Fatusq. ingenij fama probare tui.
 Nam tua facundos stillabant verba lepores,
 Libera seu fluere, sine ligata pede.
 Mortis amice tuæ nostras ut nuntius aures
 Contigit, obstupui, diriguiq. gelu.
 Tunc quoque cum manes suprema luce petisti,
 Iussisses comitem me simul ire tibi.
 Nam quoties quali repeto sim orbatus amico,
 Dimidia videor parte carere mei.
 Ecquis me dulci posthac sermone iuuabit?
 Cui credam arcanum pectoris omne mei?
 Non ego iam tecum Monda spatiabor ad undas
 Amplius? aut versus promet vterq. suos?
 Sobria nec fallent nostras conuiuia curas?
 Atque oculis numquam conspiciere meis?
 Et potero sine te socio tractare Camenas?

Scripta nec imponam nostra abolenda rogis?
 Quin dolorvsque adeo et mæror mea pectora pulsat,
 Squallidaq. assiduis imbribus ora madent.
 Ut nunc me certa versus deducere lege,
 Inq. suos mirer verba coire pedes.
 Ah, quibus humectat mater tua fletibus ora?
 Et quo nunc planctû pectora anghela quatit?
 Illa tibi agroto frustra fomenta pararat,
 Et frustra ad superos fuderat ore preces.
 Ipsa necem fratrum paulo defleuerat ante,
 Queis vite abstulerat parca seuera dies.
 Ecce recens vulnus tua mors miserabilis auget,
 Et pariter natos tres gemit illa simul.
 In questus frater Michael secunda resoluet.
 Ora, simulq. pro lumine gutta cadet.
 Spiritus Elysios iam iste volauit in agros,
 Atque Orcum effugit, tartareasq. domos.
 Monstra tibi cessere procul, furiaeq. nocentes,
 Et tenuit triplices Cerberus ore sonos.
 Antoni, has lacrymas tibi mæsto ex ore profundo,
 Has fert inferias nostra Thalia tibi.
 Postera amicitiam nostram testabitur ætas,
 (Si modo posteritas carmina nostra leget)
 Sed tu mortales quamuis iam liqueris auras,
 Ingenio viues, carminibusq. tuis.
 Aeternum Salue, Salue o dulcissime Vates
 Atque vale æternum. Sit tibi terra leuis.

Eiusdem tumulus.

Morte insperata, nec cano *Antonius aeo*
Occidit, Aonidum cura q. amor q. gregis.
Nobilibus fuit ortus auis, mitiq. sacerdos
Ingenio, & notæ vir probitatis erat.
Miscebat graio Romanos mille Lepores,
Et sacri iuris laurea ferta tulit.
Fundantur tumulo sacri cum thure liquores,
Quasq. Arabum messes mittit odoros ager.
Hos cineres velent violæq. rosæq. rubentes,
Viuenti fuerat qualis in ore color.
Antoni funus plorant lachrymabile Musæ,
Vna sed in primis Calliopæa dolet.

**Antonij Cabedij Lusitani Carmen,
 ad Cetobricam Patriam suam.**

O felix nimis, o beata tellus,
O dulcissima mœnia, omnibusq.
Longe pulchrior urbibus Cetobrix:
Quascumq. occiduo sub axe, ponto
Neptunus pater æstuante, & ingens
Fluctu perluit hinc, & inde Thetis.
Quàm letus tua tecta, quàm libenter
Secessus repeto tuos. Et actum
Post annum veteres saluto amicos:
Vix credo mihi te videre, vixq.
Iuga tristia, vix Conimbricenses

Ingra-

Ingratos nimis, aridosq. colles
 Liquisse arbitror. O quid est solutis
 Curis latius? inquieta cum mens
 Pondus reijcit, atque onus reponit.
 Cum multo studio, & labore fessi
 Nostrum venimus ad larem, simulq.
 Optato requiescimus Cubili,
 Hoc tantum petitur labore, hoc unum est,
 Quod tantis emimus subinde curis.

In laudem Sacratissimæ Virginis Mariæ.

Alma parens, cuius in viscera, labe sine vlla,
 Factus homo sese Deus insinuavit, & ingens
 Ipse licet, lati quamquam illum mœnia mundi
 Non caperent, latebras tamen, indignamq. subire
 Haud dedignatus molem. Sanctissima, mirum,
 Arcano tua complevit penetralia verbo.
 Scilicet ante mare, & terras, primordia mundi
 Ante parens summo iam tunc electa Tonanti,
 Feminæ scelus ut, primæq. horrenda parentis
 Crimina, nil meritos nimis heu læsura parentes,
 Ablueres sancti felice propagine Ventrîs.
 Ergo velut nostri mulier caput vna doloris,
 Principiumq. mali: Tu fons & origo salutis
 Humanae, tu lætitiæ bona Virgo fuisti
 Inuentrix, tu delictis occlusa priorum
 Siderei nobis reserasti limina celi.

Epita-

Epitaphium Ioannis Lusitaniæ
Principis.

Lusitanorum columen, nostræq. sepultam
Spem libertatis, continet hic tumulus
Hic iacet egregij soboles præclara Ioannis,
Ille nepos magni Cæsaris, atque gener.
Vix decimum ætatis sextumq. expleuerat annum
Vix pubertatis tempora transierat,
Iniecit mors seuæ manum, tantoq. repente
Prinæuit miseros principe Lysiadas.

Aliud.

Hic ille Lusitaniæ Princeps iacet
Ingens Ioannes, una quondam maxima
Spes, & columna corruentis patriæ.
Hic ille, quem iam tunc timebat Africa,
Vastiq. longe lata Gangis ostia.
Hic ille gener, & Cæsaris magni nepos,
Ioannis una chara proles maximi.
Cum sex, decemq. gratus, & in omnes pius
Vixisset annos, pro dolor! quo tempore
Vixisse certe debuit, tunc occidit
Tellure vero subiacens, non coniugem
Dulcissimam, non sceptræ sibi spe debita,
Non Regna, non magnas cæs, sed patriam
Tanto relictam, plorat, in periculo.

Ioan-

Ioanni III. Lusitanorum Regi.

Rex regum, iurisq. dator, quo principe pulsam
 Barbariem tota vidimus Hesperia,
 Quî tua diffusas media in penetralia Musas,
 Et toto pulsas iam prope ab orbe vocas.
 Utq. olim procerum, Musarum regia nunc sit,
 Quæq. olim Reges, nunc ferat aula deas.
 Tot bona cum Musis præstes, quò tutius ista
 Ingenij fugient pignora prima mei.
 Auribus hæc indigna tuis, sed debita, sed quæ
 Commisisse alijs, non leue crimen erat.
 Sume igitur placido, Rex o fortissime, vultu,
 Scripsimus auspicijs qualiacumq. tuis.

De Gymnasio in Palatio Conimbricæ.

Lysiadũ hanc vobis Princeps rectorque, Camenæ
 Sacrat, Ioannes regum in penetralibus, ædem.

De eodem.

Regum olim hæc fuerat, Musarũ regia nunc est
 Esse vsquam melius non potuere deæ,

De Conimbrica.

O Domus, o regum sedes, o dulce Camenæ
 Hospitium, magnis o loca digna deis

Vt

*Vt libet has vidisse tuas Conimbrica moles
 Mæniaq. Egnati versibus aucta mei.
 Agnosco nunc Pieridum Palatia, quondam
 Lusitanorum tecta superba ducum.
 Agnosco celsas, ingens opus, Herculis arces,
 Et videor Lymphas cernere Munda tuas.
 Non me curuati pontis bona semita, non me
 Egregium tota quidquid in vrbe, latet.
 Omnia miratus Musis, & Apoline dixi
 Non erat in toto dignior orbe locus.*

Ad Sanctissimam Virginem Mariam Rosarij.

O Regina Poli diuini Numinis Altrix
 Conueniens roseo nomen ab orbe gerens,
 Aspice deuotę nunc hæc spectacula turbe,
 Quæ tibi continuas fundit ab ore preces.
 Te vocat & magnis iterum clamoribus instat,
 Anchora sis rebus, auxiliumq. suis.
 Ille procellosi, quem iam maris obruit vnda,
 Si vocet, in medio littore saluus erit.
 Dum putat amissos hominumq. bouumq. labores
 Agricola in magno fœnore cuncta legit.
 Ignotos pastor ducens pecus omne per agros.
 Inuius, en letum te Duce gramen habet.
 Qui semel accensis præsensit maxima tectis
 Damna, tui verbo nominis ignis abest.
 Ergo age da portum nautę, da grata serenti
 Semi-


*Semina , pastori gramina leta para.
 Extinguas ignes subitos , casusq. secunda ,
 Aethereas etiam tu mihi pande vias .*

Epigramma pro foribus affixum in
 templo S. Antonio Olyssipponēsi
 Consecrato die Natalitio Romæ
 Anno M. D. XCVI.


A Ntoni nostri generis decus, orbis Hiberi
 Gloria , dulichia gentis & vrbis honos.
 Sacula te nobis debent, licet vtraque certet
 Hesperia, hæc obitus vendicat, illa genus
 Adsis Lysiadum rebus, Regiq. Philippo
 Cæsareo magni Principis & genio.
 Adsis, & clemens nobis, si sepius ipsi
 Sincere colimus hæc tua templa, faue.

F I N I S.

I N D E X
RERVM ET VERBORVM,
QVÆ IN HIS OPVSCVLIS
CONTINENTVR.



A



CIPENSER piscis qualis ex
Plinio pag. 75. lin. 25. & 76. per
tot. & pag. 80. lin. 10.

Aeminium oppidum ubi situm.

251. 19. & quòd non sit Conim-

brica. 252. 10.

*Alani Emeritam, & maiorem Lusitaniæ partem
occuparunt.* 175. 14

Alcobamons ubi situs, & quòd protenditur. 70. 8

*Alfonsus Hispaniæ rex Henrico Lotharingiæ Co-
miti dotis nomine Portugalliam assignavit.* 224
12. & seq.

*Alfonsus Henricus in aere Crucifixum Dominum
vidit.* 225. per tot.

*Alfonsus Hispaniæ rex Imperator dictus tres filias
habuit.* 122. 23

*Alfonsus Henricus Ismarium magnis copijs præditum
superavit.* 224. 14. & 225. & 226. & 227

Alfonsum Henricum milites regem salutant. 226.
9. & seq.

O O Anas

Anas fluuius non semel cuniculis se totum condit.

72.13

Apringius Episcopus Pacis Iulie ab Isidoro laudatur ob commentaria in Apocalypsim. 217.14

Aquiflauenſes populi qui ſint. 260.5

Aquitani Hispanis ſimiliores quàm Gallis. 280.25

Aristeus olei inuentor Bacchi filius. 2.25

Aſturio ex Rondeletio dictus piſcis Acipenſer.

75.20

Aſturio ex Hermolao Barbaro antiquitus Hycca dictus. 80.24. & ſeq.

Aſturio ex Paulo Iouio piſcis qui & Silurus. 74.3

Aſturio porcus marinus dictus ab Isidoro deſcribitur. 81.9. & ſeq.

B

B *Acchus dictus Liber & Dionysius.* 2.18

Bacchus cur dictus Lysius; & eius Sacerdotes cur Lysii dicti. 3.1.248. l. pen. & 249.1. & ſeq.

Balsa Luſitaniæ oppidum. 200.7. & ſeq.

Baltha audacem ſignificat Gotthice. 174.11

Bamba rex fines Cathedralium Eccleſiarum terminauit. 215.5

Barbaricarij qui ſint, & Barbarij. 39.22. & 40.4

Barbarij populi qui ſint. 259.29

Barbarium promontorium quare ita appelletur. 37. & 38.39. & 40.

Bataza filia Imperatoris Græciæ oſtenditur in ſancto Iacobo de Cacem ſepulta. 210.211.212. per tot

tot. 213. 1. & seq. 2. 4. 11. & seq.
Belitani vnde Lusitani dicti.

Bellitani populi non procul a Caesar Augusta ex Plin.

4. 26
Betica prouincia plebi attributa fuit.

ad Beticam prouinciam Prætor olim mittebatur.

7. 12

Bracari populi qui sint.

Briga veteri Hispanorum lingua quid significet.

213. 18

Brutus quid in Lusitania gesserit. 148. & 149. per

tot.

C

Allipus Lusitaniæ fluius qualis. 87. 19. &

seq. & 88. 1. & seq.

Carpetani, Vaccaei, Vettones, Callaici a Strabone
non dicuntur Lusitani.

6. 6. & seq.
Carthago in Africa quando edificata. 112. 12. &

8. seq. & 113. per tot.

Cato XCIX. annum agens accusauit Galbam perfidiæ ob interfectos contra fidem datam Lusitanos.

81. 131. 18. & 132. 1. & seq.

Celtici populi in Lusitania qui olim dicti.

21. 19. & 22. per tot.

Cetobriga Lusitaniæ vrbs cur sic vocata.

213. 13 & seq. & 214. per tot.

Cetobrigæ in Lusitania arietis caput contortis cornibus quid significet.

214. 16
Cetra quod fuerit scuti genus.

Colla Lusitaniæ vrbs ubi fuerit, & quæ ibi antiqui-

tatis monumenta. 230. 21. & 231. & 232.
per tot.

Columnæ tres feruntur erutæ in Lusitania, & in vna
ipsarum Sibyllæ vaticinium. 56. 10

Columnæ erectæ in vijs olim milliaria distinguebāt.

178. 1. & seq. 180. 18

Comites & Duces vnde originem ducant. 168. 22

Cuda fluuius in Lusitania. 104. 8

Culca & Luscinus Reguli olim rerum potiti sunt
in Lusitania. 108. 1

in **D** Anubio ac Borysthene qualis sit piscis a Pli-
nio descriptus. 82. 10. & seq. & 83. per tot.

Duiona Gallice quid significet. 280. 18

Durius amnis ex maximis Hispaniæ vnde originem
ducat. 25. 25

E

E Bora vrbs Lusitaniæ, non Ebura. 277. 9. 278. 2

Ebora vrbs non procul a Cæsaraugusta. 278.

Ebora vrbs vnde dicta. 279. 20

Ebora habuit olim ius veteris Latij. 17. 18

Ebora fuit dicta liberalitas Iulia. 201. 3. & seq.

Eboræ tractus a Celtis fuit habitatus. 279. 17

Eboræ concessum ius Italicum a Cæsare. 291. ult.

& 292. 1. & seq.

Eboram Lusitaniæ urbem Gallos ædificasse conijci-
tur. 281. 13. & seq.

Eborenses Episcopi antiqui nominantur. 312. 19

Eburini populi in Italia ex Plinio. 281. 5

Ele-

- Elègia Antonij Cabedij ab Ignatio Morali conscri-
pta.* 568. vsque ad
*Eluira filia Alfonsi regis Comiti sancti Aegidij in
matrimonium data.* 123. 19
Endouellicus vnde dictus sit. 260. pen. & 263. 1.
& seq.
Equæ an conceperint ex vento in Lusitania. 58. 15.
& seq. & 59. 1. & seq.
Epigramma de arce a Ludonico Athaidio edificata
68. 9
*Epicedium Antonij Cabedij in interitum Ioannis
Lusitaniæ principis & eiusdem principis epita-
phium.* à p. 516. vsque ad 524.
*Epicedium in milites ad Septam occisos Antonij
Cabedij.* 524. vsque ad 531
*Epistolæ ad diuersos missæ & soluta oratione, &
versibus.* 381. vsq. ad 392
*Epistolæ aliquot Antonij Pinarij Episcopi Miran-
densis ad diuersos.* 501. vsq. ad 509. 511
*Epithalamion Michaelis Cabedij in nuptias Ioanis,
& Ioannæ regum Lusitaniæ.* 456. vsq. ad 471
Epitaphium & laudes Michaelis Cabedij. 403. vsq.
ad 407

F

- F** *Auonio flante equæ concipiunt ex Solino &
alijs.* 12. 9
Fluuiorum Lusitaniæ nomina. 260. 11. & 261. 1

G

- G** *Alba prænomen an Seruius, an Sergius sue-
rit.* 132. 8. & seq. & 133. per tot.
O o 3 Ga-

- Galeus Rhodius qui piscis dicatur Athen.* 76. 10
Giraldus vir fuit fortis , & quando floruerit.
 314. 22
Gothicae gentes quot fuerunt. 173. 10. & seq.
Gotthi qui populi fuerint. 172. 24. cur sic vocati.
 172. 3. & seq.
Gothorum duae praestantes familiae. 174. 3. & seq.

H

- H** *Annibal oppidum dictum Hannibalis portum*
quando edificauerit. 206. 22. & 207. 1. &
 sequen.
Hannibal Hispaniae partem Africae propinquam ,
& Lusitaniam suo adiunxit imperio. 114. 25. &
 115. 1. & seq.
Hannibalis portus queritur quis fuerit. 206. per tot.
Hasdrubales duo in Hispania rem punicam gerebant.
 115. 20. & seq.
Heluarum urbs unde nomen acceperit , & qualis
urbs sit. 234. & 235. 236
Hendecasyllabi in laudem Olyssiponis. 366. vsque
 ad 368
Herminius mons in Lusitania. 59. & 60. vsq. ad 68
Herminius mons varijs in instrumentis testamento-
rum Hermenus vocatur. 62. & 63
Herminius mons vide in voce stella.
Herminius mons cur stellae dictus. 63. 15
Herminij accolae quomodo afflixerit Caesar. 63. 19.
 & 64. 65. & 66
Hispania a Pomponio Mela in tres prouincias diui-
sa. 8. 15. & sequ.
 in

in Hispaniam ex Varrone peruenerunt Iberi, Persæ,
Phœnices, Celtæ, & Pœni. 279.15

Hispania diuise fuerunt postea in sex prouincias.

168.11

I Nscriptio Sagunti sita exponitur. 31. lin pen.

Inscriptionis sitæ Eboræ expositio. 30. 11

Inscriptionis Emeritæ sitæ expositio. 31. 9

Inscriptiones sitæ Lusitaniæ in pago Oliuæ expo-
nuntur. 32. 10. & 33. 2.

Insignia regum Lusitaniæ cur quinque scuta habeant,
& crucem. 228. 6. & seq.

Iouis fanum in templum Iusti & Pastoris mutatu,
& quæ ibi inscriptiones. 243. 245. 245. 246.

Isidorus Pacensis fuit ex Pace Iulia oriundus.

217. 17.

Ius italicum quanti olim habitum fuerit. 293.

9. & seq.

L

L Acobriga Lusitaniæ à Sebastiano rege urbis
titulo donata. 205. 4. & seq.

Limia Lusitaniæ fluiuius cur dictus obliuionis. 101.

25. 102. per tot.

Lingua Hispanica multas voces Græcas habet.

57. 8.

Lingua Vasconica forte ea erat, qua Celtæ uteban-
tur. 280. 2. & seq.

Lunæ mons in Lusitania qualis. 54. 3.

Lusitania in duas a Romanis diuisa est prouincias.

168. 16.

Lusitania a quibusdam Lysitania dicta. 1. 9. & à

- quibus scriptoribus. 3.11. & seq.
- Lusitania diuidebatur in conuentus tres. 17.7.
- Lusitania ad Austrum Ana, ad Septentrionem Durio terminatur ex Ptolem. 8.5.
- Lusitania non est pars Baticæ. 249.19.
- Lusitania multis fluminibus irrigatur. 72.
- Lusitania olim fertilis fuit. 105.23. et 106. per tot. 107.1. & seq.
- Lusitania, & Hispania reliqua sub Carthaginensium ditione quando fuerit. 110. 26. & 111. per tot.
- Lusitaniæ nomen unde dictum. 1. & 2. per tot.
- Lusitaniæ termini variæ assignati a Græcis & Latinis scriptoribus. 5.9. & seq. & 6.7. vsq; ad 15.
- Lusitaniæ prouincia olim quot populos haberet. 17.9. & seq.
- Lusitaniæ longitudo ex M. Agrippa. 18.1.
- Lusitaniæ montes qui. 53.19.
- Lusitaniæ temporibus nostris qui termini. 18.6. & per tot. & 19. & 20.
- Lusitaniæ prouincia in tres iuridicos conuentus diuisa. 172.1. & seq.
- in Lusitania qui populi olim stipendiarij dicti. 17.19. & seq.
- in Lusitania Reguli fuerunt, siue Toparchæ Romano imperio subditi. 172.10.
- in Lusitania remanent adhuc septem viæ militares, & publicæ a Romanis stratae. 178.22.
- Lusitani qui dicantur proprie. 259.17.
- Lusitani trecenti cum mille Romanis pugnantes uictores

I N D E X.

- Flores euaserunt.* 137.8.
- Lusitani pro Romanis in Italia militabant.* 169.
27. & 170.1. & seq.
- Lusitani bellum gerentes cum Romanis interdum
uicti fuerunt, interdum victores euadebant.* 119.
vsque ad 172.
- Lusitani duos exercitus Romanos fugarunt.* 124.
21. & 125.1. & seq.
- Lusitani circa Tagum a Sergio Galba Pratore per
scelus interfecti.* 131.1. & seq.
- Lusitani vnde dicti Belitani.* 4.11. & seq.
- Lusitani pro Hannibale militabant.* 115.7. Hanni-
balem secuti sunt in Italiam. 116.13. & 117.
per tot.
- Lusitani L. Aemilium Paulum cum vniuerso exer-
citu ceciderunt.* 120.20. & seq. & 121.6.
- Lusitani a veteribus quo sensu insidiatores dicti.*
49.24.
- Lusitanorum antiquorum fortitudo quanta.* 42.43.
44.45.46.47.48.49. per tot.
- Lusitanorum mores quales.* 49. & 50. per tot.
51.52.53.
- Lusitanos in officio continuit M. Portius Cato.* 119.
6. & seq.
- de Lusitanis L. Aemilius triumphauit ex Patercu-
lo.* 122.25. & 123.1. & seq.
- Lusonum ex Strabone vbi.* 5.3.
- Lusus & Lysa Bacchi comites fuerunt.* 1.7.
- Lusus Ascaridis Babyloniorum regis tempore in
Hiberia regnat ex suppositio Beroso.* 2.10.
- Lusus*

Lusus, a quo *Lusitania*, non homo sed ludus dicitur.
248.3. & seq.

Lyſa *Bacchi* comes cur *Lyſa* dictus. 1.17.

M

M *Ancius* *Christi* discipulus *Eborēſibus* prædicauit. 242.3.

S. Mancius quo tempore fuerit martyrium passus.

311.20. ubi sepultus. ibid. et 312.1. & seq.

Marchiones olim qui dicti. 169.3.

Maura oppidum duplex & vetus & nouum. 195.

& 196. & 197. & 198.

Merobriga *Lusitaniæ* oppidum ubi situm. 207.10.

& seq. & 208. per tot.

Meidubrigenses cur *plumbarij* dicti a *Plinio*.

160.13.

Minius omnes fluuios *Lusitaniæ* magnitudine superat. 5.21.

Minius a *mini*j frequentibus *venis* ex *Iustino* dictus.

103.1. dictus etiam non *Banis*, sed *Næbis*. 6

& seq. piscium feracissimus ibid. & seq.

Montes vide vocem *Lusitaniæ*.

Munda fluuius qualis. 94.95.

Municipes qui appellentur. 292.26. & 193.1. & seq.

Municipiorum præstantior conditio, quim *coloniarum*. 292.5.

Murenæ siue *murenulæ* qui pisces. 73.12.

Myrtilis *Anæ* fluuiio est imposita. 20.16. & seq.

N

N *Euocetobriga* qualis vrbs, & cur, sic dicta.

215.15. & seq. & 216.1. & seq.

Nilus

Nilus ex Strabone Siluris abundat. 75.3.
Nili brachium per Congi regnum Aethiopia va-
sta magnitudine pertransit. 85.19. & seq. & 86.
 & 86.1. & seq.

O

O *Lyssippo olim municipium ciuium Romano-*
rum. 17.17.
Orraca Alfonsi filia Comiti Burgundiae siue Tolo-
se in matrimonium data. 123.21.
Ossonobia Lusitaniae ciuitas fuit sedes Episcopalis.
 201.12. a *Rasi Mauro quo pacto vocetur.* 19.
 & *ipsius laus ex ipso Rasi.* 22. & 202.1. et seq.
Oster Germanice quid significet. 173.24.
Otho à Nerone fuit Lusitaniae praefectus. 169. 10.
Ostrogothi, & Vesogothi qui. 173.16. & seq.
Ozecarns quis fluius in Lusitania. 104.18. et seq.

P

P *Acenses & Emeritenses in Lusitania iuris*
Italici sunt. 3.18.
Pax Iulia ubi sita, & quae ibi antiquitatis monu-
menta. 416. & 417. per tot. vsque ad 422.
Pesures siue Pasuri qui sunt. 259.20.
Petrus Ratensis Apostoli Iacobi discipulus Braca-
rensibus praedicauit. 242.6.
Plutus Aristophanis latine redditus a Michaele
Cabedio. 409. vsque ad 445. 451.2. Iuppiter.
 16. & c.

Poema quo inducitur auctor Sebastianum auertens
ab expeditione in Mauros suscepta. 356. vsque
ad 366.

Poema conscriptum, eo tempore quo auctor patriā
longo tempore non visam adiuit. 369. vsque
ad 374.

Poema Michaelis Cabedij, quod inscribitur Vota
XV I I. 487. vsque ad 597.

Poema Antonij Cabedij in laudem villæ quæ Fon-
tellum dicitur. 532. vsque ad 546.

Poema conscriptum ad prosperam valetudinem.
546. 547. 548.

Poema Michaelis Cabedij in partum Ioannæ Sere-
nissimæ Lusitaniæ principissæ. 471. vsq. ad 486.

Poemata diuersorum argumentorum minora. 374.
vsque ad 381.

Poemata diuersa. 552. vsque ad 567.

Poema Michaelis Cabedij ad Senatores collegas
de tempore feriarum. 497. & 499.

Poemata minora diuersorum argumentorum Mi-
chaelis Cabedij. 499. & 498. & 509. 510. 511.
512. 513.

Poema Guterij ad Michaellem Cabedium regium
senatorem. 498. & 500. 510. 5.

Panegyricus ad principem Albertum Archiducē
Austriæ. 321. vsque ad 130.

Prætores cum sex securibus in prouinciā sibi de-
cretā mittebantur. 121. 3.

Promontorium sacrum cur hoc nomine donatum.
204. 9.

Promontoria Lusitania quæ .250. per totum .251.
1. & seq.

Pugionum vsus in Hispania antiquissimus. 50.5.2

R

Reguli multi diuersis in locis fuerunt in Hi-
spania, & quorundam ipsorum nomina. 109.
10. & seq. & 110. 1. & seq.

Roma post Troiæ euerfionem quoto anno condita.
113. 17. & seq.

Romani vias publicas & militares expeditas in
Italia, & in prouincijs fecerunt. 177. 14.

S

Sanctus Iacobus de Cacem oppidum Lusitaniæ
cur sic dictum. 209. 5. & seq.

Sebastianus Lusitaniæ rex in Orichiensi agro ar-
cum extruxit victoriæ monimentum. 229. per
totum & 230.

Serpa oppidum Lusitaniæ antiquum. 198. 17. &
sequen.

Sertorius in Lusitania quid gesserit. 150. 151. 152
& 153. 154. 155

Sertorius muros Eboræ extruxit. 281. 16. & 282
per totum.

Sertorius Eboræ domicilium habuit. 283. 12

Sertorius Eboram cur tantum amabat. 288. 5. 290
3. & seq.

Sibylla. vide in voce columnæ.

Silurus, vide vocem Nilus.

Silurus

Silurus piscis ex Arist. & Plinio qualis. 74.12.
& sequen.

Simena non concubina Alfonsi regis, sed vxor in-
sta ostenditur. 123.1. & seq.

Sisebutus quo anno regnauit. 310.24

Sinis Lusitaniae maritimum oppidum, & quae ibi
antiquitatis monumenta. 233. & 234

Stellæ mons in Lusitania Herminius dictus. 61.15

Subsolanus orientalis ventus quo pacto Germanice
vocatur. 173.26

Subur in Lusitania quis fluuius. 105.7. & seq.

Sueui relictis Alanis in Lusitania in Galleciam se
contulerunt. 176.23

T

T *Agrus mons Olysipponi vicinus ex Varrone.*
56.17. & 57.1. & seq.

Tagus unde ducat originem ex Strabone. 6.11. &
28.18

Tagus fluuius qualis ex Strabone. 88.89.90.91

Tagi nomen unde ductum. 91.92.93.94

Tapiæus mons Ansidianus ab oppido nuncupatur.
6.12

Tapiæi montis nomen non reperitur apud antiquos.
68.18

Tarraconensis prouincia ex Pomponio Mela descri-
bitur. 8.212

Testamentum Galli Fauonij Iocundi refertur. 145.
antepen. & 146. per tot. & 147

Therasia Alfonsi filia Henrico Lotharingiae Comiti
uxor data. 123.vlt.

Traia-

Traianus vias publicas, militares faciles & expeditas effecit. 177.18. & seq.

Transcudani populi qui sint. 259.23

Turduli qui olim dicti sint, & an a Turdetanis distincti. 23.1. & seq. & 24. per tot.

Turduli populi fuerint duplices. 23.7. & 24. antepen.

Turdetani populi qui dicantur. 259.10

Turdetani populi qui fuerint. 20.23. & 21. fere per totam.

Turduli cur dicti sint veteres. 41.6. & seq.

Turdali populi qui sint. 259. ult. neuis 103.6

Turia Valentie in Hispania Tarraconensi fluius. 98.18. & seq. & 99. per tot.

V

V *Acca fluius qualis, & quibus nominibus a Strabone & Ptolomæo vocatus.* 95. & 96

Vaschetani qui in Hispania dicti fuerint. 122.20. & seq. & 123. per tot.

Valentia a quibus condita fuerit. 148.15. & seq.

Vandali Beticam occuparunt. 175.9

Vettones qui populi olim fuerint. 25.26.27.28. & 29. per tot.

Vettones duæ gentes fuerunt, & quo pacto orthographia distinguantur. 29. per tot. & 33.4

Vettones Lusitaniæ populi circa Tagum cum duplici scribuntur. 29.25. & 30

Vettones Lusitaniæ populi, & citerioris provinciæ secundæ syllabæ quantitate differre probantur. 33.6. & seq. & 34.1. & seq.

Vetto-

- Vettones unde denominati sunt.* 253. 13
Via publica cur agger aliquando vocata sit. 178.
 7. & seq.
Viriatus Lusitanus qualis fuerit ex scriptoribus diffuse ostenditur. 134. & 135. & 136. per tot.
 138. & 139. 140. 141. & 142
Viriatus stratagemate simulans fugam equites Romanos multos occidit. 138. 12
Viriatii duo fuere, & quinam. 117. 24. & 118. per totum.
Villanizosa cur sic dicta, & quòd Callipolis dici possit. 237. 10. & inscriptiones ibi reperte. 238.
 & 239. & 240.
Vita Iacobi Mœnetij Vasconcelli ab ipso conscripta.
 264. vsq. ad 276.
Vita Gondisalvi Pinarij Episcopi Visensis. 331. vsq.
 ad 355.
Vita Michaelis Cabedij Senatoris regij. 392. vsq.
 ad 402.
Vitis apud Græcos quo tempore inuenta. 2. 15
Vizosa Callipolis potest vocari. 260. 16
Urbium Lusitaniæ nomina latina & vulgaria. 257.
 & 258. & 259.
Uest Germanice quid significet. 173. 20

Z

- Z** *Ephyrus ab occidente spirans quo pacto Germanice vocetur.* 173. 27

Errata precipua sic corrige.

Pag. 2. lin. 1. rabiti, leg. rabiel. p. 74. l. 25. esse, leg. esset.
p. 77. l. 21. halicutico, leg. halieutico. p. 85. l. 14. efficie,
leg. effigie. p. 88. l. 1. animum, leg. amnium. p. 149. l. 8. Orio-
sus, leg. Orosius. p. 96. l. 2. agtuham, leg. agatham. p. 199.
lin. 17. vocant Magnum quod, leg. Magnum quod vltcrius
erat. p. 300. l. 4. VVG. leg. AVG. p. 323. l. 9. sc, leg. sic.
p. 339. l. 17. cum, leg. eum. p. 390. l. 14. Threicia. p. 410.
l. 22. ca. leg. ch. p. 437. l. 4. fenestata, leg. fenestrata. p. 598.
l. 2. quid ista meis tamen, leg. quid tamen ista meis. p. 569.
l. 15. fatus, leg. foetus. p. 570. l. 15. pro, leg. pio.



ROMA
Apud Benedictum Balam. M. D. XCIV.
SABRIOLVM PERMISSV.

Registrum.

† A B C D E F G H I K L M N O P Q R S
T V X Y Z.

Aa Bb Cc Dd Ee Ff Gg Hh Ii Kk Ll
Mm Nn Oo Pp.

*Omnes sunt quaterniones, prater †, quæ est
duernio, & Pp, simplex.*



R O M Æ,
Apud Bernardum Basam. M. D. XCVII.

SUPERIORVM PERMISSV.